

The Ohio State University



3 2435 031148919

Hunlarn, Turklerin, Mogollarn v
D141G8159

001
V3

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	07	26	02	7	02	017	4

LIBRARY
OHIO STATE UNIVERSITY

A NOTE TO THE READER:

Because of its value and condition,
this volume has been microfilmed to
preserve its content.

Please check the Libraries' catalog
for location of a copy of that
microform.

Thank you,
The Preservation Office

4/28/1993
dg

هونلرك ، توركلر ، موغوللارك ودها سائر
غربي تاتارلوك تاريخ عموميسي

اوجھبی جلد

تأليف وتوجه انجمنی طرفندن قبول ايديلماسدر


هونيك تونكايك مونعوللك ودهاينلا ناناك

ناله ملسي
ناله ملسي
ع ١٤ حامله

مترجمي :
حسين ماهر

محرري :
دو كينبي Deguignes

3



استانبول

طنين مطبعه سي — ١٩٢٤

STX
D141
G 8193
1923
V.3

هونلرك تارىخ عمومىسى

يېنجى كىتاب

ھونەي قە توركلرى،

تاتارستاندا ھونلر ك انقراض تامى بوماتى محو ايتىك شويلا
دورسون بالعكس دها زياده انتشار ايتمه لرينه خدمت ايتمشدر .
بو واسع الكالره ، حتى آوروپايه داغيله رق برچوق مهم
اقوامه منشأ اولديلر . بونلرده ذى شوكت ايمپراطورلقلر
وجوده كتىرديلر . توركلر ك تأسيس ايتدىكى ايمپراطورلغك
چينى و آوروپاي تيتره تمش اولديغنى يوقا ريدە كورمشدك .
ايشته شيمدى يكي بر تورك ايمپراطورلغندن دها بحث ايدە جكزكه
چينلير ايچون اوتە كندن دها آز مدەش اولمامشدر . بو
ايمپراطورلغى تأسيس ايدن وهان بوتون تاتارستانه حاكم اولان
ھونەي قەلر دوغروودن دوغرويه قديم ھونلر ك نسلندن
كليورلردى . سائر تاتار ملتلىرى كې ، حتى متمدن قوملر كې ،
بونلر ك دە تاريخى بر طاقم افسانە لرلە باشلار . ھونلر ك قديم

تائوولرندن برينك او قدر كوزل ايكي قیزی واردی كه جناب
 حَقَّ بونلری علی العاده انسانلرله اوندیرمك ایچون خلق
 ایتمش اولدیغنه بردورلو اینانه مایوردی . بونلرك زوجی آنجق
 بر معبود اولاییلر ظن ایدیوردی . ایشته بو فکرله قیزلری
 الله ویرمك ایچون ممالكنك شمال طرفلرنده یو كسك بر قله
 یایدردی . كوزللكلرینك قربانی اولان ایکی پرنسس بورایه
 حبس ایدیلدیله . تائو و كلوب قیزلرله برلشمه سی ایچون الله
 دعالر ایتدی . تاتارلرك قوردلره قارشى پك یو كسك بر حسن
 ظنلری وار كیدر . چوق كرتاتار افسانه لری ایچنه بو حیوان
 قاریشیور . یوقاریده بونك بعض مثاللری ذ كر ایتمشدك .
 بورادده یكى ملتك پدری و مؤسسى ینه بر قورد اولمشدر .
 اختیار بر قورد تاتار پرنسسارینك محبسی اطرافنده کیجه
 كوندوز دولاشیور ، مدهش صورتده اولویهرق قله بی تحت
 ترصدده بولوندیریوردی . نهایت قله نك دینده كندیسنه بر
 این یایدی . كوچوك قیز ، اوزون مدتدن بری قله بی تدقیق
 ایتكدده اولان بوقوردك ، پدرلرینك كندیلری تخصص ایتدیكى
 معبوددن باشقه برشی اولامایه جغنى سویله یرك برلكده اشاعییه
 اینمكه همشیره سنی تشویق ایتدی . ایشته بو هوئی قه ملتك
 منشائی بودر . ادعا اولوندیغنه كوره بو ملت قورد سسینه
 مالكدی . شرقی سویله دكلری وقت قوردلرك هایقیریشمه لری
 تقلید ایدرلردی . هوئی قه لر سییر یاده تكثر ایتدیله .

ون هیه ن
 توم قائو
 الیه تایی قیسو
 قام مو
 قام شو

مقدارلری چوق برملت اولدیلر . اوزون مدت متعدد رئیسارک
تحت اداره سنده قالدیلر . هر عشرتک بر رئیسى واردی .
هوئى قه لر سائر بوتون تاتارلر کبی چادیرلر آلتنده ،
سورولری ایچنده قیرلرده یاشارلردی . سوت ایله ، حیوانات اتلریله
تغدی ایدرلردی . فقط چادرلری و آرابه لری سائر تاتارلر ککندن
دها یو کسک تکرلکلر اوزرینه موضوع ایدی . بوندن دولای
چیناییلر کندیلرینه قانۇچه Kao-tche یعنی یو کسک آرابه
لقبى ویرمشلردی . هوئى هو Hoei-hou وچه له Tche-le
تاملرینی ده طاشیمشلردر . بوصو ک اسمدن محرف اولمق اوزره
تیه له Tie-le کله سی وجود بولمشر .

قانۇچه لر پک چوق تکرلر ایتد کدن صو کره جنوبه دوغرو
ایندیلر ، لو هوئن های Lou-hoen-hai نامی ویریلن بر کولک
جوارنده یرلشدیلر . اورادن ژه ئوژهن تاتارلرینک اراضیسنه ،
چینک شمال حدودلرند توپا تاتارلرینک تأسیس ایتدکلری
ایمپراطورلغه آقینلر یاپدیلر . توپا تاتارلری ایمپراطوری تائو ووتی
Tao-vou-ti ، سوپونور کولنه ملحق اولان ژو شوی
Jo-choui نهرینی کچدی ، قانۇچه لرک یرلرینه یاقلاشدی ، بو
قوملری مغلوب ایتدی . صو کره لانغشان داغنده ایکنجی
بر مظفریته نائل اوله رق بوتون عشرتکرک اموالی یغما
ایله دی . الی بیکدن زیاده اسیر آلدی . اغتنام ایتدیکی مواشینک
مقداری بر میلیونه ، آرابه لرک عددی ده ایکی یوز بیکه بالغ اولیوردی .

دها صوكره ، عینی سلاله دن ایمپراطور تای ووتی
 Tai-vou-ti ، ژه ئوژدن تاتارلرینی مغلوب ایتد کدن صوكره ،
 شرق طرفلرینه دوغرو ساکن بولونان قائوچه لر اوزرینه
 عسکر سوق ایتدی ، ایچلرندن بر چوق عائله یی تحت انقیادینه
 آلدی . اونلری چولک جنوبنه کتیره رک په چهلی داخاند
 یوم پیم فو Yum pim-fou دن شنسی داخلنده ین غان فونک
 شمالنه قدر اولان یرلره ، چینک شمال جهتنه یرلشدیردی .
 بوراده اوچ بیسک لی وسعتنده بر یر اشغال ایدیورلردی .
 بونلری اداره ایتک و تحت اطاعت و انقیادده طوتمق ایچون
 قوماندانلر تعیین ایتدی . بو قائوچه عائله لری زراعت ایله ،
 حیوان یتیشدیرمک ایله مشغول اولدیلر . بو حدودلر اوزرند
 اقامتلری چینلیلرک برچوق مواشی صاحبی اولماسنه خدمت
 ایتمشدر . صوكره لری بو عائله لردن بر قسمنی دها اوزاقلره
 نقل ایتک ایسته دیلر . بونک اوزرینه بونلر سلاحه صاریلهرق
 توپا تاتارلری ایمپراطورینه قارشى عصیان ایتدیلر . ایمپراطور
 عسکر سوقنه مجبور قالدی . قائوچه لره غلبه چالان بو توپا
 ایمپراطورلری او زمان پک ذی قدرت ایدیلر . کندیلرینه تا
 سیریاده بیلله حرمت ایدیورلردی . اساساً سیریادن نشئت
 ایتشلردی . چوقدن بری سیریایی ترک ایدرک کلوب چینده
 یرلشمشدر ، غوئهی نامی آلتنده حکمران اولمغه باشلامشلردی .
 مسافه نك اوزاقلغنه رغماً بو اسکی مملکتلریله مناسبتلرینی

- کسمه مشلردی . اورا سکنه سی اونلره سفیرلر کوندیرلردی .
 اجدادلرینک مزارلری اوراده الآن موجود ایدی .
 اورالرده قربانلر کسديريرلردی . چینده دائره مدینه داخل
 اولدقدن صوکره ، اورالرده برطاقم محکوکات دده یاپدیر مشلردی .
 مع مافیه بو قوتلی توپا ایمپراطورلغنک موجودیتنه رغماً
 تاتارستانده خصوصی خانلرده واردی . بونلر اوزمان ژه ئوژدن
 نسلندن ایدیلر . قانچه لرده ژه ئوژدنلره تابع ایسه لرده نوپالردن
 بك قورقمازلردی . آراده صیراده توپالره قارشى عصیان ایدرلر
 واونلره غلبه چالارلردی . فقط فومیم تون Fou mim-tun
 نامنده کی ژه ئوژدن خاننک ظالملى قانچه لرك قوتى آتیرمغه
 دهاز یاده خدمت ایتشدر . قانچه لرك رئیسى آفوجى لو A-fou-
 tchi-lo یوزبیک عالئلنک باشنه کچه لرك ایرتیش نهري طرفلرینه
 چکیلدی . اوراده قرال عنوانی آلدی . متعدد مصادماتده
 ژه ئوژدنلری مغلوب ایتدی . صوکره دها شرقده کی
 ممالکه عودت ایله توپالر یاخود غوثی لرله اتفاق یاپدی . چولده
 لوپ کولی ساحلنده ژه ئوژدنلر خانى توهان To-han ایله وقوعه
 کان بر محاربه ده اونی مغلوب و اتلاف ایتدی . بر مدت
 صوکره ژه ئوژدنلر انتقاملرینی آلدیلر . اوزمان قانچه لرك
 رئیسى اولان می غنوتو Mi-gno-to یی اولدیردیلر .
 برادری ئی فو Y-fou ملتنک باشنه کچدی . ژه ئوژدنلر خانى
 پولوموئن Po-lo-muen خانى مغلوب ایتدی . ایرته سی سنه ده

قام مو
ون هیه ن
توم قاتو

سنه
۴۷۱

قام مو

۴۹۱

۵۰۸

۵۱۶

۵۲۱

۵۲۲

كندیسنى قارداشى يۈئە قىيو Yue-kui اولدىردى . قانۇچەلر ك
رياستنى او آلدى .

بو وقايع جريان ايدركن چينك شمالنده الان بر چوق
قانۇچە عائله لرى واردى . غوئە يىلر ك تحت تابعيتنده بولونيورلردى .
بونلرى غوئە يىلر اردوسىنده استخدا م ايدىيورلردى . چوق
كره ژە ئوژەن تانارلرينك اراضيسنه كيدوب آقنلر ياپيورلردى .
چوق كره ده غوئە لى لىر ايمپراطورلرينه قارشى عصيان ايدەرك
اونلرى اردولر كوندرمىكە وقواي محافظه بولوندىرمغە مجبور
براقيورلردى . ملتك ديكر قسمنى هيچ علاقه دار ايمەين
بو حرقاتى حائز اهميت كورمەديكم ايچون اوزون اوزون
تفصيلات ويرمە يە جكم . بوتون بوقوملر ، كذلاك تانارستانده
اقامت ايدنلر قسماً غوئە يىلرە ، قسماً ژە ئوژەنلرە تابع
بولونيورلردى . بوتانارلر ك انقراضندن صو كره ده توركلر ك
تحت تابعيتته كچدىلر .

غرب توركارينك خانى چولو Tchou-lo قانۇچەلرە غلبە
چالدى . قانۇچەلر او كا ويركو ويردىلر . چولو بوقومك
عصيانندن قورقدينى ايچون رئيسلرى طوپلايه رق هپ بردن
قتل ايتدىردى . بونك اوزرينه قانۇچەلر درحال سلاحه
صاريله رق قولنغ Ko-leng نامنده بر خان انتخاب ايتدىلر .
او كا مو هو خان Mo-ho عنوانى ويردىلر . بو خانه قارشى
متعدد موفقيتلرە نائل اولدىلر ، هامى ، ايغور ، هاراشار

سنه
۶۰۶
قام مو
نام شو
وين هيهن
نوم قانو

المکالرینی اله کچیردیله . سیهین تو Sie-yen-to رئیسارندن بری
ایکنجی خان عنوانی آلدی .

بوتون بوقوملر تاتارستانه کیتدیکجه دهها زیاده یاییلدیلر
وپک قوت بولدیله . تورکلرک بویوندوروغنی سیلکوب
آتهرق بر ایمپراطورلغک تملنی قوردیلر . صوکره بو
ایمپراطورلق بوتون تاتارستانی اشغال ایتمشدر . قاثوچهلر بر
چوق عشیرتله منقسم ایدیلر . هر برینک برر رئیس واردی .
صوکره بوتون ملتہ کندی نامنی ویرن ایلاک عشیرت
هونهی قه یاخود غونهی قه اسمنی طاشیوردی . بو، غایت غلبهلق
و جسور بر عشیرت ایدی . ابتدالری هیچ بر رئیس یوقدی .
بوقوملر بوتون تاتارلر کی نهر قیلیرنی ارارلر، سورولریله
برابر اوتیه بری یه دولاشیرلردی . سولینغ شویی یاخود سلینغا
نهرینک جنوبنده و سیهین تو عشیرتنک شمالنده ساکن ایدیلر .
ایکنجی عشیرت سیهین تو نامنی حائز ایدی . وقتيله تورکلره
قارشی عصیان ایتشر، غایت قوت بولمش و تاتارستان ایمپراطورلغنی
اله کچیرمشدی . موقو خان بو عشیرتدن ایدی . سیه نامنده قدیم
بر هون عشیرتی طرفندن تشکیل ایدیلمشدی . بونلر چولک
شمالنده ساکن ایدیلر . بوسیهلر مؤخرأ دیگر بر هون عشیرتی
اولان ین تولری مغلوب ایتدیلر . اوتارینخدن صوکره، برلکده
یاشایان بو ایکی عشیرته سیهین تو نامی ویریلدی .

قی پی یو Ki pi-yu نامنده کی اوچنجی عشیرت هاراشارک

لیه تایی قیسو
قام مو
ون هیه ن
توم قاثو
تام شو

شمال غربی سنده، تولان قو Tou-lan-ko لرك آراسنده یاشایوردی.
بو قوملر غایت جسور ایدیلر.

دردنجی عشیرت توپو Tou-po نامنده ایدی. سیریاده
بایقال کولی طرفلرنده اوتوریوردی. بو عشیره منسوب
قوملر دیگر لرینه نسبتله دها چوق باربار ایدیلر. هیچ زراعتله
مشغول اولمازلردی. نه صیغیرلری واردی نه قویونلری. اوت
کوکاريله، اولادقلری حیوان اتلریله، یاخود طوطقلری بالقارله
تعیش ایدرلردی. اثوابلری حیوان دریسندن عبارتدی. اولولرك
نعشیرینی آغاچلره آصارلردی. حاصلی بو قوملر تماميله باربار
ایدیلر. نه قوانین طانیرلردی نه ده مواسمدن خبردار ایدیلر.

بشنجیسی قولی هان Ko-li-han عشیرتی ایدی. بوده
سیریاده بایقال کولی ساحلنده ساکن ایدی. بوراسی بو کون
قرجیس Kergis لرك مملکتی دیدیکمز یردرکه چرکسلر
اورادن نشئت ایتشلردر. الآن بارکیرلرینک کوزلکیه
مشهوردر. فقط هواسی پک صوغو قدر.

آلتنجی عشیره تولان قو To-lan-ko نامی ویریلر. بو
قوملر سیهین تولرك شرقنده، کولک شمالنده، توملو Tum-lo
دنیلن برنهرک ساحلنده ساکن ایدیلر.

یدنجی عشیرتک اسمی پوقو Pou-ko ایدی. بو عشیرت
شمالده تولان قولرك شرقنده اوتوریوردی. بوکاپوسیو Pou-siu
ده دیرلردی.

سكزنجی پایه قو Pa-ye-kou عشیرتی پوقولرك شرقنده
و موقولرك جوارنده در . بونلر آوجیلقله اشتغان ایدرلردی .
روایت اولوندیغنه کوره بونلرك مملکتنده اودونلری طاش
حاله کتیرن بر نهر واردر .

دوقوزنجی عشیرته تونغ لو Tong-lo تسمیه ایدیلیور .
تولان قولرك شرقنده ، سیهین تولرك شمالنده ، قزلون Kerlon
جنوبنده ساکن ایدیلر . جوارلرند بویوک بر کول واردی .
یوالکا ، سیغان فودن اون یدی بیک بش یوز لی مسافه ده در .
هوئن Hoen نامی طاشیدیان اونجی عشیرت هپسینک اک
جنوبنده در .

اون برنجی سه قیه Sse-kie عشیرتی سیهین تولرله عینی
الکاده ، چولاك شمالنده مقیم ایدیلر .

اون ایکنجی عشیرت قیای سیه Kiai-sie نامیله معروف
ایدی . تولان قولرك شمال شرقیسنده و پوقولرك جوارنده ساکن
بولونیورلردی .

اون اوچنجی هی قیه Hi-kie عشیرتی تونغ لولرك شمالنده
وپوقولرك شرقنده ساکن ایدیلر .

اون دردنجی عشیرت اوتیه O-tie یاخود آتیه A-tie
نامی حائر اولوب تولان قولرك شمال غریبسند یولشمشلردی .

اون بشنجی عشیرت ایسه په سیه ئو Pe-sieou نامیله یاد
ایدیلیردی . قیتانلی الکاسنک شمالنده ، سیهین لرك اسکی
مملکتنده مقیم ایدیلر .

بو ملتك بوتون انتشارىنى آ كلاتمق اچون بو عشيرتلك
مقدارىنى وساكن اولدقلىرى يرلى تفصيل ايتك لازم ايدى .
بونلر هب توركلرك تحت تابعيتنده ايدىلر . اچلرندن برچوغى
تورك بويوندوروغندن قورتولمق تشببشده بولوندىلر . بالخاصه
سيهين تو عشيرتى بوكا چاليشدى . چولو خان ، رئيسلىرىنى
اولديرتدكن صوكره اوهو Ou-hou ياخود اوكه Ou-ke
عشيرتى ، پوقولر ، تونغولر وپايه قولرله برلشدى . هپسى بردن
عصيان ايدرك بر رئيس تعيين ايتدىلر . بو رئيس سه قين [۱]
نامنى طاشيوردى . بونك اوزرينه بو ملت هوئى قه نامنى آلدى .
ايلك رئيسك ياخود سه قينك عائله اسمى يولوقو Yo-lo-ko
ياخود بعضيلرينك روايتنجه Yo ko-lo ايدى . اصل اسمى
شى قيهن Chi-kien اولوب معيتنده يوز بيك كشى واردى .
بونلرك نصفى عسكر ايدى . شى قيهنك پوسا Pou-sa اسمنده
بر اوغلى واردى . جسارتى واحتياطكارلغى ايله كنديسىنى
هوئى قه لره سوديرمشدى . اردونك باشنده يورويور وملتته
مظفريتلىر قازانيوردى . شى قيهنك وفاتندن صوكره
هوئى قه لره او رئيس اولدى . والده مى اولو هوئن
On lo-hoen ايله برلكده بو عشيرتلىر عاقلانه اداره
ايتدى . هوئى قه لر ياواش ياواش تاتارستانده كى اقوامى
قورقوتمغه باشلامشلىرىدى . سيهين تولرله برلكده تورك

[۱] قين Ki kin ده دىلىر .

ایمپراطور اغنک شمال حدود لرینه آقینلر یاپدیلر . پوسا ، قیلى
 خانك كندیسنه قارشى كوندرمىش اولدیغى يوز بيك كشيلىك
 بر اردويى بش بيك سوارى ايله پریشان ایتدی ، آلتای
 داغلرینه قدر پیشنى بر اقامادی . شهرتى بوتون تاتارستانى
 طوتدی . هوئوقیهلى فا Houo-kie-li-fa نامى آلدی .
 یا تختى تولا Toula شهرينك شمالنده تأسیس ایتدی . صوكره
 چینلیلرله اتفاقه چالیشدی . تام سلاله سندن ایمپراطورتای -
 تسونغه بر طاقم هدایا ايله برلکده سفیرلر كوندردی . ملتك
 پوقو ، پایه قو ، توانغلو ، یه سیه ثو و هوئنلر كبی دها بر طاقم
 عشیرتلى ده اونك بو مثالنى تعقیب ایتدیلر . بو اجنبیلرک
 چینیه مواصلتی چین نامنك بوتون سیبریاده طانماسنه خدمت
 ایتدی . شه غوئی Che goei دنیان قوملردن ده چینیه
 سفیرلر کلدیکی کورولدی . بونلر بوکون تونغوز دیدیکمز
 قوملر ایدی . أمور نهري جوارنده ساکن اولیورلر ، لهنا
 نهري بونجه انتشار ایدیورلردی .

پوسانك وفاتندن صوكره یرینه تومی تو Tou-mi-tou
 كچدی . بوتون عشیرتلك عسکرلرینی طوپلادی . سیهین -
 تولرك اوزرینه یورویهرك اونلری محو ایتدی . مملکتلرینی
 ضبط ایتدکن صوكره او زمان شنسی داخلنده ایم چهئوده
 بولونان تامار ایمپراطوری تای تسونغه سفیرلر یوللادی .
 ایمپراطور هیئت سفارتی قیم یامده قبول ایتدی . هوئییه قه لر

سنه
 ۲۲۹
 لیه تایی قیسو

۶۳۱

۶۴۶

لیه تاي قيسو
تام شو
ون هیه ن
توم قاتو

سنه
۶۴۷

چینه عرض تابعیت ایتدکلرینی بیان ایله کندیلرینی اداره
ایچون چین قوماندانلری کوندرمه سنی رجا ایلدیلر . چونکه
سیه ن تولا ایمپراطور کی بویوک و ذی شوکت بر حکمداره
عرض انقیاد ایتک ایسته مدکلری ایچون بویله محو و منقرض
اولمشلردی . کندیلری ده اونلرک عاقبتنه اوغرامق ایسته میورلردی .
تای تسونغ بو سفیرلره بویوک بر ضیافت ویردی . مملکتلرینه
تقریباً بیک قدر چین قوماندان و ضابطی کوندردی . بونلر
بو واسع الکی متعدد ولایتلره آیردیلر ، باشلیجه عشیرت
رئیسلرینه تقسیم ایتدیلر . بورؤسادن هربری بر چین قوماندانه
تابع ایدی . قوشاقلرنده آلتون قاقه لی بر بالق طاشیورلردی .
ایمپراطور بونلری چینک تحت تابعیتنده قالمغه دها زیاده تشویق
ایچون بر چوق ایپکلی اثوابلر ، مزین قیلینجیلر هدیه ایتدی .
چیندن تاتارستانه دها قولایجه کیده بیلک ایچون بویوک یوللر
انشا ایتمه سنی ، ایمپراطوردن رجا ایلدیلر . تای تسونغ جولده
آتمش سکیز منزل تأسیس ایتدی . یولجیلر بورالرده بارگیر ،
یوغورت و ات بولیورلردی . بو منزللر عینی زمانده بو قوملرک
ویرکو مقامنده چینه کتیردکلری سمور دریلرینی طویلامغه ده
خدمت ایدیورلردی . تومی تویه چین اردولری قوماندانی
عنوانی ویریلدی . فقط کندیسی خان عنواتی طاقنه رق تسویه
امور ایچون متعدد قوماندانلر نصب ایتدی . بونلر اردولرک
اداره سنه ده مأمور ایدیلر . بو اقوام آراسنده بر شکل

۶۴۸

حکومت تاسىسىنى مۇۋاپىق ئولۇر اولماز ، قارىلاردىن بىرلە
غىر مشرۇع مۇناسىۋەتتە بولۇنمىغە ئىسلامىش اولان اوقە
Ou-ke نامىدە بىر يىكنى تومى تومى قىل ايتىك فىكرىنە
دوشىدى . تومى تو قىل اولۇندى . مجرم ، شىرىكلىرى
ايله بىرلىكدە چەپى خانك يانە التجا ايتدى . چىنلىلار
ارتىك ايتدىكى جىنايىتى اونوتمىش كى كورونەرك اوكا بىر طاقم
وعىلدە بولۇندىلار ، مەم مامورىتلار تىكلىف ايتدىلار . بولارە
آلدانەرق چىنلىلار يانە عودت ايتدى . فقط درحال قىفاسىنى
كىسىدىلار . چىن اىمپىراتورى ، هوئە قەلرك ھى بىردىن
كىندىسىنە قارشى عصيان ايتەلرى قورقوسىلە اولارلى تىكىن
ايتىك ، عادىللىرى مۇجىجە تومى تومى عنوانلار وىزمىك ، جنازە
مىصارفىنى تىسۋىە ايله مىك و اوغلى پوژون Po-jun ى يىرنە
چىقارمىق اچۇن دىوان حرب رىئىسى اعزام ايتدى . تومى تونىك
قىلەندە دى مىدخلى بولۇنان قىولۇپۇدە چىندە توقىف اولۇندى .
توراك اوسوناھولو Osuna · ho-lou بوقارىش قىلقلاردىن بالاسىتفادە
اورغون وىلىنىغا نەللىرى مىنبىللىرى آراسىندە هوئە قەلرك
رئىسلرىنە مىقر اولان شىمال قىراركاھنى ضبط ايتدى . پوژون
اللى بىك عىسكىر طوپىلايەرق هولوى مىغلوب ايتدى . شىمال
پايتختى تىكرار الە كچىردى . سوكرە ، اىلى نەللى اردوللىرى
قوماندانلىلە بىرلىكدە قىن ياشان داغندە هولوى اىكىنجى دفعە
بىر دىھا مىغلوبىتە اوغراتەرق اىمپىراتوردىن عىسا كر خاسە

ضابطلکى عنوانى استحصال ايتدى . قورده سفرنده ايمپراطورك
معيتنده بولوندى .

دها برطاقم سيبريا قوملىرى ده هوئەى قەلرە باقەرق چينە
عرض تابعيت ايتدىلر . الك ابتداقيه قولر ياخود تعبير آخرله
قيەن قوئنلر چينلىلرک نفوذىنى تصديق ايلدىلر . بو قوملر
هوئەى قەلرک شەل غەربىسەندە شىمدى ايرقوچق شەرىنك
بولوندىغى یرده ساکن ايدىلر . اوزون بويلى ، قىزىل
صاچلى ، ماوى كوزلى آدملىردى . تقريباً سەكسان بيك عەسكەر
چىقارايلىرلردى . توركارە قومشو ايدىلر . وقتيله سىيەن تولرە
تابع اولمشلردى . ايمپراطور تاي تسونف بونلرک مملەكتلىرىنى
بر چين ولايتى حالە كتىردى .

هوئەى قەلر رئيسى پوژونك وفاتىندن سوكرە یرىنە اوغلى
پەلى Pe-li كچدى . فقط پدرىنك اترىنە اقتفا ایتە يەرك چينلىلرە
اتفاقي اھال ايتدى . توملولر و پوقولرە برابر كىدوب چين
حدودلرىنى تخریب ایلدى . ايمپراطور بو عاصىلرە قارشى يوز
بيك عەسكەرلە متعدد قوماندانلر كوندردى . اكر چينلىلر
سەلىغا [۱] نەرىنە و آلتاي داغلرىنە دوغر و پك فضلە ايلر يەلەمەش
اولسەلر ايدى هوئەى قەلر تماميلە مغلوب اولە جقلردى . چين
اردوسنك بويوك رقىسمى بورادە قارلر ، صوغوقلر وقىطلق

سنه
۶۶۱
قام مو
لە تاي قيسو
ون هين
توم قانو
تام شو
۶۶۲
۶۶۳

[۱] بن بونەر اولدىغى تخمین ایدیورم . چين مورخلىرى موضوع
بحث اولان نەرە سىيەنغو Sien-go دیورلر .

يوزندن لىف اولدى . بونك اوزرىنه قىپىلر عشىرتىدىن ھولى
 Ho-li اىمپراطور ك امرىيە تاسىس سىكون اىچون ھوئەى
 قەلرك نىزىنە كىتدى . عىن زماندەدە چىن قوماندانلىرى
 مېتباقى عصات اوزرىنە يورودىلر و اونلىرى تحت انقىادە
 آلدىلر . بونك اوزرىنە بو مملەكتك مرجع تابعىتى بر آز
 د كىشىدىردىلر . پەلى وفات ايتىدىكىدىن سو كره اوغلى توھىي چى
 Tou-hiai-tchi مائە رىئس اولدى . اونك زمان حكومتىندە
 تونغ لولر ، پوقولر و دھا سائر ھوئەى قەلر چىن اىمپراطورىنە
 قارشى عصيان ايتدىلر . فقط سوپونور كولى طرىقىلە كان چىن
 عسكرلىرى اونلىرى تامامىلە بوزدىلر . دىكر طرفدىن توركلارك
 اىمپراطورى مەچو Me-tchou بوتون ھوئەى قە الكاسنى
 ضبط ايتدى . بالخاصە ھوئەى قە نامنى طاشيان عشىرت قىپىلرە ،
 سىھ قىلرە و ھوئىلرە التحاق ايدەرك چولك جنوب طرفنە
 كچدى . شىنىنك غەربە دوغرواك صوك قىسملىرىندە قان چەئو
 ولە آم چەئو شىرلىرى آراسىندە يرلىشىدى . بوتون بو عشىرتلر چىن
 اردوسىندە استىخدام اولونىوردى . غايت اى برسووارى قوتى
 وجودە كىتىرىلردى .

توھىي چىيە اوغلى فوتى فو Fou-ti-fou خلف اولدى .
 ملىك رىئسى اعلان ايدىلدىكىنك اىرتەسى سىنەسى توركلارك
 مەچو نامىندەكى خانى پاھ قونك شىمالىندە كىندىسىنى مغلوب ايتدى .
 فقط سو كره بوقوملر مەچوخانى غافل باصەرق باشنى كىسىلر

سەنە

۶۸۵

قامپو
 نام شو
 لىھ تاي قىسو

سەنە

۷۱۶

و چينلييلره يوللاديلر . بونك اوزرينه هوئەى قەلرك بىش عىشیرتى
چين ايمپراطورينه تابع اولديلر بونلرى تاووقيون Ta-vou-kinn
دنيان بىر يرك شمانه يرلشديرديلر .

فوتى فودن صوكره اوغلى چينغ تسونغ Tching-tong
ملت رئيسى اعلان اولوندى . له آم چه ئوواليسيله بعض منازعاتده
بولوندى . كنديسنى بر چوق شيلرله اتهام ايدەرك سوركونه
كوندرديلر . اوراده وفات ايتدى . هوئەى قەلر چين حكومتندن
يك صوغومشردى . چينغ تسونغك اقرباسندن هوشو Hou-chu
ملتك عدم ممنونيتدن استفاده ايله كيدوب له آم چه ئو واليسنه
هجوم ايتدى . بو قوماندانى اولديردى . تاتارستانه منتهى ارلان
يوللارى قاياتدى . صوكره توركلرك ياننه قاچەرق اوراده وفات
ايتدى . يرينه اوغلى قولى سى لو Ko-li-si-lo كچدى .

هوئەى قەلرك بويكى رئيسى چين ايمپراطورينه سفيرلر
كوندردى . ايمپراطور اوكا فونغ ئى وام Fong-y-vam عنوانى
ويردى . تولى سى لو توركلرك تحت تابعيتده ايدى . فقط توركلر
آراسنده حكم سورن نفاق و شقاقدن استفاده ايدەرك قولولر
رئيسى ايله برلكده عصيان ايلدى . برلكده پاسىمى Pa-si-mi
لره هجوم ايتديلر . بونلر ، تورك خانى او صيراده مغلوب
ايتشلردى . بونك اوزرينه قولى سى لو ، قوتولوپ قياقيوئە خان
Ko-to-lou-pi-kia-kiue عنوانى آلدى . هوئەى قەلرك عظمتى
بوتاريخدن اعتباراً باشلار . اوزمانه قدر يا چينلييلرك ياتورككلرك

سنه

۷۴۲

ليه تاي قيسو

تام شو

ون هيهن

توم قانو

۷۴۴

تایملری ایدیلر . بو خان ، چین ایمپراطورندن هوآی
چین خان Hoai-gin عنوانی آلدی . توركلارك اشغال
ایتدكلری بوتون مملكتلری ضبط ایله سیرایی اوتیهینه-
شان Ou-te-kien-chan دغی ایله قوئن هو Kue ho
نهری آراسنده بر یرده تأسیس ایتدی . بوتون هوئی قه
عشیرتلرینی تحت تابعیته آلمشدی . صوكره پاسیمیلری وقولولور-
لری ده تسخیر ایدرك یکی ایمپراطورلغلك هر طرفنه قوماندانلر
كوندردی . فقط اك زیاده قوت وشوكتنی تأمین ایدن شی
چین ایمپراطوری طرفندن غایت مطمئن صورتده بویوك خان
اوله رق طانماسی ایدی . كوندردیكى سفیرلر ایمپراطورك باش
وكیللارندن برینك الندن چین سیراینده ترامپت و طبل سسلری
آراسنده ، اوكلرنده سنجاقلری تموج ایتدیكى حالده ،
فرمان آلمشردی .

قی لی سی لو تاتارستان خانی اولدقن صوكره توركلارك
ایمپراطوری په موئی خانی مغلوب واتلاف ایتدی . بونك اوزرینه
دولنك حدودلری غرب طرفنده آلتای داغلرینه و ایرتیش
نهرینه ، شرق طرفنده شه غوئی یاخود تونغوز الكاسنه قدر
امتداد ایتدی . تونغوزلر امور نهری بویلرنده ساكن بولونیورلردی .
فقط مظفرياتنك شمراتسندن اوزون مدت مستفید اولمادی .
تاتارستانه بویوك خان اولور اولماز وفات ایتدی . اوغلی موین چو
Mo-yen-tcho قوله خان Ko-le عنوانی آلتنده كیندیسنك

یرینه کچدی . بو حکمدار هر سنه چین ایمپراطورینه منتظماً
سغیرلر اعزام ایدیوردی . چینلیله بویوک خدمتله ایفایتدی .
ایمپراطور عنوانی آلان و تام سلاله سنک الندن ایمپراطورلغی
غصب ایده جک کی کورونن عاصی غان لوشان Gan-lo-chan ی
ازمک اوزره قوه امدادیه کوندرمکی تکلیف ایتدی .

غان لوشان ، ایمپراطور هیوئن تسونغ ک قوماندانلردن بری
ایدی . ایمپراطور بونک بویوک بر نفوذ کسب ایتمه سنه مسامحه
ایتمشدی . هر کون کندیسنه یکی بر لطفده بولونیور و آنجق
بر حکمداره کوستریله جک آثار حرمت و تعظیمی اونک حقنده ده
ایفا ایتدیریوردی . بو قوماندان ایمپراطور سراینده حاکم
کیلمشدی . ایمپراطور یچه طرفندن اولادلغه قبول ایدلمش
اولماسی دولایسیله کیجه کوندوز سرایه کیروب چیقابیلیور ،
پرنسسلرله کوروشیوردی . غان لوشانک عصیان تصورنده اولدیغنه
دائر وقوع بولان اخباراتی ایمپراطور پک فنا بر صورتده تلقی
ایتدی . غان لوشانه معارض بولونان ناظرلرله قوماندانلر نفی
ایدیلدیلر . ایمپراطور ، غان لوشان آرتق کندیسندن قورقمایه جق
درجه ده صاحب قدرت بر حاله کلدیکی وقت اوندن شبهه
ایتمکه باشلادی . غان لوشان یوزاللی بیك عسکردن فضله بر
اردو تدارک ایتمشدی . اردونک قسم اعظمی خیتانلردن و سائر
شرقی تاتارلردن ترکیب ایدیوردی . ابتدا کلوب ، ایمپراطورک
بولوندیغی لویام شهرینه تجاوز ایتدی . شانتونغ ، شانسی و هونان

ولایتلارینی همان کاملاً اله کچیردی . ایمپراطورک قاپلادیغی فنا
نصیحتلر ایمپراطورلغک خرابیسنی اکمال ایدیوردی . سیغانفو
عاصینک ید ضبطنه دوشدی . ایمپراطور سه چوئن ولایتنه
قاچمغه مجبور اولدی . ایشته بو احوال ایچنیده ، بویوک بر
محاربه ده مغلوبیتدن صو کره ایمپراطور هیوئن تسونغ ، هوئه ی قه لرك
وتوقانلرك خانه مراجعت ایتدی . قوله خان ایمپراطوك امدادینه
کوندردیكى عسا كرك قومانداسینی قولوچی Ko-lo-tchi یه
ویردی . بوده قوماندان قوتسه ئی Kou-tce-y ایله یرلشدی .
برلکده تونغلو Tong-lo لره قارشى یورودیلر . قزلون
طرفلرندە ساکن اولان بو هوئه ی قه عشیرتی غان لوشان
طرفنی التزام ایتشدی . بو عاصینک عسکرلری قراگاه تأسیس
ایتمش اولدقلری سیغانفو جوارلرینی ترك ایدەرك دیگر
تاتارلره التحاق ایتک فکریله اورتوس الکاسنه کیتدیله .
صو کره کلوب چین حدودلرینی تخریب ایتک املنده ایدیلر .
فقط چین وهوئه ی قه عسا کری طرفندن مغلوب ایدیلدیلر .
ایمپراطور ، بوتاتارلرك ایفا ایتدکلری خدمته قارشى برنشانه
تشکر اولق اوزره خانلرینک قیزینه ، چین خاندان ایمپراطو -
ریسندن ایمش کبی پرنسس عنواتی ویردی . صوک درجه ده
مشکلات ایچنده بولوندیغندن بو قوملری خوش طوتمق
اضطرارنده ایدی . صو کره خانک اوغنی یهو Ye-hou
درت بیك کشیلاک بر مفرزه ایله چینه کیتدی . قوتسه ئی

ایله کوروتسدى . قوتسه ئى بوتاتارلره ضیافتلر چکدى . فقط
یه هو بواکلنجه لره اشتراک ایتک ایسته مدی . ایمپراطورلغ
او زمان بولوندیغی حاله کوره دشمنلرک ازاله وجودی ایله
اوغراشمقدن باشقه برشی دوشونمک جائز اولمادیغی سویله .
یوردی . قونغ نهري اوزرنده وقوعه کلن بر محاربه ده حاضر
بولوندى . عاصیلر بورایه کیزلیجه بر مقدار عسکر یرلشدیر .
مشلردی . هوئی قه لر بولره هجوم ایتدیلر ، اوقلریله اولری
داغیتدیلر . صوکره ، چینلیلردن ، تاتارلردن ، هندلیلردن ،
عربلردن [۱] مرکب چین اردوسنک قسم متباقیسیله سیغان .
فویه یاقلاشدیلر . عاصیلر مغلوب اولدی . هوئی قه لر بولره
آرقه دن هجوم ایدرک پک چوقلرینی اتلاف ایتدیلر . غان و .
شانى خنچرله قتل ایتدیردکن صوکره یرینه کچمش اولان
اوغلی غان قینگ سو Gan-king-su شرق سرایخی یعنی یویامی ترکه
مجبور اولدی . شمال طرفنه چکیلدى . ایمپراطورک کیزلی
دشمنلردن بمضیلری هوئی قه لری بو شهرى یاغمايه تشویق
ایتدیلر . تاتارلر اوچ کون شهرى آلت اوست ایدرک
بوتون دبویلری بوشالتدیلر . کندیلرینی آنجق هدیه قوتیه
دوردیراییلادیلر . بو حرکته رغماً یه هوینه چین سراینه
کیتدی . امداد آرامق احتیاجی ایمپراطوری بو حقارت
وتجاووزی اونوتغنه مجبور ایتدی . ایمپراطور ، یه هوئی استقبال

ایچون باشلیجه قوماندانلرینی کوندردی . بویوک بر ضیافت ویردی . یه هو عسکرلرینی چینده براقغی ، آت تدارک ایتک ایچون تاتارستانه کیدرک چین سواریلرینه آت ویرمکی ، صوکره الا آن عاصیلرکالنده بولونان شهرلری استرداد ایلهمکی تکلیف ایتدی . ایمپراطور بو تکلیفاتدن دولایی تشکرلر ایدرک اوکا بر چوقده هدیهلرله برابر چونغ ئی وام Tchong-y-vam عنوانی ویردی . هر سنه تاتارستانه هدیهلر کوندرمک وعدنده بولوندی .

سنه
۷۵۸
ون هیه ن
توم قاتو
لیه تای قیسو
قام مو

چینلیلر ده بوقدر مهم خدمتله ایفا ایتش اولان بویوک خان ، ایمپراطورک قیزلرندن برینک دست ازدواجنه طالب اولدی . خانک سفیرلری چین سراینده اوزمان ایکنجی عباسی خلیفه سی اولان ابو جعفر المنصورک سفیرلریله بولوشدیله . کیمک تقدم ایتمه سی لازم کله جکی ، کیمک قبول سالوننه دها اول کیره جکی مسئله سنی حل ایچون بر خیلی مناقشه اولدی . بو اختلافی حل ایچون تشریفات مأمورلری بونلری مختلف قایلردن ایچری یه صوقدیله . عربلر چیتلیلرک حرکتندن ممنون اولما مشلره بکیزر . چونکه او سنه قانتونی یاقدیله ، بوتون مغازه لری یغما ایتدیله و کیملرینه دوندیله . خان ، چین پرنسسینی آلدی . عینی زمانده یم وو غوئی یی یوئن پی قیاقیوئه خان Im-vou-goei-yuen-pi-kia-kioe عنواننده نال اولدی . ایمپراطور ، کریمه سنی تاتارستانه اعزام ایچون یوئن پی و دها سائر بعض بویوک قوماندانلری

تعیین ایتدی . خان بونلری قبول ایچون تختنده اوتورمشدی .
باشنده تاتارلر کبی بر کلاه واردی . اوزون و غایت زنکین
برده اثواب کییمشدی . سفیرلری بویوک خانك حضورینه
ادخال اتمه دن اول رئیس لرندن ایمپراطوره درجه قرابتی
صوردیلر . ایمپراطورك عموجه سی اولدیغنی آ کلا یجه ایچری یه
صوقدیلر . خان آیاغہ قالقماسق ایسته دی . بونك اوزرینه
یو سلام ویرمه دی ، بر چین پرنسسی و ایمپراطورك امرلرینی
پك متعظمانه استقبال ایتدیکندن دولایي مؤاخذاتده بولوندی .
دیدى که : « ایمپراطور ایفا ایتدیکنیز خدماته مقابل سزه
غایت سودیکی کریمه سی کوندرمك صورتیله دوستاغنك آثارینی
اظهار ایتمك ایستیور . چینلیلر تاتارلرله عقد ایتدکلری صهریتلرده
شیمدی یه قدر آنجق اولادقلرینی کوندرمشلردر . بو کون
بالذات ایمپراطورك کریمه سی ، یانکیزه کلك اوزره اون بیك
لی مسافه قطع ایتمشدر . ایمپراطورك دامادی اولیورسکیز .
بو پرنسسی کمال حرمتله استقبال ایده جك یرده تختکیزك
اوزرنده اوتوریورسکیز ! » بو سوزلر بویوک خانى حیرته
دوشوردی . درحال آیاغہ قالقدی ، مراسمه چینلیلرک
آرزوسی وجهله حرکت ایتدی . ایرته سی کونی پرنسسه
« خاتون » عنوانی ویردی . ایمپراطورك کوندردیکی هدیه لری
قوماندانلرینه داغیتدی . بو ازدواج ، ممالکینک هر طرفنده
مسرتلر تولید ایتدی . بویوک خان ایمپراطوره بش یوزبارکیو ،

درد طولوم صو سموری هدیه کوندردی . صو کره اوغلی
 قوچو Ko-tcho یی اوچ بیک سواری ایله چینلیلرک امدادینه
 سوق ایتدی . بر آز صو کره باشقه عسا کر دها یوللادی .
 جترال ایله برلکده اوچ قیزی ده هوئی قه لرله عقد ایتدیکی
 صهریتدن دولایی ایمراطوره عرض تشکر ایتک اوزره چین
 سراینه کوندردی . عینی زمانده ، سیبریاده آنغارا نهری
 بوینده ایرقوچق طرفلرنده سا کن اولان قیهن قوئن لری تحت
 اطاعته آلمش اولدیغنی ده تبشیر ایتدی .

سنه
 ۷۵۹
 لیه تایی قیسو
 تام شو
 قام مو
 ون هیه ن
 نوم قانو

عاصیلر چین اردوسیله برلکده بو هوئی قه عسکرینی ده
 بوزدیله . هوئی قه عسا کری ایمراطورک سراینه قاجغه
 مجبور اولدیله . عینی تاریخده بویوک خان وفات ایتدی .
 اوغلی یه هو ارتکاب ایتدیکی جنایتلردن دولایی دها اول قتل
 ایدیلمش اولدیغی ایچون هوئی قه لر ، ئی تی قیهن Y-ti-kien
 نامنده دیکر بر اوغلانی تخته چیقاردیلر . بوده مه ئویو خان
 Meou-yu عنوانی آلدی . تنغلی خان [۱] Teng-li نامی ده
 ویرلمشدر . قوجه لرندن چو جوق دو غور مامش اولان قادینلرک
 دول فالدق لری وقت قوجه لرله برلکده دیری دیری دفن
 ایدلمه لری عادت ایدی . هوئی قه لر چین پرنسسینک بو عاده
 تبعیتله دفن ایدیللمه سنی ایسته یورلردی . فقط پرنسس بوکا قطعاً

[۱] الهی خان دیمکدر . تورکجه ده تنغری (تکرری) الله

معناسنه در .

راضی اولمادی. چین اصولنجه ماتم طاشیمق و قوجه سنی ایچون
 اوچ آی کوز یاشی دوکمک مساعده سنی پک زحمتله استحصال
 ایدیهیلدی. مع مافیه بو قوملرک عادتیه بر درجه یه قدر توفیق
 حرکت ایتمک ارزیره یوزینک برقاچ طرفنی کسیدی. صو کره چینیه
 عودت ایتدی. ایرته سی سنه بویوک خان، قیولومو هوو طرخان
 Kiu-lo mo-ho نامنده مهم قوماندانلردن برینی ایمپراطوری
 و متوقا خانک زوجه سی پرنسسی سلاملامق اوزره چینیه
 کوندردی. ایمپراطور بو هوئه ی قه لره پرنسسی سرایده کورمک
 مساعده سنی ویردی.

سنه

۷۶۰

۷۶۲

سوتس-ونغ So-tçong نامنده کی بو ایمپراطور وفات
 ایدوبده یرینه تای تسونغ Tai-tçong کچد کدن صو کره یکی
 ایمپراطور، سه چائوئی نک عصیانندن متولد یکی قاریش-قلقلری
 تسکین ایچدن هوئه ی قه لری کندی طرفنه جالب ایتمکه،
 اونلرله معاهده لری یکیله مکه قرار ویردی. بو قوملردن بویوک
 بر فائده کوره جگنی امید ایدیوردی. لیه ئو تسینگ تان
 Lieon-tsing-tan نامنده کی خادم آغاسنی تاتارستانه کوندردی.
 فقط سه چائوئی دها اول خانی ایمپراطور علیه نه تحریک ایتشدی.
 هوئه ی قه لر ایمپراطوره عساکر معاونه ویرمکه مهیا کی
 کورونمیلوردی. ایمپراطورک وفات ایتدیکنی، حکمران
 اولان سلاله نک سوندیکنی سویلیورلردی. لیه ئو تسینگ تان
 اونلره وقتیله هوئه ی قه لرله اردوده خدمت ایتش اولان تای

تام شو

قام مو

لیه تای قیسو

تسونگك ايملراطورلق مقامنى احراز ايتديكىنى ، هوئەي قەلرلە
 اتفاقە طالب اولديغنى ، وقتيله اوندىن بر چوق ھديهلر آلمىش
 اولدقلىرى ايچون عاصيلرى تىنكىل خصوصىندە شىمدى ياردىم
 ايتەلرى مناسب اولاجىنى آكلاتدى . ياللىز منفعتلرىنى
 دوشونن هوئەي قەلر يوز بىك كشىلك بر اردو خاىرلادىلر .
 چىنە ياقلاشدىلر . احوالە كورە چىنلىلر ك يا لىندە يا علىپندە
 حرىكت ايتىك عزىمندە ايدىلر . وىرە جىكلرى قرار چىنلىلرى
 بولاجقلىرى وضعىتە تابع اولاجقدى . بر چوق شىرلر ك جوارىندىن
 كچدىلر . بونلرى ھېمىتروك بولدىلر . بوندىن دولايى چىنلىلرى
 استىحقار ايتىمكە باشلادىلر . سفىرلىرىنە حقارتلر ايتدىلر . لىەئو .
 تىسىنغىنان بونلر ك ورودىنى و جريان ايدىن احوالى ايملراطورە
 خبر وىردى . بوخبر چىن سىراىنى بويوك بر اندىشە يەدوشوردى .
 هوئەي قەلر ك مقصدلىرى نە اولديغى بىلىنمە يوردى . اونلرى نە
 صورتلە قارشىلايە جقلىرىنى كسىدىرە مىورلردى . ايملراطور بويوك
 خانى استىقبال ايچون بر قوماندان كوندردى . بو ، بويوك خانە
 عرض احترام ايتىمكدن زىادە حرىكاتى ترصد ايتىك مقصدىلە
 ياپىلمىشدى . خان ، چوقدىن برى چىن اردولرىنە قوماندان ايدىن
 پوقو شىرتىندىن ھوآى غىتىغ ك بر قىزىلە اولىنىشىدى . خان بو
 قوماندان ايلە كوروشمىك ايسىتەدى . ملاقاتك نىتىجەسى
 چىنلىلر ك لىندە اولدى . ھوآى غىتىغ خانى ايملراطور
 طرفىنە جلىبە موفق اولدى . هوئەي قەلر پوقوئىن طرىقىلە

کیرمک ، شایوئندن کچمک و اورادن شرقه کیتمک
فکرند ایدیلر . کندیلرینی استقبال ایتمک اوزره کوندریلن
تسهغانغ بو یول اوزرندکی شهرلرک کافهسی عاصیلر طرفندن
تخریب ایدیلش اولدیغی جهتله اورالرده هیچ ارزاق دبیولری
بولامایه جقلرینی ، تسینغ قینغ [۱] طرفلرینه دونمه لری دها ای
اوله جغنی سویله دی . چونکه یولده هینغ چه ئو [۱۲] ، غوئی
چه ئو [۳] شهرلرینی ، ودها سائر بعض موقعلری ضبط ایتهلری
قابلدی . بورالرده مبذول ارزاق واردی . دهاباشقه تکلیف لرده ده
بولوندی ایسه ده هوئی قه لر دیکله مدیلر . اک آز عاقلانه اولان
فیکری تعقیب ایتدیلر . بوده تاییوئند بولونان ارزاقک
کافه سنی استهلاک ایتمک و یولده برطاقم قول اردولر طوپلامقدی .
چین ایمپراطوری بوتون اردولرینک قومانداسنی اوغلی یونغ
Yong قرال لی قو Li co یه ویردی . بونک امری آلتنده
بولونمق اوزره بر چوق قوماندانلر تعیین ایتدی . بویوک خان ،
هونان داخلنده شن چه ئوده قرارگاه قورمشدی . چین
اردولرینک باش قوماندانی کندیسینی بو شهرده سلاملامغه
کیتدی . باش قوماندانک معامله سنی بویوک خان کافی درجه ده
حرمتکارانه بولمادیغی ایچون شکایت ایتدی تسهغانغ بو

[۱] الیوم عینی اسمی طاشیور . په چهلی داخلنده چین تینغ فویه ملحقدره

[۲] بو کون په چهلی داخلنده شون ته فو .

[۳] بو کون هونان داخلنده غوئی قیون فو .

حکمدارک الآن ماتمده بولونديغى اچون طلب ايتديكى آثار
 حرمت و انقيادى کوسترمه ميه جگنى بويوك خانه آكلاتدى .
 بونك اوزرينه هوئى قهله چينلييلرک گندى ايسسته دكلرينى
 يامايه جقلرينى کوره رک تسه غانغ ايله دها بر طاقم قوماندانلرى
 توقيف ايتديلر ، قامچيلرله ظالمانه دو کديرديلر . بعضيلىرى
 آجيه دايانه ميه رق وفات ايتدى . چينلييلر درحال چکيلديلر .
 هوئى قهله ره هجوم ايتمک ايسسته ديلر . فقط بو باربارله محتاج
 اولدقلى اچون اعتدالکارانه حرکت ايتمک مجبوريتنده قالدیلر .
 بوتون عساكر طوپلاندى ، صف حرب اوزره ديزيلدى .
 سه چائوئى ، هواى غنغ و شرق شا [۱] سى پيشدار قوتنده
 ايديلر . عاصى ، بونلرى قانديرمق ايسسته دى . فقط کوندرديكى
 آدملىرى هوئى قهله رايماطوره تسليم ايددرک دشمنه قارشى
 يوروديلر . هوام نهري ساحلنده وقوعه کلن محاربه ده
 سه چائوئى مغلوب اولدى . لويام شهرى استرداد ايديلدى .
 بو مظفريتدن صوکره بويوك خان چين ايمپراطورينه تبريکاتده
 بولوندى . ضبط ايتديكى بايراقلىرى و غنائمى اوکا کوندردى .
 هواى قينغ فو قربنده هويا مده اردوگاه قوردى . چين
 باش قوماندانى ده ميم پائويه چکيلدى . هواى غنغ سه چائوئى ي
 تعقيب ايله مشغولدى . نهايت عاصى اله کچيريلدى ،
 باشى کسيلدى . بونك اوزرينه ، هوامک شمالنده کائن اولان
 [۱] هوئى ايمپراطورلغنده بويوك بر منصبدر که خديوپته معادلدر .

مملكتلار ايمپراطورك تحت تابىمىتته كىردىلر. هوئەي قەلر هويامدە
اوپ آي قالدىلر. اورادە بر چوق فارىشقلقلرە سبب اولدىلر.
لويامى يغما ايتدكلرى كې ايكى فو معبدىنى دە ياقدىلر. بورالرە
اون بىكەن زىادە انسان چكىلمىشىدى. چىن قوماندانلرىنە
قارشى دە بعض تجاوزاتدە بولوندىلر. ايمپراطورلق داخلىدە
عاصىلردن زىادە تخريبات ياپيورلردى. بر چوق چىنلىلرى
ايمپراطورە قارشى عصيانە اجبار ايدىيورلردى. بويوك خان
هوآي غىتغ ايله كوروشد كەن صوكرە شانسى داخلىدە تايون فو
يوانى طوتدى. تاتارستانە دوندى. چىندە ياپدىغى شىلرە ايمپراطور
كوز قاپامغە مجبور اولدى. خانە يكي عنوانر ويرمك اوزرە
قوماندانلردن برىنى تاتارستانە يوللادى [۱].

سنة

۷۶۳

۷۶۴

قام مو
ليه تاي قيسو
ون هيهن
توم قاتو

اوزون مدتدن برى چىن ايمپراطورينك خدمتته داخل
اولان بر هوئەي قە اولدىغى سويلەدىكمز هوآي غىتغ چىن
ايمپراطورلغى بويوك خدمتلر ايفا ايتد كەن صوكرە بردن برە
تبدىل حسيات ايددرك عصيان آرزولرىنە دوشدى. بعض مواقى
ضبط ايتمكە تشبث ايتدىسەدە بورالردن طرد ايدىلدى. بونك
اوزرىنە تاتارستانە كچدى. اورادە هوئەي قەلرى ، توفانلرى
ياخود تىبت لىلرى طوپلايەرق يوز بىك كشىلك بر اردو ايله

[۱] بويوك خانە قىە توتغ لى قو چومى توھو قىولو ئىنغ ئى قىەن
قىون پى قيا خان ، ايمپراطورىچە قوام تسىن لى هو آپى قيا خاتون
و باشلىجە قوماندانلرىنەدە قرال عنوانى و برمشدى .

سىغان فو جېنەندىن چىنە عودىت ايتدى. قوتسە ئىك قوماندا سى
 آلتىندە بولونان چىن اردوسى دىھا ايلربلرە كىرەمكەن اونى
 منە موفىق اولدى. تىبتىلەر كىدوب پىم لە آم فوىيى ضبط ايتدىلر.
 ايرتەسى سىنە ھوآي غىتغ كرك شىمالدە كرك غىربدە حائز نفوذ
 اولدىغى جوار باربارلردن توپلادىغى دىھا بويوك بر اردو ايله
 مختلف نقتەلردن شانسى ولايتنە كىردى. فقط وقوع وفاقى
 اوزرىنە بو باربارلر آراسىنە تفرقە دوشدى. قوتسە ئى نامندەكى
 چىن قوماندانى تىبتىلەر غلپەندە حرب ايتىك اوزرە كىزلىجە
 ھوئەي قەلرە تىكلىفاتدە بولوندى. ھوئەي قە اردوسىنە قوماندان
 ايدىن يوقولو Yo-ko-lo چىن قوماندانىلە كوروشدى. قوتسە ئى
 اوكا چىنلىلردن كوردكارى ايلەكلرى بو قدر آز وقت اىچىندە
 اونوتدقلىرىن و بر عاصىنىك طرفى التزام ايتدكلرىن دولابى
 مؤاخذا تە بولوندى. تىبتىلەر غلپە غلپە عظيم بر تروت بولوندىغى،
 چىنلىلر ك طرفى التزام ايدە جك اولورلرسە بونلرى الە كچىرەمك
 كندى اللارندە اولدىغى سويلەدى. آنجق يىغما فەكرىلە حرب
 ايتەككە اولان ھوئەي قەلرە متفقرىنە خىانت ايتەككە دىھا فائىدلى
 اولاجىغى كورەرك چىنلىلرە مزا كراتە كىرىشىدىلر. قوتسە ئى
 بر شراب سوراحىسى آلەرقىرە دوكدى، چىن ايمپراطورىنىك
 پويوك خاك، ايكى طرف اردولرىنىك، قوماندانلرىنىك، بىكلر جە
 سىنە معمر اولمالرىنى تىنى ايله بو معاھدەنى اخلاال ايدە جكارى
 تەلەپ ايلدى. ھوئەي قە قوماندانى دە عىنى صورتلە حرەكت ايتدى

ياندەكى روحانىلار بويىمىنى تصديق ايلادىلار. تىبەتلىلەر بۇ معاھدەدن
خبردار اولور اولماز كيچەلەن ھام قاچدىلار. ھونئەي قەلرلە
چىنلىلەر بونلرى تعقيب ايتدىلار. لىم تايىدە تىبەتلىلرى مغلوبىتە
اوغرايدىلار. تىبەتلىلەر بورادە مقتول و اسير اولمق اوزرە اون
بيك ضايعات وىردىلار. عىنى زماندە بوتون غنائملرى دە اللرنى
آلدى.

يكانە خط حرەك قاعدەلرى اولان منفعەت فيكرىنىك
ايجاباتنە تەبىئەتە متفەللىرى عليھنە دونمىش اولان ھونئەي قەلر
چىنلىلەرە قارشى دە صادق دكلدىلار. صاحى اخلال ايچون بر
وسىلە آرايوب دورىيورلردى. خاتون، يعنى بويوك خانك
زوجهسى وفات ايتشىدى. مملكەتك احوال داخلىيە سەندىن
واوتەدن برى تاتارستان قوملرىنە قارشى بىسلە دكلرى قورقودن
دولايى بو قوملرلە خوش كچنمك مجبوريتتە بولونان چىن
ايمپراطورى پرنسسك وفاتىدن دولايى معناد اولان رسم
تعزىتى ايفا ايچون باشلىجە قوماندانلرنىدن برى بويوك خانە
كوندردى. بو بوش مراسىمدىن زيادە پارديە اهميت وىرن
ھونئەي قەلر چىنلىلەرە ايفا ايتدىلرى خدمتلىرە ھىچ بر مكافات
ويرلەدىكى كى تاتارستاندىن آلدقلىرى بار كىرلر پارەسى دە
تأديە ايدلەمش اولدىغى سويلەدىلر. چىن سفىرى ايسە ھوآي
غىغە ياردىم ايتدىكىندىن، تىبەتلىلرلە برابر كلوب چىن حدودلرىنى
تخرىب ايلدىكىندىن، معاھدەلرى بوزدىغىندىن دولايى بويوك

۷۶۸

قام مو
ليە تاي قيسو
ون ھىيەن
توم قانو

خانه مؤاخذاتده بولوندى . بوى كى احوالده چىنلىلر اك اوراق
 برلطفى بيله بويوك برشى كى ايلرى يە سوررلردى . امضالادقلىرى
 صاحى هوئى قەلر ايچون بويوك بر نعمت اولمق اوزره
 كوسترمك ايستەدىلر . فقط يىكى بر محاربە توليد ايدە بيلمك
 قابليتندە بولونان بوعدم ممنونيتلر كى هيچ بر نتيجه سى چىقمادى .
 بويوك خان آنجق ھديه قوپارمق ايچون بويلە غير ممنون
 كورونيوردى . صاحى محتاج اولان چىن ايمپراطورى دە
 كوز يوميور ، بر جوق ھديه لر ويريوردى . صوكرە خان ،
 هوآى غتغك قىزىنى ايستەدى . ايمپراطور بو قوماندانك
 عصيانى هيچ قالا آمايەرق ، وقتيله اوندن كوردىكى خدمتلىرى
 درخاطر ايدەرك او پرنسى اولادلغە قبول ايتدى و بويوك
 خانە كوندردى . بار كىرلر ك پاردەنى ايستەمك و كندىلرينك
 چىنلىلردن زيادە تجاوز ايتدىكلرى معاھداتك تمامىء تطبيقى
 طلب ايلەمك ايچون هوئى قەلرەينە فرصت چىقمىشىدى .
 چىندە بولونان هوئى قە سەفىرلىرى بر طاقم معاملات جبريەيە
 قيام ايتدىلر كە ايمپراطور بوكا تحمل كوستەرمەمك لازم
 كلردى . بعض فو معبدلرينە كىرەرك بورالرىنى يغما ايتدىلر .
 بر طاقم دلىقانلىلرى اسىرايدىلر ايمپراطور بونلرى ايستەمكە جسارت
 ايدەمدى . بو تاتارلر چوقدن برى ايشتە بويلە صاحى وسر بىستى
 تجارتە طالب اوليورلردى . چىنلىلر بوكا مساعده ايتمك
 ايستەميورلردى . فقط رددە دە جسارتلىرى يوقدى . ايمپراطور لغك

سنه
 ۷۶۹
 ليه تاي قيسو
 قام مو
 ون هيەن
 توم قاثو
 تام شو

غایت ضعیف بر حالدہ بولونماسندن دولایی هوئہی قہلر
بار کیرلری ایچون یو کسک بر فیئات ایستہ میورلردی . کتیردکلری
بار کیرلردن بر چوغی ضعیف و ایشہ یاراماز بر حالدہ ایدی .
بو تجارتہ نظارتہ مأمور اولان چین قوماندانلری حیوانلری
رد ایدیورلردی . فقط ایمپراطور قبول ایتہلری ایچون امر
ویریوردی . هوئہی قہلر بو یوزدن بویوک استفادہلر تأمین
ایتدیلر . چیندہ کندیلرندن نہ قدر قورقدقلرینی کوردکلری
ایچون چوق کچمہ دن سلاحہ صاریلدیلر . نینگ ہیا طرفلرینہ
آقینلر یابدیلر . ہر کون قوتتری آرتقمقدہ اولان تیتیلر شنسی
ولایتک غرب طرفلرینہ تجاوز ایتشلردی . هوئہی قہلر مغلوب
و پریشان بر حالدہ قاچمغہ مجبور اولدیلر .

سنہ

۷۷۵

صوکرہ تایوئن طرفندن شانسی داخلنہ کیردیلر . قارشیلرینہ
چیقمغہ جسارت ایدہ مہین چینلیر بونلری منع ایچون بعض
قلعہلر انشا ایتکی دوشوندیلر . فقط بوتکلیف رد اولوندی .
قوماندانلردن بری هوئہی قہلرہ قارشى یورودى ، مغلوب اولدی .
هوئہی قہلر بونک اوزرینہ ہر طرفہ یایلدیلر ، بویوک تخریباتدہ
بولوندیلر . نہایت چین قوماندانی تائی چہئو بونلری بوزدی ،
کری یہ دونمکہ مجبور ایتدی .

سنہ

۷۷۸

اوزمانہ قدر هوئہی قہلر بوتون تاتارلر کبی غایت سادہ
بر صورتدہ یاشامشلردی . حکمدار ایلہ تبعہ آراسندہ ہیچ برفرق
کوزہ چارپمازدی . آرالرندہ پک متحد ایدیلر . فقط چینلیر

سنہ

۷۸۰

ایله تجارت ایتمه و اونلردن مهم هدیه لر آلمغه باشلادقدن
صوکره زینت و دبدبه نك نه اولدیغنی آکلامشاردی . بویوک
خان تنغلی Teng-li اسکی اخلاق و عاداتی ترك ایتمه
باشلادی . آلتونك دبدبه و حشمتی سایه سنده کندیسنی پك معظم
برموقعه چیقارمق ایسته دی . غایت محشم سرایلر یاپدی .
قاریلرینی پك مکمل صورتده کیدیردی . ایمپراطور تای تسوننگ
وفاتی چینه کیرمک ایچون غایت ای بر فرصت تشکیل ایتدیکنی
معیتنده کی ارکان کندیسنه عرض ایدرک بوسفرک اجرایی ایچون
لازم کان هر دور لر تدارکاتی ایفا ایدر جکلری صیراده تون مو هو
Tun-mo-ho نامنده کی قوماندان زینت و دبدبه نك ترقیسنه
منیع اولمق ایسته دی . بویوک خانك تعقیب ایتدیکی خط
حرکتک علیهنده بولوندی . فقط سوزلرینی دیگله تهمدی .
بونك اوزرینه تون مو هو بو محاربه دن ممنون اولمایان هوئی قدلری
طوپلایه رق اونلرله بویوک خانك اوزرینه یورودی ، اونی
اولدیردی . کندیسی بویوک خان مقامنه کچدی . وهوقوتولو
پی قیا خان Ho ko-tou-lou pi-kia عنوانی آلدی . درحل
چیز ایمپراطورلرندن خانلغک فرمان توجیهنی ایسته دی . ووئی -
چیم قوم خان Vou-y-tchim-kum عنوانیه بو فرمانه نائل
اولدی .

چوقدن بری چین سراینده سفیر اوله رق برچوقه ، نهی قه لر
واردی . برطاقم تجاوزاته قیام ایدیورلردی . نهایت ایمپراطور

بونلره چكیلوب كیتمه لرینی امرایتمكه مجبور اولدی. كیدرلر كن
برچوق ثروت کوتوردیلر. فقط یولدهده او قدر كستاخانه
حرکت ایتدیلر و قیرلرده او قدر تخریبات یاپدیلر كه چانغ
قوام چینغ بونلره هجوم ایچون ایمپراطوردن مساعده ایسته دی.
ایمپراطور راضی اولمادی. بوباربارلرک بر قوماندانه یاپدقلری
سوءمعامله چانغ قوام چینغی او قدر قیزدیردی كه عسکرلرینی
طویلادی، تقریباً دوقوز یوز قدر هوئی قه اولدیردیلر.
یالکز ایکسینی صاغ براقه رق تاتارستانه بویوک خانه کوندردی.
تبعه سنك یامش اولدقلری تجاوزاتی و کوردقلری مجازاتی
آکلامه لرینی تنیه ایتشدی. ایمپراطور، بویوک خانی تسکین
ایچون هوئی قه سفیرینك زمینی تاتارستانه کوندردی.
بویوک خان چینلیلره قارشى ناظرى قیه تسو قیا
kie-tsu-kia کوندردی. بو ناظر چینلیلری شانسی داخلنده
تاتونغ فو الکاسنده قارشیلایه رق برچوق مؤاخذاته بولوندى.
قاتلردن دردینك تسلیمنی طلب ایتدی. چینلیلری بش کون
موقوف بولوندى. صو کره بویوک خان چین سفیرینه بوتون
تبعه سی اونك قتلنی ایسته دکلرینی، فقط راضی اولمادیغنی
و چینلیلرک یاپدقلرینی اونوتدیغنی سویلتدی. ایمپراطوره صالمش
اولان بر چوق بارکیرلرک بدلندن متباقی قالدیغنی ادعا ایتدیكى
پارەنك تسویه سنی ینه طلب ایتدی.

سنه

۷۸۲

سنه

۷۸۷

صو کره لری بویوک خان، چین ایمپراطوری ته تسونغه

برجوق هديه لر كوندردك برچين پرنسسى ايله اولنمكه طالب
 اولدى . هوئى قه لرك من القديم چينليلره كوسترمش اولدقلىرى
 معامله دن غير ممنون بولونان ايمپراطور بو لطفه راضى اولمغه
 مبال دكلدى . فقط شمال حدودلى سوارى قوتندن تماميله
 محروم بولوندىلىرى ايجون ، لى مى ايمپراطوره هوئى قه لرله
 صالح يامغى تكليف ايتدى . چونكه تاتارستاندن باركيز
 آلمه نك اك امين چاره سى بو ايدى . عيني زمانده يون نان
 Yun nan قراللىيله ، بغداد خليفه سيلاه وهندليلرله اتفاق عقد
 ايمه سنى ده توصيه ايتدى . بونلرك سايه سنده تيبتيلىلرك حكو -
 متنى محود موفق اولاييله جكاردى . كذاك ، هوئى قه لر
 طرفندن - ينليلره يالمش بوتون تجاوزاتك ده اونوتولماسى مناسب
 اوله جغنى ايمپراطوره سويلدى . آسيا قطعه سى او زمان آلتى
 بويوك ايمپراطورلغه منقسم ايدى . شرقده چين ايمپراطورلغى ،
 جنوبده يون نان قراللى وهندستان ايمپراطورلغى ، غربده خليفه لرك
 ايمپراطورلغى واردى كه تا تيب حدودينه قدر كليوردى .
 تيب ايمپراطورلغى آسيانك وسطى اشغال ايديوردى . شمال
 طرفلىر ايسه هوئى قه لرك النده ايدى . تيبتيلىلر خليفه لرله
 متصل حرب ايديورلردى . چينليلرك خليفه لرله اتفاق ايمه لرى
 منفعتلىر اقتضاسندن ايدى . ايمپراطور اوراق داخلنه صيق صيق آقنلر
 ياپان تيبتيلىلرى بوسايه ده دها فولا يلقله طرد ايدم بيله جكاردى .
 ايمپراطور ، لى مى نك بونصيحتنى ديكه دى . صلحه راضى اولدى .
 بويوك خانه بر چين پرنسسى وىردى .

ليه تاي قيسو
 قام مو
 ون هيه ن
 توم قاثو
 تام شو

بويوك خان پرنسسك تاتارستانه كلك اوزرد يوله چيقمش
اولديغنى خبر آلنجه استقبال ايچون همشيردلىرى وباشليجه
قوماندانلىرىنىڭ قارىلىرىنى كوندردى . پرنسس كمال اكرامايلا
قبول اولوندى . بويوك خان پرنسس خاتون عنوانى وىردى .
ايمپراطورك دامادى اولمق صفتيله چىنلىلر تىبتلىلر عليهندە
معاونت وعد ايتدى . هوئەي قە نامنىڭ هوئەي هوئە تىبتلى
ايچون دە مساعده ايستەدى . ايمپراطور كنديسنه چانغ شەئو
تيەن تسين Tchang-cheou-tien-tcin عنوانى وىردى .

سنه

۷۸۸

سنه

۷۸۹

بويوك خان بر آز صوكره اولدى . ايمپراطورلىغى اوغلى
تولوسه To lo-sse يە براقدى . چىن ايمپراطورى بوكا چونغ
چىن پى قياخان Tohong-tchin-pi-kia عنوانى وىر مشدر .
بو خان ، ايجورك شالندە پەتئىنغ دە بولونان چىن قواي
محافظه سنه يارديم ايتدى . تىبتلىلر بورايە هجوم ايتمشلردى .
بويوك خان چىنلىلر دەما زياده خدمت ايفا ايتمك فرصتى
بولامادى . خان عنوانى آلمق ايستەين برادرى طرفندن قتل
ايدىلدى . فقط هوئەي قەلر عصيان ايدەرك بوغاصى اولدىردىلر .
چونغ چىنك اوغلى اوچو O-tcho يى تخته چىقاردىلر . قيه خان
قياسو [۱] Kie khan.kia su نامندەكى ناظرى توقانلر محاصره
آلتندە بولوندىردىلر پەتئىنغ قلعه سنك امدادىنە قوشدى .

۷۹۰

[۱] يوقارىدە قيه تسە قيا ديه اسمى كچن قوماندانك عىنيدر

ظن ايدەرم .

اونلرله حربه طوتوشدى . فقط محاصره يي رفع ايتديرمكه
موفق اولامادى . جوارده ايقاق ايتديكى تخريبات اهالى يي
تيتيليله تابع اولمغه مجبور براقدى . بونك اوزرينه تاتارستانك
بو قسـ . نده چينليلك مالك اولدقلى يىرلك كافهسى ، اغور
الكاسى مستشا اولمق اوزره ، تيتيليلك تحت اداره سنه كچدى .
صوكره بويوك خان ايمپراطوردن فونغ چينغ خان Fong-tching
عنوانى آلدى . شنسى داخلنده لينغ چه ئوده تيتيليله هجوم ايله
اونلرى مغلوب ايتدى . اسيرلى ايمپراطوره كوندردى .

سنه

۷۹۱

سنه

۷۹۵

فونغ چينغ خانك وفاتندن صوكره ، اوغلى اولماديغى
ايچون ، چوقدن برى امور حكومتى اداره واردولره قوماندا
ايدن ناظرى قوتولو Ko-to-lou ملت طرفندن بويوك خان
انتخاب اولوندى . تخته چيقديغى خبر ويرمك اوزره چين
ايمپراطورينه بر سفير يوللادى . ايمپراطور ته تسونغ اوكا
هوآي سين خان Hoai-sin عنوانى توجيه ايتدى . بونك زمان

۸۰۵

ادارهسى حقنده بزه معلومات ويره بيله جك اولان مورخلىر بو
بابده درين بر سكوت محافظه ايدرلىر . يالكلز اولديكى وقت
يرينه اوغلى تنغلى پى قيا خان Teng-li-pi-kia ك چيقديغى
بيلورز . بوده بر معتاد چين ايمپراطوردن فرمان آلمشدر .

ون هيهن
توم قاتو

۸۰۷

بو خان چينليله ويركولر يوللادى . سفيرك يانى صيرا فو
بونزلرى ده واردى . تاتارلىر بونلره مونى Voni نامنى
ويريورلردى . ايمپراطور بونلره بر معبد ياپديره رق اورايه

یرلشدیردی . فقط بر قاچ سنه صو کره سفاهتلرندن دولانی
ایمپراطور کندیلرینی قوومغه مجبور اولدی . مورخار مونی
تسمیه ایدیلن راهبارك کیملر اولدقلری حقنده کوزلجه تفصیلات
ویرمیورلر [۱۱] . بونلر یالکیز تاتارستانده انتشار ایتمه مشاردی .
ایراندهده موجود ایدیلر . دها زیاده ایراندن چیقمشلر کی
کورونیورلردی . بوتقدیرجه بونلر یا خرسستیاندلرلر یامسلماندرلر .
مانیکی Manichéen مذهبه منسوب خرسستیاندلر اوله جغنی
تخمین ایدیورم .

وقتیله تاتارستانه کوندلش اولان چین پرنسیسی وفات ایتدی . بویوک خان چین سراینه وقعیه یی خبر ویردی . کندیسسی ده بونی متعاقب اولدی . بونک اوزرینه ایمپراطورلق پی قیاپائوئی خانه Pi kia-pao-y کچدی . بو حکمدار بر اردو طویارنهرق سی شه ئو قیانغ چینغ ک شمانده پی تی نه ری قربنده تیتیلیره هجوم ایتدی . صو کره دفعات ایله بر چین پرنسیسی ایله ازدواجه طالب اولدیسدهده دها مهم ایشلرله مشغول اولان ایمپراطور موافقت کوسترمدی . مساعده ایتدیکی وقتده بویوک خان وفات ایتدی . چین پرنسیسی بونک خلفی اولان پی قیاتسونغ ته خانه Pi-kia-tong-te ویریلدی . بو خان ، چینده ظهور ایتش اولان بعض قاریشقلقلردن دولانی ایمپراطوره معاونت ایتک ایسته دی . فقط چینلیر	لیه تای قیسو ۸۰۸ سنه ۸۱۳ ۸۱۷ ۸۲۱ ۸۲۲
--	--

[۱] بونلره مونی سم یعنی مونی یا خود مانی- که مان لر Manes ک
اسمیدر - بونزلری نامنی ویریرلر .

- ۸۲۴ بوبار بارلرک مملکتیه دخولارینه مساعدہ ایتمک نہ قدر تہاہکلی
اولدیغنی بالتجربہ آکلامش اولدقلری ایچون بوقوۋہ امدادیہی
کری چویردیلمر . بوخانک وفاتندن صوکرہ برادری قوساتہلہ
Ke-sa-te-le یرینہ کچدی . چین یمپراطوری برمدت صوکرہ
اوکاپی قیاچاٹو لی خان Pi-kia-tchao-li عنوانی ویردی .
۸۳۲ مؤخرأ بوخانی تبعہسی اتلاف ایتمش و خانلق مقامنہ ہوتہلہ
Hou te-le ی کتیرمشدر . بویکی خان ایمپراطوردن چانغ
سین خان Tohang-sin عنوانی آلدی . ایکی حال ملت صلحدہ
یاشایورلردی . مناسبات تجاریہدہ بولونیورلردی . بویوک خان
چینہ صیق صیق سفیرلر کوندیریوردی . فقط پک آز حائر
اہمیت اولان بو وقعہلری مورخلر اہمال ایتشلردر . چانغ
سین خان ناظری قوئہلووو Kue-lo-vou طرفندن قتل
۹۳۹ ایدیلدی . خلق تختہ قوسان تہلہ Ko-son-te-le ی چیقاردیلر .
اونک زمان ادارہ سندہ پک چوق قار یاغہرق برچوق حیواناتک
تلف اولماسنہ سببیت ویردی . بوایمپراطورلغک انقراضنہ سببیت
ویرہ بیلہ حک بو دورلو فلا کتلر ہوئہی قہ حکومتی غایت
ضعیفلاتدی .
۸۴۰ بویکی خانک زمان سلطنتی سکونت ایچندہ کچمہدی .
قیولوموہو Kiu lou mo-ho نامندہ بر قوماندان قیہ قیا سو
تسمیہ اندیلن وپایقال کولی جوارلرندہ ساکن اولان یوز
بیک سیبیریالی ایلہ کلوب هجوم ایتدی . کندیسنی اولدیردی .

بوتون عشیرتler داغیلدیler . بر قسمی چینلیلره عرض تابعیت
 کیتدیler . بوقیه قیا سولر تقریباً یوز سندهن بری هوئی
 قهله تابع بولونیورلردی . بناءً علیه هوئی قهله ایمپراطورلغی
 سبیریا ایچیلرنده توبولسقه قدر امتداد ایتک اقتضا ایدردی .
 بو عصیان یکی بر ایمپراطورلغک وجود بولماسنه سببیت
 ویردی . قیه قیا سولر ، غرب تورکلرینک تاریخنده کورولدیکی
 اوزره کندی ملترلندن بر بویوک خان انتخاب ایتدیler . اون
 اوچ هوئی قه عشیرتی اوئی تهله Ou-hi-te-le یه اوقیای
 خان Ou-kiai عنوانی ویردیler . شنسی حدودلری اوزرنده
 قرار قیلدیler . قیه قیا سولر ایسه کندیلرینک مملکتلرینی ضبط
 ایدیورلردی . هوئی قهله قیه قیا سولر آراسنده وقوعه کلن متعدد
 مصادماتده هوئی قهله مغلوب اولدیler . ارزاق بولمق ایچون
 ایمپراطور ووتسونغک معاونتی رجایه مضطر قالدیلر . چینلیلر بو
 قوملری قبول ایتدکلرینه چوق کچمه دن ندامت کتیردیler . بویول
 خان هونغ شوی نهری جواز لرینه آقینلر یاپدی ، بر چوق
 اسیر آلدی . ایمپراطور بوکا قارشی عسکر کوندوددی . بو محاربه
 خانک اوموسو Ou mo-su نامنده کی بر قومانداننک اکابر
 ملته ن برینی اولدیردکن صوکره تقریباً اوچ بیگ کشی ایله
 برلکده چینه چکیلمه سندن واوراده لی سی چوغ عنواننه نائل
 اولماسندن ایلری کلیوردی . عینی زمانده تاقیه چو نامنده دیگر
 بر قوماندان ده خانه قارشی عصیان ایدرک شرق طرفه چکیلدی .

۸۴۱

۸۴۲

لیه تایی قیسو
ون هیه ن
توم قاتو

اورادن په چهلې ولایتنه آقین یادی . چین عسکرلری بوکا
قارشى یورو مکه مجبور اولدیله . اثنای رجعتده خانك انه اسیر
دوشدی . صوکره اعدام ایدلدى . خان صوکره چیندن
اوموسوینی ویاننده کی سائر فراریلری طلب ایتدی . چینلیله
بونلری اعاده یه راضی ایلما دیله . ایشته بویوک خان بونی
وسیله اتحاد ایدهرک شانسی داخلنده تاتونغ فو طرفلرینه کیردی ،
غایت عظیم مقدارده غنائم آلدی . ایمپراطورک بوتون
رجالری وتهیدلری عقیم قالدی . خانك اردوسنده بولونان
چین پرنسسی تایی هویه خانى چکیلمکه اقباع ایتسی ایچون
مکتوب یازیلدی . فقط نهایت عسکر سوقنه مجبوریت س
اولوندی . بونك اوزرینه هوئی قه لری کری چکیلدیلر .
فقط ایرتهسی سنه تکرار چینیه کیره رک چین وو [۱] جوارلری
یغما ایتدیلر . قوماندان لیه ئومیه ن اوچ تورک شاتو عشیرتی
باشنده شه هیونگی هوئی قه لری قرارگاهنی ضبط ایتک اوزره
کوندردی . کنديسی ده آرقه سندن یورودی . شه هیونگی ،
چین وویه قدرایلریله دی . بوشهرک سورلری اوستندن هوئی قه لری
بوتون قرارگاهنی کوردی . بر تهله که یه معروض قالماسی ایچون
پرنسسک چادیریخی او کړندی . صوکره ، آچدی ردیخی تونلاردن
عسکرلری سوق ایتدی . بونلر کیجه لین خانك چادیرینه
هجوم ایتدیلر . بویله بر باصقینه هیچ منتظر بولونمایان خان

سنه

۸۴۱

[۱] قوئی هو آچینگ در .

بوتون اشيائىنى براقه رق على العجله قاچدى . چينلىلار تعقيب
 ايتدىلار . قير نور Kir nor كولى قىرىندى شاھوشان داغىندە
 محاربە يە طوتوشه رق خانى مغلوبىتە اوغراتدىلار . خان رجعت
 ايدىر كىن يارالاندى . چين پىرنسىسى قورتارىلدى . اون بىك
 اسيرك باشنى كىلىدىلار . يىكرىمى بىك كىشى چينلىلار غەرض
 تابىعت ايتدى . صوكرە دىھارچوقلىرىدە كلوب پەچەلى
 حكومتىنە تسليم اولدىلار ، خانە كلنجە ، اوھوچەتسەلر عشىرتىك
 يانە كىتدى . بوھزىمىتە ھوئە قەلردىن برچوغى سىفالىدىن اولدىلار .
 صوكرە بويوك خانىدە ناظرلردىن برى قىل ايتدى . يىرنە
 رادىر اونيە O-nie يى كچىردىلار . بوھكىمدار كى تىبەسى پىك
 آزايدى . قى تاتارلىرى ايلە اتقاق ايتىشىدى . فقط بوتاتارلار
 چينلىلار طرفىدىن مغلوب ايدىلدىلار جەھەتتە سىيرىدە شەغۇئەلىلر
 ياخود تونغوزلر كىانە چكىلىمك ايتىدى . اورادە چوق فالمادى .
 قىيە قىياسولر چينلىلار مغلوب ايتدىلار . ھوئە قەلر اسىر
 ايدىلدىلار ؛ ولك شىمالنە يىلشدىلرلدىلار . بونك اوزرىنە ،
 چوقىدىن برى غانىسى جوارلردە ساكن اولان بعض ھوئە قە
 عشىرتلىرى رىئىسى لونگ تەلە [۱] Long-te-le خانلىغى اعلان
 ايتدى . قانچە ئۇ وشاچە ئونك غەربىندە اقامىتىكاد تاسىس ايلدى .
 چولك غەربىندە كى بوتون شىرلر اوكتابىع ايدىلار . بوخان
 [۱] عنوانى « لوتىغلى لومى مومى شى ھوقىولوپى قىاھوآى قىەن
 خان ايدى .

سنة
۸۴۶

۸۴۸

۸۵۶

چینلیله ویرکولر یوللادی . بونلر وقتیلله هوئی قه لردن کوردکلری خدمتلی دوشونه رک اوکا پی قیاهو آی قیهن خان Pi-kia-hoai-kien عنوانی ویردیله .

لیه تائی قیسو . هوئی قه ایمپراطورلغی شرقد بونلر تاریخده نهایته ایرر . اوزمان قیه قیاسولر بوتون بو شرق طرفلرینک حاکمی ایدیلر . هوئی قه عشرتلیرینک قسم اعظمی یا تحت اطاعته آندیله ، یا محوایدیلر . یالکیز غرب طرفنه چکیلش اولانلر دها خیلی مدت پایدار اولدیله . فقط بونلر چیندن ایجه اوزاق اولدقلری ایچون چینلیلر اونلرک تاریخی ضبط ایتکی اهل ایله مشلردر . مختلف خانلر طرفندن اداره ایدیلن بو هوئی قه لردن اوزمان شایه ئودن وقو آچه ئودن مسلمانلرک ایمپراطورلغینک حدودلرینه یعنی ماوراءالنهر قدرانتشار ایتلردی بوهم جوارلق و من القدیم مسلمانلرله ادامه ایتدکلری مناسبت کندیلرینه اسلامی طایفیدی . بوتاتارلر نوبی Nubie جغرافیا عالمک اودقوس Odkos نامی ویردیکی قوملردر . ۴۸۲ تاریخ عجرینه دوغرو خلیفه واثق باللهک زمان اداره سنده سلام بوتاتارلرک مملکتنه برسیاحت یادی . اوراده تحیدیلره تصادف ایتدی بو قوملردن وقتیلله برمسلمان کلوب کندیلرینه تلقین دین ایدلی بری احکام اسلامییه رعایت ایده کایکده اولدقلرینی او کړندی . فقط هپسی مسلمان دکدیله . برچوقلری آتسه طایپورلردی . بونی ایرانلیلردن او کړندکلری معلوم ایدی .

لیه‌تای قیسو

هوئەى قەلر ، اوغرا دقلرى هزىمتدن سوكره چینه دفعات
ایله سفیرلر کوندر مشلردى . پوقوتسون Pou kou tsun نامنده کی
رئیسلىرى ایمپراطور طرفندن خانلق عنوانك توجیه ایدلمسینه
نائل اولمق ایسته یوردى . ایمپراطور هی تسونغ بو آرزویى اسعاف
املیله قوماندانلردن برینی کوندردی . فقط هوئەى قەلر توفانلر
یعنی تیبتلیلر طرفندن یکیدن مغلوب ایدیلش اولدقلرى ایچون
دها زیاده غربه دوغرو چکیله که مجبور اولدیلر . زردیه قاجدقلرینی
بیله مهین چین قوماندانی کندیلرینی کورمکسزین چینه عودت
ایتدی . مع مافیه ایرته سی سنه هوئەى قەلر ینه یاقلاشدیلر .
ایمپراطوره ویرکولر کوندردیلر . فقط بو قوملر اوزمان غربه
دوغرو انتشار ایتدکاری جهتله مسلمانلرله دها زیاده مناسبتله
کیریشدیلر .

سنه

۸۷۴

۸۷۵

برمدتن بری بغداد خلیفه لری کندیلرینی تیبتلیلرله قومشو یاپان
بو واسع الکالرده حاکم مطلق اولمقدن خالی قالمشلردى . سامانی لر
Samanides ماوراءالنهری ضبط ایتشلردى . بوزلرک حکومتلری
هوئەى قەلرک حکومته متصل ایدی . ایکی ملت آراسنده چوق
کچمه دن محاربه ظهور ایتدی . سامانی سلاله سندن ایکنجی
شاه اسماعیل بوزلرک مملکتلرینه کیردی . خانك اقامت ایتدیکی
شهری ضبط ایلدی . خاتون ایله برلکده خانى اسیر آلدی .
بوتون تورک یاخود هوئەى قە اسیرلرینك مقداری اون بیکه
بالغ اولیوردی . چین و عرب مورخلری بو قوملرک مقدراتی

۸۹۳

سنه
۹۰۳
ابوالفراج

حقنده بزه يك آڙ معلومات ويريرلر . يالكلر چينليار مختلف زمانلرده كتيوردكاري ويركولردن بحث ايدرلر . فقط بونلري شايان ذكر عد ايتيورز . اغلب احتماله كوره ماوراءالنهره بويوك برتجاوزده بولونهرق اوراده مسلمان اردولري طرفندن مغلوب ايديلن قوم بونلر اولاجقدر .

۹۱۳

ساماني سلاله سي حكمدارلرينك صوكره بربرلرينه قارشى آچدقلى محاربات داخلويه هوته قهلرده اشتراك ايتشلردر . احمدك وفاتندن صوكره ابوالحسن نصر تخته چيقمشدي . برادري سمرقند واليسى اسحق ايله اسحقك اوغلى الياس عصيان ايدرك بخارايه دوغرو يوروديلر . متعدد مصادماتده

۹۲۳

مغلوب اولديلر . الياس فرغانه يه چكىلدي . هوته قهلر او زمان جين موته ي Gin-moei نامنده بر حكمدار طرفندن اداره ايديليورلردى . چين ايمپراطورى بوكا يينغ ئى خان Yng-y عنوانى ويرمشدى . تاتارستانده ايسه قوئن چى خان Kuen-tchi عنوانى طاشيوردى . او سنه وفات ايتدى .

برادري تسيه ئو اين Teieou-in ، جين يوخان Gin-yu نامى آلتنده اوكا خلف اولدى . چينلياردن مختلف زمانلرده شون هوا خان Chun-hoa و فونغ هو آخان Fong-hoa عنوانه نائل اولدى . اغلب احتماله كوره الياس بو حكمداردن استمداد

۹۲۸

ايتمش اولاجقدر . فونغ هو آخان عصيانده اوكا يارديم ايتدى . توركلردن بر قسمى اونك لهنده سلاحه ساريلديلر . فقط

الياسك تقريباً اوتوز بيكه بالغ اولان بوتون اردوسى هزيمته
 اوغراىدى. الياس تىكرار فرغانه يه قاچدى. ايكنىچى برهزيمتدن ۹۴۳
 صوكره كاشغره چكىلدى. او زمان كاشغر هوئى قەلرك النده
 ايدى. بو توركلرك خانى سامانى لره قارشى يىكى بر عصيانه
 اشتراك ايتمه كە حاضر ايدى. بونلرك رئيسى اولان عبداى بن
 عشقام Abdallah fils d'Aschkam كنديسنك معاونتنى
 رجا ايتدى. فقط بخاراده خانك براوغلى موقوف بولونديران
 سامانى سلطانى نوح درحال اوغلى اوكا كرى كوندردى.
 بو صورتله خانى كندى عليهنه حركت ايتمه كە سوق ايلدى.
 يالكنز باشنه قالان عاصى، خوارزم قطعه سنى تركه و عرض
 تسليمته مجبور اولدى. فونغ هو آخانك يرينه اوغلى قينغ قى نغ
 King-kiong كچدى و او سنه چينليلره هديه لر كوندردى.
 صوكره لرى ده خوتن اقواملرى كې اوده تىكرار هديه لر
 ارسال ايتمشدر.

عرب مورخلىرى او زمان توركلرك شهاب الدوله بغرا ۹۹۲
 خان ايلليك Bogra-khan-illik نامنده بر خانلىرى بولونديغنى
 و لقبنك هارون اولديغنى سويديورلر. بخارايى ضبط
 ايتمك فكريله بو شهره تقرب ايتديكنى يازييورلر. سامانيلر
 سلطانى نوح مغلوب اولدى. فقط ايكنىچى بر محاربده
 خانى بوزدى. ايمپراطورلغنك پايتختى اولان بالاسغون Balasgoun
 دونمكه مجبور ايتدى. ايرته سى سنه خان سامانيلرك مملكتنه ۹۹۳

کیره رک بخارایی آلدی . او زمان کاشغره ، بالاسغونه ، خوتنه ،
تاراسه مالک اولدینی و ممالکنک تا چینه قدر امتداد ایتدیکی
سویله نیور . بوتفصیلات ایسه آنجق هوئی قهر خاننه توافق
ایده بیلیر . بغراخان سامانی سلاله سی طرفندن خوراسان
والیسی بولونان سمژور Semjour ک تشویقیله بو سفرده
جرجان Georgian ه قدر ایلریله دی . فقط بخارایی ضبط
ایتد کدن بر آرزو کره خسته لاندی . مملکتنه دونمک ایسته دی .
بخاراسکینه سی خانک اردوسنک دمدارلرینه هجوم ایله اشیا لرینی
یغما ایتدی لر . بغراخان ده چوق کچمه دن وفات ایده رک
ایمپراطورلغی ایلیق ایلیخانه براقدی . عنوانی شمس الدوله ابو
نصر احمد ایدی .

- ۹۹۷ بویکی خان ، سامانی سلطانی نوحک وفاتی خبر آنجه
نویری سمرقنده قوشدی . اوراده عاصی فائق Phaip ده کندیسنه
التحاق ایتدی . بونی بخارایه کوندردی . فقط بر آرزو کره
۹۹۹ فائق وقوع وفاتنه مبنی ایلیخان خان بوتون تورکلرله بالذات
بخارایه کیتمه ک مجبور اولدی . بر چوق امیرلر ، از جمله ، بقترون
Bactouroun اوکا تسلیم اولدی لر . خان ده بوشهره کیردی [۱] .
۱۲۹ سنه حکمران اولمش اولان سامانی سلاله سی بونک
اوزرینه منقرض اولدی . صوک حکمدار عبدالملک اسیردوشدی .
سامانیلرک متبائی بر قسمی عینی عائله یه منسوب بر پرنس اولان

و محبسن قاجق يولنى بولان ابو ابراهيمك قومانداسى آلتىده
اولدىغى حالده خوارزم قطعه سنده مقاومت كوسترمكه تشبث
ايتدى . بونلر توركلره قارشى عسكر كوندرهرك بخارايى
استرداد ايتدىلر سنده ايلليك ايلخان اونلرى ايكنجى دفعه
اوله رق بخارادن چىقاردى و نيشابوره چكىلمكه مجبور ايتدى .
بو سامانيلىر صوكره دىكر برتورك عرقى اولان اوزلره التحاق
ايتدىلر . برلكده سمرقند جوارنده ايلليك ايلخانه هجوم ايلدىلر .
بوتون بو محاربات سامانيلىرك انقراضى بر آز تاخير ايتىمكدن
باشقه بر شىئه يارامامشدر . بر سنه اول ، چينلىلىرك وام لو چىنغ
Vam-lo-tching تسميه ايتدىلر هونى قه خان — كه ايلليك
ايلخان اولمق اقتضا ايدر — سونغلر ايمپراطورينه چينه وير كولر
كوندرى . چينلىلر بونك ممالككنك چين حدودندن ماوراءالنهر
قدرا امتداد ايتدىكى سويليورلر .

۱۰۰۲
ليه تاي قيسو

هونى قه لرك قان چه ئوده اقامت ايدن يه لالى Ye-la-li
نامنده دىكر بر خانلرى خيتان تاتارلرى طرفندن مغلوب
ايدىلدى . بو تاتارلر سوچه ئو شهرىنى اونك الندىن آلدىلر .
۹۰۷ تاريخندن برى بو تاتارلر چينك شمالنده قوتلى بر
ايمپراطورلق تأسيس ايتىشلىردى . وقتيله هونلرك مغلوب
ايتىش اولدىلرى سيون پى لرك نسلندن كلىورلردى .
بر طاقم رئيسلرك تحت اداره سنده ايدىلر . له آئو تونغ ايله
يه چه لى نك شمالنده اوتورىيورلردى . آيا ئوقى A-pao-ki

۱۰۱۰
ون هيهن
توم قاتو

بونلرى او زمانه قدر دالدقلىرى غبار نسيان آلتىدىن چىقاردى .
 آپائوقى بوتون ملتك رئيسى اولدى ، كسب قوت ايتىدى .
 چىنگ شىمالىندە كائىن اولان بوتون تاتارستانى تحت اطاعتە آلدى .
 ھونەي قەلر ايمپراطورلغىك يىنى طوتدى . خلفلىرى چىندە
 بويوك فتوحاتلارە نائل اولدىلر . اورادە ايمپراطور عنوانى
 آلدىلر . سىلالەلر يىنە لە آئو Leao نامى وىردىلر . ھونەي قەلرى
 ياواش ياواش غەربە دوغرو دھا زيادە چكىلمەكە مجبور ايتدىلر .
 چىن حدودندە مالك اولدقلىرى موقعلىرى بونلرك الندىن
 ضبط ايتىشلردى .

سنه
۱۰۱۱

بو ھونەي قەلر مختلف خانلرك ادارەسى آلتىندە ايدىلر .
 يەلوقە Ye-lou-ke نامىندە بر خان قان چەئودە، غان مى Gan-mi
 نامىندە دىكر بر خان تسىن چەئودە اقامت ايدىيوردى . ھر
 ايكىسى دە لە آئولرك تجاوزاتنە قارشى - يىنلىرك حمايە سنە طالب
 اولويورلردى . آق صودە اقامت ايدىن دىكر بر خان دھا
 واردى . بونك ايمپراطورلغى غايت واسعدى . محمدىرك ملىك سىنە
 قدر امتداد ايدىيوردى . كندىسنە سەتسەوام Sse-tse-vam
 عنوانى وىريليوردى . بو، اغلب احتمالە كورە ايللىك اياخاندر .
 چىن وفاتىندە ايمپراطورلغى برادرى طوغان خانە براقشدر .
 بو حكمدارك زمان ادارە سىندە خىتانلر غەرب طرفىدىن بويوك
 بر تجاوزدە بولوندىلر . اردولرى اوچ يوز بيك عسكەردىن
 زيادە ايدى . بالاسغونە ياقلاشەرق ھر طرفى يىغما ايتدىلر .

۱۰۱۲
ابوالفدا
نويىرى
ابوالفراج
۱۰۱۷

طوغان خان در حال اردولرینی طوپلادی ، بونلری مملکتلرینه
 چکیلمکه مجبور ایتدی . همان کافه سنی پریشان ایلدی . غایت
 عظیم مقدارده غنائم آلدی . بو میانده بر چوق چینی کاسه لری
 ودها سائر نوادر و نفائس واردی . بر مدت صو کره بو خان
 وفات ایتدی . یرینه ابوالمظفر آرسلان خان کچدی . خیتانلر
 قان چه ئویه دوغرو بردها تجاوزه بولوندیلر . هوئه ی قه لر
 بونلری مغلوب ایتدیلر . فقط صو کره لری ، چینک غرب
 حدودلری اوزرنده تأسس ایتش اولان هیاسلاله سی حکمدارلری
 هوئه ی قه لرك النذن سوچه ئو ، قو آچه ئو وشاچه ئو شهرلرینی
 آلدیلر . بو تورکلرك شرف الدوله نامنده بر خانلرندن دهـا
 بحث ایدیورلر . بو خان مملکتلرینی اقربالرندن بغرا خان ،
 طوغان خان وعلی تکین آراسنده تقسیم ایتشدر . سلچوق
 تورکلری بغرا خان زماننده کندیلرینی کوسترمکه باشلامشدر .
 شرق هوئه ی قه لری او زمان خیتان تاتارلرینه ویرکولر کوندر .
 دیلر . تاریخک خبر ویردیکنه کوره بونلرك بری هولی خان
 Ho-li دیکری شاچه ئوده حکمران اولان هو ئو لو سان
 Houo-lo-san نامنده ایکی خانلری خیتانلرك خلفی نیوجه
 تاتارلرینه ویرکولر کوندردیلر . بوتون بو سلاله زماننده ویرکو
 ویرمکده دوام ایتدیلر . نهایت مانغو خانک زمان اداره سنده
 موغوللرده ویرکو ویردیلر . بو تاریخن صو کره سائر تاتارلرله
 تماماً قاریش مشلرد . تاتارستان ایمپراطورلغی متعاقباً خیتان

سنه

۱۰۲۵

لیه تایی قیسو

۱۰۳۶

۱۰۴۳

۱۲۵۷

تاتارلرینه ، بیوچهلره کچدی . جنکیز خان زمانه قدر بونلرک
تحت اداره سنده ولدی .

مسلمانلرله اک صیقی مناسباتده بولونان ایلک تاتارستان
قوملری هوته ی قه لر اولمشلردر . بونلر عرب و ایران مورخلری
طرفندن ، ماوراءالنهره کلوب یرلشمش اولان سائر تورکارله
قاریشدی رلشلردر . بوتون بوتورکلر خلیفه لک ایمپراطورلغنه آقینلر
یایمقدن آرتق خالی قالماملردر . صوکره لری غرب جهته
دوغرو دها زیاده صوقولدی لر . برچوق سلاله لر تشکیل ایتدی لر .
بوسلاله لر خلیفه لک الندن برچوق ولایتلری ضبط ایتشلردر .
عادی تورک اسیرلری مصری ضبط ایده رک اوراده تولونلر
واخشیدیه Ykhschidites نامی آلتده یرلشدیلر . غزنویلر
نامی ویریلن برطاقم تورکارده خوراسانی و هندستانک برقسمی
ضبط ایتدی لر . بونلردن صوکره سلاجوقیلر ظهور ایده رک
برقاچ قوله آیریلدی لر . برقول ایرانده یرلشدی ، بغدادی
آلدی . حکومتلری آنطاکیه دن تورکستانه قدر امتداد
ایدیوردی . ایکنجی قول کرمانده و ایرانک هندستانه جوار
سائر ولایتلرنده حکمران اولدی . اوچنجی قولک حرکتی
آنحجق استانبول بوغازی توقیف ایده بیلدی . بونلر بوتون
آناتولی یی روملرک الندن آلدیلر . نهایت دردنجی برقول
حلبده و شامده یرلشدی . عینی زمانده برسورو تورکمن ارمنستانه
و بوتون هم جوار ولایتلره داغیلهرق اورالرده کوچوک پرنسلکلر

تأسيس ايتديلر. سلچوقلر ك آتاك عنوانى آلتندە معروف اولان قوماندانلارندن بعضارى سوريەدە قوتلى ايمپراطورلار وجودە كيتريدیلر . بوقدر باربارلر ك استيلاسى بوشرق ولايتلارنى برباد ايتدى . توركلر طرفندن ضبط وشدتلى براسارت آلتنه وضع ايديلن ارض مقدسك حالى خريستيانلرى يك متأثر ايلدى . همان بوتون آوروپا حدسز حسابسز اردولر حاضر لادى . بونلر اهل صليب نامى آلتندە آسيابه كچەرك قدسدن توركلرى طرد ايتديلر .

بومدهش قوت هر طرفدن صيار صيلمغه باشلايوردى . صلاح الدين بونى سوريەدە تخریب ايدىيوردى . خليفه لر ، ولايتلارندن بعضارىنى استرداد ايتمشلردى . آرالرينه دوشن نفاق وشقاق بوباربار ملتى محو ايتمكده ايدى . خوارزم سلطانلرى ، تورك عرقنه منسوب اولمقله برابر سلچوق ايمپراطورلغنى ده ويريورلردى . فقط صوكره بونلر آسيانك بوتون غربى تهديدە باشلاديلر . سوريەدە قدر كيرمشلردى . سن لوي ارض مقدسك اوزرينه قوشمغه حاضر لانيركن جنكيزخان توركستانك اعماقندن يقدى ، عظيم مملكتلردن كچدى ، خوارزميلر ك ايمپراطورلغنى محو ايتدى . آسيانك هر طرفنى قاپلادى . پدرلرينك بويوك تصوراتى اجراده دوام ايدن اوغللارى بوتون او جسيم چين ايمپراطورلغنى تحت اطاعتلرينه آلدیلر . ايرانى ضبط ايتديلر . آناطولى ي تخریب ايدیلر . روسيه اونلر ك

برولایتلری حاله کیردی. مجارستان یغمایه اوغرادی. بواننده
آناطولی داغلرینه قاقچش اولان بعض ساجوقی بقایاسی
التجاکاھلرندن چیقهرق عثمانلی تورکاری ایمپراطورلغنک تمنای
آتدیلر. بونلرده خرستیانلرک الندن استانبولی آلدیلر .

اوتاریخده تورکستانده بر عشیرت رئیس چیقهرق جنکیز
خانک او واسع ایمپراطورلغنی ییقدی . مشهور تیمورلنک همان
بوتون آسیای دولاشدی. عادتاسـتانبول قاپیلرینه قدرکادی .
مصر ، اسیرلردن مرکب بر میلیس عسکرینک تحت اطاعتنده
ایدی. بونلر تورکستاندن نشئت ایتشلردی . تیمورلنک قوتلی بر
ایمپراطورلق وجوده کتیردی . بونک انقاضندن هندستان
ایمپراطولغنی دوغمشدر . تیمورلنکک نسلندن کان بر طاقم پرنسار
الآن تاتارستانده حکمران اولمقده درلر. تاتارستانی جنکیزخان
اولاداریله پایلاشیورلر . ایشته بواثرک اشاغی قسملرنده بحث
ایده جکمز انقلابات عظیمه نك کوچوک برلوحه سی . فقط بو
تفصیلاته کیرمه دن اول چین ایمپراطورلغنی اله کچیرمش اولان
تورکلرک بر شعبه سنک تاریخنی نقل ایده جکمز .

هونلرك تاريخ عمومىسى

سكيزنجى كىتاب

شاتو توركلرى

۱

نېنار مىراسى

ھونلر كىلىنلەن كىلىش اولان مىللەتلىرى شىمەندى يە قدر يا چىنە
يالىكز آقېن يامقەلە كىتفا ايتىشلار ياخود چىنك ولايتلارندىن
بعضىلارنى الە كچىرسەلردە كوچوك قىراللار كېيىن تىلىق اولونمىشلار .
شاتو Cah-to توركلرى چىن ايمپراطورلىرى موقىنە اصعاد
ايدىلن ايلك ھونلردىر . بونلر كىلىنلەلەلرى چىن ايمپراطور
سىلالەلرىنىك آراسىندە ذىكر اولونمىقىدەدر . چىن ايمپراطورلىرىدە
يا چىنلىلەر طرفىندىن ياخود اورادە كلوب يىلشىش اولان مىللەتلىرى
تاتار مىللەتلىرى طرفىندىن اوتەدىن بىر چوق انقلابات اجرا
ايدىلىشىدۇر . بىدائىتدە چىن ايمپراطورلىقى انتخاب اساسى اوزىنى

مستند ایدی . فقط چوق کچمه دن ارثی بر دولت حاله کلدی .
ابتدا هیا عائله سی حکمدارلری ایمپراطورلغه بر میراث اوله رق
نائل اولدیلر . بونلرک یرینه شام سلاله سی کچدی . فقط بو
قدیم زمانلردن قالان کتب تاریخیه چینک او زمانکی حقیقی
احوال و وضعیتنه دائر بزه کافی درجه ده معلومات ویره جک بر
حاله دکلدلر . شام سلاله سندن صوکره حکمران اولمغه
باشلامش اولان چه ئو سلاله سندن اعتباراً تاریخلر ده مفصل
اولمغه باشلارلر . او دورده چینک بر طاقم کوچوک کوچوک
قرالقلره منقسم بولونقلرینی ، بو قراللرک ایمپراطوره هیچ بر
حکم و نفوذ بر اقامدقلرینی کوریورز . بو فلاکت سنه لرینه چین
مورخلری محاربات داخلیه دوری نامنی ویریرلر .

ایشته میلاد عیسادن ۲۴۰ سنه اولنه قدر چین بو حاله
ایدی . او قدر عصرلق محاربات داخلیه نهایت بر ایمپراطور
زماننده ختامه ایرمشدی . بو ایمپراطور چینک اک بویوک
فاتحی عد ایدیله بیلیر . تسین نامی ویریلن یکی بر سلاله نك
مؤسس اولان شی هوآم تی بو کوچوک حکمدارلر عائله لرینک
کافه سنی تحت اطاعته آلدقن و محو ایتدکن صوکره تاتارلره
بر مانعه تشکیل ایده جک اولان او مشهور سد چینک انشاآتی
اکمال ایتدی . چوقدی بری چینده حکمران اولان محاربات
داخلیه نك تشوشاتی بو تاتارلرک آقینلری بوتون بوتون
آرتیریوردی . شی هوآم تی نك بواثر معظمی تاتارلرک تجاوزاتی

ینه کسه مدی . بو ایمپراطورک وفاقی اوزرینه چین اونک
 زماندن اولکی فلا کتله تکرار مستغرقالیدی . یرینه کندی
 عائله سندن بر حکمدار کچدی ایسه ده بوتون چین اوزرنده
 حکمران اولامادی . ولایتلرده بر چوق قوماندانلر عصیان
 ایتدیلر ، کوچوک حکومتلر تأسیس ایلدیلر . بونلری آنجق
 مشهور هان سلاله سنک تأسیسی احما ایده بیلیمشدر . بوسلاله میلاد
 عیسادن تقریباً ۲۰۶ سنه اول موقع اقتداره کلشدر .
 چینلیر آرتق برد وره سکون آچیه جنی امیدنی بسله یه بیله جکلری
 بر زمانده تاتارلرک و بالخاصه هونلرک هم جوارلغی اونلری
 ینه اوزون و مصرفلی محارباته کیریشمکه مجبور ایتدی .
 تاتارستاندن کلش حدسز حسابسز اردولر چینه کیردیلر ، شمال
 ولایتلرینی تخریب ایتدیلر . صوکره لری چینلیر حربه
 آلیشدیلر ، حدولرندن خارجه چیقماغه باشلادیلر . ماوراءالنهر
 ایله چین آراسنده کائن اولان او عظیم الکالرک کافه سنی تحت
 تسخیرلرینه آلدیلر . حتی بحر حزره قدر ایلریله دیلر . برغاصب ،
 هان سلاله سنی ایمپراطورلقدن محروم براقیدی . بر چوق
 قاریشقلقلره سببیت ویردی . هان سلاله سنک تکرار موقع
 اقتداره کله سی سایه سنده بو تشوشات تسکین اولونابیلدی .
 بو ایکنجی هان سلاله سی هونلر ایمپراطورلغنی محو ایچون پک
 چوق اوغراشدی . بوکا آنجق بعدالمیلاد ۹۵ تاریخنده موفق
 اولابیلدی . فقط بو سلاله نکه ده عاقبتی یاقلاشمشدی . ۲۱۹

تاریخنده ایکنجی هان سلاله سی محو اولدی . بو عائله نك
اوچنجی برقولى تقريباً قرق بش سنه قدر ایمپراطورلق موقعی
محافظة ایدیه یلدی . مع مافیه تکمیل چینه صاحب دکلدی .
او Ou و غوئی نامنده دیگر ایکی سلاله بو هانلرله برابر
چین حکومتی پایلاشمش لردی . او زمانه قدر یالکیز بر
ایمپراطورلق تشکیل ایتش اولان و چوق کره قرال عنوانی
حائز کوچوک عائله لره انقسام ایله یین چین، عینی زمانده اوچ
ایمپراطور طرفندن اداره ایدیلدی . صو کره تسین خاندانی
بو عظیم ایمپراطورلغی کندی تحت اداره سنه آلمغه موفق اولدی .
فقط دیگر عائله لری احصا صورتیه بوتون چینده حاکم مطلق
کسیلیر کسیلمز پک چوق مقدارده بر طاقم کوچوک سلاله لر
توره دی . بونلردن کیمینک منشائی چین ایدی . کیمی ده
تورکستاندن کلش لردی . بو قدر کوچوک پرنسلکلر محاربات
داخلیه ایچون بیتمک توکنمک بیلمز بر منبع اولدی . بو
کوچوک حکومتلر بر برلریله لاینقطع محاربه حالنده ایدیلر .
شرق تاتارلر قاریشقلقلری تزید ایدیورلردی . ایشته تسین
سلاله سنک حکمران اولدیغی دوره هپ بویله کچدی . صو کره
بونى ده افنا زمانلر تعقیب ایتدی . تسین سلاله سنک احساسی چینده ایکی
ایمپراطورلق تولید ایله مشدر . بری شمال طرفنده شرق تاتارلر طرفندن
تأسیس اولونمش ایمپراطورلق ایدی . بونلر توپا یا خود غوئی نامنی
طاشیورلردی . دیگر ایمپراطورلق جنوبده ایدی . بو جنوب ایمپراطور-

لغنده آزوقت ایچنده بش چین سلاله سی بر بری تعقیب ایتدی .
چین هیج بر زمان بو قدر فلا کت ایچنده قالماشدی .
ایمپراطورلق تختی اله کچیرمک اوزره منازعه ایدن خاندانلر بر
ولایت داخانه انحصار ایدن کوچوک پرنسلکلردن زیاده
فلا کته باعث اولیورلردی .

مشهور تام سلاله سی بوتون بوتون تشوشاته بر نهایت ویردی
وچین ایچون بر دوره سکون و آسایش کشاد ایده بیله جک کبی
کوروندی . فی الحقیقه دیگر سلاله لک دو کونتولرینی امحایچون
کیریشمکه مجبور اولدیغی بر طاقم محارباتدن صوکره بوتون
چینه صاحب اولدی . آرتق حکم ونفوذی پایلاشان هیج
باشقه بر حکومت قالماشدی . فقط تورکار و شمالده کی بوتون
باربارلر تام ایمپراطورلریله حرب ایتمکدن کری دورمادیلر . بو
ساله بی محوه اوغراشان بعض عاصیلر یوسالاله بی تملنه وارینجه یه قدر
صارصدیلر . نهایت بوسالاله ده کندیسندن اولکیلر کبی سوندی .
چین یکی فلا کتله مستغرق اولدی . هه ئوله آم سلاله سی ایمپراطورلق
تختنده کورونور کورونمز تورکستانده بر خاندان تأسس
ایتدی که یاواش یاواش چینه یاقلاشه رق تسین سلاله سی نامی
آلتنده نهایت بوتون چینی اله کچیردی . صوکره هه ئوتام یعنی
ایککنجی تام سلاله سی نامنی آلدی .

ون هیه ن
توم قاثو

مختلف تورک عشیرتلی آراسنده بر دانه سی واردی که
چویوئه Tchou-yue نامنی طاشیوردی . لوپ کولی جوارنده

ساکن ایدی . بو کول قربنده بویوک بر چول واردی که
 تورکار بوکا شاتو Cha-to تسمیه ایدیورلردی . ایشته بوندن
 دولایی چویوئه عشیرته شاتو نامی ویریلشدر . بو توزکلردن
 بحث ایدن عرب مورخلری اونلره باغارغار Bagargar
 شریف الادریسی دیرلر . بو قومک قسماً آتسه طاقدقلرینی و پاختلرینک
 تانتابه Tantabée شهری اولدیغنی خبر ویریرلر . شاتو
 سلالهسی غرب تورکلرینک بویوک خاننه تابع ایدی . بوتون
 سفرلرده بویوک خانه رفاقت ایدردی . بو عشیرتده بویوک
 خانک مقدراتنه اشتراک ایتشدر . بویوک خان هولونک وفاتندن
 صوکره شاتولرک قین شان Kn-chān نامنده بر رئیسلیری
 واردی . چین ایمپراطورینه ایفا ایتدیکی خدماتدن دولایی
 چام یه Tcham-ye قوم Kum ی تعیین اولوندی . چینلیلره
 ویرکولر یوللادی . وفاتندن صوکره عشیرتک ادارهسی اوغلی
 فوقویه Fou koue یه انتقال ایتدی . بوکا اوغلی قوتو
 Ko-tou خلف اولدی . بونک اوغلی تسین چونغ Tsin-tchong
 کندیسندن صوکره ملتک ریاستی مقامنه کچدی . تبتیلیرک
 یاخود توقانلرک بویوک بر قوت و نفوذ صاحب اولمالری
 سببیه اقامتگاهنی ترک ایدرک تبغه سیله برلکده ایغورک شمالنده
 پهنیغ قلعه سنه چکیلیمکه مجبور اولدی . صوکره لری ، بو قلعه
 تبتیلیر طرفندن ضبط ایدیلنجه عائله اسمی چویه Tchou-ye

تام مو
 لیه تایی قیسو

سنه

۶۵۷

۷۱۲

۷۱۳

۷۸۶

اولان تسين چونغ ، تېتلىلر ك تابعيته كيردى . بونلر تسين چونغى شىنسينك منتهاسنده قان چه ئويه تبعه سيله برابر يرلشديرديلر . چينه نه وقت آقېن ياپارلرسه شاتولر پيشدار قطعاتى آراسنده بولونورلردى . مؤخرأ هوئى قه لر تېتلىلر ك الندى له آم چه ئوي آديلر . توفانلر بونك اوزرينه شاتولر ك هوئى قه لر طرفنى التزام ايتملرندىن قورقارق اونلرى غربه دوغرو دها اوزاق يرلرە نقل ايتك ايسته ديلىر . فقط تسين چونغ ايله اوغلى چى ئى Tchi-y بالعكس اوتوز بيك تورك عائله سيله شرقه چكىلديلىر . تاملر ايمپراطورينه تابع اولمق نيتنده ايدىلىر . توفانلر بونلرى تعقيب ايتدىلىر . آرالرنده بر قاچ مصادمه وقوعه كلدى . توركلر بوكون قاراقورومك بولونديغى نقطه يه ياقلاشديلر .

۸۰۸

تسين چونغك وفاتندن صوكره ، تبعه سندن بر قسمنى غائب ايتمش اولان چى ئى اون بيك كشى ايله ايم چه ئويه ياقلاشهرق اوراده چينلىلرە عرض تابعيت ايتدى . اورانك واليسى ، چى ئى يى ين چه ئويه يرلشديردى . ايمپراطور هيەن تسونغ بعض عنوانلر ويردى . صوكره لرى چى ئى نك قوله ئويه Ko-le-o pe نامنده بر برادرى ده معيتنده بر طاقم توركلرە چينه دخالت ايدەرك ايمپراطوردن بعض عنوانلرە نائل اولدى . چى ئى يە شمال حدولرينك محافظه سى توديع اولوندى . وظيفه سى شمال قوملرينك ، بالخاصه هوئى قه لر ك هجومه مانع اولمقدى . هوئى قه لر قوئى هو آچينغ ياخود

۸۳۶

۸۶۹
لیه تاي قیسو

قو قو هوتون طرفلرینه دوغرو تجاوزاتدن خالی قالمایورلردی .
 چی ئى نك وفاتندن سو کره اوغلی شه سین Che-sin یرینه کچدی .
 شاتولرك بو ریئسی چینلیلره بویوک خدمتler ایفا ایتدی .
 تام سلاله سندن ایمپراطور ئى تسونع Y-teung ك زمان
 ادارد سنده پانغ هیون Pang-hiun نامنده بری چین
 ولایتلرینی تخریب ایدیوردی . چه سین معیتندکی تورکلرله
 چین قوماندانلرینه التحاق ایتدی . واریشقلقلری تسکین
 خصوصنده اونلره معاونتده بولوندی . بو خدماتندن دولایی
 یکی بر طاقم مناصبه وبالخاصه لی Li عائله اسمنی طاشیمق
 حقنه نائل اولدی . تام ایمپراطورلرینك عائله اسمی بو ایدی .
 ایمپراطور بوکا قوئه چانغ Koue-tchang اسمنی ده علاوه
 ایتدی . بو تاریخدن سو کره چین مورخلری شه سین «لی قوئه
 چانغ» دبرلر . سو کره کندیسینی تبعه سیله برلکده قوئه یی هوا
 چینغ یا خود قو قو هوتون ه نقل ایتدیلر . بورانك والیدکی
 اونك عهدده سنه ویریلدی . چینلیلر ك اعتمادینی ، چوق کچمدهن ،
 سوء استعمال ایتدی ، چین قوماندانلرندن بعضیلرینی
 اولدیردی . فقط لی قوئه چانغك بو ایلک حرکتی مؤخرأ
 اوغلی لی قه یونغ Li-Ke-yong ك یابدقلرینه نسبتله هیچ قالیر .
 او زمان چینده هوا نغ چائو [۱] Hoang-tchao نامنده بر

۸۷۰

۸۷۲

۸۷۸

[۱] بو عاصیدن بحث ایدن مسعودی Masoudi ، اسمك
 بایشو Baichou اولدیغنی سویله یور راهب ره نودو Renaudot

عاصی وازدی . بو قاریش-یقلاقلر و قیطلق بر مقدار شاتو
 عسا کرینه قوماندا ایدن ایکی قوماندانی لی قه یونغی باشلرینه
 کچیرمک تصویرینه سوق ایله دی . ایچلرندن بری کیدوب
 لی قه یونغی بولدی . عسکردن بر چوغنک لهنده کی تصور اتندن
 اونی خبردار ایتدی . ملتک یچنده شبهه ایدیله بیله جک
 اولانلرکده موافقتی آندی . لی قه یونغ اونی بیک کشی
 طوپلادی . کیدوب فرقه سنک باشنه کچدی . عصیان
 هنوز تمام بر حالدیه میدانه چیقما مشدی . لی قه یونغ یالکنز
 یکیدن بعض رتبه لر آلمق ، بالخاصه ضبط ایتدیکی موقعه
 رسمی صورتده نائل اولمق املندن باشقه بر فکر بسله میوردی .
 بونلری ایمپراطوردن طلب ایتدیه ده موافق بر جواب آلامادی .
 حالبوکه مملکتک حالی ایمپراطوری بو حرکاته قارشى کوز
 قاپامغه سوق ایتک لازم کلیردی . لی قوئه چانغ ایمپراطوردن
 اوغلی ایچون عینی لطفی استرحام ایتدی . ا کر لی قه یونغ

طرفندن هندستان و چین احوال قدیمه سنه داتر ویریلن ایضاحاته
 باقیکر . بو عرب مورخی عاصینک ابتدا قانقویه یورودیکنی خبر
 ویریور . عرب تجارلری بو لیمانه چیقارلردی . شهرى ضبط ایدنجه
 بوتون سکنه سنی قیلچدن کچیردی . بو قتالده یکریمی بیک مسلمان ،
 یهودی ، خرسیتیان ، پارسی یا خود مجوسی تلف اولدی . بونلر
 بوراده تجارتله مشغول دیلر . عاصی صوکره سی غان فویى ضبط ایدنجه
 ایمپراطور ، تورکستانده تاغازغانه قرالنک یاردیمینی رجا ایتدی . باغارغار
 نامی دخی ویریلن تاغازغالر ، چینلیلره یاردیم ایتش اولان شاتو
 تورکلریدر .

طریق وظیفه دن انحراف ایدرسه حسیات پدرانیه مغلوب اوله رق بوکا مسامحه ایتیه جگنی ، ایمپراطورلق علیهنده هیچ بر حرکته بولونمایه جغنی ، اوغلنه قارشی ابتدا کندیسلی هجوم ایده جگنی تأمین ایله دی . ایمپراطور ایسه ، لی قه یونغی عفو ایتیه مکده اصرار کوستریوردی . پدری لی قوئه چانغه تاتونغ فو والیلکنی ویردی . فقط لی قه یونغ بو مأموریتی قبول ایتیه رک اوغلنه التحاق ایتدی . برلکده چین قوماندانلری اوزرنده بر مظفریته نائل اولدیلر .

سنه

۸۸۰

صوکره ، لی قوئه چانغ ین موئن قوان [۱] کجیدیه چینه داخل اوله رن هین چه ئو [۲] وتای چه ئو [۳] الکلرینی تخریب ایتدی . تسین یام [۴] شهرینی محاصره آلتیه آلدی . چین اردوسی کندیسنه قارشی یورودی . تسوچه ئو شهرنده لی قه یونغ طرفندن قوماندان بولونان قائووه ن تسی بو موئی چینلیله تسلیم ایتدی . بو فلا کت لی قه یونغی کلوب شهری محاصره ایتمه کة مجبور ایلدی . فقط چینلیله مغلوب اولدی . بونک اوزرینه چینلیله درحال کیده رک غوئه نی چه ئو [۵] شهرینی محاصره ایتدیلر . لی قوئه چانغ ده اوغلی کبی فلا کته اوغرادی .

[۱] شانسلی داخلنده تای چه ئو قربنده .

[۲] بوکون شانسلی داخلنده تایوئن فویه ملحق سیه ئو یونغ هیه ن .

[۳] بوکون شانسلی داخلنده تای چه ئو فو .

[۴] بوکون شانسلی داخلنده تایوئن فو ملحقاتندن تایوئن هیه ن .

[۵] بوکون شانسلی داخلنده تاتونغ فو .

بوتون عساكرى پریشان اولدى . اوغلیله شماله تاتا یاخود
تاجه لرك ياننه قاچدى . بونلر این شان داغنده ساکن اولان
موقو عشیرتلىرى ایدیلر . چینلیلر ، ایکی تورک رئیسنى بوتاتارلردن
ایسته دیلر . بونک اوزرینه لی قه یونغ ، تاتارلرک کندیسنی
تسایم ایتمه لری قورقوسیله اکجسور دوستلریله برلکده اورمانلره
قاچدی . اوراده طرفدارلر پیدا ایتدی . فقط بر مدت
صوکره ، دوستلرینه ویردیکی بر ضیافتده ایمپراطوره قارشى
اولان قباحتلرینی اعتراف ایدهرک نائل عفو اولمق املی
کوستردی . شماله چکیلمش اولان عاصی هوآم چائوی طوتمغی
تکلیف ایدیوردی . بو صورتله استیصال عفو ایدیه یلمک
امیدنده ایدی . فقط تاتارلر کندی لهنده سلاحه صارلمغه
میال کورونم دکلرندن بعض چین قوماندانلرینه مراجعت
ایلدی . بونلر لی قه یونغک فکرینی ایمپراطوره عرض ایتدیلر .
تکلیف ایتدیکی خدمت قبول اولوندی . معیتنده کی عسکر
ایله برلکده چین عسکرلرینه التحاق ایدهرک عاصی
هوآنغ چائویه قارشى یوردی . معیتنده قرق بیگ کشى
واردی . هپ سیاهلر کینه مشلردی . ایمپراطوره بویوک
خدمتلرده بولوندی . متعدد مصادماتده عاصیلری مغلوبیته
اوغراته رق سی غان فویه قدر ایلریله دی . اوراده قوه یی
نهری جنوبنده یکی بر مظفریته نائل اوله رق هوآم چائوی
فراره مجبور براقدی . بو قدر خدماته مکافات اولمق اوزره

ایمپراطور کنديسنه لونغ سی Long-si قونغ Kong ی عنوانی ویردی . لی قه یونغ اوزمان یکر می سکیز یاشنده ایدی .

صو کره بو تورک رئیس، هونان داخلنده پیهن چه نو [۱] یه کیتدی . تسیوئن چونغ نامنده ایمپراطورلغک بویوک قوماندانلرندن بری کنديسنه بر ضیافت کشیده ایتشدی . بو ضیافتده بوقوماندانلر او قدر سرخوش اولدیلر که بر برلریله غوغا ایتدیلر . تسیوئن چونغ ، لی قه یونغک اوتوردیغی اوی کیجه لین یاقدیردی . بوندن دولای لی قه یونغ بویوک برتھاکه آتلاتدی . تسین یامه عودتله ایمپراطوردن کیدوب تسیوئن چونغه هجوم ایتک مساعده سنی طلب ایتدی . ایمپراطورهی تسونغ اونی تسکینه چالیشدی . قرال عنوانی ویردی . فقط بویاکی قوماندان دایما بر برلرینه قارشى بر خصومت بسله دیلر . صو کره بو خصومت پارلامش و ایمپراطورلغه بر چوق ضرر ویرمشد . بر مدت صو کره لی قه یونغک پدری لی قوئه چوچانغ وفات ایتدی .

۸۸۶

تسیوئن چونغ کندى ولایتنه جوار اولان شهرلرک کافه سنی ضبط ایتک ایسته یوردی . لی قه یونغ بو عاصینک ایلریله مه سنه مانع اولق اوزره عسکر طویلامشدی . بو محاربه ایمپراطورک اشتراکی اولمقسزین وقوعه کلیوردی . او زمان ایمپراطورک حکم ونفوذی پک آزالمشدی . چاؤتسئونغ

۸۹۰

[۱] بوکون هونان داخلنده قای فونغفو . تاله آم دیدکاری

شهرده بودر .

ایمپراطورلق تختنه جلوس ایتدیکی وقت لی قه یونغک دشمنلری
 وبالخاصه تسیوئن چونغ هپ برلشهرک ایمپراطوردن لی قه یونغی
 عزل ایتک و اوکا قارشى عسکر کوندرمک مساعده سنی رجا
 ایتدیله . بو تورک رئیسنى ایمپراطورلغک باعث خرابیسی
 اوله جق بر عاصی دییه تصویر ایدیورلردی . لی قه یونغک
 چینلیله ایفا ایتدیکی خدمتلى اونوتامش اولان ایمپراطور
 اوکا تجاوز ایدیله سنه مساعده کوسترمک ایسته مدی . فقط
 ناظرلرینک اصرارینه مقاومت ایدمه یه جک قدر ضعیف
 و بونلرک ، ایمپراطورلغک ضررینه اوله رق خصومت شخصییه -
 لرینی تسکین املنده اولدقلرینی کورده مه یه جک درجه ده
 ادرا کسز اولدیغی ایچون لی قه یونغک بوتون رتبه و مأموریتلرینک
 نزع ایدیله سنه راضی اولدی و اوکا قارشى عسکر سوق
 ایتدی . بو محاربه نك باشلیجه عامللرندن بری اولان چانغ
 سون ، لوچه ئو [۱] شهرینی ضبط ایتدی . فقط هان آرقه -
 سندن لی قه یونغک عساکری بوشهری محاصره ایتدیله .
 والی بر پوصویه دوشدی ، یاقه لاندی . لی قه یونغه
 کوندرلدی . اوده کندیسنه بر ولایت تکلیف ایتدی . چین
 قوماندانی ، ایمپراطورک تبعه سی اوله رق دنیا یه کلش اولدیغی جهته
 ایمپراطورک خدمتده ترک حیات ایتکه مجبور اولدیغی سویله دی .
 عرض انقیاد ایتکه راضی اولمادیغی ایچون کندیسنی قتل ایتدیله .
 [۱] بوکون شانسى داخنده پنم یام فو قربنده شام تام هیهن .

لی قه یونغ بر طاقم موفقیاته نائل اولدی . چانغ سون ایله سائر
ایمپراطورلق قوماندانلری مغلوبیته اوغرا دیلر . لی قه یونغ
اردوسی شانسى داخلنده تسین چه ئو [۱] ، قیانغ چه ئو [۲]
شهرلرینی ضبط ایله بویوک غنائم بولدیلر .

سنه

۸۹۱

بوتون بوقاریشقلقلری ایمپراطورک ناظرلرینه عطف ایدن،
ایمپراطوره صمیمی صورتده مربوط بولونان وچوقدن بری
ناظرلرینک وخادم آغلرینک تحکمی آلتنده اسیرقالان ایمپراطوری
دوشدیکی بوموقعدن قورتارمق ایسته یین لی قه یونغ کندیسینک
سرایه دعوت ایدیله سی ایچون ایمپراطوره مکتوب یازدی .
ایمپراطور بومساعده بی ویردی . بو حربک مسبیلرینی عزل ایتدی .
لی قه یونغ رتبه و مأموریتلرینی اعاده ایتدیکی کی یکی عنوانلرده
توجیه ایله دی . بو عزل اولونان قوماندانلر بربرلریله محاربه دن
خالی قالمادیلر . برطاقم شهرلر ضبط ایتدیلر . بورالرده کندی
ناملرینه اجرای حکم ایدیورلردی . لی قه یونغ بونلرک عجوملرینه
قارشى مدافعه مجبوریتنده ایدی . کندى عائله سینک ایچنده ده

۸۹۴

لی قه یونغه قارشى دشمنلر چیقدی . اولادلغی لی تسون هیا ئو Li-
tsun-hiao اونک طرفنی ترک ایله تسیوئن چونغ طرفنه کچمش
واوندن هنع چه ئو [۳] والیلکنى استحصال ایتشدی . پدری

[۱] بوکون شانسى داخلنده پیم یام فو .

[۲] بوکون پیم یام فو ملحقا تندن چیم پیم هیه ن .

[۳] بوکون په چه لی داخلنده شون ته فو .

كلوب شهرى محاصره ايتدى. مدافعه جراتى كوستردى ايسه ده
ارزاقدن محروم اولان شهر ك ضبطنه مانع اولامادى. لى قه يونغ،
بوتون قوماندانلىرى عفويى رجايتمشلىرى سده اولادغى قتل ايتدىردى.
لى تسون هياثويه مربوط بولونان سيه هوتان نامنده برتورك رئيسى
دشمن ايله مناسباتى ايلريده ميدانه چيقماسى قورقوسيله اتحار
ايتدى. بو ايكي قوماندانك ضياعى لى قه يونغ بويوك بر ضرر وىردى.
فرقه سى ضعيفلايوردى. تسىوئن چونگك فرقه سى كيتدكه قوت
بولىوردى. لى قه يونغ صوكره توقو هوئىلى مغلوب ايدىرك،
ايمپراطورك ياننده دالما كندى عليهنده بولونمش اولان رئيسلىرى
هه ليهن تو He-lien-to ي اولديرتدى. اورادن، كندى
مملكه تارينه آقنلر ياپان لى قوام چه ئويه قارشى يورودى. ووجه ئو
ياخود قوتو هوئون شهرىنى تخريب ايله سين چه ئو [۴] ي محاصره
وضبط ايتدى. لى قوام چه ئونك شهرى مدافعه اچون كوندردىكى
اردويى دها اول مغلوب ايتمشدى. صوكره بوقوماندان ايله
ايكنجى بر محاربه يه طوتوشه رق فراره مجبور ايتدى. يه ئوجه ئو
ياخود پكين شهرينه هجوم ايله يهرك ايرته سى سنه اتداسنده
شهره كىردى.

بعض قوماندانلرك هيچ بر امر اولمقسزىن اردولرك باشنه
كچىرك ايمپراطورلغى ايسته دكلرى كى اداره يه جرات كوسترمه لرى
يه ئوقويى تكرر ايمپراطور شائوتسونغه عرض خدمت ايتمكه

[۴] بوكون پائوغان چه ئو.

مجبور ایلدی . بو قوماندانلرک قسم اعظمک نه قدر مستقلانه حرکت ایتدکلرینه باقهرق چین ایمپراطورلغک حقیقی وضعیتی حقنده بر فکر پیدا ایدیله بیلیر . لی قه یونغ در حال شانسی داخلنده قیانغ چه ئویه قدر ایلریله یه رک بو شهری ضبط ایتدی . عاصی قوماندانلر اونک حرکتی خبر آلیر آماز سی غان فویه چکیلدیلر . اوراده لی قه یونگی بر عاصی دییه کوسترمکه چالیشه رق ایمپراطوری پایتختی ترک ایدوب فونغ سیانغ فویه یاخود یاخود باشقه بر قلعه یه چکیلمکه قاندر موایسته دیلر . بو مناسبتله سی غان فوده بر چوق قاریشقلقلر وقوعه کلدی . بوتون خلق مسلح ایدی . حقیقی دشمنلرینه اعتمادینی ربط ایدن ضعیف قلبلی ایمپراطور کیدوب شه موئن قلعه سنه قاپانمغه قرار ویردی . پایخته یا قلاشمقده اولان لی قه یونغک عسکرلری عاصیلردن بری اولان وام هیم یونک اردوسنی بوزدیلر واسیر ایدیلن بو قوماندانی ایمپراطوره کوندردیلر . بوندن قورقان دیگر عاصی قوماندان لی مه ئوچین اولادلغی لی قی یونغک باشنی کسیدیره رک کندی عفونی تأمین ایچون ایمپراطوره یوللادی . ایمپراطور بو علامت انقیاددن متأثر اوله رق اوکا هجوم ایتمه سنی لی قه یونغه تبلیغ ایلهدی . بالعکس لی مه ئوچینگک عسکرلریله برلشوب وانغ هین یویه قرشی یورومک ایچون امر ویردی . لی قه یونغ او زمان اون ایکی یاشنده بولونان اوغلی لی تسون هیو Li-tsun-hiu یی عرض تعظیبات ایتک اوزره ایمپراطوره یوللادی . جاثوتس-ونغ بو

چوجوغى پك چوق سودى ، اوقشادى . ايمپراطور
عائله سىنه صادقانه خدمت ايتمەسى ايچون نصيحتلر ويردى وعلنا ،
بو چوجوغى ايمپراطورلغك اك متين بر استنادكاھى كې تلىقى
ايتدىكى سويلەدى . بو كنج تورك پرنسك بر كون چين
ايمپراطورى اولەجغى هيچ عقلنه كتيرمه يوردى .

ليه تاي قيسو
قام مو

وان هينغ يو محاربە يي غائب ايتد كدن صوكره تينغ چە ئويه
قاچمشدى . لى قەيونغ آرقە سىندن هان يتيشەرك اوراده اونى
محاصره ايتدى . شهر ضبط اولوندى . وان هينغ يو قاچمغە تشبث
ايتدىكى صيراده كندى طرفدارلى طرفندن توقيف و قتل
ايدىلدى . بونك اوزرينە ، لى قەيونغك صداقتە قناعت كتيرن
ايمپراطور ، خدمتلىرىنە مكافاة تسين قرالى عنوانى ويردى .
لى قەيونغ تسين يام ياخود تايوئن يوانى طوتمان اول ايمپراطوره
بر مکتوب يازەرق عرض تشكرات ايتد كدن صوكره ، احراز
ايتدىكى مظفرياتدن بالاستفاده ، سائر عاصى قوماندانلر كچكىلەكلرى
فونغ سيانغ فو شهرىنى كيدوب ضبط ايتمەسە مساعدە ويريلەسنى
رجا ايلەدى . ايمپراطورك اطرافندە هپ لى قەيونغك دشمنلىرى
واردى . بونلر چوق نفوذ كسب ايتمەسە ميدان براقىلاجق اولورسە
بوتورك رئيس ايله تېمە سندن قورقق لازم كلە جكنى متصل ايمپراطوره
تسكرا ايدىيورلردى . بوندن دولايى ايمپراطور لى قەيونغە ويردىكى
جوابدە لى مەئوچين ايله سائر قوماندانلر ك ، خطالرىنى اعتراف
ايدەرك عرض دخالت ايتمش اولدقلىرىنى ، چوقدن برى يورغون

بولونان عسکری دیکلندی رملک لازم کلدیکی بیان ایله دی. ایمپراطورک
 بوجوابندن هیچ ممنون اولمایان لی قه یونغ مکتوبی کتیرن مأموره
 ایمپراطورک کندیسندن شبهه ایتدیکنی، اوزاقلاشدیرمقدن باشقه برشی
 دوشونمه دیکنی سویله دی. ایمپراطور بو صورتله کفناده شمنلرینک
 انه تسلیم نفس ایدیوردی. لی مه ئوچین حائر نفوذ اولدجه
 وغصب ایتدیکنی حکم واققدار الندن آلتادجه ایمپراطورلغک
 برکون بيله راحت ایتیه جکنی آ کلامشیدی. لی قه یونغک
 سرایه کله سنی منع ایتک بوقوماندانلرک منفعتی ایجابنده اولدیغی
 ایچون، اونلرک نصیحتیه حرکت ایدن ایمپراطور، تورک
 پرئسنه بومراسمدن کندیسنی آزاده براقدیغنی تبلیغ ایتدیردی.
 ایمپراطوری قورتارمق ایله مشغول اولدیغی حالد حقه کوستریلن
 حقسنز شبهه لردن قیزان لی قه یونغ عسکرلرینی آلدی، تسین یامه چکیلدی.
 فقط او کیدر کیتمز ایمپراطور یاپدیغی خطایی آکلادی. آرتق
 هیچ برطرفدن امداد امیددی قلامشیدی. ایمپراطورلغی الندن آلمق
 ایچون ضعفندن استفاده یه چالیشان برسورو قوماندان آراسنده
 یاپه یالکز بولونیوردی. لی قه یونغ سی غان فوجوارلرنده اردو
 قورمش اولدیغی مدتجه لی مه ئوچین ایله هان قیه ن هیچ
 قلدامغه جسارت ایدمه مشلردی. او کیتدکن صوکره
 لی مه ئوچین برچوق موقعلری ضبط ایتدی. ایمپراطور کندیسنه
 صادق قالان برمقدار عسکری سوقه مجبور اولدی. عینی زمانده
 تسیوئن چونغ په چه لی داخلنده لی قه یونغ ایله حرب ایدیور
 وقوماندانلرینی مغلوبیته اوغراتیوردی.

سنه
 ۸۶۹
 قام مو
 لیه تایی قیسو
 تام شو

ولایتلرده احوال بومر کزده جریان ایدر کن سرای دها
 بویوک برتذبذب ایچنده ایدی . لی مه ئوچین کلوب ایمپراطوری
 کوردی . پرنسیرک هیچ برسبب اولمقسزین عسکر طوپلادقلرینی
 سویله یه رک کیدوب اونلری توقیف ایتمک وعفو استرحام
 ایتمک اوزوه حضوره کتیرمک مساعده سنی ایسته دی . بو عسکرک
 ایمپراطور امریله طوپلاندیغنی بیلمر کی کورونیوردی . برآز
 متین بر ایمپراطور اولسه عاصی نی توقیف ایتدیریردی .
 فقط بو قدر جرئتکارانه بر حرکت چین سبراینده تشبث
 ایدیلهمه دی . ایمپراطور ، ینه لی قه ئویونغه مراجعت ایتمکدن
 باشقه برچاره کوردمدی . بولوندیغنی حال ووضعیتمدن اونی
 خبردار ایتدی . عینی زمانده لی مه ئوچین سی غان قویه یاقلاشدی ،
 ایمپراطورک اردوسنی مغلوب ایتدی . بعض ناظرلر ، ناچار
 قالمش اولدقلری ایچون ایمپراطوره شانسی داخلنه تای یوئنه ،
 لی قه یونغک یاننه چکیلمکی تکلیف ایلدیلر . ایمپراطور بومقصدله
 قوه ئی نهرینک شمالنه قدرایار یله دی . خائن هان قیه ن ایمپراطوری
 هو آچو ئویه چکیلمکه تشویق ایتدی . شائوتسونغ ابتدا بو
 تکلیفی رد ایدرک یولنه دوام ایلدی . فقط کیتدجکه قورقوسی
 آرتیوردی . هان قیه ن ایله تکرار مذاکره یه کیریشدی . هان
 قیه ن ایمپراطورک آیاقلرینه قپاندی ، شنسی یی ترک ایتمه مه سنی
 رجا ایتدی . شنسی یی ترک ایدمک اولورسه بردها کوره مه یه جکنی
 سویلیوردی . ایمپراطور لی قه ئویونغه لایق اولدیغنی درجه ده

اعتماد ایتدیکی ایچون هو آچه ئویه کیتکه قرار ویردی لی مه ئوچین
 بو ائناده سی غان فویه کیره دك هر طرفی آتسه ویرمه ک باشلامشدی.
 لی قه یونغ بونلردن خبردار اولونجه نصیحتلرینک دیکلنمه مش
 اولماسنه صوگ درجه ده متأثر اوله رق هر طرفدن اردو طوپلادی،
 ایمپراطوره عرض خدمت ایتدی . ققط خائن هان قیه نک
 نصیحتلریله حرکت ایدن ایمپراطور بوتکلیفی ینه رد ایتدی .
 لی قه یونغ عاصیلره قارشى یورو مک اوزره حاضر لانتقدن
 کری دورمادی . بر مدت اول ضبط ایتش اولدیغی پکین
 عساکرینی جلب ایتکه قالقدی . فقط اوراده براقش اولدیغی
 والی امره اطاعت ایتک ایسته مه یه رک خیتان تاتارلری ایله
 برلشدی . اونلرله برابر لی قه یونغک مملکتلرینه آقینلر یاپدی .
 عاصیه قارشى محاربه ایتکه مجبور اولان تورک قوماندانی
 مغلوبیته اوغرازدی . چونکه کافی درجه ده احتیاط ایتمه مش ،
 محاربه یه کیریشه جکی ائناده بر ضیافتده سرخوش اولمشدی .
 محاربه دن صوکره خطاسنی تسلیم ایتدی . علناً بونی اعتراف
 ایله دی . فقط کافی درجه ده جسارت کوسترمد کلرندن دولایی ده
 قوماندانلرینه مؤاخذاتده بولوندی اوغرا دیغی بوموفقیته سزلک
 عاصی جنراللره مدافعه یه حاضر لانتق اوزره وقت براقدی .
 اللرنده عادتاً اسیرکی بولوندی رد قلری ایمپراطوردن کیدوب
 لی قه یونغه هجوم ایتک مساعده سنی ایسته دیلر . فقط ایمپراطور
 بومساعده یی ویرمه یه جک درجه ده متانت کوستره بیلدی .

سنه

۸۹۸

بواشناده لی مه ئوچین، هونانک بر قسمنی ضبط ایتیش اولان
تسیوئن چونگک لویام شهرینی تحکیم ایتدیردیکنی خبر آلدی.
ایمپراطورک بوقلعهیه کیتمه سندن قورقدیغی ایچون اولجه یاپدقلرینک
کافه سنه ندامت ایتیش کی کوروندی. ایمپراطوردن سیغان فونک
تعمیرینه مساعده رجاسنده بولوندی. هان قیهن قلعه لیرک انشا آتیه
نظارته مأمور اولدی. بوایکی قوماندان عینی زمانده لی قه یونغه
صاح تکلیف ایتدیله. لی قه یونغ بو تکلیفی قبول ایتدی،
تسیوئن چونغه قارشى یورودی. بویوک قوماندانلر آراسنده کی
نفاقک قربانی اولان ایمپراطور، صاحی تأسیس ایچون الندن
کلنی یاپدی. لی قه یونغ اساساً صلح طرفدارى ایدی. فقط
تسیوئن چونغ وقع بولان تکلیفاتک کافه سنی ردایدیرک یهجه لی
داخنده محاربهیه دوام ایتدی. لی قه یونغ بوعاصینک ترقیاتنه
مانع اولق اوزره متعدد قول اردولر کوندیرمک مجبوریتنده
قالدی. تسیوئن چونغ متصل یکی موقعلر ضبطایدیوردی.

۸۹۹

۹۰۰

ایشته ایمپراطورلق بووضعینده ایکن خادم آغلاری ایمپراطوری
توقیف ایتک کی جرئتکارانه بر تشبه قالدیلر. ایمپراطوری
خلع ایچون بر طاق قوماندانلرله برلشدیلر. مملکتده حکمفرما
اولان اغتشاشادن دولایی امور ادارهیه دها زیاده دقت ایتسی
لازم کان ایمپراطور بالعکس یکی اغتشاشات ظهورینه سبب
اولاجق حالرده بولونیوردی. برکون آره کیده رک اوراده
سرخوش اولمشدی. سرخوشلق تأثیریه بعض حرکات شدیدده

بولوندى . بوندن دولايى سراينده مهم بر پاتيردى قويدى .
عودت ايتديكى وقت برفاچ قىزى اولديرتدى . بونلر ك فريادلىرى
اوزرينه قاپلىرى فاپامغه مجبور اولدىلر . ايرتهسى كوني خادم
آغلرينك باشى ليه ئوقى شو بيك كشى طوپلادى . كورولتونك
سببىنه واقف اولونجه ، تسوئى ئين ايله برلكده ايمپراطورى
خلع ايتمكه ، هيچ دكلسه حكومتك اداره سنى ولى عهد
راقغه قرار ويردى . بوقوماندنلر سرايه هجوم ايله جبراً ايجرى
كىردىلر . كورولتون صوك درجه ده قورقش اولان ايمپراطورى
طوتدىلر ؛ ايمپراطوريجي ودها سائر بعض قادينلرله برلكده
آرى بريره قاپادىلر . هر طرفنى تحت محافظه آلدىلر .
قومك اوزرينه بو حكمدار كنديسنه ويريلن نصيحتلىرى
ديكله مديكى اچون بو عاقبت اوغرا دىغنى يازدير مشلردى .
محبسده يالكلز بر دليك براقلمشدى . بورادن ايجريده كيلر
ييه جك اچجه جك ويريورلردى . ايمپراطور بر قاچ كره يازى
يازماق اچون كاغد و فيرجه ايستهدى . فقط ويرمدىلر .
اثوابلى پارچه لاش اولان پرنسسار بيهوده يره باغريشورلردى .
سسلى سرايك ديشندن ايشيدىليوردى . ليه ئوقى شو كيدوب
ولى عهدى بولدى و اوكا ايمپراطور طرفندن ساخته بر امر
نامه ويردى . ايمپراطور كويا تختى ولى عهد براقيوردى .
خادم آغاسى صوكره ، اسكى ايمپراطوره صادق اولان بوتون
قوماندانلىرى اولديرتدى .

سنه
۹۰۱

ناظر تسوئی ئین ، لیه ئوقی شونک آرزولرینه ، ممانعت
قابل اولمایه جنی ایچون ، رضا کوسـترمشدی . فقط بعض
قوماندانلرک ، ایمپراطوری قورتارمق تصـورنده اولدقلرینی
کورومجه کیزلیجه اونلرله برلشدی وتشبثلرینی تسهیل ایتدی .
بو فرقه نك باشنده بولونان سون ته چاٹو بر مقدار عسکرله
سرایه کیردی . خادم آغلرینی وبالخاصه لیه ئوقی شوی یاقه لادی .
هپسنگ باشلرینی کسیدردی . ایمپراطور تکرار تخته چیقارلدی .
اوزاق ولایتلرده بولونان عاصی قوماندانلر سی غان فوده جریان
ایدن بو قاریشـقلقلردن خبردار اولونجه جرئتلرینی دها
آرتیردیلر . تسیوئن چونغ کنديسنی فونغ پیم ؛ لی موئوچین ده
قی قرالی اعلان ایتدیلر . لی قه یونغ تسیوئن چونغدن صلح
ایسته مک اضطرارنده قالدی . فقط یازدیغی مکتوبی تسیوئن
چونغ یرتدی . جواباً یکیدن عسکر سوق ایتدی . بر قاج
شهری دها اله کچیردی . تسیوئن چونغ صو کره ، ایمپراطورک
اقامت ایتدیکی شنسی ولایتنه یوروددی . لی قه یونغ ایله محاربه
دوام ایتمکه برابر فونغ سیانغ فویه یاقلاشدی ، ایمپراطورک
قوماندانلریله متعدد مصادماتده بولوندی . صوک درجه ده
ضرورت ایچنده کی بوشهره قاپانمش اولان ایمپراطور اوراسنی
ترك ایله عاصینک اله تسلیم نفس ایتمکه مجبور اولدی . صو کره
سی غان فویه دوندی . اوراده باشقه عاصیلر کلوب کنديسنی
محاصره ایتدیلر و هونان داخلنده لویامه چکیلمک اوزره بو

۹۰۲

۹۰۳

پایتختی ترکه اونی مجبور براقدیله . بوتون حکم و نفوذی اله	سنه
کچیرمش اولان تسیوئن چونغ مؤخرأ ایمپراطوری اولدیرتدی .	۹۰۴
ایمپراطور عنوانی چائو تسوونگک اوغلی چائو تسیوئن تی به	
ویردی . تسیوئن چونغ باش وکیل نصب ایدیلدی وله آنغ	۹۰۵
قرالی عنواننه نائل اولدی . بر اردو ایله په چهلای ولایتنه	
کیرمش ایدی . بوتون بوولایتی استیلا ایدجک کبی کورو .	
نیوردی . کندی الکاسی ایچون قورقغه باشلامش اولان لی قه یونغ	۹۰۶
عسا کرینی پکین والیسنگک عسا کرینه الحاق ایدجک تسیوئن چونغی	
هونانه چکیلمک مجبور ایتدی . بوراده ایمپراطور کندیسنه	۹۰۷
مهر سلطنتی کوندردک ایمپراطورلق مقامی اوکا براقدی .	
بونک اوزرینه تسیوئن چونغ له آملر ایمپراطوری نامنی آلدی .	
تام سلاله سنک انقراضنی متعاقب لی قه یونغ ده وفات	
ایتدی . بوتورک قوماندانی تهله کی صورتده خسته لاندیغنی	
حس ایدنجه بوتون عائله سنی وقوماندانلرینی طوپلادی و اونلرک	۹۰۸
یاننده کندیسنه خلف اولق اوزره اوغلی لی تسون هیو	لیه تای قیسو
Li-tsun-hiu یی کوستردی . بو کنج شهزاده ده بویوک برجسارت	قام مو
ویک چوق احتیاط کارلق بولوندیغنی فرق ایتشدی . ایمپراطورانی	
غصب ایتش اولان قوماندانه قارشلی کوچوک حکومتی آلق	
اونک مدافعه یه قادر اولایله جکی امید ایدیوردی . صوکره	
شانسی داخلنده پایتختی اولان تای یوئن شهرنده وفات ایتدی .	
مؤخرأ کندیسنه تای تسو عنوانی ویریلن یکی چین	

ایمپراطوری بوکنیش ایمپراطورلغه تماماً صاحب دکلدی .
بوتون ممالکی هونان ایله شانتونغدن عبارتدی . چینگ سائر
طرفلری بویوک قوماندانلر النده ایدی . بونلر اولکی سالالانک
صوک زمانلرنده اوقدر چوق قوت اکتساب ایتشلردی که
بولونقلری الکلرده برر حاکم مطلق کیلیمشلردی . لی مهئو
چین ، قی قرالی عنوانی آلتنده ، شنسی داخلنده فونغ
سیانغ فوده حکومت ایدیوردی . یانغئو قیانغ ناند حاکم
ایدی . اوزمان بوالکایه هوآی نان نامی ویریلیوردی . وانغ
قیهن شو قرالغی داخلنده تأسیس نفوذ ایتشدی . سه چوئن
ولایتی بوراده کائندی . حکم ونفوذی شنسی نک وهوقوآنغک
برقسنه قدر امتداد ایدیوردی .

اوزمان اویوئه قرالغی تشکیل ایدن چه قیانغ ، تسیهن
لیهئویه عائد ایدی . هوقوآنغ ولایتک اقسام سائر دسیله
جوارلرنده مائین ایله قاقوق چانغ حاکم ایدیلر . بونلرک برنجیسی
تسو قرالی عنوانی طاشیوردی . ایکنجیسنده قیم نان قرالی
دنیلوردی . لیهئوئین ، شانتون ولایتده حکمران ایدی .
هوئیه قه تاتارلری ده شنسی ولایتک اک غربی قسملرینک
صاحب اولقلری کی قیتانلرده شماله کیرمک تهدیدینی
کوستریوردی . لی قه یونغک خلفی ایسه شانسی داخلنده
حاکم ایدی .

لی قه یونغ صاغلغنده ، ردوسنک جسور قوماندانلرندن لیه تای قیسو

برچو غنى اولادلق اوله رق قبول ايتمىدى . بونلره حقيقى چو جوقلرى كېى معاملە ايدىيوردى . كنىدىلر يىنە چوق حسن معاملە كوسترييور ، خاطرلر يىنى صاييوردى . بوقوماندانلر لى قەيونىغك وصيتنە ممانعت ايتمىكە قالقەرق نفوذلر يىنى سؤ استعمال ايتدىلر . قسم اعظمى لى تسون هيوى خلع ايتمك اوزره برلشدىلر . كلوب كىزلىجە قەنىنغ Ke-ning ايله كوردوشدىلر . يىكى قراله قارشى عصيان ايتمىكە اونى تشويق ايلدىلر . تاتارلرده من القديم متوفا حكمدارك برادرى اولادلر يىنە ترجيحاً تخته چيقمق عادت اولديغنى سويلەدىلر ، قەنىنغ ابتدا راضى اولمادى . فقط مكرر اصرارلره قارشى نهايت يوموشادىغى ايچون تسين قرالىنى توقيفە قرار وىردىلر . لى قەيونىغك تأسيس ايتمش اولديغنى سىلالە يە بونام وىريلىيوردى . قرالى توقيف ايتد كدن صو كره ايمپراطوره تسليم ايدە جكاردى . فقط بو سوء قصد تشبثى كىزلىجە خبر آلندى . لى تسون هيوى بويوك بر ضيافت چكدى . ضيافت ائناسنده ، قەنىنغ ايله سائر طرفدارلرى ، سلا حلر يىنى كىزله مش اولان بر طاقم خدمتچيلر طرفندن توقيف اولوندىلر . هپسى ده اعدام ايدىلدىلر .

بو صيراده ، ايمپراطورك قوماندانلرندن لى سوغان شانسى داخلىنده تسينلره عائد اولان لوچه ئو شهر يىنى محاصره ايله مشغولدى . بوراسنى ضبطە موفق اولامايوردى . لى قەيونىغك وفاتى خبر يىنك ياكلىش اولماسندن قورقان ايمپراطور ، عسكر -

لرینی کری جلب ایتک ایسته یوردی . فقط حین رجعتده
 تسینلرک اردویه تجاوزلرندن اندیشه ایدیوردی . بو تردددن
 دولایي تسه چه ثویه بالذات کلکه قرار ویردی . اورادن ،
 شهرى او قدر اوزون بر مدتدن بری کمال جسامتله مدافعه
 ایدن لی سوچاؤ Li-ssu-tchao یی لوجه ئو شهرینی تسلیم
 ایتکه دعوت ایتدی . فقط شهرده هیچ پرشی قالماش اولمقله
 برابر بو قوماندان ایمپراطورک مکتوبی یاقدی . مرخصک
 باشنی کسدى . تاي تسو بو قوماندانک متاننی صارصامایه جغنی
 کوره رک محاصره یی رفعه قرار ویردی . لی قه یوانغک وفاتیله
 بو کوچوک حکومتده بر طاقم تحولات وقوعه کله جکنى
 و تسینلر قرالنک عسکرلرینک کری دونمکه مجبور اوله جقلرینی
 امید ایدن قوماندانلری بر مدت دها بکله مکه کنديسنی تشویق
 ایتدیلر . فی الحقیقه تسینلر قرالغنده تشوشات اماره لری
 واردی . قوماندان چه ئوته غوئی Tcheou-te-goei بر قول
 اردو باشنده ایدی . خلق بونک یکی قرال لی تسون هیو
 علیهنده عصیان ایتسندن قورقیوردی . فقط قرال بو قوماندانی
 نزدینه جلب ایدنجه درحال امره اطاعت ایتدی . تسین یامه
 کیتدی . اورایه یاننده هیچ عسکر اولمقسزین کیردی . یکی
 قرالک آياقلرینه قاپاندى . بو حرکتک ایکی دورلو رفائده سی
 اولدی . بر طرفدن خلقی تسکین ایتکه خدمت ایتدی . عینی
 زمانده ده دشمنلره تسینلرک ، عسکرلرینی چکه جکلری ظنی ویردی .

له آملر ايمپراطورى ، چه ئۆته غوئەيى نك تسين يامە تقرب
ايتديكى خبر آلنحه تسينلر ك لوچه ئۆيه يارديمە ككەيە جكلرينە
قناعت كتيرەرك كرى دوندى . فقط بو موقعى محافظە
ايمەنك نە قدر حائز اهميت اولديغنى حس ايدن وعينى زماندە
ايمپراطورك ، اردوسندە انتظام وانضباطى محافظە خصوصندە
غايت تىكاسل ايتديكىسندن خبردار اولان تسينلر قرالى اك
اي عسا كرىنى انتخاب ايله صباحلين ايرككندن ، برسييس
اثناسندە لە آم عسكرلرىنى باصدى . بونلر دها اويقودن
اويانمامشلىردى . ايمپراطورك عسكرى درحال پريشان اولدى .
بوتون اشىالرىنى وآلات حربىەلرىنى براقەرق قاچىدىلر .
چه ئۆته غوئەيى ، لوچه ئۆ شەرىنك سوزلرى دىنبە كيدەرك
لى قەيونغىك وفات ايتديكىنى ، خلفىك بالذات دشمنلرى
مغلوب ايتديكىنى خبر وىردى . شەرك قايليرىنك آچلماسنى
سويلەدى . بو وقايعدن هيچ خبردار اولمايان وچه ئۆته
غوئەيى نك عصيان ايدەرك تسينلر ك دشمنلرينە التحاق ايتمش
اولماسندن قورقان لى سوچا ئو ابتدا اطاعت ايمەدى . بونى
تسينلر ك دشمنلرينك قوردقلىرى بر طوزاق ظن ايتدى .
بالذات قرالى بياض اثوابلرله يعنى ماتم ايچىندە كورمەدكە
قايليرى آچادى . محاصرەنك رفعنە مجبوريت كورولمەسى لە آم
ايمپراطورلغنى بك ياس ايچىندە براقدى .
چه ئۆته غوئەيى بو محاربەيى متعاقب تسە چە ئۆ شەرىنى

محاصره ايتدی . فقط ايمپراطور ك قوماندانلارندن برى هر نه
قدر بر امر آمامشسده على العجله عسكر طوپلادی . بوشهر ك
امدادينه قوشدی . تام شهر تسليم اوله جنى صيراده يتيشدی .
اونك ورودی خلكك جسارتى آرتیردی . تسينلرله متعدد
محاربات جريان ايتدی . نهايت تسينلر چكيلمكه مجبور اولدیلر .
بو ائزاده تسينلر قرالى تسين يامه عودت ايتدی . اوراده عسكرلريني
ديكلنديردی . اونلره مكافاتلر داغيتدی . فنا حرکت ايتمش
وساثرلرينك اموالنه تعرض ايله مش اولان تبعه سنك كافه سنى
جزا ديدە ايتدی . فقرايه يارديملرده بولوندى . خیرسزلى
وسفیهلری طوتدیردی . ميليس عساكرى ايچون مفيد نظاملر
قويدی . عسكرلر ك ، محاربه دن باشقه زمانلرده بار كیره بينمه لرینه
مساعدە ايتدی . بونلری طاقم طاقم آيیردی . آزالرنده درجه لر
تأسيس ايتدی . بو عاقلانه ترتيباتدن صوكره يكي براردو طوپلايه رق
شو و قى قرالرينك عسكرلرينه الحاق ايله ايمپراطوره تابع بولونان
يوم چه ئو [۱] يه هجوم ايتدی . فقط رجعتە مجبور اولدی .
محاصره آلتە آلتش اولان پکینه ده قوه امداديه کوندردی .
عینی زماندا ايمپراطور ك قوماندانلارندن ليوچى تسون عصيان
ايدەرك تسينلر قرالندن استمداد ايتدی . بونك اوزرينه لي تسون
هيو اردونك باشنه كچدی . چه ئوته غوئه يي تسين چه ئو شهريني
محاصره يه کوندردی . ايمپراطور اردوسى مغلوبيته اوغرادى .

[۱] شنسى داخلنده ، سىغان فوجوارلرنده .

دیگر طرفدن، هیا قرالارینک اجدادندن بری اولان لی شی چانغ نامنده کی هیاچه ئو والیسی ده ایمپراطوره قارشى عصیان ایتمش فقط اتلاف اولونمشدی . بونک اقربالرندن فوجین فو نامنده بری عینی شهرده اوکا خلف اولمشدی . تسینلر قرالی ایله قی قرالی بوکا قارشى یورو دیلر . چه ئوته غوئهی هیاچه ئوی یاخود نینگ هیایی محاصره ایتدی . فقط تسینلرک صوکره غرب پایتختی ضبط ایتمه لرندن قورقان ایمپراطور قوه امدادیه کوندردی . محاصره یی رفعه موفق اولدی .

ایمپراطور، چائو قرالک تسینلر طرفنه کچمه سی اندیشه سیله بوقراله عائد اولان شین چه ئو وقی چه ئو شهرلرینی ضبط ایتک مناسب اوله جغه حکم ایتمشدی . فقط بوقرار، قرالی برآن اول تسینلر طرفنه کچمکه سوق ایتدی . بو شهرلری غائب ایتدیکنه منفعل اوله رق تسینلر قرالنه مراجعتله امداد ایستدی لی تسون هیو ایمپراطوره قارشى یورومک اوزره اردوسی ط، یلادی . ناظرلری بو مطالعده دکل دیلر . بونلر چائو قرالندن شبهه ایدیورلردی بونک من القدیم ایمپراطوره مربوط اولدیغی، ایمپراطورک متفق بولوندیغی سویله یورلردی . فقط تسینلر قرالی بوسوزلری دیکله مدی . قوماندان چه ئوته غوئهی سوق ایتدی . اوده چائو چه ئوده اردو قوردی . عینی زمانده ایمپراطور اردوسی ده ایلریله یوردی . چه ئوته غوئهی محاربه یه کیریشمک اوزره ایمپراطورک قرارگاهنه یاقلاشدی . له آملر اردو کاھدن دیشاری حیقمنه جسارت ایده مدیلر .

تسینلر قوماندانی بر مقدار خفیف قوتلر سوق ایدەرك بونلره تجاوز ایتدیردی. بوقوتلر طرد اولوندی. ایمپراطور عساگرینک اردوگاهى پك اى تحکیم ایدیلش اولدیغى ، اردونك هر دورلو ارزاقى ده موجود بولوندیغى ایچون چه ئوته غوئەى هجومه جسارت ایدەمه يەرك ارزاقلرینک بیتەسنی بىكلەمکە قرار ویردی . هجوم ایدیلەسى فیکرنده بولونان لی تسون هیویه ، نسین چه ئو و تیم چه ئو عساگرینک بوشەرلری مدافعه و محافظه ایدە بیله جك درجه ده قوتلی اولدقلرینی ، فقط آچیق بر صحرا ده دشمنه قارشى حربە کیریشه . مه یه جکنى ، معیتندە کی الك اى عسکرک سوارى فوتندن عبارت اولماسى حسبيله بونلرک آنجق او واده ایش کورده بیله جکلرینی ، استحکاماته هجوم ایدە میه جکلرینی بیلدیردی .

قرال ، قومانداننک ویردیکی نصیحتدن ممنون اولما یه رق چادیرینه چکیلدی . هیچ بر قوماندان برسوز سویله مکە جسارت ایدە میوردی . چه ئوته غوئەى کیدوب چانغ چینگ تیە بی بولدی . قرالک مظفریتە پک هوس کوستردیکنى ، دشمنلرینی پک استخفاف ایتدیکنی ، قوتلری کافی اولما مقله برابر محاربه بی آرزو ایتدیکنی آ کلاتدی . دیدی که : « بولوندیغمز وضعیتە نظراً الك ایسی ، دشمنی دیشاری یه چیقەغە تشویق ایچون اراضی ترک ایتە کدره دشمن بر کره اردوگاهندن چیقنجه کنديسنه امید موفقیته هجوم ایدە بیلیرز . » چانغ چینگ تیە ، قرالک چادیرینه کیتدی . واونی چه ئوته غوئە بی نك نصیحتنی تعقیبه اقناع ایلەدی . قانویه چکیلەمکە

قرار ویردکلی صیراده فراریلردن له آملرک، چانغ جینغ تیەنک
تخمینی و جهله، چکیلمکه حاضر لاندقلرینی خبر آلدیلر. اوزمان
جوارده حیوانات ایچون اوت یوقدی. له آملر بوتون اوتلری
طویلا تمشلردی. حیوانلرینه یدیره جک برشی بولامایان تسینلر
دشمنلرینک الندن اوتلری آلمق یولنی بولمشلردی. اردوگاهلردن
چیقمنغه جسارت ایدمه یین له آم عسکرلری بار کیرلرینی بسله مک
ایچون اولرک اوستنده کی صامانلری آلمغه مجبور اولمشلردی.
اوت قیطلغی بار کیرلردن بر قسمنک تلف اولمالرینه سببیت ویردی.
بونک اوزرینه چه ئوته غوی او چ بیك عسکر له ایمپراطور عساکرینک
قرارگاهی او کنه کیده رک ساخته بر هجوم حرکتنده بولوندی.
له آملر دیشاری چیقیدیلر. صف حرب اوزره دیزیلدیلر.
بر کوپرویی کچمکه حاضر لاندقلری صیراده کندیلرینی دور دیردیلر.
محاربه باشلادی. مظفریت اوزون مدت ایکی طرف آراسنده
مشکوک قلدی. چه ئوته غوئی احتیاطکارانه داورانهرق قرالک
آتشین حرکتنه مانع اولدی. ونهایت مظفریتی کندی طرفلرینه
جلب ایتدی. له آملر فراره باشلادقلری وقت بوتون تسین
اردوسی اوزرلرینه هجوم ایتدیلر. ایمپراطورک عسکرلری
سلاحلرینی، ارزاقلرینی آتهرق، باغیره باغیره قاچیدیلر. میدان
محاربه ده یکر می بیك مقتول براقیدیلر. بوغلبه دن صوکره تسینلر
اردوسی چائوچه ئوده قرارگاه قوردی. له آم قوماندانلری
ضبط ایتمش اولدقلری شهرلری تخلیه ایتدیلر. تسینلر قرالی،

چە ئۆتە غوئەى تان چە ئو [۱] و غوئەى چە ئو [۲] شەرلرىنى
محاصرە ایتىمكە يوللادى . چانغ چىنغ تىيە دە كىدوب
ھىنغ چە ئو [۳] شەرىنە ھجوم ایتىمكە امرىنى الدى . لى تسون ھىو
بويوك بر اردو ايله آرقەلرندىن يورودى . غوئەى چە ئو شەرىنى
بالذات محاصرە ایتىدىسە دە ضبط ایتىمكە موفق اولامادى .
-ونىكە لە آملر كىجەلین شەرە قوۋە امدادىيە سوقق يولنى
بولملاردى . لە آملر ھوآم نەرىنى كچە جىكلرى صىرادە تسىنلر
قرالى لى يامدە بو نەر ساحلنە كلدى . لە آملر دشەمك تقررېنى
كورونجە كمىلرىنى ترك ايدەرك چكىلدیلر . چە ئۆتە غوئەى ،
ھىا تسىن [۴] ، قانۇتام [۵] ، توموو [۶] ، چاچىنغ [۷]
شەرلرىنى تخرىب ایتدى . تان چە ئو والىسى شەرى ترك ايله
قاچدى . صوكرە لى يام [۸] شەرىنە ھجوم ایتدىلر . لىن ھو [۹] ،
قى موئن [۱۰] شەرلرى تخرىب اولوندى . غوئەى چە ئو شەرى

[۱] بوكون پەچەلى داخلىندە تامىم فو ملحقاتىندن قاي چە ئو .

[۲] بوكون پەچەلى داخلىندە تامىم فو .

[۳] شون تەفو

[۴] بوكون تونغ چانغ فو ملحقاتىندن ھىا تسىن ھىەن .

[۵] بوكون تونغ چانغ فو ملحقاتىندن قانۇتام چە ئو .

[۶] بوكون تونغ چانغ فو ملحقاتىندن ووچىنغ .

[۷] بوكون عىنى نامى حائزدر ، و تونغ چانغ فو يە ملحقدر .

[۸] بوكون پەچەلى داخلىندە تامىم فو ملحقاتىندن سون ھىەن .

[۹] قديم بر خراب شەر كە تامىم فو قىرىندە قاي چە ئودن آلتش

لى مسافە دە ایدی .

[۱۰] بو شەرك موقى مجهولدر .

محاصره ایدیلدی سین هیانغ [۱] و قوم چینغ [۲] شهرلری یغمایه معروض قالدی. او زمان ایمپراطور اردوسی په سوماپو [۳] دنیلن بر موقعده قرارگاه تأسیس ایتشدی. بو اردونك موجودیتی و بر طرفندن ده قوای امدادیهك ورودی. تسینلر ایمپراطورینی غوثی چه ئو محاصره سنی رفعه مجبور ایتدی. چه ئوته غوثی چا ئو چه ئوده براقه رق تسین یامه دوندی. او زمان، لیه ئوشه ئو قو آم نامنده كوچوك برین قرالی واردی كه ایمپراطورلق هوسنده ایدی. دهاشیمیدن ایمپراطور اثوابنی کیمشدی. چین ایمپراطورلغنی مستغرق فلاکت ایدن محاربات داخلیه و کندیسنده توهم ایتدیکی قدرت و شوکت ایمپراطور عنواتی طاقنه بیله جکینه دا ئراو کا بر قناعت و یرمشدی. ناظرلری، اللرندن کلدکلری قدر اونی بو تصورندن واز کچیرمکه چالیشمشر سده بعض هم جوار پرنسلره مراجعت ایله شام فو عنواتی طاقنمق ایچون مساعده لرینی ایسته دی. بو، آوروپاده مجهول بر تعبیردر. ایمپراطورلغك بوتون بویوك قوماندانلر-ینك پدری معناسنه کله بیلیر بر عنواندر. په چه لی داخلنده ساکن بولونان لیه ئوشه ئو توأمك بوجرئتکارلغنه قیزان تسینلر قرالی اوکا قارشی یورومك ایسته دی. فقط قوماندانلری، بو كوچوك

[۱] بو کون هونان داخلنده غوثی قیون فو.

[۲] عینی نامی حازدر و غوثی قیون فو یه ملحقدر.

[۳] بو موقعك نره سی اولدینی مجهولدر.

قرال بويە بالا پروازانە ادعالرە قالقمقلە بلاسنی آرامقده اولديغنی ،
اوکا بو عنوانی المغه مساعدە ایتک دها مناسب اولە جغنی سويە يەرك
فکرندن واز کچرديلر . بوصیراده ایمپراطور اردوسی هینغ
چە ئویە کلەرك اوراده قرارگاه تأسیس ایتشدی . بربرلریلە متفق
بولونان تسین وچاؤ قرالاری بو قدر بویوک بر اردویە قارشى
قویە جق درجە دە قوتلی دکلديلر . بناءً علیہ بوايکی حکمدار ،
بربرلریلە دها صیقى صورتدە برلشديلر . جناب حقك برکون
لە آم عائلەسنی محو ایدە جکنى امید ایلئورلردی .

ایشته کوچوک ين قرالی بو اثناده ایمپراطور عنوانی المغه
جرات ایتدی . تسینلر قرالی بونی يك استحقار ایتدیکی جهتله
هیچ اندیشه ایتئوردی . بر آز صوکرە کیدوب ایمپراطورلق
علامتلىرىنى الندن آله بیله جکنى دوش-ونیوردی . ناظرى چانغ
جینغ تیە ، ين قرالنى دها فضله شیلرە تشبته تشویق فکریلە
بیان تبریکات ایچون کندیسنه بر هیئت سفارت اعزام ایتدیکی
لی تسون هیویە توصیه ایلدی .

بوصیراده لە آملر ایمپراطوری ، تسینلرله چاؤ قرالنک
جنوب طرفلرنده بر آقین یامغه حاضر لاندقلرینی خبر آلدی .
اردوسنه بالذات قوماندا ایتکه عزم ایلە يەرك سیام چە ئو ۱۱ یە
کیتدی . تسینلرک حربە کیریشمه مش اولدقلرینی اوراده او کړندی .
بونک اوزرینه پایتختی اولان لویامه دوندی . تسینلر قرالی او وقت

[۱] بوکون هونان داخلنده چانغ ته فو .

په چه ئو [۱] و تيم چه ئو [۲] شهر لرینه امداد کوندر يوردی . ين قرالی بونلری محاصره ايتمشدی .

سنه

۹۱۲

ايرته سی سنه چه ئوته غوئه ی برارد و ايله ين قرالنه قارشى يورودى .
و چو چه ئو يى [۳] ضبط ايتدى . اورادن يه ئو چه ئو يا خود پکين
اوزرينه کيتدى . بو عسکرک و رودى ين قرالنى له آملر ايمپراطورينک
حمایه سنى طلبه مجبور براقدى . ايمپراطور پکينک امدادينه
بالذات قوشدى . چه ئوته غوئه ی ، پا ئوتيم فو الکاسى داخلنده
بولونان او آقيا ئو قوآن موقعنه معيتنده کى قوماندانلردن برينى
هجوم ايتدیردى . جوارده کى قوماندانلردن برخيليسى له آملرک
طرفنى ترک ايله تسينلرد تابع اولديلر . صو کره تسينلر
اردوسى کيدوب اينغ چه ئو لايى ضبط ايتدى .
چه ئوته غوئه ی ين قرالنىک عسکرلرينى بوزدى و قوماندانى
اسير آلدی . له آملر ايمپراطورينى ده اوغلى قتل ایدهرک
باباسنىک يرينه کچمشدى . بو مناسبتله ، بو حرکتى
تصويب ايتمه ين قوماندانلردن برچوغى تسينلر قرالنىک ياننه
چکيلديلر . لى تسون هيو اونلرک امدادينه کيتمک اوزره
اردونک باشنه کچدى . ايمپراطور اردوسنى مغلوب ایدهرک

[۵] اليوم عینی اسمی حائزدر . پا ئوتيم فويه ملحقدر .

[۲] اليوم عینی اسمی حائزدر . چينغ نينغ فويه ملحقدر .

[۳] بوکون شون تيه ن فو ملحقانندن قازيام هيەن .

[۴] بوکون په چه لى داخلنده هوقيه ن فو .

سنه

۹۱۳

شن چەئو [۱] يە چكىلمكە مجبور ايتدى . ين قرالنه عاڭداولان
بعض شهرلرى دەالە كچىردى . لى سويوئن Li seu-yuen
نامندەكى بوقوماندانى ، اوزمان ووچەئو دىلەن قوقوھوتون
شەرىنى ضبط ايتدى . دىكر طرفدن چەئوئەغوتەي ، اردوسيله
پكىن قايلەرىنە قدر ايلەلەدى ، پىم چەئو ، اينغ چەئو شهرلەرىنە
صاحب اولدى . لەآمىر ايمپراطورى ، ين قرالنىڭ امدادىنە
كلىك اوزدە يوز بىك عىسكر طوپلامشىدى . فقط چەئوئەغوتەي
اردوسنىڭ برقولى اونی چكىلمكە مجبور ايتدى وبعض مواقى
تەسخىر ایلدى .

۹۱۴

ين قرالى مغلوب اولەرق پكىنە قاچق مجبوریتندە قالدى .
لى تسون هیو کلوب پكىنى محاصره ايتدى . شهر هجوم ايله ضبط
اولوندی . قاچق تشبثندە بولونان ين قرالى اسیر آلدی .
ين قرالى خیتان تاتارلارندن استمداد ایتشیدی . فقط کندیسە
هیچ امنیت ایتەین بو باربارلر عىسكر کوندرمکدن استىكاف
ایتشیلدی . تسین قرالنىڭ انە اسیر دوشونجە غایت تعظیمکارانە
معاملەلەردە بولوندى ، عرض انقياد ايتدى . تسینلر قرالى ،
حرکات ماضیه سندن دولاي کندیسنى مؤاخذە ایدەرك موقوف
بولوندىردى . اسیر حکمدار تسین یامدە تسینلر قرالنىڭ ظفر
آلاينە دها فضلە برشعشە ویرمکە خدمت ايتدى . صوکرە
لى تسون هیو ، ين قرالى اجدادىنىڭ قېرلەرىنە تقدیم ایدەرك
[۱] بۇكون عینی اسمى طاشیور . هوتان فویە ملحق بولونیور .

بالذات اليه باشي كسدى . عيني عائله دن ديكر بر پرنس
 تاي چه ئويه كوتوريلهرك قلابي چيقاريلدى ، تسينلر قرالنك
 اجدادلرينك تربه سنه قانلى قانلى تقديم اولوندى . ين قرالنك
 مالك اولديغى ممالكك، ضبطى لى تسون هيوي جوار قرالردن
 دها ذى قدرت برحاله كتيرهرك اونلرى قورقوتدى . صوكره
 تسينلر قرالى ، له آملر ايمپراطورى اراضيسنه بعض آقنلر
 ياپدى . فقط بر موفقيته نائل اولامادى ، تسين يامه عودت ايتدى .
 اوزمان ايمپراطوره عائد بولونان غوئى چه ئو ياخود
 تاميم فو الكاسى او قدر قاريشيقلق ايجنده ايدى كه اردونك
 قوماندانى ، تسينلر قرالندن امداد ايسته دى . تسينلر قرالى
 درحال يوم تسى به كيتدى . اوراده ، باشلجه قوماندانلردن
 برينى ، كلوب عرض تسليميت ايتمش اولمقله برابر
 جزالانديردى . اونى عصيانك مسببى كى تلقى ايدىوردى .
 صوكره غوئى هيئه نه كيردى . اوراده تأسيس سكون ايتد كدن صوكره
 تسين يامه دوندى . مؤخرأ ، حدود اوزرنده كى بعض مواقعى ضبط ايتك
 اوزره براردو كوندردى . بورالرده كى عسا كر محافظه كندى
 تبعه سنه اتقاع ضرر ايدىيور ، قافله لره تعرض ايلىوردى . تان چه ئو
 شهرينك واليسى ، ايمپراطور اردولرينك قوماندانى ليه ئوسينك
 اردو كاھنه كيتمشدى . غيبوبتدن بلاستفاده بوشهرى باصقين
 صورتيله اله كچيرديلر . والينك قاريسى اسير دوشدى . فقط
 تسينلر والى يي كندى طرفلرينه جلب فكريله قاريسى كنديسنه

سنه

۹۱۵

يوللاديلر . والى ، زوجەسنە رفاقت ايدنلرى اولدیرتدی .
لى تسون هیوده مقابله بالمئل اولمق اوزره والینك بوتون افراد
عائله سنى قتل ایتدیردی .

تسینلر قرالى صوکره غوئەى چه ئو اردوگاهنه کیتدی .
اوراده ، لیه ئوسینك اردوگاهنك حالى بالذات تفتیش ایتك
آرزوسنه دوسندی . یوز قدر سواری ایله هوآم نهری بویندن
یوقاری چیقارکن بویوک برسیسه طوتولدی . بش بیک کشیدن
مرکب بردشمن قولنك یاننه واردقلری حالده سیدس حسبیله
بونى کورمیورلردی . سیدس آچیلنجه هر طرفدن احاطه ایدیلش
اولدیغنى کوردی . پک شدتلى بر محاربه وقوعه کلدی . فقط
اردوسنك قوماندانلری امدادینه عسکر قوشدیرمش اولدقلری
ایچون بوتهلکه دن قورتولابیلدی . عینی زمانده قرالغنك پایتختی ده
بویوک بر تهلکه کچیردی . بوتون عساکر غوئەى چه ئوده
طوپلانمشدی . تسین یام عسکر دن تمامیله خالی بولونیوردی .
قوماندان لیه ئوسین بو فرصتدن استفاده ایدهرک شهرى ضبطه
تشیث ایتدی . هوآم نهرینك دیرسکنده بر قول اردو
صاقلامشدی . تسین یام سکنه سی اوراده ایمپراطور عسکرلرینى
کورمکدن حیرته دوشهرک دیشاری چیقمغه جسارت ایده دیلر .
اطرافه بعض سواریلر یوللادیلر . کمال اعتنا ایله انسان رسملری
پایدیرتدیلر ، سورلرک اوزرینه قویدیلر . فقط اصل شهرى
قورتاران شی غایت مبذول یاغمورلریاغهرق یوللرک کچیلمز برحاله

کیرمەسى اولمشدر . تسينلرک لی سوغغ نامندە کی بر قوماندانی
 معیتندە کی عسکرلە تسین یامە یتیشمک امکائی بولدی ، شهری
 قابل مدافعە بر حالە کتیردی . ایمپراطور اردوسی شهری ضبط
 ایتمکدن امیدلرینی کسدکاری ایچون داغلیمق اوزرە ایدی .
 قوماندانلر اردویی ضببە موفق اولدیلر . کندیلرینی شهردن
 تفریق ایدن داغلردن کچیردیلر . بو ائنادە چە ئوتە غوئە
 پە ئوچە ئو یاخود پکینی ترک ایله معینندە بیک سواری اولدیغی
 حالە تسین یامک امدادینە قوشیوردی . چینگ تیغ فو اراضیسی
 داخلندە هولوهیه نک غربندە کائن توموئن کچیدینە کمال سرعتلە
 واصل اولدی . اورادە ایمپراطور اردوسنک داغلری آشدرق
 تسونغ جینگ دە قرارگاه تأسیس ایتش اولدیغی خبر آلدی .
 کوستردیکی سرعت ایمپراطور اردوسنی تسین یامە قارشى بسلەمش
 اولدیغی تصوردن واز کچمکە مجبور ایتدی . ایکی اردو
 آراسندە کوچوک بر طاقم مصادمات وقوعە کلدی . لہ آملر تان
 شە ئویی آلدیلر . تسینلر یوئەیی چە ئو [۱] یی محاصرە ایتدیلر .
 ایمپراطور ، کندی باش قومانداننک حرکاتی تقبیح ایتدی .
 چونکە تسینلرە هجوم ایدیلەسنی ایستیوردی . بوندن
 دولایی قوماندان ، بالضرورە معیتندە کی اردویی جین چە ئو
 و تیم چە ئو قلعه لرینک محاصرەسنە کوندردی . فقط تسینلر
 طرفندن طرد ایدیلدی ، قاجمغە مجبور اولدی . معیتی ارکانی

[۱] بو کون تونغ شانغ فو ملحقاتندن نغغ هیەن .

اوکنده ، ایمپراطوردن آلدیغی امرلری مؤاخذهدن منع نفس
ایدهمه مشدی . ایمپراطور سراینده اوتورییور ، دشمنلرک
وضعیتی حقنده هیچ برشی بیلمه دن تجربه سز بر طاقم کنجدرله
قوماندانلرک خط حرکتی حقنده قرارلر اتخاذایدیوردی .
لیه ئوسین نامنده کی بو قوماندان بر مستحکم موقعه تحصن
ایددرک اورادن چیقماغه جسارت ایده میوردی . فقط تسینلر
قرالنک تسین یامه عودت ایتدکده اولدیغی خبر آنجه غوثی .
چه ئو شهرینی محاصره ایچون ایمپراطوردن مساعده ایسته دی .
ایمپراطور بو اردویه مظاهرت ایتمک اوزره اون بیک کشی
ایله لیه ئوسینک آرقه سی صیرا کیتمک ایچون تان چه ئو والیسنه
امر ویردی . لیه ئوسین بونلرک ایچندن بش یوز کشی تفریق
ایددرک پوصویه یاتیردی . فقط تسینلر بونلری مغلوب
ایتدیلر . لیه ئوسین ، غوثی چه ئویه تقرب ایتدیکی وقت
تسینلرک بوتون اردوسنی متحشد بر حالد بولدی . لی تسون .
هیو بالذات اردونک باشنده ایدی . بویوک بر محاربه وقوعه
کلدی . له آملر مغلوب اولدیلر . قوماندانلری ، هوام نهرینی
کچدکن صوکره هوآچه ئو [۱] یه چکیلیدی . فقط تسینلر
بومظفریته نائل اولدقلری صیراده له آملرک دیکر بر قوماندانی
وام تان علی العجله بر مقدار عسکر طوپلایه رق کلوب تسین
یامه هجوم ایتدی . شهری کیجه لین غافل باصدی . ذاتاً

سنه
۹۱۶

[۱] نام دیکرله قوچه ئوکه بوکون تامیم فو ملحقاتندن په ماهیهن .

سورلرک بر قسمى ييقيلمش اولديغى ايچون شهرى ضبط ايتمك قولايدي. قوماندان غان قين تسيوئن در حال تاي يوئن شهرينه كيدهرك اوراده چانغ چينغ تيه ني بولدى ، بوحادثه دن خبردار ايتدى . تسين يام شهرينك مدافعه سى لزومنى آكلاتدى . چونكه بوشهرك ضياغى تسينلر سلاله سنك انقراضنى انتاج ايدى جكدى . بو ايكي قوماندان مقدارلرى يوزه بالغ اولان بوتون عائله لرينى طوپلاديلر . بو كوچوچك مفرزه ايله كيجه لين له آملر اردوسنه هجوم ايتديلر ، بونلر قورقه رق قاجديلر . لى سوچا ئوعىنى زمانده بش يوز سوارى كوندردى . بو قوت اينالماز درجه ده بر سرعت ايله حركت ايدى ركت تسين يامه كيردى . بونلر كيجه لين بر خروج حركتى ياپه رق له آملرى محاصره يى رفته مجبور ايتديلر .

تسينلر قرالى عسكرلرينه مكافات ويرمكدن زياده محاربه ايتمكى دوشونيوردى . عسكرلردن برچوغى بوندن دولايى مرلدانيورلردى . حتى بعضيلرى له آملر طرفه كچمىشدى . فقط چانغ چينغ تيه بونلر ريسلرينى توقيف ايتديره ركاوده عىنى حر كته امثال ايتسون ملاحظه سيله باشتى كسديردى . له آملر ايمپراطورى ، اردوسنك مغلوبيتندن خبردار اولونجه بوفلا كتى ، عائله سنك اوغرايه بيله جكي اك بويوك بر مصيبت ديه تلىق ايتدى . تسينلر غوئهى چه ئويى ، تسه چه ئويى وصو كره لوچه ئويى آلديلر . لى تسون هيو بالذات كيدى ركت لينغ جه ئويى محاصره

ايتىدى . بو صيراده له آملر طرفندن سيام چه ئونك واليسى
بولونان قوماندان بوشهرى ترك ايله قاچدى . تسينلرقرالى اونی
اله كچىردى ، اداره سنى لی سويوئنه وىردى .
عینی زمانده ، جينك شىمالنده قوتلىرى پك زياده آرتىمقده
اولان قىتان تاتارلىرى كلهرك تسينلرك تحت اداره سنده بولونان
غوثى چه ئوشهرينه هجوم ايتدىلر . قراللىرى آياثوقى A-pao-ki
صوكره يون چه ئو [۱] يه قدر ايلريلهدى . فقط تسينلرك
بو شهرك امدادينه كلكده اولدقلىرىنى خبر آلنجه چكىلدى .
تسينلر قرالى ، له آملردن تسانغ چه ئو [۲] شهرىنى ، صوكره
پوئىي چه ئوي آلدی . اهاالىسنىك بر قسىمى قوماندانه قارشى
عصيان ايدىرك تسينلره تسليم اولدىلر و متباقى قسىمى تحت
اطاعته آلمق خصوصنده يارديم ايتدىلر . بونك اوزرينه ،
هوآم نهرينك شىمال طرفنده بولونان بوتون يرلر تسينلرك
تحت حاكيمته كچدى . صوكره لی تسون هيو « او » Ou
قرالى ايله بر اتفاق ياپدى . بو قرال ، له آملره اعلان حرب
ايتدى . تسينلر قرالى ، تسو قرالى ايله ده اتفاق عقد ايلهدى .
ايمپراطور عنوانى آلمش اولان قىتانلر رئيسى ده كندى طرفلرينه
جلبه چالشيوردی . فقط يوللادىغى ين چينغ نامنده كى سفىرى
آياثوقى طرفندن حسن معامله كورمدى . بر مدت سفىرى حبس

(۱) بوكون چانغ ئه فويه ملحق پويام هيهن .

(۲) بوكون تاتونغ فو .

ايتديلر . مؤخر اقيتانلر قرايچەسنىڭ تۈستى اوزرىنە سربست
براقديلر . بو سفير آيائوق ايله كۈرۈشەرك بو وحشىلرى
دائرە مدنيتە ادخالە چاليشدى . اونلر ك مملەكتلەرنىدە سورلرلە
محاط بر شەر بنا ايتديردى . بو شەردە بر بازار واردى .
اورادە چينلىلر اقامت ايدىيورلردى . ويردىكى نصيحتلر
سايسندە قيتانلر هم جوارلرى اولان قوملر اچون دھامدەش
بر حالە كلدیلر .

بو قوملر ، چينلىنك نصيحت ايتدىكى شىلرى قبول
ايتمكە فائەدە كۈرە جكلرىنى حس ايتديلر ، چينە عودتنە
مانع اولديلر . ققط صوكرە سفير قاچق چارەسنى بولدى ،
تسين يامە عودت ايتدى . اورادە خط حر كتنى تقييح ايتديلر .
حياتندن قورقديغى اچون قيتانلر ك نردينە عودت ايتمكە قرار
ويردى . قيتانلر كنديسنى باش وكيلى ياپديلر . بو باربارلر
چينلىلر ك تشويق اوزرىنە بر آرزو كۈرە چينە كيرديلر . تسينلر
قرانك برادرى وسين چەئو [۱] واليسى لى تسون قوئەى
Li-tsun-kuei طوتديغى مسلك دولايىسىلە بر چوق غير
ممنونلر پيدا ايدىيوردى . ليوودن تسين نامندە بر قوماندان
كنديسنى اولديردى ، قيتانلر ك ياننە قاچدى .
بو باربارلرى ايمراطورلغە كيرمكە تشويق ايدن اوويدى .
پكىنك شالندە يدى يوز لى مسافەدە پوقوان نامندە بر

سنه

۹۱۷

کچید وارد در که بوشوی [۱] نهری اورادن کچر و صو کره
 ده کیزه دو کولور. بو کچیدن اعتباراً ده کیزی تعقیب اید درک
 شمال شرقیه دو غرو غایت دار بر یول وارد در. اطراف یالچین
 داغلر در. قیتانلرک هجومه مانع اولمق اوزره بورالرده یریر
 قلعه لر یامش لردی. فقط بو قلعه لر ی حسن حالده محافظه ایتکی
 اهل ایلد کیری ایچون قیتانلر بورادن کچدی لر، پکینه قدر کلدی لر.
 کندیلر یله برابر بر ماده منشعه ده [۲] ده کتیری یورلردی.
 بونی «او» قرالندن [۳] او کر نمش لردی. بو، یاغلی بر ماده
 ایدی. صویک ایچنده بیله پارلاردی. بز بوکا غره ژوا
 gregeois آتشی نامنی ویریورز. قالینیقوس Callinicus
 طرفندن ایجاد ایدلشدر. اغلب احتمالاً کوره چینلیر، چوقدن
 بری غرب اقوام یله مناسبته بولون دقلرندن دولای بونی
 او کر نمش لردی. قیتانلر بر آز صو کره پکین محاصره سنی ترک
 ایله لیو و دن تسین ایله بر لکده سین، چه ئویه دو غرو کیتدی لر.
 غان قین نامنده کی والی یی مغلوب ایتدی لر. اوچ یوز بیك کشی یه
 بالغ اولان اردولر یله چه ئوته غوئه یی فراده مجبور براقدی لر.
 صو کره تکرار پکینه کلدی لر. لیو و دن تسین محاصره حرکاتی
 اداره ایدیوردی. چه ئوته غوئه یی امداد ایسته دی. فقط تسینلر

[۱] یوم پیم فودا خنده فونینغ هیه نک شرقنده ۲۲ لی مسافه ده بر نه ر.

[۲] بوکا چین لسانده مم هو یه ئو دنیلوز که ظالم آتشک یاغی دی مکر.

[۳] بوراده چه قیام ولایتنده چینک بر قرالانی واردی. بر طاقم

لیمانلر ده واردی که اجنبیلر تجارت ایچون اورالره کلیر لردی.

قرالنىڭ پىك آز عىسكىرى باردى . على العجله ، بولونابيان
عسكىرلىرى طوپلادىلار ، پىكىنىڭ امدادىنە قوشدىلار . پىكىن ايى
يوز كۈندىن بىرى محاصره آلتىدە ايدى . شەر محاصره دن چوق
مضطرب اولمىغە باشلامىدى . لى سويوئىن آلتىش بىك عسكىرلە
يولە چىقتى . ھەر آن قىتانلارە تصادف ايدى بىلمىك احتمالدىن
قورقوردى . چونكى سوارى قوتلىرى پىك چوق اولدىغى ايچون
كىندى پىادەلرىنى ھەر طرفدىن احاطە ايتەلرى قابىلدى . اشياسنىڭ
وارزاقنىڭ ضبط ايدىلمەسى احتمالدىن دە پىك اندىشە ايدىيوردى .
بويلە بىر شى اولورسە اردوسى محو اولمش دىمىكى . اوچ بىك
كشىدن مركب پىشدار قوتىلە پىكىن او كىنە واردىغى وقت
قىتانلارە تصادف ايتدى . عسكىرلەر قورقمىغە باشلامىشلىرى . بو
قوماندان معىتنە ايىكى يوز سوارى آلەرق ايلرى آتلىدى ، دشمنە
دوغرو يورودى . مغرىنى چىقاردى ، سوزلىرىنى دىكلتمىك
ايچون قامچىسىنى شاقلايدى . قىتانلارە ، بلا سبب كلوب
حدودلىرى تخرىب ايتدىكلرىدىن دولايى مؤاخىدەدە بولوندىقدىن
دوكرە قرلاڭ يوز بىك عسكىرلە اوللىرى تادىب
ايچون كىندىسىنى كوندرمىش اولدىغى بيان ايتدى . بو
قىيان خطابه لىر چىن اردوسىندە كىشىرالوقوعىدر . دشمنلەر بو
سوزلىرى ايشىدىرلەر وجواب وىرىرلەر . محاربە آنجىق بو خطابه لىرى
ياپان كىمسەلەر چكىلدەكن صوكرە باشلار . آوروپالىلردە
بويلە برعات يوقىدر . فقط برچوق باربار قوملار بونقطةدە

چينلىلرى تقليد ايدىيورلر . بونى متعاقب وقوعه كلن محاربه ده
 قيتانلر هر طرفدن طرد ايدىلدیلر . تسينلر ك اردوسی پکینه
 کوردی . شهر معروض اولدیغى تهلکه دن قورتولدى .
 لی تسون هیو ، قومشولرینك مملکتنه آقینلر یامغدن باشقه
 برشى دوشونمه دیكى ائنده حکومتك بوتون اداره سی چانغ
 چینگ تیه نك الـده قالیوردی . بو ، عاقل برناظر دی .
 امور مالیه یه اعتنا ایدردی . آنجق ارزاق ولوازم طوپلامق
 ایچون پاره صرف ایدردی . عسكرك هیچ برنقصانی قالماسنه
 دقت ایلردی . بوتصرف واقصدی چوق کره قرالك جانی
 صیقیوردی . چونکه قرال چالغیجیلره و او یونجیلره و یردیكى
 احسانلرله خزینه یی بوشالتیوردی . بوچیلغنجه مصرفلردن
 دولایى حکمدار ایله ناظرى آراسنده اختلافات چیقیوردی .
 فقط هیچ برزمان بونلر شدید بر شکل آلامشدى . قرال
 حقسرلغنى نهایت تقدیر ایدردی . مطالعاتى صواب اولان
 ناظرده مكافات کوروردی . چانغ چینگ تیه نك بریکدیردیكى
 لوازم ، قراله هو آنغ نهزینك برلطف مخصوص الہی کبی
 تاقی ایتدکلری انجمادندن طولایى اوزرندن کچوب غوئہ ی چه ئوی
 ضبطه کیتمك ایچون امکان تأمین ایتدی . تسینلر قرالی
 یوله حیقدى . بعض مواقعى ضبط ایتدی . ایمپراطوری لویامه
 چکیلمکه مجبور براقدی . له آملر غائب ایتدکلری شهرلری
 استرداد ایچون بعض تشبثلرده بولوندیلر . فقط تسینلر قرالی

بونلرک محاربه يه طوتوشمق عزمنده اولمايوب کنديستنک
اردوسنى ازعاج ايتمکدن باشقه برشى دوشونمه دکارينى کورونجه
کيدوب اونلره هجوم ايتدى ومغلوبيته اوغراتدى . او قوجه
هوآم نهرى قان ايچنده قالدى . ساحلنده کائن اولان استحکاملرک
قسم اعظمى اله کچيريلدى . بوموفقيت تسينلر قرالىنى يکيدن
عسکر طوپلامغه وله آملىک ايمپراطورلقلرينه کيرمکه سوق
ايتدى . چه ثوته غوثى پکيندن اوتوز بيک عسکرله کلدى .
ديگر درت قوماندان ده اوتوز بيک عسکر يوللاديلر . دهاقستان ،
شه غوثى ، توقو هوئن تاتارلرى قوللرى ده واردى بومدهش
اردو حرکته کلدى . پوچه ئوده ايمپراطور اردوسيله
قارشىلاستى . تسينلر قرالى ، اردوسنک قوه کليه سنى آرقه ده
راقه رق معيتنده برمقدار سوارى ايله استکشاف يامغه کيتمه سنى
سودردى . قوماندانلرى اللرندن کلدىكى قدر بوکا مانع
اولورلردى . فقط چوق کره قرال خبرسزجه چيقاردى .
بوسفرده دفعات ايله اسير دوشمک تهلىکه سنه معروض قالدى .
اوزمان له آملر قوماندانلرى آره سنده عدم امتزاج حکم
سوريوردى . ايمپراطور ، قوماندانلردن بعضيلرينک تسينلر
طرفنه کچمه سندن قورقه رق برقچ دانه سنى اولديرتدى .
نتيجه سنده بعض قارشىقلقلر چيقدى . بوندن دولايى لى تسون
هيو ، ايمپراطورلغک پايختنى قولايجه اله کچيره بيله چكى اميدينه
قاپلدى . بومقصدله اون بيک کشى باشنده بالذات ايلريله مک

سنه

۹۱۸

و پايختى ضبط ايتىك ايستهدى . چه ئۆته غوئەى مانع اولمغه چايشدى ايسهده سوزلىرى برفانده ويرمدى . قرال حركت ايتدى . دشمن ده قرارگاهنى ترك ايدەرك هوليه . ئوپويه چكىلمشدى . تسينلر بورايە كىتمك فكىرنده ايدىلر . لى تسون هيو دشمنه قارشى يورودى . آرقە سندن چه ئۆته غوئەى كليور ، بو حربك اىي برنتيجە ويرمه يە جكىندن قورقيوردى . مغلوب اولە جقلىرىنە امنيتى واردى . حتى يولە اوغلنە خطابا بو حربده وفات ايدە جكىنى سويلە يوردى . تسينلر ابتدا بعض موفقيا تە نائل اولدىلر . لە آملىرى پويامە [۱] چكىلمكە مجبور ايتدىلر . فقط تسينلر ك اشياسنى نقل ايدن عسكر دشمن اردوسنى كورونجه پكىن عسا كرىنك اوزرىنە دوغرو قاچەرق بونلر ك صفلىرىنى بوزدىلر . چه ئۆته غوئەى پریشان عسكرى طوپلامغە موفق اولامادى . لە آملىر بوقاريشقلىقلردن بالاستفاده هر طرفدن تسين اردوسنى احاطە ايلە برچوق ضايعات ويردىلر . تسينلر قرالى ، معيتندە قالان برمقدار عسكر ايلە كوچوك بر داغى ضبط ايتدى . بو موقع دشمن اردوسنە حاكم ايدى . دشمن سواريسى پويامە كىرەش اولدىغى اچون پيادە قالمشدى . بونلر ك اوزرىنە هجوم ايتكە قرار ويردىلر . دشمن پيادەسى غافل باصلدى . آزوقت اچندە اوتوزبك دشمن اولدىرلدى . بو مظفرتى متعاقب تسينلر اردوسى ، قرارگاهنە عودت ايتدى . صوكرە

[۱] بونكون شنسى داخلندە تونغ چانغ فو ملحقاتندن بوچه ئو .

پویامی ضبطه کیتدی . یونامده ایکی قلعه واردی . تسینلر
هوآم نهری اوزرنده انشا ایتدیرمشلردی .

سنه

۹۱۹

له آمرك مغلوبینی تاله آم یاخود قای فونغ فو دنیلن پاخته
وارنجه یه قدر هر کسی دهشت ایچنده براقدی . ایمپراطور لویامه
چکیلیمکه حاضر لانیوردی . مع مافیه ایمپراطورک اردوسی کیدوب
تەشینغ چینغ [۱۱] قلعه لرینی محاصره ایتدی . بونلرک بری
شمالده دیکری جنوبده کائن ایدی . له آملر جنوبده کی قلعه یه هجوم
ایتدیلر . هو هو آن اسمنده کی قوماندانلری برچوق کوچوک قایقلر
یاپدیردی . تسینلرک کوندره جکلری قوای امدادیه نك ضرورینه
مانع اولق اوزره نه ره ایندیردی . بوقایقلر محصورینی پک
ازعاج ایتدیلر . محصورین، بونلری تخریب ایدجک اولانلر
بویوک مکافاتلر وعد ایدیورلردی . بر قوماندان زرهللی وبالطه ل
اوچ یوز عسکر آییردی . بو عسکرله بر کمیی بینه دی بالطه لرله
دشمن قایقلرینه هجوم ایتدی . واونلری طوتوشدیردی . قایقلرک
محو اولماسی له آملری محاصره یی رفعه مجبور براقدی . صو کره
شمال قلعه سنه هجوم ایتدیلر . بومناسبتله پک چوق کوچوک
مصادمات وقوعه کلدی . فقط هیچ بر نتیجه حاصل اولمادی ،
شهر ضبط ایدیلهمدی . له آملر عصیان ایددرک تسینلره عرض
تابعیت ایتش اولان کندی قوماندانلرندن برینه قارشى تشبثلرنده
دها بختیار چیقیدیلر . بونی ین چه ئوده محاصره ایددرک شهر

ضبط ایتدیله . بحث ایتدیگمز محاربه ایله مشغول اولان تسینلر
بوکا امداد کوندره مه مشلردی . مؤخرأ هوآمک جنوبنده
تسینلرله لهآملر آراسنده بر محاربه وقوعه کلدی . ابتدا لهآملر
احراز مظفریت ایتدیله . بعض تسین قوماندانلرینی اسیرآلدیله .
فقط صوکره مغلوب وفراره مجبور اولدیله . بونک اوزرینه
تسینلر یویم یاخود پوچهئو شهرینی تخریب ایتدیله .

سنه

۹۲۰

بو حربدن صوکره تسینلر قرالی ، خدمتلری کورولمش
اولان قوماندانلره مکافاتلر ویردی . لی قیهن قیه ، تآی چهئو
والیسی تعیین اولوندی . عینی زمانده لهآملرک قوماندانلردن
بری توم چهئو و پوفان [۱] الکالریله برابر تسینلره عرض
تابعیت ایتدی . لهآملر ایمراطوری ، توم چهئو شهرینه هجوم
ایچون قوماندان لیهئوسینی کوندردی . تسینلر قرالی ده لی تسون-
قانی قارشى يوللادی . بوقوماندن هوآم نهرینی کچدی ، چآویه
کیتدی . ایمراطورک اردوسی اووقته قدر تحشد ایتمشدی .
تسینلر ابتدا هوآچهئو [۲] ی محاصره ایتدیله ، بوقلعهنک
سورلرینی ییقدیله . صوکره لهآملرک اردوگاهنه هجوم یاپدیله .
بویوک بر محاربه وقوعه کلدی . لهآملر مغلوب وفراره
مجبور اولدیله .

۹۲۱

لهآملر بویوک ضعفه دوشمشلردی . تسینلر حدودلرده کی

[۱] بوکون شانسی داخنده پیم یامفو داخنده پوچهئو .

[۲] الیوم عینی نامی حائزدر . شنسی داخنده سیغان فویه ملحقدر .

هوقعلرى كاملا ضبط ايدىيورلر ، له آملىرى محو ايتىك ايسىتر
 كې كورونىيورلردى . اوزمان تىسينلر قرالنىك چىندە حائز
 اولدىغى توق «شو» و «او» قراللىرىنى ايمپراطور عنوانى آلماسى
 اىچون مكتوبلر يازمىغە سوق ايلدى . پدىرى وفات ايدىر كن
 تام سلالەسنە صابق قالماسنى ، ايمپراطورلغى اعلان ايتىكە تشويق
 ايدىنلر سوزلر يىنە قالماسنى وصيت ايتىشدى . قرال بوسوزلرى
 تخطىر ايدىيورلردى . فقط بوتون قوماندانلر فرصىدن استفادەنى
 توصىيە ايلدىكلرىدن ايمپراطورلرە مخصوص مزيناتى اشترا ايتدىردى .
 هوام چاڭو طرفىدن سىغان فوشىرى ضبط ايدىلىكى وقت
 غوئەى چەئودە بر بونز بونلرى صاقلامشدى . چانغ چىنغىتە ،
 تىسينلر قرالنىك ، ايمپراطورلغى اعلان ايتىك ايسىتەدىكى خبر
 آلىر آماز كمال استعجال ايله غوئەى چەئوئە كىتدى . پدىرىنىك
 اثرىنى تعقيب ايتىدىكى بولوندى . پدىرىنىك
 تعقيب ايتىدىكى مسلك عاصىلرى تحت اطاعتە آلهرق عائله
 ايمپراطورىيە حشمت وقوتى اعادە ايتىكە چالشمىقدن عبارتدى .
 تىسينلر قرالى ، بوتون خلقك . آرزوى بىلەدىكى ، كندىسنىك
 املى بو اولمادىغى اوکا آكلاتدى . بونىك اوزرىنە چانغ
 چىنغىتە اىچنى چكەرك تىسين يامە چكەلدى . بوشانادە قرال
 اسكى تام ايمپراطورلغىندەكى مناصب ورتىك نە اولدىغى تحقيق
 ايتدى . كندى سىرايندەدە بونلرى احداث ايدەجكدى .
 صوكرە ، قىتانلرى ايمپراطورلغە جلب ايتىك ايسىتر كې كورون

وله آمردن استمداد ایتش اولان عاصی چانغ و ون لی بی
تنکیل ایچون عسکر سوق ایتدی . بو عاصی ، پوسکور تولدی .
بر مدت صو کره وفات ایلدی . عینی زمانده له آملر ایمپراطوری
اردو طوپلایه رق تامیم فو قربنده کائن بر قلعه اولان شمالی ته تیغ-
چینگ شهرینی محاصره یه آلدی . لی سو یوئن ، قای چه ئو قربنده
چه چینگ ۱۱۱ ده پوصو قوردی . بردن بره له آملره هجوم ایدرک
اونلری مغلوب ایتدی . یکر می بیك تلفات ویردیدی .

ته تیغ چینگ قلعه لرینی محافظه ایتیه سی منافعی اقتضاسندن
بولونان تسینلر قرالی بورایه یکی عسکر لر کوندردی . دیگر
بر اردو ایله کیدوب چین چه ئویه هجوم ایتدی ایسه ده ضبطه
موفق اولامادی . بوصیراده قیتانلر پکین جوار لرینه آقینلرینی
تکرار ایتدیلر . قرالارینک مقصدی چین چه ئوی ضبط
ایتمکدی . اوراده کوزللاکلرینی مدح ایتدکلری بر طاف
قادیئر بوله جغنی امید ایدیوردی . چو چه ئوی آلدی . تیغ
چه ئویه دوغرو یورودی . اکر تسین قرالی علی العجله بر
اردو ایله امداده قوشماسه ایدی بوراسی ده ضبط اولوندجقدی .
تسینلر قرالی سین چینگه واصل اولدیغی زمان قیتانلرک پیدشدار لرینه
تصادف ایتدی . بونلر شا [۲۱] نهرینی کچورلردی . عسکرلری
در حال قاچدیلر . قوماندانلر کری دونله سی فکرنده ایدیلر .

[۱] تامیم فو اراضیسنده .

[۲] بونلر پائونینگ فوداخلنده تسوچه ئونک ۲۱ لی غربنده در .

چونكه له آملر حدودى تجاوز ايتمىردى . فقط تسينلر قرالى
ايلريله مكدن كرى دورمادى . قيتانلر كنديسىنى كورونجه
چكىلدیلر . قرال بونلرى تعقيب ايله قيتانلر قرالنىك اوغلنى
اسير آلدی . بونك اوزرينه بوتاتارلر كيدوب وام تو [۱] ده
اردوكاه قوردیلر . تسينلر قرالى ده اورايه كيتدى . فقط قى
تاتارلرى كنديسىنى اوراده درت بر طرفدن احاطه ايتديلر .
لى سو چاؤ يتيشهرك قرالى بو تهلكه دن قورتاردى . قيتانلرى
مغلوب ايتديلر . يه چه ئويه قدر قووالادیلر . پك مبدول
صورتده ياغان قارلر تاتار اردوسىنى بوتون بوتون محو ايتدى .
لى تسون هيو ، يه ئوچه ئو ياخود پكين شهرىنى قورتاردى ،
قيتانلرى حدودلرندن قوغدى .

تسينلر قرالى پكين حواليسىنى ترك ايله ايمپراطور اردوسنىك
محاصره ايتدىكى غوئى چه ئو شهرىنىك امدادينه قوشمغه مجبور
اولدى . تسينلر اردوسنىك تقربى اوزرينه ايمپراطور اردوسى
چكىلدى . شالى ته شينغ چينغ قلعه سى او كنده ده ايمپراطور اردوسى
دها بنختيار اولامادى . اردوكاهلرى ياقيلدى . پریشان بر حالده
چكىلدیلر . ديكر طرفده ، تسينلر قرالى ، چين چه ئو شهرىنى هنوز
ضبطه موفق اولاماشدى . قوماندانلرندن برى شهرى محاصره
ايدىوردى . شهرده ارزاق قالمامشدى . فقط بو قوماندانك
احتياطسىزلىقى او قدر سعي بيهوده بر حاله كيتردى . قوه محافظه

غفلة بر هجوم حرکتی یاپه رق کندیسنی چا ئوچه ئویه چکیلمکه
مجبور ایتدیلر . تسینلر دیکر بر قوماندان کوندرمکه مجبور
قالدیلر . بو قوماندان ده مقتول دوشدی . عینی زمانده له آملر
کلوب غوئه ی چه ئو یاخود غوئه ی قیون فو شهرینی وجوارده کی
دها سائر بعض شهرلری آلدیلر . بوندن دولایی ، قان چه ئونک
عربنده و سیام چه ئونک جنوبنده کائن اولان بوتون حوالی
له آملرک تحت اداره سنه کیردی . دیکر طرفدن ، چین چه ئو
والیسی ده تسینلر قوماندانی لی سوتسینک اهانندن استفاده ایدهرک
یدی بیک کیشی ایله بر هجوم حرکتی یاپدیردی . فقط کری
پوسکور تولدیلر . بیه جکلری بولونمایان چین چه ئو قوای محافظه سی
تسلیم اولمغه مجبور قالدیلر . والی ، چاچه ئوسکنه سنه تسلیم ایدیلدی .
بونلر ، والی بییه جک درجه یه قدر وحشتی ایلری یه واردیردیلر .
چین چه ئویه بر والی براقلدی .

۱

تاملر سلاله ایمپراطوریسی

او سنه ابتداسنده تسینلر قرالی بعض قوماندانلر تعیین
ایتدی . سوکرده لوجه ئو والیسنک غصیانیه مشغول اولدی .
بو والی ، شهر ی له آملره تسلیم ایتمشدی . مع مافیه بو عکسیلاک
تسینلر قرالی غوئه ی چه ئو شهرنده ایمپراطورلغنی اعلان ایتمکدن

منع ایده مدی. تشکیل ایتدیکی سلاله نك تام ۱۱] نامنی طاشیاسی
 آرزوسنی اظهار ایلدی. بوندن صوکره آرتق بو سلاله دن بو
 نام آلتنده بحث ایده جکز. اجداد لرینه قربان کسمک ایچون
 بریر انتخاب ایتدی. یکی بر سلاله تأسیس ایدن چین
 ایمپراطور لرنک عادتق موجبجه اجداد لرینه ایمپراطور
 و ایمپراطور یچه عنوانی ویردی. شرق پایتختنی غوئه یچه ئوده
 تأسیس ایده رک بوکا هینغ تام فو نامنی ویردی. غرب سرایی ده
 تایی یوئن فو شهرنده ایدی. چین چه ئونک اسمی چین تیم فویه
 تبدیل ایدیلدی. شمال سرایی ده یکی ایمپراطور بوراده تأسیس
 ایله دی. یکی ایمپراطور او زمان اون اوچ ولایته مالکدی.
 بونلرده الی چه ئو واردی. بو تاریخدن اعتباراً مورخلر
 لی تسون هیویه چو آم تسونغ نامنی ویریرلر. اونک ایمپراطور
 عنوانی بو ایدی.

قیتانلر دفعات ایله یه ئوچه ئو جوار لرینه آقینلر یامیشلردی.
 له آملر غوئه یچه ئو شهرینی آملشلردی. لوچه ئو شهری عصیان
 ایتمشدی. ایشته بو یکی ایمپراطور لنگ وضعیتق بو مرکزده
 ایکن یون چه ئو قوماندانلرندن بری تاملرک زردینه التجا ایدرک
 بیکدن زیاده بر قوه محافظه مالک اولمایان لوچه ئو شهرینک
 آز بر مدت ایچنده ضبط اولونه بیله جکنی خبر ویردی.

[۱] مورخلر بوکا هه ئو تام دیرلرکه مؤخر تاملر دیمکدر. بر
 مدت اول محوایدلش اولان تام سلاله سندن بوضورتله تفریق ایدرلر.

تسینلر قرالی یاخود دها دوغروسى تاملر ایمپراطوری بتس بیک .
 کشی ایله اورایه کیتمک اوزره لی-سویوئی مأمور ایتدی .
 کیجه لین سورلره قدر یاقلاشدیلر . شهر اهالیسی هیچ فرقه
 وارمادی . نوبتچیلر اولدیریلدی شهره کیریلدی . فقط قوماندان
 اوفاجق تخریبات اجراسنی بیه منع ایتدی . بو شهرک سقو طی
 له آملر ایمپراطورینه پک کدر ویردی . درحال اردولرینی
 طوپلایه رق اونلری جنوبی ته-شینغ جینغ قلعه سی اوزرینه
 کوندردی . تاملر ایمپراطوری بو قلعه نك امدادینه قوشدی .
 فقط محافظه سنی شه ئوئین ه براقدی . اوده اهالیکارانی یوزدن
 قلعه نك دشمن انه دوشمه سنه سبیت ویردی . بونك اوزرینه
 له آملر ، تاملرک الکاسنه کیردیلر . چونکه بوتون حدودلری
 آچیق بر حاله گمشدی . بو یوزدن بر چوق مواقعی ترکه مجبور
 اولدیلر . مع مافیه له آملر یام لیه ئوچینغ [۱۱] او کنده موفقیتسز لکه
 اوغرا دیلر . بوراسنی ضبطه موفق اولامادیلر . صوکرده هر
 طرفدن پوسکور تولدیلر . تسه چه ئونك ضبطی اونلرک بو
 ضیاعلرینی تلافی ایده بیلیر برشی دکلدی . باشلیجه قوماندانلرندن
 بری ده تاملرک نزدینه التجا ایله اونلره له آملر ایمپراطورلغنك
 وضعیت حقیقیه سنی آکلاتدی . بو صورتله له آملرک انقراضنی
 اکمال ایتدی .

(۱) بو کون شانتونغ داخلنده تونغ پیمفو سنجاغنده تونغ هو هیه ن
 قربنده بر قلعه در .

تاملر ايمپراطورى ته شينغ چينغ شهري غائب ايتدکن
صوکرده، يکی بر محاربه يه کيريشمک ايچون بر چوق ارزاق
تدارک ایدیوردی. فقط مهادی محارباتدن یورغون دوشمش
اولان تبعه سی قاجیورلردی. آلان ویرکولر مصارفه کافی
کلیوردی. دیگر طرفدن قیتانلر شمال طرفلری تخریب
ایدیورلردی. جنوبده له آملر بویوک بر محاربه حاضرلغنده
بولونیورلردی. مقصدلری تام لر ايمپراطورلغنی تماماً محو
ایتمکدی. یاس و اندیشه ایچنه دوشن ايمپراطور لی تسون هیو
اتخاذ ایديله جک قرار حقنده مذاکراتده بولونمق اوزره
قوماندانلری توپلادی. بعضیلری، له آملرله صلح یامغی،
محافظه سی مشکل اولان یون چه ئو شهري اعاده ایدهرک
مقابلنده اوئهی چه ئو ولی یام شهrlرینی ایسته می تکلیف
ایتدیله. فقط بومطالعه ايمپراطورک خوشنه کیتدی. یون چه ئو
شهري ترك یديله جک اولورسه تاملره توجه ایده جک محجوبیتدن
قورتولمق ایچون بوراسنی مدافعه یه قرار ویردیله. درحال
اورایه عسکر کوندرلدی. له آم اردوسنه هجوم و مغلوب
ایتدیله. قوماندانلری ین چانغ فرار اثناسنده آتندن دوشدیکی
ایچون اسیر ایدیلدی. اردونک ارکانندن ایکی یوز کشی دها
اسیر دوشدیله. قوماندان ین چانغ، تاملر ايمپراطورندن غایت محقرانه
بر لسان ایله بحث ایدیور، اوکا چوجوق و باربار
دیوردی. ايمپراطور حسن معامله ایله بونی کندی

طرفه جلب ایتک ایستهدی . اونک مزیتلرینی ،
فنون حربیه ده کی مهارتی بیلوردی . یاره لرینی صاردیردی ،
تسللی ایچون قوماندانلرندن بعضیلرینی یاننه یوللادی . فقط
بو قوماندان له آملر ایمپراطورینه او قدر مدت صادقانه خدمتدن
صو کره شیمدی تاملرک تبعه سی اولمغه بر درلو راضی اولامادی .
ایمپراطور بو قوماندانی کندینه جلب ایده مدیکندن دولایی پک
اسف ایتدی . چونکه بوکا موفق اولورسه له آملرک انقراضی
محقق برحاله کله جکدی . صوک درجه ده ناچار قالنجه اعدامی
امر ایتدی . صو کره تاملر اردوسی تسائوچه ئو اوزرینه
یورودی . شهرک والیسی تسلیم اولدی .

له آملر ایمپراطوری ، قوماندانک وفاتی وتاملرک ورودینی
خبر آنجه بویوک بر کدره مستغرق اولدی . آرتق ایمپراطورلغک
آلندن کیده جکنده شهه سی قالمادی . نه یاسیله جغی حقنده
برقرار ویره مه یین بوتون ناظرلری بو حکمدارک وعائله سنک
عاقبتی حقنده کوز یاشاری دو کیورلردی . ایمپراطوره بعض
مؤاخذاتده بولونمقدن کری قالمادیلر . یایتخنده الآن بر مقدار
عسکر واردی . فقط له آملر ایمپراطوری ، برادرلرینک
بوفلا کتدن استفاده ایله قاریشقلق چیقارمالرندن قورقیرغی
ایچون بوقوه محافظه یی اوزاقلا شیرمغه رضا کوستره مدی .
سورلر اوزرینه اجنبی عسکرلری اقامه ایتدی . عائله سی
ارکانندن شبهه ایتدکلرینی اعدام ایتدیردی . صو کره ، بویوک

براردو طوپلامق فکریله لویامه چکیمکی دوشوندی . فقط
بوتصورینی قوماندانلری تصویب ایتدیکی ایچون ایمپراطورلق
مزیناتی چیقاردی . کیزلی بریره صاقلادی . کیجه کوندوز
حالندن تظلم ایله امرار وقت ایتمه باشلادی . صوکره ،
قوماندانلردن برینه کندیسینک باشنی کسمه سنی سویلهدی .
بوقوماندان بوامره اطاعت ایتک ایسته مه یه رک ایمپراطوری
اولدیرمکدن ایسه کندیسنی اولدیرمکی ترجیح ایتدی . ایمپراطور
مانع اولدی . برلکده اولمک ایسته دیکنی سویلهدی . بونک
اوزرینه قوماندان ایمپراطوری اولدیردی ، صوکره اتخارایتدی .
بواثناده تاله آمه یاقلاشمش اولان تاملر اردوسی بوپایتخته
کیردی . برآز صوکره تاملر ایمپراطوری ده کله رک شهره
تصرف ایتدی . چینلیلرک سجیه سی موجبنه برچوق قوماندانلر
یکی ایمپراطوره عرض بیعت ایتمکدن ایسه اتخاری ترجیح
ایتدیلر . امری آلتنده الی بیک عسکر بولونان قوماندان
قیائی تسلیم اولدی . تسلیم اولمق ایسته مه ینلردن بضیلرینک
تکمیل افراد عائله سی سوندیرلدی . له آم سلاله سنک اجدادلرینه
مخصوص سالون ییقلدی . بوسلاله ایمپراطورلرینک ایمپراطور
عنوانلری رفع اولوندی . بواونولرک هپسی عادی برر فرد
حاله ایندیلر . کلوب عرض تسلیمیت ایدن سائر قوماندانلر
ووالیلر مأموریتلرنده ابقا ایدیلدیلر . لی تسون هیو حالا ممنون
دکلدی . انتقامنی دها ایلری یه واردیرمق ، له آم ایمپراطورلرینی

مزارلرندن چيقارتهرق ياقق ايسته يوردى . فقط بونك بى فائده
اولديغنى آكلاتديلر . چونكه ذاتاً اولمشلردى . عائله لرى ده
سونمىدى . بومزارلر هونان فو سورلرينك جنوب شرقى سىنه
ايندىلر . بونلك خارج قىسملرني تخرىب ايله اكتفايدهرك اوزرينه
آغاچ ديكديلر . بونك اوزرينه تسوو « او » قراللىرى
تاملر ايمپراطورينه سفيرلر كوندرديلر ، اوندن بعض
عنوانلره نائل اولدىلر . دها بر طاقم له آم قوماندانلىرى ده
كلهرك عرض تسليميت ايتدىلر . صوكره ايمپراطور مقدارلىرى
يك چوق فضله اولان بوقوماندانلر آراسنده برتنسيقات ياپدى .
شمال سرايى لغو ايله دى . سىغان فويه غرب پايتختنى نامنى
ويرى . اسمنى قيم تياؤ فويه چويردى . پايتختنى هونان
ولايتى داخلنده لويامه نقل ايتدى . « او » قرالنىك سفيرلرني
بوراده قبول ايلدى .

بوايمپراطورك اطرافنده چالغيجيلردن باشقه كيمسه يوقدى .
بونلره بويوك هديهلر ويريور ، ايمپراطورلغك اك يوكسك
مناصبنى بخش ايله يوردى . بوحركت بر چوق مرلتيلره ميدان
ويردى . اجنديلر ، ايمپراطورى بوندن دولاي محقر كورديلر .
عرض تعظيمات ايتك اوزره لويامه كلش اولان قانوت چانغ
[۱] نامنده كوچوك بر قرال حس ايتدىكى نفرتى علناً . -ان
ايتدىكى ايچون ايمپراطور بونى توقيف ايتديرمك ايسته دى .

فقط هنوز ایمپراطورلغنی یکی اعلان ایتش اولدیغنی ، سائر خراجگذار پرنسler سرایه آنجق اقربالرینی کوندردکلری حالدده بوالذات کلدیکندن دولایی حقنده دهارعایتکارانه داورانمق ایجاب ایتدیکنی ، اوکا کوسستریله جک معاملهنک دیکرلرینی عرض انقیاده سوق ایله یه جکنی سویله یه رک ایمپراطوری بوفکرندن واز کچیردیله . قانوق چانغ توقیف ایدیلدی ایسه ده ایمپراطوردن غیر ممنون برحالدده عودت ایتدی .

قیتانلر پکین طرفلرینه آقینلرینه تکرار باشلادیله . فقط قوماندان لی سویوئن بو شمال ولایتلرینک امدادینه قوشه رق اولنلری چکیلیمکه مجبور ایتدی . عینی زمانده قی قرالی لی مهئو چین ، تاملرک لویامی ضبط ایتدکلرینی خبر آلهرق کندیسیده عجمه معروض قالمق قورقوسیه اوغلی قیه نی یکی ایمپراطوره یوللادی ، ویرکولر تقدیم ایتدی وتحت تابعیته کیردیکنی سویله دی . ایمپراطور یکیدن بعض قوماندانلر تعیین ایتدی . فقط بو ، اردو آراسنه نفاق دوشورمکدن باشقه برستیئه یارامادی . چونکه ده اسکی قوماندانلرله آرالرنده حکم ونفوذ وتقدم کورولتولری چیقادی . بوندن دولایی بویوک قاریشیق لقلر ظهور ایتدی . برآز صوکره ایمپراطور یچه لویامه کلدی . چو آم تسونخ هنوز له آم لره مربوط قالان بوتون قوماندانلری عرض انقیاده تشویق ایچون بوتون ممالک کنده عفو عمومی اعلان ایتدی . لی مهئوچینه تسین قرالی عنوانی ، قانوق چانغه تان پیم قرالی

عنوانی ویردی ودها بعض قوماندانلره برطاقم مناصب توجیه
ایله دی . بوزولمش یاخود تقلید ایدلمش اولان اوزان واکمالی
تفتیش ایتدیردی . بوايمپراطورک حیثیتنى اخلال ایدن شی
برطاقم چالغیجیلره غایت یوکسک مناصب بخش ایتسی ایدی .
لوچه ئو شهرينک عصيانى اوزرينه اى برحاله بولونمايان بوتون
قلعه لری تخریب ایتدیردی . قیانلر بوصیراده پکین طرفلرینه
ینه هجوم ایتدیلر .

قوآچه ئو، شاچه ئوسکینه سیله تیتلیار اوزمان تسائوئی قین نامنده
بررئیسک اداردسی آلتده ایدیلر . بورئیس ایمپراطوره عرض تابعیت
ایتدی . ایمپراطورده اوکا بر عنوان ویردی . صو کرا ایمپراطور
لوچه ئوشهری اوزرينه یورویهرک تحت اطاعته آلدی . سدلریایمق
وله آم جوارلرینه فیضان ایتمش اولان صولری دوردیرمق ایچون
عسکرلر کوندردی . فقط بوانشآت اکمال ایدیلهمدی . ایمپراطور پک
یهوده مصر فلر یاپیوردی . هله ایمپراطور اولدقن صو کره
ذوقندن باشقه برشيله متغول اولمامغه باشلامشدی . برناظر
خالق ویرکولر آلتده ازدیکنى ، یاپدیغی اولرده تارلالری خراب
ایتدیکنی ، خلق هیچ دوشونمדיکنی مقام مؤاخذه ده ایمپراطوره
سویله دی . قیوئه قرالی ده ایمپراطوره عرض تعظیمات ایتدی .
قیتانلر غوئه ی چوئه یی یغما ایتدیلر . او زمان بوقوملر غایت
ذی قدرت ایدیلر . شمال غربیده کی بوتون باربارلر کندیلرینه
تابع دی . مع مافیه أمور نهری طرفلرنده ساکن اولان موقو

تاتارلرينك اونلره ويركو كوندرمه لرينه مانع اولاماديلر .
 بوتاتارلرك او زمان او اولح Ou-oullh نامنده برقراللى واردى .
 قيتانلر تكرار پكىن جوارلرينه آقنلر ياپديلر . عيىن زمانده ،
 بونلرك قدرتندن قورقان موقولر ، نيوچهلر ، قىلر ، قوردايلر
 كې بوتون شمال شرق قوملىرى ايمپراطورك حمايه سنه استناد ايتمك
 ايسته ديلر . غرب طرفنده توقو هوئه نلر حتى او زمان هوئه ن هياى
 نامنده بر رئيسلىرى بولونان توركار بيله ايمپراطوره سفيرلر يوللا ديلر .
 ايمپراطور ، قيتانلرك آقنلرينى منع اچون لى سويوئى بر مقدار
 عسكرله شماله كوندردى .

تاملر ايمپراطورلغه صاحب اولدقدن صوكرده ، كوچوك
 هان قرالى كندى الكاسنك الدن كيددجكى قورقوسننه
 دوشمشدى . يكي ايمپراطورك قدرتى حقيقتدنه اولديغنى آكلامق
 نيتيله اوكا بر سفير اعزام ايتدى . سفير ، تاملرك احوالى حقنده
 كيزايجه معلومات طويلامق وظيفه سيله مكلفدى . بوصورتله
 ايمپراطورك مغرور ، سفاخته دوشكون بر حكمدار اولديغنى ،
 امور دولته هيچ اهميت ورمه ديكنى او كرنجه ايمپراطورله
 مناسباتى كسدى . اوندن هيچ قورقماز كې كورونمكه باستلادى .
 حكمدارك فضايلندن دولاي دولتك ضعيف بولونديغنه امنيت
 كتيرمشدى . ذاتا تكميل چين قطعه سى ايمپراطوره تابع
 دكلدى . بعض ولايتلرده غايت ذى قدرت قراللى واردى .
 ايمپراطورلغك او وقت بولونديغى وضعيت ، بويوك برطاقم

حکمدار سلاله لرینه مالک اولان آوروپانک حالنه تشبیه ایديله -
 بیلیردی . همان همان آروپا قطعه سی قدر واسع اولان چین
 آروپا قطعه سنده کی قرالقلر قدر بویوک و ذی قوت حکومتلره
 مالکدی . او زمان ایمپراطور عنوانی قورو برلا فدن عبارتدی .
 بو عنوانی طاشییان حکمدار حربی سوردی . حائز نفوذ اولمغه
 پک اهمیت ویریردی . نفوذ و اقتدارینی ناظر لرینه تودیع ایتمکدن
 خوشلانمازدی . فقط بونی چالغیجیلرک النه براققده بر محذور
 تصور ایتمیوردی چالغیجیلرک خوشنه کیتمه یں بویوک قوماندانلر
 یاعزل ایدی لیورلریا سرایدن اوزا قلاشدیری لیورلردی . بو ایمپراطورک
 زمان اداره سنده حائز نفوذ اولان خادم آغالری ده حکومتی
 تخریب ایتمکدن خالی قالما یورلردی . حکم و نفوذ لرینی آرتیرمق
 ایچون سرایه بر چوق مستفرشه ادخال ایدی یورلردی . بوندن
 دولایی کندیلرینک وجود لرینه لزوم حس ایتدیری یورلردی .
 ایمپراطور نه قدر سفاهته دالارسه اونک امنیتی ، ضعفی
 او قدر جوق سؤ استعمال فرصتی بولیورلردی . متروک بعض
 سرایلره کیجه لری بر طاقم پریر کلدیکنی ایمپراطوره سویله -
 یهرک بورالرده اسکان ایچون خلقدن اوچ بیک قیز طوپلامق
 مساعده سنی آلدیلر . بو صافدل ایمپراطور بو دورلوتلقیناته
 قولایجه قاپلیوردی . یاننده بر بونز واردی که روز کارلره ،
 یا غمورلره حاکم اولدیغی ادعاسنده ایدی . حضورنده بو بونزی
 اوتورتوردی . ایمپراطورلغک بویوک قوماندانلری کلدکلری

وقت بونزی سـلاملامغه مجبور ایدیلر . یالکیز قوئو تسونغ
تاو بونی اجرادن امتناع کوسـترمشدی . بو صیراده بویوک
برقوراقلق ظهور ایدەرك لویامه قدر تأثیراتی حس ایتدیردی .
بونزی یاغمور یاغدیرمغه اجبار ایتدیلر . بونز اون کون
الندن کئی یاپدیسەده بر دورلو یاغمور یاغدیرامادی . بونک
اوزرینه ، تهدیداتدن قورقهـرق قاچدی وقورقوسندن اولدی .
صوکرده یاغمورلر باشلادی ، یتش بش کون دوام ایتدی .
بوتون نهرلر طاشدی . ایمپراطور یازین سرین سرین اوتورمق
اوزره ، خادم آغلرینک توصیه سی ایله بر چوق انشات
ایچون پاره لر اسراف ایدیوردی . امور مالییه نظارت ایله
مكلف اولانلر، له آملری محو ایچون اوغراشدیغی صیرده
هوانک صیجاقلغنه بو قدر اهمیت ویرمـدیکنی ، شیمدی ده او
صورته حرکت ایتەسی لازم کادیکنی ، خزینهلری اردونک
اعاشەسی ایچون صاقلامق ایجاب ایتدیکنی سویله مک جرأتندە
بولوندیلر . ایشته بوحکمدارک زمان سلطنتنک قسم اعظمی
بوصورته کچدی . ناظرلری متصل اخطاراتده بولونیورلردی .
فقط بر دورلو دیکله مک ایستەمیوردی .

سرایده بویله نفاقلر حکمفرما اولمقـله برابر ایمپراطور
« شو » یاخود سه چوئن قرالغی ایله حرب ایتک ایستەدی .
قوماندان اولمق اوزره فی قیه یی وقوئو تسونغ تاوئی تعیین
ایتدی . بوقوماندانلر یوللری اوزرنده کی بوتون مواقعی ضبط

ایده‌رك سه‌چوئن داخلمده چینگ ئویه قدر ایلریله‌دیله . شو
قرالی بورایه چکیلمشدی . ایمپراطورک قوماندانلرینه عرض
تسلیمیت ایتدی . قوماندانلر بوپایتخته کیردیلر . شوقرالرینک
بوتون ممالکی تاملره تابع اولدی . تقریباً ایکی یوز قرق
شهردن ترکب ایدی-وردی . بو مظفریتک شرفی کیمه عائد
اولدیغنی تعین ایچون آرالرند منازعه ایدن قوماندانلره
ایمپراطور مکافاتلر ویردی . بو مناسبتله بو قوماندانلر برچوق
کورولتو ایتدیلر . ایمپراطورک نزدنده بربرلرینی کوزدن
دوشورمکه جالیشیورلردی . بوصیراده بویوک بر قیطلق ظهور
ایتمشدی . خلق پک پریشان اولمشدی . ولایتلر بوشالمشدی .
پک چوق کشی تلف اولدیغنی حالده ایمپراطور هیچ اهمیت
ویرمیوردی . نهایت قوماندانلرینک اصرار شدید اوزرینه
بو مصائبه چاره‌ساز اولغنی دوشونمه‌یه باشلادی . ناظرلردن
بری وقتیه ویرکولر ایمپراطورک خزینه‌سینه اورادن چیقماق
ایچون کیردیکنی ، محارباتک زراعتی اهل ایتدیره‌مدیکنی و بوندن
دولایی نه فیضانلردن نه قوراققلقلردن بر اضطراب چکیلمه -
دیکنی سویله‌دی . ایمپراطور بر طاق امرلر ویردیه‌ده هیچ بری اجرا
ایدلمه‌دی . ایمپراطور هپ خادم آغالرینک النده ایدی . خادم
آغالری چکیندکلری ناظرلردن کافه‌سنی ایمپراطورک نظرند
لکه‌لیورلر ، کوزدن دوشوریورلردی . حتی سه‌چوئن داخلمده
ظهور ایتمکه باشلایان قاریشقلقلری تسکین وظیفه‌سنی کندیلرینه

توديع ايتديره جك در جهده قوماندانلرك حقوقنه تجاوزايتديلر.
 ايمپراطورلغك بويوك قوماندانلرى بوخادم آغلرينه قارشى
 بسله دكارى خصومتدن باشقه بر برلريله ده حسن امتزاج ايتيورلر
 بر برلرينك كوزلرني اويغنه چاليشيورلردى. قى قيه، قوئوتسونغ،
 تائوئى اولديرتدى. حكمدار بو فناقلره چاره دوشونمىكى اھمال
 ايدييور، بر شرقى اوني دھا چوق مشغول ايله يوردى. قديم
 شو قرالى بر شرقى بستمه نديكى اچون غايت مهم بر موقع
 قوماندانلغنه نائل اولدى. ايمپراطور صوكره قوئوتسونغ تائونك
 و دھاسائر بھض قوماندانلرك بوتون عائله سنى اولديرتك
 ايستهدى. لى سويوئك تحقيق احوالى اچون امرلر ويردى.
 بو قوماندانك دوستلرى كيزليجه اوكا ميداندن چكىلمه يي،
 سرايده كورونممه يي نصيحت ايتديلر. چونكه سرايده كوروننه جك
 اولورسه دشمنلرى كنديسىنى اولديرتك جكلردى. فقط بو قوماندان
 نه اللهه نه انسانلره قارشى هيچ بر كناه و قباحه ايشله مھمش
 اولديغنى، هيچ بر شيدن قورقمايغنى، هر شيدنه متوكلا نه منتظر
 بولونديغنى جواباً سويلاي. ايمپراطورك بو حر كتي بر طاقم
 عصبانلر توليدندن خالى قاله مازدى. فى الحقة چوق كچمه دن
 هر طرفده عصيان ظهور ايتدى. ايلك قيام پوتو ياخود تاميم فوده
 وقوعه ككشدر. سه چوئ عصيانى ايسه دھا مهم ايدى. شو
 قرالغك فاتحى كې تلقى ايتدىكى قوئوتسونغ تائونك وفاتندن
 منفعل اولان لى شائوشين، ولايتده كى بوتون اركان و قوماندانلرى

طوپرلادی. ایمپراطورک، شوقراللغنی محوایتد کدن، ایمپراطورلغی
اله کچیرد کدن صو کره کندیسینه او قدر بویوک خدمتئر ایفا
ایتمش اولان قوماندانلری سراینه جلب ایدوب اولدیرتمه سی نه
قدر منفور بر حرکت اولدیغنی ایضاح ایتدی. هر کس سلاحه
صاریلدی. لی شاشین او ولایتک قوماندانی اعلان اولوندی.
معیتنده الی بیك کشی طوپلانمشدی. پوتو شهری الآن
مقاومت ایدیوردی. محاصره ایچون کوندریلن اردو بوقلعه یی
ضبطه موفق اولامامشدی. قوئوتس-ونغ تائونک دیگر بعض
طرفدارلری ده سلاحه صاریللق ایسته دیلر سده بر فرقه تشکیل
ایتمه لرینه وقت بر اقادیلر. توقیف و اعدام ایدیلدیلر. قوماندان
لی شانویونغ ایکنجی دفعه اوله رق پوتواو کنه کلدی. کندیلرینک
عفو ایدیه جکلرندن امیدلرینی کسمش اولان محصورین وک
درجه ده معندانه مقاومت کوسترییورلردی. ایمپراطور علی العجله
سرایه کلمسی ایچون قی قیه یه امر کوندردی. فقط بو قوماندان
لی شائوشین ایله رالکده عصیان ایتمشدی. عینی زمانده هینغ چه ئو،
تسانغ چه ئو شهرلرینک و دها سائر بعض شهرلرک عصیان
ایتدکلری خبری آلیندی. سرایه کان خبرلر حپ بوقیلاندی.
ایمپراطور، پوتو شهرینه بالذات هجوم ایتکه حاضر لانیوردی.
ناظرلری ایسه پایتختندن ایرماسنی هیچ تنسیب ایتدیلر.
لی سویوئی کتیرتمه سنی توصیه ایلدیلر. بو قوماندان در حال پوتو
سورلری اوکته کیتدی. شهر ضبط اولوندی. عاصیلر آنجق

دوچار اولدقلری سوء معامله حسیدله و منحصرأ حیاتلرینی قورتارمق فکریله سلاحه صاریشاری. عینی زمانده سوچوئنه چین هوآن قومانداسنده باشقه عسکرلرده کوندردیلر. بو قوماندان لی شائو شینی، هان چه ئو [۱] قربنده معلوب ایتدی. بوشهرک اطرافنده سور اولمادیغی ایچون عاصیلر علی العجله دیوارلر یاپه رق تحصن ایدیورلردی. فقط ایمپراطور اردولری بونلری طوتوشدیردی. لی شائو شین قاحق تشپشده ایکن یاقه لاندی. ایمپراطور او قدر چوق مصرفلر اختیار ایدیوردی که اونک حسن محافظه سی ایچون الزم اولان مصارفه پاره قالمایوردی. ناظرلر آرنق احتیاجات دولت ایچون پاره بولاماز اولدیلر. قوماندانلر سرایده کی خزینه لری بوشالتمی توصیه ایدیورلردی. ایمپراطور راضی اولدیسده ایمپراطور یچه ممانعت ایتدی. عینی زمانده، پوتو شهرینی ضبط ایتش اولان ایکی قوماندان، لی سویوئن ایله لی شائو یونغ، بربرلرینه داریلدیلر. لی شائو یونغ دیگر قوماندانی دشمنله اوزلاشدی دییه اتهام ایتدی. ایمپراطور بوسوزلره اهمیت ویردی. لی سویوئن ی سرایه دعوت ایتدی. برچوق لطفله غرق ایله یهرک کندیسنه بر اوغل معامله سی کوستردی. بوتاریخدن اعتباراً بو ایکی قوماندان دائماً بربرلرینه ضد قالمشلردر. فقط ایمپراطور اعتماد جائز اولمایه جق بر حکمدار اولدیغی ایچون لی سویوئن قورقمقدن کری

[۱] چینغ توفو ملحقانندن.

قالمايوردی . شه قییم تام بو قوماندانه مدافعه نفسی دوشونمه سنی
توصیه ایتدی . بونی دها مو فقیته یاپه بیلمک ایچون اوچ یوز
سواری ایله کیدوب تاله آمی ضبط ایتمکی تکلیف ایله دی .
لی سویوئن آز وقت ظرفنده کندی طرفدارلری اولان قوماندان
رضا بطلری اطرافنه طویلادی ، اونلرک باشنه کچدی . ایمپراطور
عصیانی توقیف ایچون بالذات سفره چیتقمق ایسته دی . چالغیجیلار
واویونجیلار دها اول شوقرالنی اولدیرتمه سنی توصیه ایتدیلر .
چونکه بوقرالک دوستلرینک ایمپراطورلق داخلنده کی قاریشقلقلر .
دن استفاده یه قیام ایتمه لرندن قورقورلردی . ایمپراطور صوکره
لویامدن چیقادی . کیدوب قستوی نهری ساحلنده قرارگاه تأسیس
ایتدی . لی سویوئن اوزمان لی یامده ایدی . اورادن تاله آمه
کیدهرک بو موقعی اله کچیردی . بوشهرک خبر سقو طی واصل
اولونجه ایمپراطور عساگری داغیلدیلر . ایمپراطورک معیتنده کی
یکرمی بش بیك کشیدن آنجق اون بیك قالمشدی . ایمپراطور
قاچان عسکرلردن بعضیلرینه تصادف ایدهرک اونلری کندیسینه
برلکده لویامه کلکه تشویق ایتدی . برچوق وعدلرده بولوندی .
فقط آتق بو وعدلرک قیمتی قالما دیغنی سویله یهرک ایمپراطورک
سوزلرینی رد ایتدیلر . بوتون بو عسکر لی سویوئننه التحاق
ایتدی . اوده اونلرله برابر ایلری یه یورودی .

ایمپراطور یولده اولدیغی اثناده اردو کاهنده بویوک برقیام
وقوعه کلدی . ایمپراطورلغک اک بویوک رتبه لرندن برینی

توجیه ایتیش اولدیغی قوئوتس-وانغ قیهن نامنده بر چالغیچی
قومانداسی آلتنده بولونان عسکرلرله کلوب ایمپراطورک
بولوندیغی شهرک قاپیسینه هجوم ایتدی . ایمپراطور سفردهده
ایندی . کورولنوی ایشیتدی . قوماندانلردن برینی چاغیردی .
عاصیلر قاپی طوتوشدیرمشلر ، شهره کیرمشلردی . بوتون
قوماندانلر قاجدیلر . یالکیز اون ایکسی برلشهرک قاریشقلغی
تسکینه وایمپراطوری مدافعهیه چالیشدیلر . فقط راست کله
آتیلان بر اوو ایمپراطوره اصابت ایدهرک اوئی اولدیردی .
صوکره نعلینی آلدیلر . یاننده بولدقلى بوتون آلات موسیقیه
ایله برلکده یاقدیلر . سراییده طوتوشدیردیلر . هرطرفی یغما
ایتدیلر . ایمپراطورلغه نائل اولمادن اول دائما اردوسنک باشنده
بولونان بو حکمدار ایشته بویله برعاقبتہ اوغرادی . اولجه
اوزون براویقویه دالمامق ایچون بویته کوچوک برچنغراق
باغلاردی . فقط صوکره ایمپراطور اولونجه عطالتہ ترک نفس
ایتدی . برسورو مصاحبلر ، دالقاووقلر ، طفیللر آراسنده
یاشامغه باشلادی .

لی سویوئن بو خبری آنجه لویامه قوشدی . ایمپراطورک
کیکلرینی طویلاتدی . بونلری برتابوته قویدی . چو آم تسونغه
مربوط اولان بعض قوماندانلر تای یوئن ده عصیان ایتدیلر .
لویامده قالمش اولانلرده حکومتی اداردایتمه سی ایچون لی سویوئن
رجا ایتدیلر . لی سویوئن ، صوکره ایمپراطورک پدری اولان

لی قه یونگك آخرت اولادلی ای دی . سرای ایمپراطوری یه
 کیردی . اوراده کندیسنه صداقت یمینی ایتدی لر . قوماندان ،
 سرایده کی قادینلرک اك کوزلارندن وکنجلارندن یوز دانه سنی
 آیردی . فقط مسن اولان لی سویوئن بونلری قبول ایتمه یه رک
 سرایدن چیقاردی . متوفا ایمپراطورک خالق آراسنه داغلمش ،
 صاقلانمش اولان اوغوللرینک بولونماسنی امر ایتدی .
 قوماندانلردن بری بونلری اولدیرتدی . ایمپراطور بوحرکتی
 تقبیح ایتدی . فقط ایمپراطورچه له ئویه ئوی قتل ایتدیردی .
 ایمپراطورچه ، چین یامه قاچمشدی . دها بعض قوماندانلرده
 اعدامه محکوم ایدیلدی لر . صوکره لی — سویوئن ایمپراطور
 عنوانی آلدی . تاریخده میم تسونگ Mim-Tcong نامیه
 معروفدر . بوسلاله نك طاشیدیغی تام نامنی دکیشدیرمك
 ایسته دی . فقط بعض ناظرلر اونی بوفکرندن جایدیردی لر .
 نهایت برعفو عمومی اعلان ایتدی . قوماندانلرک صیرا ایله
 سرایه کلمه لری وخلق حضورلرینه قبول ایده رک دردلرینی
 دیکله مه لری ایچون امر ویردی . بوایمپراطور او قویوب یازمق
 بیلمدیکی ، ویریلن عرض حاللرک کافه سسینه ناظری جواب
 یتشدیره مدیکی ایچون بو وظیفه ایله مکلف اولمق اوزره
 قوماندانلر تعیین ایتدی . اولکی ایمپراطورک زمانده اعدام
 ایدیلن بعض قوماندانلرک رتبه و عنوانلرینی اعاده ایلدی .
 عینی تاریخده پیه ن چه ئوده بعض قاریشقلقلر وقوعه کلدی ،

فقط ابشك آله ولنه سنه ميدان ويرمديلر. درحال ياتيشديرديلر.
 ديكر طرفدن قيتانلر اوزمان شرقه دوغرو پك انتشار
 ايتمشلاردى. قراللىرى آياقلىق قوردهك شمانده قويوچينغ
 شهرينى آله كچيرمشدى. ايمپراطور وقوعه كلن تحولى تبليغ
 ايتمك اوزره اوكا قوئن نامنده برسفير يوللادى. قيتانلر قرالى،
 اسكى ايمپراطورك وفاتندن متأثر كوروندى وسفيره سوء
 معامله ده بولوندى. شمالدهكى بعض مواقعك كنديسنه تسليمى
 ايسته يوردى. آلدىنى جواب رد اوزرينه قوئى زنجيره اوردى.
 فقط بر آز صوكره قيتانلر قرالى وفات ايتدى. اوغلى
 ته قوام Te-kuam يرينه كچدى. اوزمان ايمپراطورك ممچى
 سياغ نامنده بر قوماندانى واردى كه شو الكاسنى ضبط ايتمك
 املنده ايدى. عصيانه تشبث ايدن ديكر بر قوماندان درحال
 تشكيل ايدى. ايمپراطور قوماندانلرينه قيشلق ويازلق
 اثوابلر احسان ايتدى. وقتيله قيتانلرك نردينه چكىلمش
 اولان ليوودن تسينى چينه جلبه موفق اولدى. بوقوماندان
 پم چه ئوده تاتارلرك قوماندانى ايدى. امرى آلتنده يوز بيكدن
 زياده چينلى واردى. بونلرى ده برلكده چينه كتىردى.

ايمپراطوريكى سنه ابتداسنده مختلف قوماندانلر رتبه لر توجيه
 ايتدى. بو هيچ حائز اهميت بروقه دكلدر. بوبابده تفصيلات
 ويرمه يه جكز. يالكز شو قدرينى سويله يه لم كه ايمپراطورك
 دامادى اولوب مؤحراً هه ئوتسين Heou-tsin لر سلاله سنى

تأسيس ايدن شه قيم تام She·kim tam ده بورتبه لره نائل
اولانلر آردسندده ایدی . عسکر ايچنده مهم بر موقعه کچدی
بعضيلري ده عائله لريله برلکده جزايه چارپديرلديلر . عيني
زمانده ، هينغ نان قرالی قاتوق چانغ ، قوئيه يي چه ئو شهرلريني
ضبط ايتدی . بوکا قارشي عسکر سوقنه مجبوريت کورولدی .
بوتو شهرنده بولونان عساكر عصيان ايتديسه ده تحت اطاعته
آلنديلر . ايچلرندن برچونغي اعدام ايديلدی . صوکره
ايمپراطور جنوبده کائن هينغ نان الکاسيله حرب ايتدی .
بوسفر موفقيتيله نتيجه له نه مدی . فقط بر مدت صوکره ايمپراطورک
اردوسي ده باختيار اولدی . قوئيه يي چه ئو ، چونغ چه ئو [۱]
وان چه ئو [۲] شهرلري استرداد اولوندی . نهايت قيتانلرده
ايمپراطورله صالح ياپديلر . قوره طرفلرنده سين مو ، شنسينک
غربنده تانغ هانغ ويام قو قوملري ، هوئيه يي قه لر ، توفانلر
باخود تيت اقوامي سفيرلر کوندرديلر . ايمپراطور پيه ن چه ئويه
کيتمک ايسته دی . اورانک واليسي اولان چوچه ئوئين بوندن
دولايي شهبه يه دوشدی . قوماندانلردن بر قسمي کنديسي
عصيانه تشويق ايله ديلر . اوده سلاحه صاريلدی ايمپراطور ،
نصيحت ايتک ايچون قانين توامي اوکا يوللامق تصـورنده
ایدی . فقط قانين توام ، پيه ن چه ئو شهر ي پک مستحکم

[۱] سه چوشن ولايتي داخنده چونغ قينغ فويه ملحق .

[۲] بوکون سه چوشن داخنده قوئيه يي چه ئو قويه ملحق وان هيه ن .

اولدىغى جەتتە اورايە قارشى عسكر سوق ايتىك دها موافق
اولاجغى سويلدىكەندىن سىگىز يوز سوۋارى ايله كىتمەسى اچچون
كەندىسەنە امر وىرلدى . بوامرى آلتىجە ، پەن چەئو ياخود
قاي قونغفو عسا كرىلە محاربەيە كىرىشمەكە مجبور اولدى .
صوكرە ايمپراطور بالذات اوشەرە تفرىتتى . بونك اوزرىنە
چوچەئوئىن اتخار ايتتى . شەر سىگەنەسى سورلر ك اوزرىندىن
ايمپراطورى كورونجەفايىلرى آچدىلر . عىنى زماندە شەقىم تامك
رتبەسى ترفىع اولوندى . ايمپراطور بو صورتلە عائلەسىنىك
انقراضنى حاضرلايوردى .

قىتانلر ، پىم چەئوئە هجوم ايله ضىبب ايلەدىلر . دىكر
طرفدىن او قرالى يامبو ايمپراطورە سىفىرلر يوللادى . بو
سىفىرلرى قبول ايتىك ايسىتمەدىلر . بوندىن دولايى بو كوچوك
قرال تاملر ايله هر دورلو مناسىباتى قطع ايلەدى . ارتق
اونلرلە محاربەدن باشقە برشى دوشونمىدى . عىنى زماندە ،
ايمپراطورك وامتو نامندە بر قوماندانى عصيان ايدەرك قىتان
تاتارلرى رۇساسىندىن بىرىندىن استىداد ايلەدى . بو رىئىس اون
بىك سوۋارى ايله ھان كلدى . تىم چەئو جوارلرىندە آقىنلر
ياپدىلر . صوكرە عاصىنىك عسا كرىنە النحاق ايله ، پەچەلى
داخلىندە چىن تىمفو قىرىندە قىويام شەرىنى محاصرە ايتدىلر .
فقط كرك عاصى كرك قىتانلر مغلوب اولدىلر . بونك اوزرىنە
قىتانلر بر اردو طوپلايەرق ، عاصىلر ك ضىبب ايتىش اولدقلىرى

تیم چه ئونك امدادینه قوشدیلر . ایمپراطورك غان قیه ئونامنده کی قوماندانی عسکرلرینك اوق ویایلرینی براقیدردی . اللرنده قیاج ایله دشمنه قارشى یورومهلری ایچون امر ویردی . قیتانلرک قسم اعظمی تاف اولدیلر . متباقیسی شما قاچدی . عاصی بك مشکلاته فراره موفق اولاییدی . بو صیراده قیتانلر یکی بر اردو طوپلایه رق تیم چه ئویه تکرار کلدیلر . فقط ایمپراطور اردوسی اونلری ایکنجی دفعه بر مغلوبیته دها اوغراتدی . باش قوماندانلری دها برچوق قوماندان ایله برلکده اسیر دوشدی . ایمپراطور بونلرک ایچندن تقریباً اللى قدرینك حیاتی باغیشلادی . دیگر آلتی یوز اسیرك باشنی کسیدردی . قیتانلر بو آقینلری یایمقله مش-غول اولدقلری صیراده ایمپراطور ، تاتارلری اونلرک حدودلرینی تخریبه تشویق وسوق ایتشدی . ایمپراطور او تاریخده وام ین قیونده چین قرالی عنوانی ویردی . بو کوچوک قرال بونلره اوقدر اعتماد ایدیوردی که حکومتی هپ اونلرله دولمشدی . قیتانلر درحال ایمپراطوره سفیرلر یوللادیلر . هوئی قهقر ، تورکلر ، قوتو هوئنلر وتوفانلرده اوسنه ایچنده عینی حرکتیه امثال ایتدیلر . عاصی وام تو ، تیم چه ئوشهرنده حالامقاومت ایدیوردی . بو قلعه غایت مستحکمدی . ایمپراطور اوراسنی هنوز ضبطه موفق اوله مامشدی . فقط نهایت غان قیه ئو کیدوب تکرار قلعه یی محاصره ایتدی . قلعه تام اردوسنك صولتمه مقاومت

ايدەمىيەرك قاپلىرىنى آچدى . وام تو بوتون عائەسى ايله برلكدە
آتشلك ايچنە آتلىدى . قى تاتارلىرىنىڭ رئيسى اسير دوشىدى .
باشى كسىلدى . ايمپراطورك او زمان تسونگ Tçong نامندە
بر اوغلى واردى . سەفياھانە احوالندىن دولايى بونى اعدام
ايتدىرمكە مجبور اولدى . ايمپراطور ، مسكوكاتدەكى تەشىشائە
قارشى دە تدبىرلر اتخاذايتدى . حدودلر اوزرىندە بار كىرتجارتى
ايچون موقعلر تەيىن ايلەدى . شىئە قوماندانلار ايدىن اوغلى تسونگ بونى
Tçong-yong چاغىردى . جنوبە جلب ايتىمىنىڭ سەبى بو
پرىنىڭ پىك كىنج اولماسى و امر ادارەيە اهمىيت وىرمەمسى
ايدى . بونىڭ يىرنە تسونگ ھەئو Tçong-heou نامندە دىكر
بر اوغانى يوللادى . قىتانلر ، يون چەئويە دوغرو بر آقېن
يايدىلر . ھوئەي قەلر ايمپراطورە سفيرلر يوللادىلر .

ميم تسونىڭ اولادىلى اولان لى تسونىڭ قو Li-tçong.ko
او زمان ھوچونىڭ الكاسى واليسى ايدى . شىرك سورلرى
خارجندە سوارى قوتى تفتىش ايتدىكى صىرەدە قوماندانلرىندىن
برى ، سرايدە پىك حائز نفوذ اولان والى تسونىڭ قويە كىزلى بر
دشمنلق بىلەن چوانى ھوئەي نىڭ تشويقىلە عىسكرى طوپلادى .
شىرك قاپلىرىنى قاپادى . بىئەئەلىيە ايمپراطورە بو الكايە عىسكر
كوندرمەسنى و اوغانى بو ولايتدىن محروم براقماسنى توصىيە
ايتدىلر . بو قارىشقلق مقدمەسى چارچاق باصدىرىلدى . فقط
سنى چوئىن ولايتىدە باشقە قارىشقلقلر چىقدى . تونىڭ چاننىڭ

ایله قنغ چی سیانغ عسکرلرینی برلشدیردیله، بو ولایتک مختلف
 مواقعه هجوم ایتدیله. ایمپراطور اردوسنک مدافعه سنه رغماً
 پائونینگ شهرینی اله کچیردیله. شه قییم تام بو عاصیلره قارشى
 یورومک امرینی آلدی. بوتون سه چوئن ولایتی قاریشقلق ایچنده
 قالدی. ایمپراطور، تونغ چانغک بوتون افراد عائله سنی قتل
 ایتدیردیکی ایچون بو عاصی انتقام آلق اوزره همان کیدوب
 چونغ قینگ فو، شون قینگ فو شهرلرینی ودها سائر جوار قصبه لری
 ضب ایتدی. منع چی سیانغ ایسه هو قوام حدودلری اوزرنده
 کائن اولوب بو کون منع شوی دنیان قین چه ئو شهرینی اله
 کچیردی. شه قییم تام شه چوئنه کیردی. ده بعض قوماندانلرکده
 التحاقدن صو کره کیدوب قینه چه ئوی محاصره ایتدی. بو
 شهرک قایلرندن نی ضط ایلدی. اوراده اوچ بیك کشی
 اولدیردی. فقط عاصیلرکی عسکر طوپلادقلری، منع چی سیانغ ده
 چینگ تودن قوه امدادیه کوندردیکی جهتله ایمپراطور اردوسی
 پوسکور تولدی. ایمپراطورک آلایلرکی یکانه انتقام مم چی سیانغک
 بوتون رتبه و مناصبنی رفع ایتمکدن عبارت قالمشدر که عاصی
 بونی استخفافکارانه تلقی ایلشدر. شه قییم تام شهرى ضبط ایچون
 بیهوده یره اوغراشدی. ایمپراطور سندیسنى کری چاغیردی.
 بو ولایته لذات کیتمه عزم ایلدی. فقط چوق کچمه دن
 بو تضوی ترک ایله منع هوئینی یوالادی. فقط بوده مم
 چی سیانغک سویی چه ئو شهرینی ضط ایتمه سنه مانع اولامادی.

ایمپراطور انګ بوتون اداره سنی اوکا بونک اوزرینه چونغ
هوئەیی دە کری چاغیریادی . سه چوئنه شه قیم تام عودت
ایتدی . بوقوماندانلر آراسنده نفاق حکم فرما ایدی . ارزاقی
اولمایان شه قیم تام شماله دوغرو چکیلمکه مجبور اولدی . صو کره کلهرک
لی چه ئوی آلدی . دیگر طرفدن عاصی ممچی سیانغ ده چونغ چوئو
وان چه ئو، قوئەیی چه ئو شهرلری ضبط ایدیوردی .

ایمپراطورک چونغ هوئەیی یه بویوک بر اعتمادی واردی .
ایمپراطور انګ بوتون اداره-نی اوکا براقیوردی . خلق
بوندن شکایت ایدیوردی . بعض قوماندانلر ایمپراطوری
کیفیتدن خبردار ایتدیلر . بر مدت احوال بومرگزده
قالدی . صو کره، قورقمغه باشلایان بوناظر استعفا ایتدی . یرینه
ممهان قیونغ تعیین اولوندی . چونغ هوئەیی توقیف و اعدام
ایتدیرلدی . بوسنه ایچنده تورکلر ایمپراطوره سفیرلر یوالادیلر .
ایمپراطور ایرته سی سینه بدایتنده تام هیانغ Tam-

سنه
۹۳۲

hiang نامی ویریلن غرب باربارلرینک مملکتنه براردو
کوندره رک اونلری تحت انقیاده ادخال ایتدی . بونلردن ایکی
بیکی یدی یوز اسیر آلدیلر . بونلر وقتیه چینه آقین یامیشلردی .
بوتاریخده دوقوز قینغی یعنی چینلیلرک اساسلی کتابلری
تخته لر اوزرینه باصمغه باشلامیشلردی . بو کتابلرک محتویاتنه
یالکیز کندیلری واقف اولمق ایسته یین چینلیلر بر باربارک اونلری
بویله عموم ایچون قابل قرائت برحاله کتیرمه سینه یک قیزدیلر .
او تاریخده ایمپراطورلق داخلنده برچوق قیتان اسراسی واردی .

قینان ماتی بونلری طلب ایدوب دوری-وردی . فقط چینک حقیقی حال و وضعیتنی باربارلره آکلاتمه لری قورقوسیه بواسیرای براقق ایسته میورلردی . بوندن ایسه باشقه بر فئالق چیقدی . قیتانلر کلوب چینک شمال حدودلرینه آقینلر یایدیلر . میم تسونع ، پکین جوارنده بوباربارلری توقیف مقصدیه سان هو هیه ن اسمنده بر شهر یایدیرمغه مجبور اولدی . . سه چوئن داخلمده ایشار ایمراطوره دهامساعد بر شکل آلدی . بوولایته بولونان ایکی عاصی قوماندان بربرلرینه قارشى دائمی صورتده بر امنیتسزلاک ایچنده یاشایورلردی . قینگ چی سیانغ کیدوب ایمراطوره تسلیم اولمق فکرنده ایدی . فقط بوتون افراد عائله سی قتل ایتدیرلمش اولان تونغ چانغ بوکا مانع اولیور ، اونى عصیانده دوام ایتدیریوردی . نهایت آرالری آچیلدی . تونغ چانغ ، بوکون چینگ توفو ولایتک پایتختی اولان سی چوئن شهرینی ضبط ایتدی . قینگ چی سیانغ در حال اوکا قارشى یورودی . تونغ چانغ مغلوب اولدی . کندی طرفدارلرندن بری طرفندن قتل ایدیلدی . بونک اوزرینه قینگ چی سیانغ بوکون یونان حدودلرنده تونغ چوئن قو دنیلم تونغ چوئن شهرینی اله کچیردی . صوکره ایمراطورله بر معاهده یایدی .

شہ قیم تامک نفوذی سرایده کیتدکجه آرتیوردی . عہدہ سنہ
یکى بروالیک دها توجیه ایدیلشدی . دشمنی اولان قوماندان چانغ-
ین چائو بوندن دولایى او قدر قیزدی که کیدوب قیتانلره تابع

اولدى . . . و بو قوملرى تاتوم فو جوارلرىنى تخرىبه تشويق ايتدى .
ديكر طرفدن فوقيه نده حكمران اولان وامين قيون نامنده كى
كوچوك مين قرالى ده ايمپراطور عنوانى آلدى . عىنى زمانده
يوقاريدە بحث ايتديكمز قىنغ چى سيانغ ، تاملر ايمپراطورندن
سە چوئن داخلىدە شو قرالى عنوانه نائل اولدى . ايمپراطور
ناظرلرينه يكي رتبه لر و افراد عائله سىنه يكي عنوانلر وىردى .
نينغ هياده قوتلى برايمپراطورلغك تىلنى آتان كوچوك هيا
پرنسلىرىنك مملكته اردو كوندردى . بو پرنسلىر تام هيانغ
Tam-hiang ملتندىن ايدىلر . بونلر ك شىرلرىنى ضبط ايتك قابل
اولامادى . سورلرىنك طاشلىرى دميردن دها قاتى ديه مشهور
ايدى . وقتيله بوقلعه يى هيا قرالى پويو بنا ايتمشدى . اردولرىنك
موفقيتسىزلكه اوغراماسى ، ايمپراطورلق داخلىدە اغتشاشات
ظهور ايتمه سى ايمپراطورى عدم ممنونيت آتارى اظهار ايدى
عسكەرلرينه قارشى غايت سميحانه داورانمغه مجبور ايتدى .
اوغلى تسونغ يونغه بوتون ايمپراطورلق اردولرىنك باش
قوماندانلغنى وىردى . بونى ولى عهد سلطنت اعلان يتمه سنى
سويله مشلردى . فقط تسونغ يونغ بوتكليفك پدرى اوزرىندە
حال ايتدىكى حزن والمى كوره رك بو عنوانى رد ايتدى . پك
كىنج اولديغنى بهانه اوله رقايلرى يه سوردى . اهالى يى حسن اداره
ايدە بيله جك برحاله كلك ايچون دها پك چوق شى تحصيل
ايتكه محتاج بولونديغنى سويليوردى . بوجواب ، صميمى دكلەي .

شهرزاده نك معیتده دائماً بر چوق سواری قوتی بولوندیغنه دقت
ایدن بعض قوماندانلر کنديسندن پك چوق شهبه اندیلر .
ایمپراطور اوزمان خسته ایدی . کنج شهراده پدرینك صحتی
استفساره کلیوردی . برکون ، ایمپراطورك باشنی قالدیرمغه
بیله پك طاقی اولمادیغنه دقت ایتشدی . اوطه دن چیقارکن
هر طرفدن فریادلر ایتشیتدی . ایمپراطورك وفات ایتدیکنه
ذاهب اولدی . ایرته سی صبح معیتده بر مقدار عسکرله سیرایك
قایسنه کلدی . جبراً ایچری کیرمك فیکر نده ایدی . کنديسنه
قارشى عسکر کوندرمكه مجبور اولدیلر . مغلوب اولدی .
معیتده کیلر کنديسنی ترك ایتدیلر . یاقالاندی . در حال باشی
کسیلدی . ایشته بو فجیع صحنه یی متعاقب ایمپراطور آلتش
یدی یاشنده اولدیغی حالدده وفات ایتدی . بو ایمپراطور هراقشام
سیرایك بر طرفه چکیله رك بخورات یاقدیردقدن صو کره اللهه
شودعایی ایتمکی عادت ایدینمشدی : « بن بر باربار اولدیغ حالدده
اغتشاشات سببیه حکمدارلغه چیقدم . جناب حقدن دیلرم که
یارین بومملکتی حسن اداره یه قادر برینی خلق ایتسین . »

وفاتدن صو کره یرینه اوغلی تسونع هه Teong-heou
چیقدی . مین تی Min-ti عنوانی طاشیدی . متوفی ایمپراطورك
اولادلیغی تسونع قو شهبه لی بر نظرله کورولدی . اوده غایت
متیقظ بولونمغه باشلادی . اوزمانه قدر شوقرالی عنوانی طاشیش
اولان ممچی سیانغ ایسه ایمپراطور نامنی آلدی . حکومتدن

ممنون اولمايان شه قيم تام ايله تسونغ قوسرايه كيتمك ايسته مه .
مشلردى . تسونغ قوشنى داخلىده فونغ تسىاتغ فوده بر
اردو طوپلادى . قارشى كوندريبن عسكر كرى چكىلمكه
مجبور اولدى . مظفرتى اونى عصيانده دوامه تشويق
ايتدى . طرفدارلىرى چوغالدى . صوكره سىغان فويه كيتدى .
ايمپراطور بو اغتشاشاتى ناصل تسكين ايدى جكنى بيله ميوردى .
شه قيم تام معيتنده كى عسكرله ايمپراطور اردوسنه التحاق ايتمه سى
ايچون امروردى . فقط كيمسه بوامرى شه قيم تامه تبليغه
جسارت ايدى ميوردى . تسونغ قويه قارشى ياپيلان بوتون مجازات
ايكى اوغلنك قتلندن عبارت فالمشدى . اوددا ايمپراطورك قوماندان
فلرندن برينى توقيف ايدى رك اعدام ايتدى . يولده كيدر كن تصادف
ايتدى كى بوتون عسكر كنديسنى اطاعت والتحاق ايدى ميوردى . برطاقم
جنرالارده عاصى به تسليم اولدبلر . تلاشه دوشن ايمپراطور
نه ياپه جغنى بيله ميوردى . غوئىي چه ئويه ياخود تاميم فو [۱] يه
قاجق ايسته دى . اوئىي چه ئويه ياخود غوئىي قيون فو [۲] يه
واصل اولدىغى وقت شه قيم تامه تصادف ايتدى . بوده
ايمپراطورك معيتنده كىلى كاملاً اتلاف ايتدى . ايمپراطور
يالكىز باشنه قاجدى . شه قيم تام لويام اوزرينه يورودى .
مم هان قيونغ نامنده ايمپراطورلغك باشليجه قوماندانلرندن
برى كيدوب تسونغ فويه تسليم اولدى . فقط عاصى درحال

[۱] په چهل داخلىده .

[۲] هونان داخلىده .

گنديسنى قتل ايتيردى . بواغدا شاشات اثناسنده سه چوئن ولايتنه
جوار قلعه لردن بعضيلرى شو قراننه تسليم اولديلر .
بوصيراده تسونغ فو كيتدجه لويامه ياقلاشيوردى . بوراده
بوتون قوماندانلر اوى استقباله حاضر لانيورلردى . تسونغ فو
بو پايتخته كيردى . ايمپراطور يچه نك والديسى ايمپراطورى
موقعندن اسقاط ايتديكنى بيان ايله بعضاً لوووام Lou-vam
يعنى لو قرالى اسمى ويريلن تسونغ فوئى نائب حكومت اعلان
ايتدى . ايرتهسى كوني ده ايمپراطور اعلان ايلدى . اسكى
ايمپراطورده غو Go قرالى عنوانى ويرديلر . تعقيب ايجون
آرقه سندن برمه ار عسكر يوللاديلر . توقيف ودر حال اعدام
ايديلدى . عيني زمانده احوالى داعى شهبه كورولن بمض
قوماندانلرده قتل اولوندى . اردو قوماندانلرينه بر چوق
بخششلىر ويريلدى . بعض رتبه لر توجيه ايديلدى . شه قيم تام
هوئونغ واليسى اولدى . بو قوماندانك نيتى فنا ايدى . محل
مأموريتنه واردىنى وقت قيتالمر اورايه آقن ياپديلر . عيني
زمانده بويوك بر قوراقلىق ظهور ايدرك مدهش بر قىطلغه
سببيت ويزدى . شه قيم تام كيدوب هين چه ثوده [۱] اردو
قوردى . ايمپراطور بو اردويه قيشلىق اثوابلرى يوللادى .
بوتون عسكر ايمپراطورك طول عمره نائيتى ايجون تمنيات

[۱] بوكون شانسى داخلنده تايوئن فو ملحقاتندن سيه ئو

مکرر دهه بولوندى ، وان سوينى Vau-soui ديه باغیريشدى .
 ايمپراطوره قارشى بو آثار صداقت شه قيم تامك خوشنه
 كيتمدى . اك يوكسك سسله باغیرمش اولانلردن بر قاجنى
 اعدام ايتديردى . بو حركت شه قيم تامك آمالنى ايمپراطوره
 پك كوزل آكلاتدى . بو والينك حكم ونفوذى انقسامه
 اوغراتمق ، فرقه سنى ضيف دوشورمك ايجون ديكر بر
 قوماندان دها يوللادى . بوده تاي چه ئوده اردوگاه تأسيس
 ايتدى . سه چوئن طرفنده شو قرالى ، قينغ چه ئو جوارلرينه
 آقن ياپه رق بر قاج مصادمه ده ايمپراطور عسا كرينى
 مغلوبته اوغراتدى .

بو اثناده شه قيم تام ، لويام شهرنده كى تروتنى آلدقن صو كره
 تسين يامه كيتمشدى . قيتانلر التحاق ايتسندن پك قورقوليوردى .
 ايمپراطور بويله براحتاله مانع اولمق فيكريله او كا تيه ن پم
 واليلكنى تكليف ايتدى . فقط قبول ايتمديكى ايجون
 كنديسنه قارشى سوق ايتك اوزره عسكر طوپلاديلر .
 چو جوقلرندن دردينى اولديرديلر . عيني زمانده ديكر بر طرفده
 يكي اغتشاشات چيقدى . شه قيم تام بوندن استفاده ايله قيتانلرى
 كندى طرفنه جلبه موفق اولدى . قيتانلرك تحت تابعيته
 كيردى . اونلره بعض ولايتلر ويرمكى وعد ايله دى . ايمپراطورك
 قوماندانى قيم تا كيدوب تسين يام شهرتى محاصره يه آلدى .
 بو عاصى اورايه چكيلمشدى . فقط بو شهر ضبط ايديله مدى .

سنه

۹۳۶

قیتانلر ایمپراطوری ته قوام Te-koam اون بیک سوری ایله
ایرله دی. بو کون په چهلی داخلنده قویه قه ئو دینان هوویه قه ئیه
کلدی. اورادن شه قیم تامه کوندردیکی خبرده دشمنلره قارشى
حرب ایده جگنی بیلدیردی. شه قیم تام بومقصددن اونى واز
کچیرمک ایچون بر ساعی یوللادی. بکله مه سنی توصیه ایدیوردی.
چونکه ایمپراطورک عسا کری پک چوقدی. فقط قیتانلر
حربه طوتوشمشلردی. شه قیم تام علی العجله بونلره قوه امدادیه
یوللادی. ایمپراطورک قوماندانی قیم تا، پیاده قوتیله، شهرک
شمال شرقیسنده برداغک اتکندده موضع آلمشدی. قیتانلر
اوج بیک کشیدن مرکب بر قول ایله بوکا هجوم ایتدیلر.
آرقه لرندن باشقه عسکرده یوللامشلردی. ایمپراطور اردوسی
مغلوب اولدی، اون بیک کشی غائب ایتدی. قیم تا فراریلرله
برابر تسینغ غانه چکیلدی. قیتانلرله شه قیم تام بوراده کندیسنى
محاصره یه آلدیلر. ایمپراطورک اردوسی الی بیک کشی به
بالغ اولیوردی. ایمپراطور تسینغ غانه معاونت ایچون هر طرفدن
عسکر یوللادی. کندیسى ده سفره چیقدی. فقط شماله
دوغرو هیچ ایسته میه ایسته میه یورو یوردی. محاصره یی رفع
ایتدیرمک ایچون چینده بولونان بر قیتان پرنس نه قیتانلر ایمپراطوری
عنوانی ویرمکی و تاتارستانه یوللامغی دوشوندیلر. ته قوامک
کندی تاجنی محافظه در دینه دوشه رک شه قیم تامی یالکز
براقه جغی امید ایدیلیوردی. فقط او یله قورقو ایچنده ایدیلر که

هیچ بر شیئه قرار ویرد مدیلر . قیتانلری طرد ایتمک اوزرد
 ایمپراطورلق داخلنده فوق العاده عسکر طوپلامغه باشلادیلر .
 خلق پک ازیلیدی . فضله اوله رق ، بوفلا کتدن شخصی
 صورتده استفادہ ایتمک ایسته یین بعض قوماندانلر ضبط ایدہ جکلری
 موقعلری کندی حسابلرینه محافظه ایچون ایمپراطورده امداد
 تکلیفلرنده بولونیورلردی . ایمپراطور اونلرک تکلیفاتی قبوله
 مجبور قالدی . بواشنادہ قیتانلر قرالی تام عائله سنک انقراضی
 اتمام ایچون شه قیم تامه تسینلر ایمپراطوری عوانی ویردی .
 وبویکی ایمپراطوردن ، کندیسنه ایفا ایتدیکی خدماته مقابل ،
 آلتی چه ئو یعنی کوچوک ولایت آلدی . بونلر چینک شمالندہ
 کاشن ایدیلر . ایمپراطورک مملکتی قسماً مدافعه وظیفه سنی تودیع
 ایتدیکی چائو ته قیوندہ قیتانلر قویه قه ئوده بولوندقلری
 زمان اونلره تابع اولمق واونلرک یاردیمیلہ ایمپراطورلغی
 ضبط ایتمک املنه دوشدی . کندیسنی ایمپراطور طانیرلر سه پک
 چوق شیلر ویردجکنی وعد ایددرک قیتانلره بعض تکلیفاتده
 بولوندی . فقط قیتانلر بوتکلیفاتی رد ایتدیلر . دیگر
 بر قوماندان قیم تایی اولدیرتدی . کیدوب بوتاتارلره تسلیم
 اولدی . تسینغان یکی تسینلر ایمپراطورینک تحت اداره سنه کیردی .
 بو حکمدار ایله قیتان قوماندانلرندن بری صو کره جنوبه دوغرو
 ایندیلر . توئون پا شهرینی محاصره ایتدیلر . تاملرله بر محاربہ یه
 طووشدیلر . اک ابتدا چائونه قیون ایله چائوین شه ئو قاچدیلر .

دیگرلری ده التحاق ایتدیله . تقریباً اون بیك كشی مقتول
 دوشدی . متباقی قوت داغیلدی . قوماندانلردن قسم اعظمی
 تاملر ایمپراطورندن آیریلدیله . لویام شهرى بویوك اندیشهیه
 دوشدی . دشمنك یاقلاشامسندن قورقدی . قیتانلرله تسینلر
 متصل جنوبه دوغرو اینیورلردی . لوجه ثویه قدر کلدیله .
 تسین چه ثوی آلدیلر . هویم ۱۱۱ ددبولونان تاملر ایمپراطوری
 هرشیئك محو اولدیغنی کوزونجه لویامه عودت ایتدی . آرقه سندن
 کلن تسینلر هویم قاعه سینه کیردیله . بو قدر دشمنه قارشى
 مدافعه دن عاجز برحاله بولونان وتبعه سئك بر قسمی طرفندن
 ترك ایدیلن ایمپراطور عائله سئك افراد متباقیه سنی طویلادی .
 ایکی ایمپراطور یچی ، بر برنسی ، بر فاج برنسی و ایمپراطورلق
 مزیناتی آلدی . بر قلمیه قاپانرق بوراسنی طوتوشدیله .
 ایمپراطور یچهلردن بری سرای یاقنی تکلیف ایتشدی . فقط
 کنج برنسس بوسرای یکی ایمپراطور ایچون محافظه ایتك لازم
 اولدیغنی سویله دی . چونکه یکی ایمپراطورك اوتوره جق بری
 اولمادیغنی ایچون اوزون مدتدن بری او قدر فلا کترلرله ازیئش
 اولان خلقی صو کره یکی بر سرای انشا ایتکه مجبور ایده جکدی .
 خلقك خیر و سعادتتى بوندن دها فضله دوشونمك غیر قابلدر .
 قوماندانلردن بر چوغنی اسارتدن ایسه اولومی ترجیح ایتدیله .
 تسینلر ایمپراطوری قیتانلرله برابر لویامه کیرد کدن صو کره

اسكى ايمپراطور وفات ايتىش اولمىقىلە برابر عنوانلىرىنى نزع ايدىدەك
 اونى عادى بىر فردى حالە ايندىردى. تام فرقه سەنە منسوب بر طاقە
 قوماندانلىر جوار قراللىقلارە قاچىدىلار. اون دىرت سەنە دىرت
 ايمپراطور اداره سەندە ايمپراطور سىلالەسى صفتىلە حەكىمران اولتى
 اولان بو عائىلە ايشتە بو صورتلە سوندى. بونىك انقراضىدن سو كىرە چىن
 حالا بر قاچ ايمپراطور لغە منقسم بولونىوردى كە بونىك تاملىر سىلالە سىنىك
 محو اولماسىدن بىر پائىدار بولونىورلىرىدى. قىيانغ نامىندە و قىيانغ سى دە
 بر قراللىق واردى كە حەكىمدارلىرى او قرالى عنواننى طاشىيورلىرىدى.
 بونىلىرى نان تام ياخود جنوبى تاملىر قراللىرى محو ايتىدىلار.
 مەلىكە تارىخىنى ضبط ايلەدىلار. جە قىيانغ دە او يۈنە قراللىقى؛ سە چو ئىندە
 ھە ئو چو؛ ھوقو ئانغ دە تىسو وقىنىغ نان؛ قانتون ولايتىندە
 ھان، فوقىيەن ولايتىندە چىن قراللىقلىرى واردى. پەكىن،
 شانسى و سىنسى ولايتلىرىنىك بوتون شىمال حوالىسى قىتان تاتارلىرىنىك
 آقنىلرىنە معروض ايدى. ايشتە بو واسە ايمپراطورلىق بو
 صورتلە پارچە پارچە اولمشىدى. تام سىلالە سەنە خەلف اولان
 تىسەن سىلالەسى دورىندە دە وضعىتتە بر تەبدىل حەصولە كەلدى.
 تىسەن سىلالەسى ايمپراطور لغە آنجىق اون بر سەنە صاحب قالدى.
 بوتون بو كوچوك قراللىقلار عن اصل چىنلى حەكىمدارلىر ظرفىدن
 اداره اولونىيورلىرىدى. ايمپراطور عنواننى طاشىيانلىر ايسە اجىبى
 ايدىلار. ايمپراطورلىك شاتو توركلرى اندە قالدىغى كوردەك.
 اونلردىن سو كىرە غەرب باربارلىرىنە كچدى. سو كىرە شاتولر
 ايمپراطورلىغى يەنە استىرداد ايتىدىلار.

دائماً شدتلى صدمات ايله صارصیلان و متصل اجنبى استیلاسنه
معروض بولونان بوايمپراطورلغك بوتون ايمپراطورلقلرك مقدارتنه
معروض قالمامه سى شايان حيرتدر. مه دلرك Mèdes، ايرانلىلرك
يونانلىلرك، رومالىلرك ايمپراطورلقلرى محو اولديغى حالده چين
ايمپراطورلغى نه دن دائماً پايدار قالمشدر؟ بونك سبب نه يه عطف
ايتليدر؟ بودولتلك تأسسلرى و شكللىرى حقنده تعميق تفكرات
ايديله جك اولورسه بونك حكمتى ميدانه چيقار. مه دلرك
و ايرانلىلرك ايمپراطورلقلرينه دائر اوزون تفصيلاته كيريشه مەيز.
چونكه بو بابده كى معلوما تميز يك ناقصدر. يالكنز عمومى
اوله رق بيليورزكه بونلر عن اصل يك آزعلبه لق اولان برملت
طرفدن تشكيل ايدلمشدر. باشقه دورلو اخلاق و عاداته و باشقه
بر منشائه مالك اولان جوار بر چوق ملتلر اونلره انقياده
مجبور قالمشاردى. هپسك آيرى و اكثريا بربرينه ضد برروحى
و استعدادى اولديغى، كنديلرينه منسوب بر حكمدار طرفندن
اداره ايدىلكى ايسته دكلرى جهته آنجق قوت سايه سنده تحت
اطاعتده طوتولا بيليورلردى. بوندن دولايى ايلك اختلالده
اوزرلرنده كى بويوندوروغى سيلكوب آتيورلردى. اسكندر
ايمپراطورلغى، عنى محاكمه يه تابع بولوندير مامليدر. بو، اصل
معناسيله بر ايمپراطورلق دكلدى. اسكندر بويوك بر فاتح ايدى.
بر چوق ولايتلىرى آز وقت ايچنده تحت تسخيره آلمشدى.
بونلردن بويوك بر وجود تشكىلنه هنوز وقت بولمادن وفات

ایندی . مظفر اردولرک باشنده بولونان قوماندانلری ، حاکم اولدقلری ولایتلری ضبط ایدرک مختلف بر طاقه قرالقلر وجوده کتیردیلر . حریته نائلیتدن باشقه بر امل بسله مین و دائما کندی قانونلریله اداره ایدلمش اولان بوتون یونان جمهوریتلری حر اولق ایچون بو فرصتدن استفاده ایتدیلر . اسکندرک او عظیم ایمپراطورلغی دهه تشکیل ایدرکن منقرض اولدی . رومالیلر بدایتده بر مقدار باربار طرفندن مسکون تک بر شهر ایچنده یاشایورلردی . جوار شهرلر متمدن ایدیلر ، خصوصی قراللرینه تابعدیلر . بونلر قوت سایه سنده تسخیر ایدلمش آیری آیری برر هیئت حالنده بولونیورلردی . چوق کچمه دن مغلوب قوملرک ، مقداری غالب قوملرک مقداری فرسخ فرسخ تجاوز ایتدی . مغلوب قوملر غالبلرک قانونلرینی ، اخلاق و عاداتلرینی ، دینلرینی قبوله مجبور اولدیلر . جمهوریت محبتی بویوک حرکاته سائق اولدی . فقط بوتون ایتالیا قوملری برلشمش اولسه لر ایدی روما بیلدیکمز طرزده روما اولامازدی . روما حکم و نفوذینی تشمیل ایتدیکجه انقراضی ده تعجیل ایدیوردی . ایتالیا حدودندن خارجه فتوحاتی توسیع ایتمه کالقدیغی وقت آزدشمنلر قارشیسنده می قالدی ؟ تجارتنک شمولی ، قوتی ، ثروتی ایله ذی شوکت بر جمهوریت اولان قارطاجه روما اردولرندن زیا دداخلی نفاق و شقاقلر دولایسیله مغلوب اولمشدر . ما کدونیا ده

یونانستانده ، سوریهدده اهالی رومالیلردن دهامتمدن ایدی .
 رومالیلر آنحق برر محارب ایدیلر . بوتون بوقوملر حریتلرینی
 استرداد ایتمکدن ، قدیم قرالارینک تحت ادارهسنه کیرمکدن
 پاشقه بر امل بسله میورلردی . روماده اوفاق بر ضعف اثری
 اونلرک دوشکون جساتلرینی یکیدن پارلاتیوردی . آلتنده
 ایکله دکلری اسارتدن قورتولمق ایچون سلاحه صاریلیورلردی .
 غایت جسامت کسب ایدن روما ایمپراطورلغی کندی ثقلتی
 آلتنده ازیلیدی . چونکه بوتون بوقوملر عینی بر روحه مالک
 دکلدیلر . بونلر عادتاً عینی یرده قاپانمش برر محبوس حالنده
 بولونیورلر ، حاکملرینک حرکاتلرینی نظر تدقیقده بولوندیردرق
 زنجیرلرینی آتمق ایچون فرصت بکله یورلردی . شمال باربارلری
 بو ایمپراطورلغه هجوم ایتدکلری وقت ایمپراطورلقدده اوپله
 قوملرده مصادف اولدیلرکه بونلر بر غالبک قانونلرینه جبراً
 منقاد ایدیلمشلردی . بناءً علیه هر ملتک کندی قانونلرینه
 قرشی کوسترمه سی ایجاب ایدن مربوطیت بونلرده یوقدی .
 باربارلر یالکیز روما اردولریله حرب ایتدیلر . بو اردولر
 کندیلرینک وطنی اولمایان بر مملکتی مدافعه یه مأمور ایدلمشلردی .
 بوندن دولای باربارلر قولایجه نائل فتوحات اولدیلر . اجنبی
 بر بویوندوروغه آلیشمش اولان قوملر یکی بر تحکمهده
 قولایجه اطاعت کوستردیلر .

شیمدی ده چین ایمپراطورلغنه باقهلم . طوفاندن صوکره

دنيانك ايلك عصرلرنده بر مقدار انسان چينك شمالنه چكيلي ،
 ار راده يرله شير . بر طاقم قانونلر تأسيس ايدر . صنايع نفيسه
 و علوم وجوده كتيرير . بو آدملرده فتوحات حرصي يوقدر .
 منفعت عامه يه خادم اولمق املنى تعقيب ايدن قانونلر واسطه سيلاه
 تأمين و ادامه ايتك ايسته دكاري وحدت بونلري صاحبور
 و ديندار بر قوم حالنه كتيرير . انتخاب ملت ايله وقوع بولان
 ايلك چين حكمدارلري كنديلريني بر پدر كبي تلقى ايدرلر .
 بونلر چو جوقلريني سومكه ، اونلري حمايه ايتكه ، بسله مكه ،
 حياتلريني تهلكيه قويغنه كنديلريني مجبور كورورلر . بوروح
 نسلدن نسله قرالرده انتقال ايدييور . بعض قراللر بومسلكدن
 انحراف ايتمشلر سده بر آرزو كرده ده شـعـشـعه ايله او روح
 تـكـرـار نمايان اولمشدر . چينيلر اسكي عادتلرينه پك چوق
 مربوطدرلر . هر دورلو يكيلىكك ، حتى فائده ليلرينك بيله
 دشمنيدرلر . بو نقطه نظر دن اونلري كوچوك تلقى ايدييورز .
 بزه جواباً : پدرلر مزبور قصور ليله برابر دائماً پايدار اولمشلر در .
 بزده اونلر كبي پايدار اولورز دييورلر . ايمپراطورلغك تشكلات
 اساسيه سنده بويوك بر خير اوغورنده اوفاق بر تعديلات
 تهلكه لي بر مثال تشكيلى ايد بيلير . ده جرئتكار بر ال ده
 فضله تعديلاته قيام ايدر ، هر شي محو و برباد اولور . بو صوك
 زمانلرده ، تاتار ايمپراطورينك كسدير مك ايسته ديكي بر صاچ
 پارچه سنك نه قدر قان دو كوله سنه سبييت ويرديكنى كوردك .

بو قدر ايتىتىز برعادت اوغورنده ترك حيات ايدىلر ك مقدارى
يوزىك كىشى نى كچدى . يا ايمپراطورلغك تشكىلات اساسيه سنى
دكشديرمكه تشبث اينش اولسه لر ايدى كىم بيلير نه قدر
بويوك برمانعته تصادف ايدى جكلردى ! چين ، بدايتده قيانغدن
اوتة طرفه قدر امتداد ايتىزدى . بو بويوك نهر ك جنوبنده
ساكن اولان قوملر اليوم هندستانك بعض اطه لرندى كوردى كىمىز
وحشيلر كى ايدىلر . برچوق چينلىلر كلوب اولر ك اچىندى
برلشديلر . بونلرى برر هيئت اجتماعيه حالنده طوپلادىلر .
كندى رو حىزنى اولر دده وىردىلر . ياواش ياواش ، نامحسوس
صورتده بوتون بو وحشيلر چينلى اولدىلر . اولجه برقانونلرى
اولمادىغى اچون چينك قانونلرى اولر كده قانونلرى اولدى .
هپسى چين ملت ك سىجيه سنى ا كىتساب ايتدىلر . چينلىلر له
عنى ملت اولدىلر و بويوك بر وجود تشكىل ايتدىلر . بو واسع
ايمپراطورلغك اطرافنده بر طرفدن كچىلمىز يالچىن داغلى واردر .
دىكر طرفده مدهش چوللر بولونىور كه بورالرده يرله شيله مز .
ملت ، طبعى واجىبيلر قارشى بر درجه يه قدر مستحكم حدودلر
اچىندى عادتاً محصور بر حالده بولونىور . ذاتاً بواجىبيلر من القديم
بر طاقم باربارلردن عبارت بولونمىشلردر . اونك اچون ، بعضاً
چينه كيره يله جك و بو ايمپراطورلغى ضبط ايدى جك قدر
ا كىتساب قوت ايتسه لرده چينلىلر ك اسكى اصول و عادتلرينه
او لايىزلرل مربوطيتلرى غالبلىر مغلوبلر ك قانونلرى قبوله

مجبور ایتمیشدر . ایمپراطورلغک صاحبباری دیکشمش ، فقط
قانونلری دیکشمه مشدر . بوکون چین ایمپراطورلغنه صاحب
اولان تاتارلر اورادن طرد اولوندینی زمان یالکیز تاتار نامی
قالقه جق ، حکومت ینه عینی قاله جق ، ملت ایکی بیک سینه
اول نه حالدده ایسه ینه اوحالدده بولونه جقدر . بو ایمپراطورلوق
مختلف قرالقلره منقسم اولدینی دوردهده عینی قانونلره مالک
اولدقاری جهته عمومی تشکلات اساسیه هیچ تغیره اوغرا ما مشدر .
ذاتاً چینلیدرده من القدیم یالکیز بر حکمدار طرفندن اداره
اولونمالری ایجاب ایتدیکنه دائر بر فکر واردی . ایمپراطورلغی
اسکی شکل حکومته ارجاع ایچون بو کوچوک سلاله لری محوه
اوغرا شمشلردر . بعضاً ، مملکتی یرلی حکمدار سلاله لری
طرفندن انقسامه اوغرا تلمش بر حالدده کورمکدن ایسه قانونلرینه
حرمت ایددجک اجنبی تک بر حکمدارک اداره سی آلتنده هپ
بر یره طویلانمش بر حالدده کورمه یی ترجیح ایله مشلردر .
ایشته چین ایمپراطورلغی بو صورتله بقا بولمیشدر . بویوک
بویوک انقلابلره رغماً ینه هپ ایلك حالنه عودت ایتمیشدر .

چائو توركلرى

۲

هان لىر ايمپراطور سلالهسى

تارىخىدە دها زياده قائۇتسو Kao-teou نامى ايله معروف
اولان شه قىم تام چىن ايمپراطورلغىنه آنجق سىكز سنه صاحب
اولا بىلمىشدر . كندىسنىك باشىنه ايمپراطورلق تاجى قويان
قىتانلىر هان بر آز صوكره دشمن كسىلدىلر . شه قىم تام بونلره
يك واسع برالكا ترك ايتىشدى . چىنلىلر ايچون بورالرىنى
تكرار اله كچىرمكنه چاليشمىق بروظيفه اولدىغى كى تاتارلر
ايچون اورالرده كىتىدكجه دها اى يرلشمىك وتوسع ايتىدك
چاليشمىق ده طبعى ايدى . ايمپراطور چوق كچمه دن تاتارلر
هجومنى دفع ايتىك مجبوريتىندە قالدى . بوباربارلر هونان ولايتىنه
قدر كىر مىلردى . قائۇتسونىك قىتانلره قارشى استىخدام ايتدىكى
متعدد قوماندانلر ايچىندە ليه ئوچى يوشن Lieou-tchi-yuen
اسمىندە بىرىدن بحث اولونىور [۱] . بو ، شاتوعشیرتنه منسوب
[۱] توئونىك اوغلى غانغىك اوغلى تسونىك اوغلى تىهنىك اوغلى ايدى .

قام مو
ليه تاي قىسو
وان سىم
توم پو

برتورك ایدی. بوقوماندان متعدد مصادماتده باربارلری مغلوب ایتدی. آقینلرینه مانع اولق ایچون حدود اوزرنده اردوگاه قوردی. قانئو تسویه خلف اولان چوتی Tchou ti دورنده دولته ایفا ایتدیکی خدمات ایله متناسب اولق اوزره اهمیتی ده آرتدی. تائی یوئن قرالی عنواننه نائل اولدی. کندیسینه بویله عنوانلر، رتبه لر ئوجیه ایدیله سی قورقورلندن دولایی ایدی. فقط اونى طریق وظیفه ده طوتمق فکر یله یاپیلان بوشیلر شبهه ایتدکلری آمال حریصانه سنی تشجیع ایتمکدن باشقه بر شیئه یارامایوردی. حال و وضعیت مساعد اولسه حرص جاهنه نهایت ویرمک چاره سی آرانیردی. فقط ایمپراطور محتاج اولدیغی صاحب قدرت برتبعه سنک آمالنه ممانعت ایده میه جک درجده ضعیف ایدی.

تسینلر ایمپراطورینک دشمنی اولان قیتانلر صوک بر غیرت صرفیله بویوک بر اردو طوپلادیلر. ایمپراطورلق قوماندانلرینک قسم اعظمنه ایمپراطورک امنیتی یوقدی. بونلر تسینلرک انقراضنی قیتانلردن زیاده تعجیل ایتمشلردر. هپ کیدوب باربارلره تسلیم اولدیلر. اونلرده تاله آمه کیردیلر، ایمپراطوری اسیر آلدیلر. چینلیلر، قیتانلرک تا ایمپراطورلغک مرکزینه و پایتخته قدر کیردکلرینی کورمکدن قورقدیلر. فقط بوباربارلرک قراللری قوماندانلری واسطه سیله اونلری تأمین ایتدی. برقاق قوماندان تادیب اولوندی. خلق کندیسینی تهدید ایدن اسارتی

سنه

۹۴۶

۹۴۷

اونو ته رق بار بار لر ه التحاق ايله بو كوزدن دو شمش قوماندانلردن
 بعضلرينك قىليرنى قوپاردى، اۇلارنى يدى، ايمپراطورى غايت قوتلى
 محافظه آلتىدە بىرىدە قاپادىلر. ايمپراطورلغنى نزع ايدەرك كىندىسنە
 سادە جە ھە ئو عنوانى وىردىلر . قىتانلر ايمپراطورلغە راحتجە
 صاحب كى كورونىورلردى . ھر طرف روى انقياد كوسترييوردى .
 امرى آلتىدە اللى بىك عسكەر بولونان لىه ئوچى يوئن تسىنلرك
 انقراضنى خبر آلتىجە كىندىسىدە عرض تابعيت ايتدى . فقط
 معيتىدە كى قوماندانلردن قسم اعظمى صوكرە اوكا قىتانلرك
 كوستردكلرى حرص و طمع يوزندن بوتون چىنلىلر جە منفور
 اولدقلىرىنى، ايمپراطورلغنى اوزون مدت محافظه ايدەمەيە جكلرىنى
 سويلەيەرك ايمپراطورلغنى الە كچىرمك اچچون بوتون قوتلىرىنى
 طوپلاماسنى توصىيە ايلدىلر . لىه ئوچى يوئن قىتانلرك
 ايمپراطورلغنى تخرىب ايتد كىن صوكرە كىندىلكر نىدن چكىلمە .
 لىرىنى بىكلە مكە قرار وىردى . بوتون قوماندانلرىنىك تىكلىف
 ايتدكلرى ايمپراطورلق عنوانى آرتق ايمپراطور موجودا ولمايدىغى
 بەھانە سىلە قبولدن امتناع كوستردى . قوماندانلرى اصرار
 ايتدىلر ، تقدير الھىنىك بو مر كىزدە اولدىغى سويلدىلر .
 بونلرك تشويقلرى ، قىتان قوماندانلرىنىك خلق اوزرىدە كى تعدياتى ،
 بعض طرفلردە وقوع بولان و قىتان قوماندانلرىنىك قىلنە منجر
 اولان قىاملر نہايت لىه ئوچى يوئن ايمپراطورلغنى اعلان ايتمە
 سوق ايلدى . مورخلر كىندىسنە قاوتسو Kao-teou عنوانى

ويريه رلر. ايمپراطورلغك تبديل نام ايتمه سنى مناسب كورمدى.
محو ايدلمش اولان سلاله نك ايمپراطورلغە ويرمش اولديغى
تسېن نامنى محافظه ايتدى. ايمپراطورلوق داخلىدەكى بوتون
قيتانلارە هجوم ايدىلەر ك قتل اولونمالرى ايچون امر ويردى.
نهايت اردوسنك باشنە كچەرك اسكى ايمپراطورە التحاق ايتمك،
بو تاتارلر ك الندن اونى قورتارمق امله شەرق طرفنە يورودى.
فقط شە ئويانغە [۱] اواصل اولديغى زمان قيتانلر ك برلكدە آلوب
كوتوردكارى بو حكمدار ك چين حدودلرندن چيقارق لە آئو
تونغ داخلىنە كيرمك اوزرە اولديغى خبر آلدى. بو اسكى
ايمپراطور، قوام نىنغ شەرنەن كچر كن اورادن اوتوز لى مسافەدە
بولونان قيتان ايمپراطورلغى مؤسسە ايائوق نك قېرىنە كىدوب
عرض تعظيما تىمى ايچون كىندىسەنە امر ويرىلدى. بو
معاملە ايمپراطورچەنى اوقدر قىزدىردى كە ايمپراطورلە برلكدە
زەر ايچەرك اتخار ايتمكە قالقدى. فقط مانع اولدىلر.

قيتانلر ليە ئوچى يوشنك حر كاتندن خبردار اولونجە بعض
مواقىى خبط ايچون قوماندانلر يوللادىلر. قنغ تسونغ موئايى يە
تسە چە ئو و لوچە ئو شەرلرىنى؛ قاتو تام ئىنغە سيانغ چە ئو شەرىنى؛
تسويىن هيوئەدە هوياىم شەرىنى محافظە ايتلىرى حقنەدە
امر ويرىلدى. او تارىخىدە داغلردە و اورمانلردە بر
سورو اشقيا توردە مشدى. بونلر ك قسم اعظمى عسكەر

[۱] بو كون فونغ يام فو ملحقانندن.

فراريلرى ايدىلر . بونلر ك له آم هوئەنى نامندەكى بررئىسلرى
تسەين يامە عودت ايتىش اولان ايمپراطور قائۇتسۇيە دخالت
ايتدى . ايمپراطور در حال برقوۋە عسكرىيە كوندردەك سيام چەئو
شەرىنى محاصره ايتدىردى . شەرك واليسەنك غىبوبىتىدىن
استفادە ايدىلك ايسەنيوردى . له آم هوئەنى بر طاقم جەسور
عسكەرلر اتخاب ايتدى . بونلر كىجەلەن سوزلردن طيرمانەرق
اچرى كىردىلر . شەر هجوملە ضبە ايدىلدى . اچىندە بولونان
قىتانلر كافەسى قتل اولوندى . فقط بوموفقىتەك ئىردەسى
بر آن اچىندە آز قالدى محو اولە جقدى . عسكەرلەرنە مكافات
ويرمك آرزوسى قائۇتسويى يىكى تەبەسەنك بوتون اموالىنى ضبط
ايتەك فەكرىنە سوق ايلەدى . برقادىن ، ھەنوز متزلزل بولونان
نفوذىنى بويلە بر حرەكت اچون استعمال ايدە جەكنەن دولانى
مؤاخىزەتە بولونارق اوکا مانع اولدى . بالعەكس بويىكى تەبەسەنك
دوستلەقلىرىنى جەلبە چالیشماسى لازم كەلدىكىنى ، عسكەرلەرنە
مكافات ويرمك ايسەنيورسە سەرايدە قالش اولان ئروتى
داغىتە بىلە جەكنى سويلەدى . قائۇتسۇ بونصىحتى دىكلەدى .
ھەركس مستريح اولدى . عىنى زماندە چانغ غانغ ھونغ نامندە
بر قوماندانى چىن چەئو شەرىنە يوللادى . بوشەرك واليسى
قىتانلر ايمپراطورىنىك نەزدە ايدى . شەردە تسونەنلاننى
براقتىلردى . قائۇتسۇ شەرك تسەلیمىنى اوکا تەكلىف ايتدى .
فقط بوقوماندان ايمپراطورك مەرخسنى جەبس ايتدىكى اچون

دیگر بر قوماندان در حال کنديسنى اولديردى، هان قانوتسويه
 خبر يوللادى. اهالى قيتان ضابط و قوماندانلرينه هجوم ايتديلر.
 بو اغتاشاتى تسكين اچون قيتانلر ايمپراطورينك يوللامش اولديغى
 قوماندانى اولديرديلر. قيتانلر ايمپراطورينك اراده سنى ياقداق دن
 صوكره باشقه بروالى انتخاب ايتديلر. بوباربارلى طرف
 اچون جنوبه دوغروكله سنى قانوتسودن رجا ايلديلر. جوارده كى
 دها سائر بعض شهرلرده عىنى حرکات وقوعه كلدى. بونلرك
 هپسى بو ايمپراطوره تابع اولديلر. وام قيونغ نامنده بر اشقيا
 رئيسى، اچنده بر قيتان قوماندانى بولونان تان چه ئو شهرينى
 ضبطه تشبث ايتى. فقط بو هجومده مغلوب اولدى، مقتول
 دوشدى. بوتون بو عصيانلردن قورقغه باشلامش اولان
 قيتانلر ايمپراطورى چينده ادامه حكم و نفوذ ايدى بيلمكدن
 اميدنى كسدى، حتى ترك ايتك قرارينى وىردى. باشقه
 بر طاق اشقياده سونغ چه ئو [۱]، پوچه ئو [۲] وميه چه ئو [۳]
 شهرلرني تخریب ايتديلر. بونك اوزرينه قيتانلر ايمپراطورى
 چينلرلك بو قدر اداره سى مشكل بر قوم اولديغى اولدن
 بيلمه ديكنى سويله دى.

هر طرفه داغلامش اولان برسور و اشقيا، وطنلرينى

[۱] بوكون قاي فونغفو اراضيسنده تسويام.

[۲] بوكون فونغيامفو اراضيسنده پوهيه ن.

[۳] تسينغ چه ئو قونك اوچ يوزلى شرقنده خراب بر شهر.

قیتانلرک بویوندوروغندن قورتارمغه بو صورتله چالیش-دقلری
صیراده اسکی ایمپراطورک قوماندانلری تاتار ایمپراطورینه دورلو
دورلو احتراماده بولونمقله مشغول ایدیلر . دیگر طرفدن
قائوتسو کویلره چیفتجیلر و کویایلر جلب ایتمکله مشغول ایدی .
قیتانلرک قورتوسندن بونلر بر طرفه قاچش، صاقلانمشلردی .
قیتانلر ایمپراطوری، هیچ آلیشقین اولمادیغی یاز حرارتندن
دولایی چینی ترک ایتمک مجبوریتنده قالدیغی بهانه سله نهایت
تاله آمدن چیقماغه قرار ویردی . یاننده بیکی متجاوز دورلودورلو
قومندان وارکان واردی بونلر تسینلر دورنده خدمت ایتشلردی .
برچوق خادم آغلری ده بولونیوردی . قیتانلر ایمپراطوری کندیسيله
برلکده شایان حیرت درجه ده عظیم خزینه لرده کوتورییوردی .
یولده سیام چه ئوشهرینه هجوم ایدرک جبراً آلدی . شهر سکنه سنک
قسم اعظمی وبالخاصه ارکک چوجوقلر قیلیچدن کچیریلدی .
یالکیز قیزلر دوقونمادیلر . بونلری برلکده شماله دوغرو
کوتوردیلر . بوقلعه یه قیتانلر قائوتانغ یئنگ نامنده برقوماندان
براقدیلر . شهرده تقریباً یدییوز کشی قدر قالمشدی . یوزبیک
نفوس اتلاف اولونمشدی .

قائوتسو برطاقم بویوک قوماندانلر تعیین ایتدی . قوماندانلرندن
برینی لوجه ئونک امدادینه یوللادی . قیتانلر تابع برچین
قوماندانی بوشهری کلوب محاصره ایتمک حاضر لانیوردی .
تایوئن فو جوارنده کی بعض شهرلر قوای محافظه اقامه ایلدی .

هوآم نهرينك جنوبنه كچمك ايچون حاضر لائمه باشلادی .
حين رجعتلرنده قيتانلره خدمت ايتش اولان برمقدار چينليلر
بولنلری هوآم نهرينك شمالنده كورونجه جنوب ساحلی مدافعه
ايچون يرلشديلر . ايمپراطور نامنی طاشيه جق ذاتی جناب حقك
ميدانه چيقارماسنی بىكليورلردی . قيان قوماندانلريني قتل ايتديلر .
ووهميه ، هويام شهريني عسكەرلردن خالی بوله رق بورايه
كردی . قانوتسوويه عرض انقياد ايتديكنی مشعر خبرلر
كوندردی . بعض قيتان مفرزلريني مغلوب ايتدی . قيتانلر
ايمپراطوری اصل كندی الكاسنه قدر وارا مادی . په چهل
داخلنده چين تيم فو اراضي سنده لوآن چينغ هيدن قربنده وفات
ايلدی . قيتانلرك معيتنده بولونان چينليلر بوفرصتدن استفاده
ايدرك چين ايمپراطورلغی والی عمومىلكی عنوانی چائوين شه ثويه
ويرديلر . فقط قيتانلر بونی اوئويو Oou-yo يه ويرمك ايستيورلردی .
اوئويونك بومعامله هيچ خوشنه كيتمدی . بو باربار رئيسی
چائوين شه ثوي توقيف ايتديردی . بوتون چينليلرك حضورنده
متوفی قيتان ايمپراطورينك بر امرنامه سنی او قوتدی . بوا امرنامه
ايمپراطورلغی اوکا ويريودی .

قانوتسو ، قيتانلرك رجعتی مناسبتيه اتخاذ ايدەجكي خط
حرکتی دوشونيوردي . بوتون قوماندانلری چين چه ئو
وغوئي چه ئو شهرلريني ضبط ايتمكي تكليف ايليورلردی .
قانوتسو شام تام الكاسنه كيتمك ايستيوردي . فقط ، قيتان

ایمپراطوری وفات ایتش اولمقله برابر فرقه سنک هنوز قوی
بولوندیغی و بو مملکتده هنوز غایت مستحکم برچوق شهرلره
مالک اولدیغی سویلمدی . هوپه مملکتنه یعنی هوام شهرینک
شمالنه کیدیله جک اولورسه اوراده هیچ بر قوه معاونه یه
تصادف ایدیله یه جکدی . اورالرده کی اشقیانک ارزاق
قافله لرینه هجوملرندن هر وقت قورقولا بیلیدی .
بوصیراده ، قاتوتسونک قوماندانی هوم پیه ، تسه چه نو شهرینی
محاصره ایدیوردی . بوشهر پک متینانه مقاومت کوستردیکی
جهتله قاتوتسو ، معیتنده کافی عسکر بولونمایان قوماندانی
کری چاغیرمغی دوشونیوردی . فقط عقدایتدیکی مجالس مشورتده
بو حرکت تهلیکه لی عد ایدلدی . محاصره نک رفی ، تحت
انقیاده آلنان شهرلری قیتانلر لهنده عصیان سو قایتمه سیندن ،
بوتون ایمپراطورلغک اغتشاش ایچنده قالماسندن قورقولیوردی .
فاتوتسو متردد بولونیوردی . فقط هوم پیه ، محاصره یه دوام
لزو مننه کندیسنی اقناع ایتدی . دشمن قوماندانلری پن هیون
وتسو نغ موئی ایله قی تاتارلری قرالی یه لا هو یام شهرینه هجوم
ایچون قوتلرینی برلشدرمشلردی . فقط ووهیم ته او قدر کوزل
داوراندی که دشمنلر بوفکردن واز کچدیلر ؛ ده ها شماله
چکیلدیلر . جنوبده قالمش اولان قیتانلرک قسم متباقیسی ده
آرقه لرندن کیتدیلر .

قوماندان هوم پیه یا خودسو هوم پیه غایت شدید الطبع ایدی .

اردو سنده انضباطه پك اهميت ويرردى. اطاعتسزلك كوسترنلرى
اعدام ايتديرردى. اوتەبرى چالمق ايچون اطرافه كيدن و خلقى
ازعاج ايله ين عسكردە اعدام جزاسنه اوغرارلردى. حتى
نفرات بار كيرلرينك باشندن آيرلىق حقنه بيله مالك دكلدىلر.
بوانضباطدن دولايى اردوسى غايت قوتلى ايدى. هانكى شهره
كىتمشسه اوراسنى ضبط ايتمشدى. ايشته قانوسو، ايمپراطورلغك
پايتختنه هيچ قىليج چككمسزىن ياقلاشمه يه بوتومانداك جسارتى
سايه سنده موفق اولمشدر.

قيتانلرك قوماندانى هان، قانوتسونك جنوب يولنى طوتديغنى
خبر آنجه شماله چكىلمكى دوشوندى. فقط چين ايمپراطورلى
ايمپراطورسز بولونديغى ايچون چينده بويوك قارغشه لقلر
حيقماسندن قورقيوردى. بوقيتانلر اوزمان قانوتسويه ايمپراطور
نظريله باقمايورلردى. اوزمان اويام شهرنده تسونغ يه Teung-ye
اسمنده برچين پرنسى واردى كه بوتاتارلر اوكا برمدت اولهيو
hiu قرالى عنوانى ويرمشلردى. شاتو عشيرتلرندن تاملر
سالالەسى ايمپراطورى ميم تسونغك اوغلى ايدى. قيتانلرك
قوماندانى، ايمپراطورينك اوامرینه رغماً بونى چين ايمپراطورلغك
باش قوماندانى يايىق وهنغ چه ئويه كوندرك ايستهدى. كنج
پرنس، والدهسى شويوئەي ايله برابر بريره كيزلنمشدى. هان
بوكا ايمپراطور عنوانى ويردى. بوتون اردو رؤساسى
كلەرك بو حكمدار ايله والدهسنه عرض تعظيمات ايتدىلر. بو

پرنسس گوزلرندە ياشلارلە دیدی که : « اوغلم پك كنجدر ،
پك ضعيفدر . ايمپراطور تاجنك آغيرلغنى قالدیراماز . كنجديسنىك
ايمپراطورلغە اتخابى عائله مرك باعث فلاكتى اوله جق . »
قيتانلر قوماندانى ايمپراطورك محافظه سنى تأمين اچون بيك عسكر
براقهرق چكىلدى . تسونغيه قوماندانلردن قاتو هين چه ئو
ايله ووهيم ته يي چاغيردى ايسه ده بونلر امره اطاعت ايتمك
ايسه ته مديلر . بونك اوزرينه پرنسس بوتون قوماندانلرى
طوپلادى . اونلره ايمپراطور قاتوتسونك حمايه سنى طلب ايتمك
تكليف نده بولوندى . اكثريت بو فكرى قبول ايتدى .
قيتانلرك امداد كوندره جكلرىنى اميد ايدىيورلردى . باقى
قالان عسكرى طوپلايه رق مدافعه يه حاضر لانتق دها مناسب
اوله جنجى مطالعه سنده ايدىلر . پرنسس دیدی که : « اوغلم ،
نختدن محروم براقلمش بر عائله نك بدبخت بر فردى اولمقله
برابر بوكون ايمپراطورلق ادعاسنه قالمه بيليرمى ؟ قاتوتسو
تصوراتمزدن خبردار اولونجه باعث اوله جنكز فلاكتلرك
مسئوليتنى هپ سزه يوكله ته جكدرك . » پرنسس ، قوماندانلرينك
مطالعانه رغماً بو فكرده اصرار ايتدى . تسونغيه ، قاتوتسويه
اعلان تابعيت ايلدى . و تاريخده قيتانلر ايمپراطورلغنده
وقوعه كلن بعض قاريشقلقلر اوزرينه اوئويوي چين حدود -
لرينى ترك ايله الندين المق ايسه دكلرى ايمپراطورلغى مدافعه يه قوشمغه
مجبور اولدى . يالكز هنع چه ئوده بر قوماندان براقدى .

بوئىنادە قانۇتسو ، قىيانغ چە ئويى [۱] ضبط ايتدى . بورادە
تسونغ لانغ قوماندان ايدى . دىكر طرفدن ، قىتانلار قوماندان
هانك اداره سنده اولدقلىرى حالدە ھىغ چە ئويە عودت ايتدىلر .
فقط قانۇتسو لويامە كىرمش اورادە بوتون قوماندانلار طرفندن
استقبال اولونمىشىدى . قىتانلار طرفندن بر مأمورىتە تەيىن
ايدىلش اولانلارك ھىچ بر شىدن قورقمايلىرىنى اعلان ايتدى .
اونلارك براتلىرىنى ياقدىر مەقلە اکتفا ايلەدى . دھا اولجە
قوئوتسونغ ئىيى تالە آم سراينە كوندرمىش وتسونغ يە ايلە
والدە سنى اولدىر مەسى ايچون كىزلىجە امر وىرمىشىدى . بو
پرنسس ترك حيات ايدە جكى صيرادە ديدى كە : « بىم اوغلو
نە جنایت ارتكاب ايتمشدر ؟ نيچون حياتى باغىشلا ما يورسكز ؟
ھەرسنە پدرى ميم تسونگك قېرىندە وظیفە سىنى ايفا ايتسين ؟ »
ھەركس بونلارك وفاتىندن متأثر اولدى . قانۇتسو تالە آمە
كىتدى . اورادە تسىنلارك بوتون اسكى قوماندانلرى عرض
تابعت ايتدىلر . پەن چە ئويە شرق سرايى نامنى وىردى .
تأسيس ايتدىكى سلالەنك ھان اسمىلە ياد اولونماسنى امر ايتدى .
اجدادىنى دە ايمپراطور ياپدى .

بوعائىلە مەنسوب حەكمدارلرە آرتق ھانلار ايمپراطورى دىيە جەكز .
ھانلار ايمپراطورى قىتانلرە تابع بولونان چونغ غوئە ئى نامندە بويوك بر
قوماندانە برولايت فرمانى كوندردى . مقصدى بو قوماندانى كەندى

[۱] بوكون پىم يام فو ماحەتاتىدىن چىنغ پىم ھىەن .

طرفه جلب ایتکدی . فقط چونغ غوئیی بو ولایتی قبولدن
امتناع کوسـتردک قیتانار قوماندانی موتا Mo-ta دن امداد
ایسته دی . اوکارهینه مقامنده اوغانی یوللادی . موتا در حال پکین
عسا کريله رالکده بیک بش یوز قیتان سوقایتدی . بوندن دولای
ایمپراطورده اردو کوندرمک مجبوریتنده قالدی . موتا
هنغ چهئوده قوماندان ایدی . حيله کار، ظالم، ثروته حریص بر
آمدی . چینلیلرک هم ثروتلرینی هم قیزلرینی غصب ایدیوردی .
برطاقم کویلیلری خیرسیزلقله اتهام ایدهرک توقیف ایتدیریور،
بر چوق اشکنجه لرده معروض براقدقن صوکره اتلاف
ایله یوردی . اشکنجه لرا یچنده ترک حیات ایدن بو یچاره لرک اضطراباتی
اوکا کیف ویریوردی . مع مافیه قیتانلرک مقداری ایکی بیکدن
فضله دکلدی . موتا چینلیلرک عصیانندن دائما قورقیوردی .
فقط طوتدیغی یول چینلیلری بورایه سوق ایدجکدی . امری
آلتنده بولونان چین عسا کرینک ارزاقنی آلهرق قیتانلرده
ویریوردی . بو چین میللیسی، هانلر ایمپراطورینک تاله آمه
کیردیکنی خبر آلنجه جنوبه دونمکه قرار ویردی . جوارده کی
قوماندانلردن بعضیلری اک جسور عسکرلرینی طوپلادیلر .
شهر قاپیلرنده کی عسا کر محافظه یی باصدیلر، مهمات دبویلرینی
اله کچیردیلر . چین عسکرلرینی چاغیردیلر . خلقی سلاجلاندیردیلر .
والی سراینک قاپیسنی طوتوشدیره رق قیتانلرک اوزرینه هجوم
ایتدیلر . آز وقت ایچنده بوتون شهری آتش قاپلادی . قورقو

ایچنڭده قالان موتا، خزینهلری ایله برلکده شمال طرفنه چکیدى.
باشلرنده کندیلرینی اداره ایدەجك کیمسه قالمایان معیتده کی
چین عسکرلری یاپدقلری یغمالرله قارغشەلغى آرتیردیلر.
بو قتالده تقریباً ایکی بیک کشی تلف اولدی. قیتانلر تکرار
کلك فکرنده ایدیلر. عصیان رؤسası همان باشقه عسکر جاب
ایتدیلر. صوکره بر سورو کویلیملر قیتانلری اولدیرمك،
قاریلرینی و بوتون ثروتلرینی اللرندن آلق فیکریله شهرک
سورلرینه یاقلاشدیلر. بونک اوزرینه باربارلر شماله چکیلیمك
قرارینی ویردیلر. موتا معیتده کی قوماندانلرله برابر نیمچه ئویه
کیتدی. عصیان رؤسası ایسه ایمپراطوره عرض تابعیت ایتدیلر.
ایمپراطور کندیلرینه امداد کوندردی.

ایمپراطور او زمان چینک هر طرفنده توره مش اولان
اشقیایی غایت شدتله تأدیب ایتدکن صوکره پوتو [۱] شهرینی
محاصره یه کیتدی. بوراده قیتانلر طرفندن چونغ غوئیی قوماندان
ایدی. ایمپراطورک قوماندانی قاثوهم چه ئو بو قلعه نك محاصره
ایدلسنه طرفدار دکلدی. چونکه شهرده هردورلو ارزاق
و مهمات واردی. بونلرک بیتمه سنه انتظاراً چکیلیمك فکرنده
ایدی. باشقه لریده شهره هجوم مناسب اوله جغی مطالعه سنده
بولونیورلردی. بو صوک فکری تعقیب ایتدیلر. ایکی بیک
ضایعات ویردکلری حالده قلعه یی ضبطه موفق اولامادیلر.

ایمپراطور ، پیهن چه ئویه دوغرو یورودی . بورایه قیتانلربیک
بش یوز پکین عسکری براقشلردی . بونلرک هاپسی
قیلجندن کچیریلدی .

بو اثناده چانغ لیهن ایکی بیک کشی ایله چونغ
غوئیه بی نک امدادینه کلدی . ایمپراطور اونى قیتانلرک
طرفنى التزامدن واز کچیرمکه چالیشدی . فقط پیهن-
چه ئوده کی بیک بش یوز عسکرک قتل ایدیلسمندن غایت
قیزمش اولان بوقوماندان اولونجه یه قدر مدافعه یه عزم ایتمش
اولدیغنى سویله دی . مع مافیه بوقوه امدادیه برایشه یارامادی .
چونغ غوئیه بی بوتون ارزاقنى بیتردکن صوکره ایمپراطور
تسلیم اولمق مجبوریتند قلدی . چانغ لیان بوتون او عزم
قطعیسنه رغماً بر آز اول عینی حرکته بولونمغه مجبور
اولمشدی . بوکا ویردکلی وعدده دورمایه رق کن دیسنى اعدام
ایتدیله . بعض قوماندانلر چونغ غوئیه بی نک عسا کرینی هپ
قیلجندن کچیردک امواللرینی عسکرلره داغتمق تکلیفنده
بولون دیلرسده ایمپراطور باشقه دورلو حرکت ایتدی . چونغ
غوئیه بی یه ایمپراطور انک اک یو کسک مناصبندن برینی ویردی .
بونک اوزرینه قوماندانلردن برچوغی مرلدا نمغه باشلادیله .
ایچلرندن بری ایمپراطوره شوسوزلری سویله مک جسارتنده
بولون دی : حشمتپناه ، هیچ بر قباحتلری اولمایان بیک بش یوز
عسکری اولدیرمکه مرحمتسزک ایتدیکنز . چانغ لیهنی عرض

تسلیمیتہ تشویق ایتدیکنز ، ویردیکنز سوزده دورمایه رق
صوکره اولدیرتدیکنز . چونغ غوثه یی ایسه مجرمدر . حالبوکه
کندیسنی عفو ایدیورسکنز . بو برجرمه قارشى کوسترلمه سی
لازم کلن برمعامله دکلدر . خلق آنجق رحم وملایمتله دائره
اطاعتده طوتولور . بونلره نه قدر اعتماد و خلوص نیت تلقین
اولونورسه حکمدارک امرینی او قدر سوده سوه اجرا ایدرلر .
ارباب جرائم ایسه جزا واشکنجه قورقوسیله ضبط اولور .
برایمپراطور بواساسلردن انحراف ایده جک اولورسه ایمپراطورلغنی
محافظه ایده من .»

بوصیراده سه چوئن ولایتی اهالیسی ، ؤتسونک الکالینه
آقینلر یاپدقلری کی شنسی داخلنده فونغ تسیانغ فو والیسی ده
ایمپراطورک طرفنی ترک ایله اونلره تابع اولدی . بویکی
استیلايه وبالخاصه چائوقوام تسان ایله هه ئویه نك عاصیلره
التحاقنه پك جوق حدت ایدن ایمپراطور بونلره هجوم ائمه سی
ایچون قوماندان وام قیمه امر ویردی . بوقوماندان یوله
چیقار چیقماز بو عاصیلرک برنجیسی اوزلا شمع فیکریله ایمپراطوره
برقوماندان یوللادی . شیمدییه قدر عرض تابعیت ائمه سی
او مقامه قیتانلر طرفندن کتیریلش اولماسندن ویدری الیوم
قیتانلر نزدنده اولدیغی جهتله بویله برشی یایاجق اولورسه
پدرینی قتل ائمه لری قورقوسندن ایلری کلشیدی . دیگر
قوماندان ده بوحرکته امثال ایتدی . سرایه کوندردیکی

ساعينك عودتى بىكە مكسزىن چاۋقوۋام تسان ، سىغان فودن
 چىقمىشىدى . بوسىرا دەدە وام قىم تسونىغ اورايە واصل اولدى .
 سە چوۋن عسا كرىنك تسىن چوۋنە كىرمىش اولدىغى خىر آلندى .
 چاۋقوۋام تسامە درحال مىكە بالغ اولان كندى
 عىكرلرىنى ايمپراطورك عىكرلرىنە الحاق ايتدى . ايمپراطورك
 قوماندانى عىكرلرىنك فرار ايتمەسەنەن قورقۇدىغى اچون
 بونلر كىوزلرىنە برتمغا اوردىرمق ايتەدى . باشلىجە قوماندانلاردن
 برى ايلك مىالى تشكىل ايتك اوزرە اورتە چىقدى .
 سە چوۋنلر ، چاۋقوۋام تسانك عرض تسلىمىت ايتدىكى خىر
 آنجە چكىلمك ايتەدىلر . فقط ايمپراطور اردوسى بونلر كىوزلرىنە
 يورويەرك مغلوب ايتدى . ايمپراطورك احراز ايتدىكى صوك مظفرىت
 بواولمىشدر . چونكە برآز صوكرە وفاتى وقوعە كلىدى .
 اوغلى چىنغەتۇ Tching-yeou آنجق اون سىكز ياشىدە اولدىغى
 اچون ايمپراطور انك اداره سنى قى فونىغ قىه Ki-fong-kie ايلەدە
 سائر ناظرلر كىلنە برامىشىدى . چونىغ غونەنى درحال اھالىنك
 ىد انتقامنە وىرىلدى . نىشنى عمومى مىدانە پارچە پارچە ايتدىلر .
 عوام خلق بوأت پارچەلرىنى يمك اچون برىرلرىنك اللرىدن
 قاپىورلردى . چىنغەتۇ تارىخىدە اين تى Y n-ti نامى طاشىر .
 سە چوۋن اھالىسە قارشى سفر دوام ايدىيوردى . وام قىم
 تسونىغ ، فونىغ تسىانغ فو شىرىنە كىرمىشىدى . ھەتۇيە ، سىرايدە
 وقوعە كلن تىبدلەن خىردار اولونجە درحال اورايە كىتىدى .

يکي ايمپراطور ايله اوزلاشدى . داغيتديغى ثروت ، اسكى
عصياتى هر كسه اونوتديردى . كنديسنه برطاقم رتبه لر توجيه
ايتديلر . چوق كچمه دن وام قيم تسونغ قدر صاحب نفوز اولدى .
بوقوماندانى محو ايتمكه اوغراشيوردى . شنسى ده فونغ تسيانغ فويه
عودتله اورانك عسكرلرني كتيومه سى ايچون كنديسنه ايمپراطور
طرفدن برامس كتيرتدى . هر كس سرايك بوحر كتنى مؤاخذه
ايله دى . داغيتديغى ثروتلر واسطه سيله ناظرلرى الده ايدن
هه ئويه يه بوقدر بويوك برنفوز ويريله سى يوزندن بعض قوماندانلر
وبالخاصه چائوسيه قوئون عصيان ايتديلر وسى غان فوده كى
كنجلىرى تسليم ايلديلر . بو عصيان مؤخرأ ايمپراطورى يك
چوق مشغول اتمشدر . بوشهرك ضياغنى تلافى ايدميه جك
برشى اولديسه اوده شمالده احراز ايتديكى موفقياتدر . بوتون
قيتانلرى نهايت طرده موفوق اولديلر . قيتانلر تيم چه ئويه چكىلدن
صوكره تاتوم فونك قومانداسنى توديع ايتدكلرى سيون تام قيه ن
نامنده بر قوماندان حالا براتى ككه مسنه قيزه رق امرى آتمده كى
او چ بيك كشينك باشنه كچدى . په چه لى داخلىنده پائونينغ فو
سورلرينك اللى برلى شمال غريبسندده كاشن داغلره چكىلدى .
قيتانلر خبر آلنجه كنديسنه هجوم ايتديلر . فقط اله كچيرمكه
موفوق اولاماديلر . بوقوماندان ، هانلر ايمپراطورينه عرض
تابعيت ايتدى . ايمپراطور كنديسنه قوماندانلق ويردك باربارلره
هجومه مأمور ايله دى . بوليو چونغ نامنده كى قيتان قوماندانى ،

پونونام دیکرله تامیم فو هانلره تابع اولدقدن صـو کره الآن
 قیتانلارک طرفنده بولونان چینلیلرک کندیسندن آیریلارندن
 قورقوردی . ایشته بوندن دولای موتا ایله برابر تیم چه ئویه
 آتش و یروب بوشهردن چیقماق طریقنی اختیار ایتشدی . شهر
 اهالیسنی ده برابر کوتوردیلر . سورلری ییـقـدیـلر . ، شماله
 چکیلدیلر . سیون قام قیهن در حال برادرلریله برابر کله رک شهره
 صاحب اولدی . جوارده کی بعض مواقع قوماندانقلری برادرلرینه
 توجیه ایدیلدی . سیون قام قیهن هر طرفدن قیتانلری قووددی .
 تسین سلاله سنک زمان سلطنتنده بوباربارلرک تحت اداره سنه
 کیرمش اولان بوتون شهرلر ایمپراطورک اداره سنه کچدیلر .
 قوماندان موتا قیتانلر الکاسنه کیرنجه ، تاتارلرک ضبط ایتمش
 اولدقلری چینک بوحوالیسنی محافظه ایده مدیکندن دولای
 اعدام ایدیلدی .

ایمپراطورک دیکشمه س ، چونغ غوئیه قارشى برچوق مظالم
 یاپماسی یکی اغتشاشات تولید ایلدی . ایمپراطورلغک باشلیجه
 قوماندانلرندن بری اولان لی چه ئوچین سرایده کی دشمنلرینک
 مغلوبی اولمقدن و چونغ غوئیه یی نک عاقبتنه اوغرامقدن قورقه رق
 بولوندیغی موقعی تحکیمه اوغراشدی . سلاح طوپلادی .
 قیتانلره استناد ایتکه چالیشدی . اونک بو فکرینی تقویه
 ایدن بر بونز برکون ایمپراطور اولاجغنی تأمین ایدیوردی .
 سی غان فوده عصیان ایتمش اولان چائوسیه قوئونده کندیسنه

التحاق ايتدی . بو قوۋۋ امداديه نائل اولونجه ، تسين قرالى
 عنوانى آلدی . بعض مواعى ضبط ايچون عسکر کوندردى .
 ايمپراطور بو ايکى عاصيه قارشى اردو سوق ايله دی . فقط
 او زمان سرايده ناظر لر آراسنده موجود اولان نفاقلر ،
 کيتدکجه انتشار اتمک باشلايان بو اغتشاشى تسکينه امکان
 ویرمه دی . صوکره چه ئو سلاله سنى تأسيس ايتمش اولان
 قوئو غوئىي حکومتە اشتراك ايتدی . کنديسنه برچوق نفوذ
 ویریلر . عینی زمانده وام قيم تسونع ، فونع تسيانغ فودەکی
 الك جسور عسکرلری سی غان فو عاصیلرینه قارشى يورومک
 بهانه سيله طوپلادقدن صوکره بونلری سه چوئن جهتنه سوق
 ايتدی . اوراده ايمپراطورک طرفنى ترك ايله بو ولايت قرالنه
 تابع اولدی .

ايمپراطورلغک الك ایلری کلن قوماندانلری آراسنده
 خصومت دوام ايديوردی . بونلر قوئو غوئىي نك احراز
 ايتدیكى حکم ونفوذى قيصقانیورلردی . شمال طرفلرینی
 قیتانلرک آقینلرندن مصون برحاله کتیرمک فیکرنده اولدقلرینی
 نشر ایلورلردی . فقط مقصدلری اورایه کیدوب موقع
 اقتدارى اله کچیرمک وایمپراطوره مقاومت کوسترمکدی .
 ايمپراطورک قوئو غوئىيیه بویوک براعتادی واردی . حالبوکه
 برکون کنديسنک الندن ايمپراطورلغی آلاجغنى بيلمیوردی .
 اغتشاشاتی تسکین ايچون اونی شنسییه کوندرمک کبی بر

خطاء بولوندى . قوئو غوئەيى ابتدا لى چەئو چىنك اوزرىنە
يورودى . بونى عاصىلرك اك قونلىسى اولمق اوزره تلقى
ايدىيور ، مغلوب ايدەجك اولورسە سى غان فونك ، فونغ
تسەيانغ فونك بالضروره دوشەجكلرىنى دوشونىوردى .
اردوسىنى اوچ قولة آيىردى . بونلر مختلف يوللردن كلەرك
هوچونغ [۱] دى هجوم ايتدىلر . بو قوماندان معيتندەكى
عسكلرلە پك اعتنا كوستىرىدى . اعاشەلرىنە دقت ايدر ،
بوتون مشاق حربە اونلرلە برابر اشتراك ايلر ، ايفا ايتدكلرى
اوافق بر خدمتى بىلە مكافىتسىز براقماز ، يارەلىلرك بلذات
زيارتەنە كيدر ، اوافق تفك خطالرى كورمىز كې داورانىردى .
بوصورتلە عسكلرلىنك دوستلقلرىنى قازاندى . مأمور اولدىغى
سفرى حسن نتيجه يە اىصال ايتدى . عاصىنك عسا كىرندى
بر چوغى قاچىدىلر ، قوئو غوئەيى التحاق ايتدىلر . قوئو
غوئەيى قلەئەنك اوكنە واصل اولدى . معيتندە كى اركن
همان هجوم ايدىلەسى فەكرندە ايدىلر . فقط او ، لى چەئو
چىنك حالا بر چوق عسكەرە مالك ، اولدىغى ، شەرك
پك مستحكم بولوندىغى پيش ملاحظە يە آلەرق بوتون
ارزاقى بتيجه يە قدر بلكەمك اوزره شەرى محاصره ايتىك
دەا مناسب اولاجغى دوشوندى . سېرلر قازدىردى . شەرك
بونى صىرا فاصله لرلە ترصد محللىرى تأسىس ايدەرك بورالره

عسکرلر قويدى . نهرک کنارينه قايقلر ديزدى . بوصورتله
لى چه ئوچين هر طرفدن احاطه ايدىلدى . سه چوئن قرالنىك ،
فونغ تسيانغ فونك امدادينه كوندرديكى عسكر كرى پوسكور تولدى .
عيني زمانده وام قيم تسوانغ ، كنديسنه خيانت ايتمش اولان
هه ئويهنىك . عائله سندن يتمش كشي يى قتل ايتدىردى . فقط
هه ئويهنىك برطورونى سوت ننه سى قورتاردى . جلادله بو
چوجوق يرينه كندى اوغلنى ويرمك فداكارلغى بوسوت ننه
اظهار ايتمش ، اوچوجوقله برابر قاچشدر . سوت ننه تاله آمه
قدر كلهرك هه ئويهنىك التحاق ايتدى . يولده ديلنمكه مجبور
اولمشدى . اكر بوقيل فداكارلىق آثارينه نادراً تصادف اولونسه
ايدى بر مثال عد اولونا بيليردى . فقط چين تاريخى بوبابده
او قدر چوق مصال عرض ايدر كه صحتلرنده شهبه يه امكان قالماز .
بوملتك سجييه سنده حسيات طبيعیه يى حكمدارك اوغورنده
اسكات ايتمك ، وطنك منفعتنى هر شيئه ترجيح ايتمك خصلتى
واردى . مع مافيه ، چينليرك سجييه سى دها يقيندن تدقيق
ايديله جك اولورسه بوقادينك حر كتى ، باشته بر ملتده اولسه
دها زياده حائز قيمت اوله جغه حكيم ايديلير . چونكه اساساً چينليرك
يى دوغمش چوجوقلرىنى سوقاقلره براقق ، صولره آتمق كى
حر كاته آليشقيندرلر .

لى چه ئوچين بولونديغى قلعه ده محصور دور يوردى .
آزاده صيراده خروج حر كتلى ياپيورسه ده برفائده تأمين

ایده میوردی . تام ، شویا خود سه چوئن قرالارندن وقتانلردن
امداد ایسته مک اوزره بعض کیمسه ترکوندرمکه تشبث ایتدیسده
بونلر محصره خطنی یارمغه موفق اولامادیلر . ییه جک
قالماشدی . قیطلمق یوزندن هر کون برچوق کشی تلف
اولیوردی . یاننده کی تسونغلون نامنده کی بونلر برطاق سوزلرله
اونی آووتیور ، عصیانده دوامه تشویق ایدیوردی . ایمپراطورک
دیگر بر قوماندانی چائو هوئه یی ، فونغ تسیانغ فو شهرنده وام قیم
تسونغی محاصره ایدی . قلعه نک امدادینه سه چوئنندن عسکر
کلمکده اولدیغی حوادی چیقاردی . بوطوزاغه دوشمش اولان
وام قینغ تسونغ بونلری استقبال ایچون تقریباً بیک عسکر
یوللادی . ایمپراطورک قوماندانی بونی بکله یوردی . بو کوچوک
قوه عسکریه غفله باصدیرلدی . تمامیه پریشان ایدلدی . فقط
برمدت صوکره حقیقه واصل اولان سه چوئن عساکرینه قارشى
قوماندان عینی موفقیته نائل اولامادی . شوقرالنک قوماندانی
باتاقلقلرده ایکی بیک کشی پوصویه یاتیرمش ، صوکره پائوق
هیینه یاقلاشمشدی . اورادن کله رک قوه یی شهرنده اردو
قوردی . فقط هانلر پائوق هیینه بش بیک عسکر ادخال اتمکه
موفق اولدقلری جهتله شولر چکیمکه مجبوریت حس ایتدیلر .
لی چه ئو نیک تام قرالندن نائل اولدیغی قوه امدادیه دن کذلک
هیچ برفائده کورولمهدی . بونلرهای چه ئویه چکیلدیلر . عینی زمانده
وام قیم تسونغ شوقرالندن آلدیغی قوه امدادیه ایله ابتدا هان

اردوسنی بوزدی . فقط قوئوغوئینی امداده قوشمش اولدیغی
ایچون، بوتون ارزاقیرینی بیتیرمش اولان شولر کری دوندیله
سرایده ددسکونت یوقدی . برلرینک دشمنی اولان ناظرلرک
قسم اعظمک سرایده چیقاردقاری قاریشقلقلر ولایتلردهکی
عصیانلردن زیاده ایمپراطورلغه ضرر ویریوردی .

سنه
۹۴۹

قوئوغوئینی، هوچونغ اوکنه دوندی . بوراده قوماندان
په وون قوی برافشدی . بو قوماندان کنديسینی استقبال ایچون
بر مقدار عسکر یوللادی . لی چه ئوچین بوفرستدن استفادایله
اک این عسکرلردن بیک قدرینی سچدی . قوماندالرینی قی هیونه
ویردی . بو عسکرلر هانلرک سپرلرینه هجوم ایددرک هر طرفی
طوتوشدیردیله . هانلرک اردوگاهى آزالدی ضبط اولونه جقدی .
فقط بو قوماندان علی العجله بر مقدار عسکر طوپلایه رق
دشمنلرینه یدی یوز ضایعات ویردیردکن صوکره اونلری
چکیامکه مجبور ایتدی . لی چه ئوچین یکی بر خروج حرکتی
یایمق فکریله، کویله بعض آدملر کوندردی . بونلر اورالرده
شراب صاتمغه باشلادیله . فیئات خصوصنده هیچ مشکاپسند
داورانمامه لری ایچون امر آلمشیلردی . ایمپراطور اردوسنک
نوبتیلرندن قسم اعظمی سرخوش اولدیله . موقعلرینی محافظه دن
عاجز بر حاله کلدیله . قوماندان بو قاریشقلغک فرقنه واردی .
سائرلرینه عبرت اولمق اوزره بعضی عسکرلری شدتله جزا دیده
ایتدی . ارزاق بوتون بوتون توکنمک اوزره اولان لی چه .

ئۈچىن، ھانلرى محاصرەدى رەفەە مەجبۇر ايتىك اوزرە صوك بر
غىرتە بولۇنمغە قرار وىردى. فقط ضايعات عظيمە ايله طرد
ايدىلدى. قوماندانلردن بعضىسى اسير دوشدى. قى ھيون بىك
كشى ايله ھانلرە تسليم اولدى. بونك اوزرىنە قوئۇغۇئەنى
قلعەيە دھا شدتلە هجوم ايتدى. سورلرى الە كچىردى. ھىيچ
اميد قالمادىغنى كورن لى چەئۈچىن قارىسى و چوقۇقلىلە برابر
آتشك ايچنە آتلىدى. شەر ضبط ايدىلدى. بونزى توقيف
ايدەرك تالە آمە كوتوردىلر. اورادە اھالى عمومى ميدانە
بونى پارچەلادى.

چائۇسىە قوئۇنك اعلان عصيان ايتش اولدىغنى سىغان فو
شەرى عاصىنك ظلمندن صوك درجەدە ضرر ديدە اوليوردى.
خلقك قارىلرىنى، قىزلرىنى، چوقۇقلىرىنى آلەرق ىمەلرى
ايچون عسكەرلرىنە توزيع ايدىيوردى. اونى بو وحشتلرە سوق
ايدن شى ضرورت دكلدى. عسكەرلرىنە بونلرى مكافات
مقامندە ضم معاش اولەرق وىرييوردى. بو زواللى قوربانلرك
قارە جكرلرىنى كندىسى دە سفرە سەندە بولۇندىرييوردى. فقط
نھايت دىكر عاصىنك تەكىل ايدلمەسى و جزا قورقوسى اونى
ايمپراطورە بر قوماندان يوللامغە سوق ايتدى. ھوآچە -
ئو والىلكنە نائل اولدى. ايمپراطورك امرنامەسىنى الموق
اوزرە سىغان فودن چىقديغنى زمان قوئۇتس-ونغ بە بر مقدار
عسكەرلە سورقاپلرىنى الە كچىردى و كندىسىنى توقيف ايتدىردى.

معیتمدن اوچ یوز کشی ایله برلکده عمومی میدانده باشی
کسیلیدی . شنسی ولایتی بو صورتله تحت انقیاده آلدقدن
صوکره قوئوغوئی سرایه عودت ایله اوراده دها یوکسک
بر رتبهیه نائل اولدی . بو ولایتده آرتق یالکز فونغ تسیانغ فو
شهرینی ضبط ایتک لازم کایوردی . وامقیم تسونغ بورایه
تحصن ایتشدی . چاؤهوئی بونی صیقی صورتده محاصره آلتنده
بولوندریوردی . وامقینگ تسونغ ، تسایم اولمغی توصیه ایله یین
قوماندانلرینک اخطاراتنه رغماً عصیانده ثبات ایتدی .
بر خروج حرکتی یایمق ایسته دی . فقط موفق اولامادیغی
ایچون کندیسنی آتسه آتدی . قوماندانلری ده عرض
تسلیمیت ایتدیلر .

بو اوچ عصیان ، سرایی ایمپراطورلغک اداره سنه دهادقت
ایتمکه مجبور ایتشدی . فقط اغتشاشات تسکین اولونجه ایمپراطور
ایله ناظرلر دها زیاده متعظمانه حرکت ایتکه باشلادیلر .
اموردولت اهل ایدیلدی . ایمپراطور یچهنک عاقلانه نصیحتلرینه
قولاق ویریلهدیکی کبی بعض قوماندانلرک اخطاراتی ده
دیکنمدی . هانلر سلاله سی ایچون صلح ، حربدن واغتشاشاتدن
زیاده ضررلی اولدی . اکثریا ایمپراطورلقلرده بعض انسانلره
بکزرلر : بونلرک فضیلتلری ، مزیتلری مشکلات زماننده بلای
اولور . سعادت و رفاه اونلرک فضیحتلرینی میدانده اورور .

بر مدتدن بری راحت دوران قیتانلر ، اسیر اوله رق

طوتدقلىرى اسكى تسينلار ايمپراطورى چونغ غوئەيى نى قىهن چە .
ئويه يولادىلار . اورادە كىندىسنە اراضى ويردىلار . صوكرە
چىن حدودلىرىنە آقېن ياپدىلار . قەئو غوئەيى بونلارى طرده
مأمور اولدى . كىندىسنە پوتو ياخود تامىم فو ولايتنى توجىيە
ايتدىلار . بو تعيين مناسىبتىلە اوكا او ولايت داخلىدە بخش
اولونە حق حكم و نفوزك درجەسى تىبىت مسئلەسى ناظرلر
آرسىندە اختلافاتە ميدان آچدى . بعضىلارى الغا ايدىلار بر
رتبەنك نفوزى اوكا ويرىلەسى ، اورادەكى عساكر ك قومانداسى
منحصراً اوكا عائد اولماسى ايسىتە يورلردى . اك اهمىتلى ايكى ناظر
بر برلىرىنە قىياچ چكە جك درجەدە اختلافى ايلارى يەواردىردىلار .
ايمپراطور ، قوئو غوئەيى نك يىكنى و اولادلىق قوئو يونغەدە بر
ولايت توجىيە ايتدى . قوئو غوئەيى ناظرلر آرسىندە ظهور
ايدن اختلافاتە قىزمش كى كوروندى . محل مأمورىتنە كىتمەدن
اول عدم ممنونىتنى ايمپراطورە اظهار ايتدى . عىنى زماندە
پايتختدە مدەش بر قاصىرغە اولدى . او قدر شدتلى روزكارلر
اسدى كە اولر يىقىلدى . قايلر اوچدى . ايمپراطور منجملرى
چاغىردى . بو حادثەنك اشارت ايتدىكى فلاكتلرە نە واسطە
ايلە مانع اولابىلەجكنى صوردى . منجملر مأمورىتلرىنك
وظيفەسى بو درجەدە شموللى اولمادىغى ، مع مافىە بر طاقم
فلاكتلرە ميدان ويرمەك ايسىتەن بوتون حكمدارلر ك ياپدقارى
شى طريق فضيلتە سالك اولمقدن عبارت بولوندىغى سويلەدىلار .

اوزمان ایمپراطورلغسک تکمیل اداره سی درت کشی یه
استناد ایدیوردی . پام یه ئو اداره ملکیه ایله مشغول ایدی .
قوئوغوئهی اردولره قوماندان وظیفه سیله مکلفدی . سو هوم
پیه ایمپراطورک محافظی ایدی . وام چانغده خزینه مفتشلیکی
وظیفه سنی حائز ایدی . پام یه ئو صادق برناظر دی . هرکسک
شکایتی دیکلردی . ایشی اولانلر دوغرودن دوغرویه
اوکا مراجعت ایده بیلیرلردی . بعض کره هدیه قبول ایدرسه ده
بونلری همان توزیع ایدردی . وام چانغ بویله دکلدی .
حریص وپاره یه دوشکون برآمدی . امورمالیه ده اجرا ایتدیکی
تعدیلات خلقی پک بیزار ایتدی . ایمپراطورک ، مستفرشه لرله
قاپانوب قاله رق امور دولته اهمیت ویرمه سی خلقک ذاتا شکایتی
موجب اولیوردی . پام یه ئو بوندن دولای ایمپراطوره صیق
صیق اخطار اتده بولونیوردی . فقط ایمپراطور یالکز چالغیجیلرله
دالقاو وقلرک سوزلرینی دیکلر ، اولره بخشش ویریر ، عسکرک
آیلغی ایهال ایدیلیردی . بویوزدن وقوع بولان اخطاراته حدت
ایدن ایمپراطور ، پام یه ئوی و سائر ناظرلری اولدیرتمک بعض مقربین
ایله برلکده قرار ویردی . بعض قوماندانلر سو هوم پیه یی
کیفیتدن خبردار ایتیلرسه ده اوبو سوزلره اینانمق ایسته مدی .
پام یه ئو ایله وام چانغ سرایه کیتدکلری اثناده عسکرلر طرفندن
اتلاف ایدیلدیلر . سو هوم پیه ایله قوئوغوئهی یی و بوتون
آدملرینی اتلاف ایتلری ایچون ده امرلر ویرلدی . فقط قوئو

غوئەي ايشدن خبردار اولونجه نە ياقمق لازم كلە جكنى دوستلار يە
مذاكرە ايتدى . اولومە انتظار ايتمەكە قرار وېرەش كېتىدى .
« نېچون ، دىيوردى ، ياپە يالەكز ياشايە جىم ؟ دېكەر ناظرلارك
هېسى اولدى . اكر ايمپراطورلقدە تاسيس سەكون اېچون
بىم باشم لازم ايسە اونى وېرەمكەدە هېچ مشكلات كوستەرم . »
بوتون دوستلارى ، ايمپراطورك افعال و حرەكاتنىك توليد ايتدىكى
قاراشقا قىلاردن استفادە ايلە ايمپراطورلغى الە كچىرەسنى توصيە ايلەيدىلەر .
جناب حقك منحصراً بو مقصدلە اونك حياتى صيانت ايتەش
اولديغى سويلەيدىلەر . برازىصو كەدە بعض قوماندانلر عسكەرلر يە
كلەرك كەنديسەنە التحاق ايتەيدىلەر . اودە قان هېە ئويە كېتىدى .
دەها هنوز عصيانە قرار وېرەمەشەدى . ايمپراطورە يازمق ،
اكر مجرم ايسە باشنى تقديم ايتەك فەكرەندە ايدى . فقط دوستلارى
بوتەصوراتنە يەنە ممانعت ايتەيدىلەر . بونك اوزرىنە ، كوندن كونه
آرتمقەدە اولان عسكەرىنك اعاشە والباسى اېچون لازم اولان
شىلرى دېويلردن آلمق اوزرەدە هوآچە ئويە كېتىدى . حالا قرار سىز
ايدى . ايمپراطورە صداقتنە خلل كلەمەشەدى . ايمپراطورلغك
سلامتى دوشونىور ، برەصيان مرتبى اولمقدن ايسە فدائى
حيات ايتەكى مرجح كورييوردى . اصل قباحەتك سەرايدە
اولديغى ، اونك سەرايە قارشى هېچ بر قباحەتدە بولونمادىغى
كەنديسەنە آكلەتەيدىلەر .

كيفيت سەرايە عكس ايدىنجه ايمپراطورك مەقربىنى بوتون

دبويلرى آچەرق ايچلارندە كىنى عىس كرلرە توزيع ايتديرمكە باشلاديلر . قوئوغوئەنى فونغ قىيە ئويە كىتدى . ياپديغى حر كىتىن دولايى ايمپراطور يچەنك مؤاخذه سىنە اوغرايان ايمپراطور ايسە بوتون قوماندانلرىنى ، حتى كىندىسنىڭ خصم جانى اولانلرى بىلە طويلايتدى . بونلرى مختلف مواقعە مأمور ايدەرك بالذات دشمنە قارشى يوريدى . اك ابتدا ين چاؤ دشمنە هجوم ايتدى ايسە دە قوئوغوئەنى بونى طرد ايتدى . بونك بوايلىك موفقىتى ايمپراطور اردوسنى ياسە دوشوردى . عىس كر ك چوغى فرار ايدەرك عصات طرفنە كچديلر . فقط قوئوغوئەنى بونلرى اردو كاھلرىنە كرى كوندريوردى . معيتى طرفندن ترك ايدىلن ايمپراطور كيدوب اھالىدن برىنك اوندە صاقلانمغە مجبور اولدى . بعض نفرات ايمپراطورى اولديردىلر ، مقربىنى ايمپراطورك آردىنە قالمق ايسە مەيەرك اتخار ايتدىلر . قوئوغوئەنى پايتخت قايلارىنە كلدى . بعض قوماندانلرى توقيف ايتديرەرك زنجىرە اوردىردى . يغمايە مانع اولمق ايچون ھر طرفە قوماندانلر يوللادى . دھا حالا كىندىسنىە برقباحتلى نظريە باقيور ، ايمپراطورلغى دوشونمە يوردى . بودفعە دە برتابع كى حركت ايتدى . بوتون قوماندانلرى طويلايدى . ايمپراطورك برادرلرى آرسندە برىنى انتخاب ايتمەسنى والدە ايمپراطور يچەدن رجا ايلەدى . قانئوتسونك برادرى ليە ئوپىن Lieou-pin ى دوشوندىلر . بوپرانس اوزمان ، مأمور اولديغى ولايتدە

ایدی . کندیسی پاخته کتیرمک ایچون بعض قوماندانلر
یوللادیلر . بواشاده ایمپراطورلغک مناصبی بعض کیمسه لره
توجیه ایدیلدی . متوفی ایمپراطورک سبب وفاتی اولان ناظرلردن
باشلیجه نری جزایه چارپدیریلدی . باشلری عمومی میدانده
تشهیر اولوندی . فقط عائله لری عفو ایدیلدی . قیتانلر
بوقارغشه لقدن استفاده ایله پکین جوارلرینه کله رک بعض
شهرلری تخریب ایتدیلر . فقط قوئوغوئه یی اونلره قارشى
يورودی وچکیلمکه مجبور ایتدی .

یکی ایمپراطور پاخته کلک اوزره یوله چیقمشدی .
قوئوغوئه یی تامیم قو قربنده پاهیه نه قدر ایمپراطوری تشیعه
کیتدی . اورادن فای چه ئویه کادی . فقط بوشهردن چیقمغه
حاضر لاندیغی صیراده عسکر آردسند برقارغشه لق چیقدی .
عسکرلر یکی ایمپراطوری طانیق ایسته میورلردی . صارى
بایراغی بیرتهرق قوئوغوئه یی بوکا صاردیلر . یاشاسون
ایمپراطور دیه هایقیردیلر . قوئوغوئه یی جنوبه دوغرو یورومکه
تشویق ایتدیلر . درحال تاله آمه اهالی ایچون قورقه جق
رشى اولمادیغنه دائر خبر کوندردیلر . ایمپراطور بوخبره
سوم چه ئوده واقف اولدی . کندی محافظه سی ایچون بر مقدار
عسکر جاب ایتدی . شهر قوماندانلری هر طرفده قوئوغوئه یینک
ایمپراطور اولدیغی اعلان ایدیلدیکنی ، بوکا ممانعت کوسترلمه سی
لازم کلدیکنی سویله دیلر . کوندرلمش اولان عسکره هجوم

ایتمک تکلیفنده ده بولون دیر سه ده ایمپراطور متانت کوستره مه دی.
 دشمنلرینه وقت براقدی. اونلرده کلوب کندیسنی طوتدیلر.
 ایمپراطوره عقل او کرتمش اولانلری اولدیردیلر. ایمپراطور یچه
 بونک خلع ایدیلش اولدیغنی اعلان ایله دی. صو کره ایمپراطور ننگ
 اداره سنی قوئوغوئه یی به تسلیم ایتدی. برآز صو کره قوئوغوئه یی
 ایمپراطور اعلان ایدیلدی. تأسیس ایتدیکی سلاله یه چه تو
 نامنی ویردی.

سینه

۹۵۱

سرای بو انقلاباته معروض اولدیغنی صیراده ایمپراطور
 قانوتسونک برادری وهوقونغ ولایتک والیسی اولان لیه تسونغ،
 ایمپراطور اینتی نک معروض اولدیغنی عاقبتی خبر آنجه جنوبه
 دوغرو اینمک اوزره عسکر طوپلامق ایسته دی. فقط لیه ئوپینک
 ایمپراطور اعلان ایلدیکنی دویماسی اوزرینه بو تصور دن وازچکدی.
 چونکه بو حکمداری براوغل کبی تلقی ایدیوردی. قوماندان
 نلردن بری قانوغوئه یی نک تکمیل افعال و حرکاتی ایمپراطور لغه
 کوز دیکمش اولدیغنی اثبات ایتدیکنی آکلاته رق ده اول
 داورانماسی لزومندن بحث ایتدی. فقط لیه ئوتسونغ بو قوماندانک
 باشنی کسیدردی. چوق کچمه دن یکی ایمپراطورک خلع اولوندیغنی
 خبری کلنجه، بو حکمداره برساعی کوندره رک اونی تسین یامه
 دعوت ایتدی. لیه ئوپینک دیکر بر قوماندانی بو صیراده چه ئویی
 ضبط ایتدی. لیه ئوتسونغ دن امداد آله رق لیه ئوپینی ایمپراطور لقه
 ادامه ایده بیله جکنی امید ایدیوردی. فقط یکی چه ئولر

ایمپراطوری ، خلع ایدیلش اولان حکمداری بوقوماندانه بر
مکتوب یازهرق راحت دورماسنی امر ایتکه مجبور ایله دی .
مخلوع ایمپراطور ، تسین یامه کیدر قورقوسیه برمدت اول
توقیف ایدیلشدی . چومین نامیله ده یاد ایدیلن لیه ئوتس-ونغ
بونک اوزرینه تسین یامده کندی ایمپراطورلغنی اعلان ایتدی .
یم چه ئو ، قوئن چه ئو [۱] ، هین چه ئو ، تای چه ئو ، لان چه ئو [۲] ،
هیهن چه ئو [۳] ، لونغ چه ئو [۴] ، غوئه یی چه ئو [۵] ، تسین-
چه ئو [۶] ، له آقو چه ئو [۷] ، مین چه ئو ، شه چه ئو شهرلرینی
اله کچیردی . لیه ئوپینک وفاتی خبر آنجه ، کندیسنی سلاحه
صاریلغه تشویق ایتش اولان قوماندانی اعدام ایتدیردیکنه
اسف ایدرک بوکا اوزمان جنازه آلای یاپدیردی . چین مورخلری
لیه ئوتسونغه چین ایمپراطوری نظریله باقمازلر . تأسیس ایتدیکی سالا له
شمال هانلری دیرلر . اونک ایچون کندیسنه بزده بوندیه
صو کره هان قرالی نامنی ویره جکر . هان قرالی ، اولادلغی
چینگ قیونی ، چائولر ایمپراطوریه حرب ایتکه یوللادی .

[۱] بوکون شانسی داخلنده سی هو هیان .

[۲] بوکون تایوئن فو ملحقاتندن لان هیهن

[۳] تایوئن فو ملحقاتندن تسینغ لو .

[۴] الیوم عینی اسمی طاشیر . شانسی ملحقاتندندر .

[۵] بوکون شانسی داخلنده پیم یام فو قربنده له آئو شان هیهن .

[۶] بوگون ین غان فو ملحقاتندن شین مو هیهن .

[۷] بوکون تایوئن فو ملحقاتندن لی شن هیهن .

قیتانلردن یاردیم ایستهدی . هیه چه ئو شهری کندیسنه عرض
تابعیت ایتدی . قیتانلر اونی ایمپراطور اوله رق طانییدیلر .
فقط بو تاتارلر آراسنده ظهور ایدن اغتشاشات حسیبله هان
قرالنه او صیراده سریع معاونتده بولونه مادیلر . اوده بو
اغتشاشاتک تسکین ایدیله سنی بکله مکه مجبور اولدی . صو کره
بو قوملر الی بیک کشیاک بر قوؤ امدادیه یوللادیلر . بونلره
کندیسی ده یکر می بیک عسکر الحاق ایدهرک ، چه ئولره تابع
بولونان تسین چه ئو شهرینی محاصره ده کیتدی . بو قوتلی
اردویه رغماً محاصره دن واز کچمکه مجبور اولدی . قیتانلر
ایمپراطور اردوسنک تقریبی خبر آنجه اردوگاهلرینی طوتیشدیره رق
کیجه لین چکیلدیلر .

سنه
۹۵۲

هان قرالی ، چه ئولر ایمپراطور یله حرب ایتمکدن کری
دورمادی . فقط مغلوب اولدی . صو کره ، قای تسو نامنی
آلمش اولان چه ئولر ایمپراطوری وفات ایدنجه قیتانلردن تکرار
استمداد ایتدی . فقط کیریشدیکی بو ایکنجی حربده ده
بختیار چیقما دی . شی تسونغ Chi-teong نامنده کی چه ئولر
ایمپراطوری ، اردوسنک باشنه کچدی . هان قرالی ، قائو
پیمک [۱] جنوبنده اردوگاه قورمشدی . بوراده ایلمک بر
موفقیتسز لکه اوغرا دی . یاقونغ چینه کیدرک اوراده صف
حرب قوردی . ایمپراطور اردوسنک افرادی چوق اولما دیغنی

۹۵۳

کورنجه قیتانلری امداده چاغیرمش اولدیغنه ندامت ایتدی .
دشمنک صول جناحنه قارشى بر هجوم حرکتی یاپدیردی .
دشمن پریشان ایدیلدی . قارغشهلوق او قدر عظیم ایدی که
عسکرلر سلاخلرینی آتیورلر ، کلوب هانلره تسلیم اولیور .
لردی . شی تسونع بالذات بو فراری عسکرلری طوپلادی .
باشلرینه کچدی . تکرار دشمنه هجوم ایتدی و بو دفعه او غالب
کلدی . هان قرالی بیک مشکلاتله تسین یامه چکیله بیلدی .
بو شهرک سورلرینی همان تعمیر ایتدیردی . چه ئولرک بورایه
کلوب هجوم ایتهلری قورقوسیلله علی العجله قیتانلره خبر
یوللادی . ایمپراطور اردوسنک بعض قوملری تسین یامه قدر
کلدیله . فقط شهری محاصره ایتکی مناسب کورمدیلر . هان
قرالنک تبعه سندن برچوغی مملکتک دشمن آقینلرینه معروض
قاله جغنه حکم ایدهرک داغلره چکیلدیلر . فقط ایمپراطور
یغمایه میدان ویرمه دی . خلقتک بو لطفدن متأثر اوله رق
کندیله کلرندن کلوب عرض تسلیمیت ایتهلرینی بکله دی .
قوئن چه ئو ، له آئو چه ئو ، هیمن چه ئو ، قونغ چه ئو شهرلری
ودها بر چوقلری عرض انقیاد ایتدیلر . چه ئولر
ایمپراطوری تسین یامه یاقلاشدی . شهری محاصره ایتدی .
هانلردن غیر ممنون اولان قیتانلر قوماندانی چکیلمشیدی .
چه ئولر ، هان قرالنک هیمن چه ئو ایله تایی چه ئو
آراسنه اقامه ایتمش اولدیغی بر مقدار عسکری بوزدیلر . هیمن چه ئو

شهرینه کیردیلر. قیتانلر ایکی بیک ضایعات ویرد کدن صو کره،
 تایوئن فو سنجاغی داخلمده هین چه ئو قربنده کائن برقلعه اولان
 هین فوئویه چکیلدیلر. بوصیراده غایت مبذول یاغمورلریاغدی.
 عسکر آراسنده او قدر چوق خسته لغه سبب اولدی که چه ئولر
 ایمپراطوری محاصره یی رفع ایتکی دوشوندی. فقط چکیلمه دن
 اول برمصادمده هانلری مغلوب ایدرک پک چوق ارزاقلرینی
 یاقدی. هان قرالی بوندن او قدر متأثر اولدی که حکومتک
 اداره سنی اولادلغی چینغ قیونه براقدی، برآز صو کره وفات
 ایتدی. هان قرالغی قیتانلرک عادتاً خراجگذاری ایدی. قیتانلر
 چینغ قیونی ایمپراطور صفیله طانیدیلر. ایمپراطورلغی مشعر
 بر فرمان یوللادیلر.

یکی هان قرالی دیندار بر حکمدار ایدی. اداره دولته
 بالخاصه اعتنا کوستردی. قیتانلر بو کاو لحوام تی Uih-hoam-ti
 یعنی کنجج ایمپراطور عنوانی ویردیلر. هان قرالی، چه ئولر
 ایمپراطورینه قارشی حرب ایتک اوزرده سه چوئن قرالی ایله اتفاق
 ایتدی. پدیرینی، قیائو چینغ قربنده بنا ایتدیردیکی برتر بهیه
 دفن ایتدیردی. اجدادلری ایچون ده ها برچوق صالونلر
 یاپدیردی. ینغان فو قربنده بو کون شن مو هیه ن دیدیکمز
 مین چه ئو شهری هانلره تابع بولوندیغی حالده چه ئولر طرفنه
 کچدی. هان قرالی قیتانلردن مهم بر قوه امدادیه آلهرق لوچه ئو
 طرفلرینی تخریبه کیتدی. برآز صو کره شی چه ئو [۱] یی

سنه

۹۵۵

۹۵۶

۹۵۷

۹۵۸

ضبط ایتمك ایستهدی . شهری اوزون مدت محاصره آلتنده
طوتدی . فقط چکیلمکه مجبور اولدی .

چه ئولر ایمپراطوری ، قیتانلری چینك شمالنده مالک اولدقلری
یرلردن طرد ایتمکه عزم ایتشدی . بوندن دولای قیتانلر ،
هان قرالنی چاغیردیلر . هان قرالی عسکرلرینی طوپلادی ،
بعض آقینلر یاپدی . فقط ایمپراطور اردوسنك قوماندانلری
اونك عسکرلرینی مغلوب ایتدیلر . چه ئولر ایمپراطوری ، هانلری
محو ایچون تکمیل غیرتی صرف ایتدیسده ارزوسنه موفق
اولامادی . چه ئو سلاله سی ایمپراطورلغی اوزون مدت محافظه
ایده مه دی . ایمپراطورلق ، او ذی قوت سوم Sum سلاله سنك
مؤسی اولان تای تسو Tai-teou یه کچدی . بو حکمدارک
و خلفی تای تسوئو Tai-teou ک زمان سلطنتلرنده چین
قطعه سی حال طبیعی سنه کادی . تکمیل بر ایمپراطورلق
اولدی . دشمن اوله رق قارشیسنده قیتان تاتارلرندن باشقه کیمسه
بولونمادی . ابتدا ، چه ئولره مربوط بولونان بعض قوماندانلر
عسکرلرینی هانلرک عسکرلریله برلشدیره رک قوام ئین Kuam-in
ترقیاتی دوردیرمق ایستهدیلر . سوم سلاله سنك مؤسی ،
ایمپراطور اولمادان اول بونامی طاشیوردی . فقط قوام ئینه
قارشى اولان سترکتلرنده موفق اولامادیلر . چه ئولر ایمپراطورلغی
تماماً انقراض بولدی . سوملر ، هانلر قرالنه تابع بولونان بعض
شهرلری یاقدیلر . صو کره قوئن چه ئویه هجوم ایتدیلسه ده ضبطه
وفق اولامادیلر .

بوصیراده شمالده دشمنلر یتیشیوردی . بونلر ایلریده
 قیتانلرک طردندن صوکره ، چین ایمپراطورلغنده برچوق
 تشوشاته باعث اولدیلر . بودشمنلر ، أمور نهری جوارنده
 ساکن اولان نیوچه تاتارلری ایدیلر . تجاوزاته قالدیشه جق
 درجهده هنوز قونلی دکادیلر . یالکیز قیتانلرله دشمنلقلری
 واردی . یکی سوم ایمپراطوریله اتفاق یایمق ایسته یورلردی .
 بومقصدله اوکا سفیرلر یوللادیلر . چینی تحت انقیاده آلان
 باربارلرک قسم اعظمی هپ ایشه بویله باشلامشلردر . چینلیر
 اونلری باشقه تاتارلره هجوم ایده بیله جک برحاله کتیریورلر ،
 صوکره اونلر کلوب چینه هجوم ایله چینی ضبط ایله یورلر .
 بوکون چین ایمپراطورلغنه صاحب اولان مان چه ئو Man-tcheou
 تاتارلری ایشته بو نیوشه یاخود نیوچین تاتارلری نسلنددرلر .
 هانلر ، سونلره قارشى حربده دوام ایتدیلر . تسین چه ئو ،
 لوچه ئو شهرلرینی تخریب ایله دیلر . سوملرده لوپیم [۱]
 شهرینی آله کچردیلر . کندی عسکرلرینی برلشدیرمش اولان
 قیتانلر لوپیم شهری قارشیشنه کلدیلسه ده سوملرک کوندردکلری
 قوای امدادیه محاصره یی رفع ایتکه اونلری مجبور ایتدی .
 لوچه ئو شهرینک ضبطندن صوکره هان قرالی ، سوملر
 ایمپراطورینک هجومندن قورقیوردی . فی الحقیقه غوئه یی چه ئو
 شهرینی غائب ایتدی . بونک والیسی اسیر دوشدی . عینی

[۱] تایوئن فو سنجاغنده پیم تیغ چه ئویه ملحقدر .

زمانده بر درجه يه قدر متبوعى اولان قيتانلر ، امرلرينى اجرا
 ايتديكندن دولايى كنديسنى ترك ايدنه جكلرينى سويله يهرك
 تهديدده بولونيورلردى . باريشمق ايچون سفيرلر يوللامغه
 مجبور اولدى . اعلان حرب ايتمه لرندن قورقيوردى . چوق
 كره هانلرى مغلوب ايتمش اولان لى قى هيون باشقه بر قوماندان
 ايله برلىكده كلهرك حدود اوزرنده كى شهرلرك كافه سنى تخریب
 ايتدى . له آئوچه ئو قربنده هانلرى بوزدى . والى ، اوچ
 بيك عسكرله برلىكده تسليم اولدى . آلتش بيك سوارى ايله
 هانلرك امدادينه قوشان قيتانلر چكىلمكه مجبوريت حس ايتديلر .
 سوملرك بوتون دشمنلريله برلشمك هانلرك منفعتى اقتضاسندن
 ايدى . سه چوئىلر آلآن خصوصى برقرالك تحت اداره سنده
 ايديلر . بونلرك سلاله سنه هه ئوشو Heou-cho دىنيوردى .
 ايمپراطور بو كوچوك قراللى محو ايتك نيتنده ايدى . هانلر ،
 سوملرك پايتخته كيدوب هجوم ايتك اوزره سه چوئىلرله اتفاق
 ياپديلر . فقط معاهده نامه نك بر صورتى چالنه رق ايمپراطوره
 كوتورولدى . بونك اوزرينه درحال سه چوئىلر عسكر سوق
 ايتدى . بر مدت صوكره بو قراللى انقراض بولدى . صوكره
 هانلرده تسينغ يامده مغلوبيته اوغراديلر . فقط ايرته سى سنه
 سونغلردن له آئوچه ئو شهرينى آلديلر .

سنه
 ۹۶۴

۹۶۶

۹۶۷

۹۶۸

چوجونى اولمايان هان قرالى چيم قيون ، قى غنتغ ايله
 قى يوشنى اولادلغه قبول ايتمشدى . حين وفاتنده چيم قيونك

کندیسنه خلف اولماسنى توصیه ایتدی ، فقط بو کنج
 حکمدارک مملکتی سونغلره قارشى حسن صورتله مدافعه
 ایدمه مسندن قورقورق ایدردى ووغوئى نامنده برناظره
 براقدى . سونغلر ایمپراطورى چينغ قیونى خاصاتى کسمکه
 دعوت ایتىش ، سونغ عائله سنک اونکه هیچ بر منازعه سی
 اولماق لازم کلدیکنى ، چونکه چه ثولرک اوتهدن برى دشمنى
 بولوندىغنى سويله مش ، ایمپراطورلقد کوزى وارسه ایمپراطورلغک
 کیمه عائد اولدیغنى کسديرمک ایچون تاي هیم داغنه کیتىسى
 کافی بولوندىغنى آکلاتمش ایدی . هان قرالى ، کندی عسکرینک
 بوتون ایمپراطورلغى تحت انقیاده آلمغه غیرکافی اولدیغنى ،
 ایمپراطورلغه ملک اولمش پدرلرینک براقدرلری ممالکی محافظه دن
 باشقه بر آرزو بسله مدیکنى ، پدرلرینه هیچ بر زمان عاصی
 نظریله باقلمادیغنى بیلدیردی . فقط سونغلر ایمپراطورى ،
 چينغ قیونک وفاتى خبر آلیر آماز هان الکاسنه عسکر سوق
 ایتدی . یکى قرال ، ووغوئى دن قورقیوردی . بونک وجودنى
 ازاله ایتىکی دوشونیوردی . ووغوئى ده اون عسکرله سراه
 کیردرک قرالى اولدیرمسی ایچون پایونى تشویق ایتدی . بو
 ترتیب موقع اجرایه قونولدى . فقط قتلك کیمک طرفندن
 اجرا ایدلیکی آکلاشلماق ایچون ووغوئى همان پایونى
 اولدیرتدی صوکره قراللغک بوتون ارکانى طوپلایه رق ،
 قتل ایدیش اولان قرالک برادری ن یوئى تحت حیقارمه یی

تکلیف ایتدی . بعضیلری تاجی ، اوزون مدتدن بری قیتانلرک
یاسنده بولونان قی وەن نامنده باشقه برپرنسە ویرمک فیکرنده
بولوندىلر . فقط تکمیل حکم ونفوذى النده طوتان ووغوئەيى
نهایت قی یوئى ترجیح ایتدی . قی غنغ آنجق آلتش کون
حکومت سورمشدى .

قى یوئن Ki-yuen قرال اعلان ایدیلر ایدیلر سونغار
اونک ممالکنه کیردیلر ، تونغ قوھو نهرینه قدر ایلریله دیلر .
اوراده اوچ بیک کشی اولدیردیلر . تاي یوئن شهرى سورلرینه
قدر کالیدی . حتی بونک برقایسنى یاقدی . هان قرالى
درحال وقعەيى قیتانلره خبر ویردی . اونلردن امداد ایستەدى .
بوصیراده سونغار ایمپراطورى ، قی یوئە تسلیم اولماسی ایچون
خبر کوندرمشدى . کندیسنه ایمپراطورلق داخلنده مهم رتبه لر ،
موقعلر وعد ایدیوردی . هانلرک وعدلرینه مجلوب اولان
ووغوئەيى ، ایمپراطورى طانیغه اونى تشویق ایتمکده
ایدی . قیتانلر ایلریله مکدن کرى دورمایورلردی . سونغار
بونى دویار دویماز چکیلدیلر . هانلر کیدوب تسین چه ئو ،
قیانغ چه ئو شهرلرینی یغما ایتدی . بو محاربه اثناسنده هانلر
سراینده بعض منازعات وقوعه کلدی . لیه ئوتسونغدن دول قالان
قرالیچه ، قی یوئنک قاریسی ایله هیچ کچینه میوردی . بو پرنسس
خسته لانه رق وفات ایتدی . قی یوئن ، قرالیچه نک بونی اولدی رتمش
اولماسندن شبه لندی . قرالیچه ، زوجنک تابوتی او کنده

آغلامقلا مشغول اولدیغی صیراده اونى قتل ایتدیردی .
اونکله برلکده دها بعض کیمسهلرده اولدیلدیلر .

سنه

۹۶۹

سوملر ایمپراطوری هانلر قراللیغنه یکی برتجاوز دها
حاضر لایوردی . بالذات کیدوب تای یوئن شهرینی محاصره
ایتمک فیکرنده ایدی . ابتدا قوماندان لی تی هیونی سوق ایتدی .
صوکره کیندیسی قای فونع فودن چیقارق تای یوئن اوکنه
کلدی . بوقلعه نك اطرافنده برسور یایدیردی . بوتون یوللری
تحت محافظه آلدی . قوئن شویی وتسین شویی نهرلرنده
سدلر بنا ایتدیره رک تای یوئی صو آلتنده براقق ایسته دی .
هانلر قرالنی تسلیم اولمغه تشویق ایدن ووغوئی خلی عصیانه
سوق ایتمک املیه اتخار ایتمکی دوشونیوردی . فقط بوتصورینه
مانع اولدیلر . ایمپراطور ، قیتانلرک محصور شهره امداد
قوشدیردقلرینی خبر آلنجه بونلره قارشى عسکر یوللادی .
یام قیو قربنده قیتانلره تصادف ایدهرک مغلوبیته اوغراتدیلر .
بوايلاک محاربه ده قیتانلر بیک ضایعات ویردیلر . دیگر بر
قوماندان باشقه برمصادمه ده قیتانلرک اوتوز سکیز رئیسنى اسیر
ایتدی . بونلری تای یوئن پیشکاهنه کوتوره رک محصورینه
هیچ برامداد امیدلری قالمامش اولدیغنی کوستردیلر . هیهن چدئو
ولان چه ئو والیلری سونغلره تسلیم اولدیلر . تای یوئن عسکری
حالا کال جسارتله مدافعه ده ثبات کوستریوردی . قیتانلر
بویوک قوای امدادیه کوندرمکله برابر ، اهالی تسلیم اولمق

ایچون کورولتو چیقارییوردی . سونغلر هجوم ایتدیلسه ده
پوسکور تولدیله . صو کره ، یاغان یاغمورلردولا یسیله سونغلرک
عسکرلرندن برچوغی تلف اولدی . بوندن دولایی ایمپراطور
محاصره نی رفعه مجبوریت حس ایتدی . عسکرلرینی جوارده کی
مستحکم شهرلره داغیتدی . هانلرک تبعه سندن اولوب عرض
تابعیت ایتش اولان اون بیک قدر عائله یی شانتونغ وهونان
داخلنه نقل ایتدیله . محاصره اثناسنده قوئن شویی نه ری
جنوب طرفنده سورلرک بر قسمی یقمشدی . سونغلرک طرفنه
کچمک فیکرینی ترک ایتمین ووغوئه یی کیدوب اونلره هجوم
ایتمک ایچون مساعده ایسته دی . قرال بوکا موافقت کوستردی .
معیتنه کزیده بیک کشی ویردی فقط ووغوئه یی برکوپرونک
مدخلنه واصل اولوراولماز مقصدینک نه اولدیغی آکلاشیله رق
توقیف ایدیلدی . هان قرالی سائرلره عبرت اولق ایچون
بونی اعدامه محکوم ایتدی .

سنه

۹۷۰

بوصیراده قیتانلر آلتش بیک کشی ایله سونغلر ایمپراطورلغنه
کیردیله . پیمچه ئو جوارلرینی تخریب ایتدیله . سونغلر
بونلری قوودیلر . کندیلرندن عظیم غنائم آلدیلر . ایمپراطور
برمدت هانلرله محاربه دن فارغ اولدی . بو عطالت ایسه هان
قرالی ایچون تهلکه لی برنتیجه ویردی . وجودلری الزم
اولان بعض قوماندانلری اولدیرتدی . بو حرکتی سائر
قوماندانلری کندی علیه چویردی . قیتانلرله ده بوزوشه جق

۹۷۳

برحاله كەلدى . حەربىي يۈرۈش اولان قىتانلار سونغلارلە صالح
ايتىمك ايسە يۈرلەردى . آرتق كەندىلەرنىڭ بىر ياردىم بىكە مەملەرىنى
هانلار بىلەن بىرلەشتۈرۈپ . هانلار قىرانلىق او قىر قىزدى كە ھان كىدوب
قىتانلارە ھۇجۇم ايتىمك ايسە يۈردى . فقط ناظرلىرىنىڭ ايجىندە ك
عاقلىرى اوڭى بوزىمىدىن واز كىچىدىلەر . سونغلار ايمپىراتورى ،
ايكى مىلت آراسىندە يۈز كۈستىمك اوزىرە اولان نىقادىن استفادە
ايتىمك فەكرىلە بويۇك بىر اردو طوپىلادى ، بىش قولى آيىردى .
ھەپسى بىرەن ھانلار ك اولكاسىنە يۈردىلەر . ھەين چە ئو ، تاي چە ئو ،
تەيىن چە ئو ، لە آئۇ چە ئو ، شە چە ئو شەھەرلىرىنى ضبط ايتدىلەر .
تاي يۈڭىن قىرەندە ھانلار بوزدىلەر . بوفلاكت ايجىندە ھان قىرانلىق
قىتانلارە مىراجەت ايتدى . اولەردىن قىرانلىق امدادىيە آلدى .

سەنە

۹۷۵

۷۶۹

بواڭىدە سونغلار ايمپىراتورى وفات ايتدى . يىرىنە تاي -
تەسۈنە كچىدى . بو كەمەدار ، ايمپىراتورلۇق ايشلىرىنى تەنظىم
ايتەكەن سۈكەرە ھانلارە قارشى يۈرۈمكە ھازىرلاندى . قىتانلار
ھانلارە مىعاونەت ايجۇن ايلەرىلە يۈرلەردى . فقط ايمپىراتور اردوسىنە
مىصادىف اولەرق مەغلۇبىيەتە اوغرايدىلەر . سونغلار دەرھال
كىدەرك تاي يۈڭىن مىھاسىرە ايتدىلەر . ايمپىراتور بالذات كەلدى .
بو مىھاسىرەدە او قىر چوق كەشىنىڭ تەلف اولدىغىنى كۈرۈنچە
قى يۈڭىن تەسلىم اولمىغە دعوت ايتدى . بوتون شەھەر قارىشلىق ايجىندە
ايدى . قوماندانلار بىلە تەسلىم اولمىدىن بىھت ايدى يۈرلەردى .
قى يۈڭىن ، ايمپىراتورە بەئىز تەكلىپلەردە بولۇندى . ايرتەسى كۈنى ،

۹۷۹

قوماندانلارله برابر كلهرك تسونغلره عرض تسليميت ايتدى
وايمپراطوردن عفو ايستهدى. كنديسنه بعض عنوانلر و يرديلر.
بوتون هان قراللى ايمپراطورلغه الحاق اولوندى. تاي يون
سورلري ييقيلىدى. سكه سندن بر قسمى جوار شهرلره كوندردى.
شاتو توركلري چيندن تماميله چيقارلديلر.

قينانلر ده بر مدت شالده محافظه موجوديت ايتديلر.
صوكره نيوشه تاتارلري طرفندن اورادن طرد ايديلنجه، سائر
تاتار ملتري كي غرب طرفنه كچهرك كاشغر جهتلرنده يكي بر
ايمپراطوراق وجوده كتيرديلر. بر طاقم قوللري ايسه كورجستانه
قدر كيرديلر. اوراده خايطة Khaita و قره خايطة ناميله زمانمزه
قدر پايدار اولديلر. روسلر بونلره قايتاقي Chaitaki و قره
قايتاقي نامنى ويريپورلر. خايطة اولكاسى بحر حزر قربنده
غربده در. اولهه ميس Ulhaemisch دن شيروان حدودلرينه
قدر يعنى كوچوك داسباق Dasbach نهرينه قدر امتداد ايدر.
غربه دوغرو امتداد ايدن بو اولكا بويوكدر، كوزلدر،
منبدر. هر دورلو حبوبات و سبزه يتيشديرر. كوزل كويلر
واردر. از جمله باشلو Baschlo و مجلس Medschilis
قصبه لري پك ايدر. هر ايكي سي ده اوسمه يي Usmei نك يعنى
خايطة لر پرنسك قرار كاهيدر.

كاشغرده مقيم اولدقلري مدته ساكن اولدقلري رك چوراقاغندن
دولاي قارده ييه تلقيب ايديلش اولان قاره خايطة لر، خايطة لرك

غار بر
ارپكين

غریبندەدرلر . بونلرک غریبندە قالموق دنیان قوملر واردر .
شماللرندە قوبەشاه Kubechah، جنوبدە تاباسران Tabasseran
اراضیسی بولونور . بر چوق کوزل قصبه لرە مالکدرلر . اک
بویوکنه قاره غوراش Cara-gurasch نامی ویریلیور .

عن اصل بر اولان بویکی ملتک بو کون اخلاق وعاداتلری،
اصوللری هپ بردر . لسانلری جوار قوملرک لسانندن
فرقلیدر . قالموقلرک لسانیلە حائر قرابت کی کورونور . بو کون
خایطه لر وقاره خایطه لر مسلماندرلر . رئیسلی اوسمه یی نامی
طاشیر . شامقال Schamkal دن صوکره بو طر فلرک اک ذی قدرت
حکمداریدر . قوبه شاه الکاسیلە آقوشینزی Akuschinzi لر
وتاولینزی Taulinzi لرک بر قسمی اوکا تابعدرلر . فقط ۱۷۲۵
تاریخندن بری کندیسیدە روسلرک تحت تابعیتندەدر . بو قوملر
زراعتلە مشغولدرلر . پک چوق حیوان بسلرلر . حکمدارلرینه
پک مربوطدرلر . خایطه لرده غریب بر عادت واردر . اوسمه یی
لرک بر چو جوغی دنیایه کلنجه بو چو جوغ بوتون کویلرده
دولاشدیریلیر . هر قادین کندیسنه سوت ویریر . پدرینک اوینه
آنچق سوتدن کسیلەجک بریاشه کلدیکی زمان اعاده اولونور .
بوندن دولای بوتون خلق کندینی بوکنج پرنسک اقرباسی کی
تلقی ایدەرک اونک اوغورندە وارلرینی یوقلرینی، حیاتلرینی فدا
ایدرلر . ایشته قیتانلرک بو کونکی حاللری بودر . بوکا باقه رق
چین ایله تاتارستانک دنیاده بویوک انقلاباته سببیت ویردکلری

نتیجه سنی چیقارمق لازم کلیر . اکتساب قوت وشوکت ایتیش
اولان تاتار قوملرینک قسم اعظمی ابتدا چینک شمالنده قالمشله
چینیلر کندیلرینی اورادن طرد ایده جک درجه ده کسب قوت
ایدنجه غرب طرفه چکیلیمشله در . روما ایمپراطورلغی بو
باربارلرک کثرتی آلتنده ییقیلدی . ایران برمدت اونلرک تحت
تابعیتنده قالدی . عرب ایمپراطورلغی ده حکم ونفوذلری آلتنه
آلدیلر . ده کیز دالغهلرینه بکزه یین بوتاتارلرمتصل بربرلرینی
سوروب دورورلر .

هونلرك تاريخ عمومىسى

دوقوزنجى كىتاب

۱

بى طولون توركلرى

توركلار بوتون تاتارستان قطعەسنە حاكم اولدقدن ،
عربلرده ماوراءالنهرده و توركستان حدودلرندە بويوك فتوحانده
بولونددن صوكرە بو ايكي ذى قدرت ملت بربرلرينە دشمن
كسيلا مكدە كچيكمە ديلر . بربرلرلە اوزون مدت محاربه لرده
بولونديلر . بربرلرندن بر چوق اسيرلر آلديلر . عربلر ك اللرينە
اسير دوشن توركلار خليفه لرك ايمپراطوراني ايجنە داغيديلر ،
باشليجه اميرلر ك اسيري اولديلر . بر چوقلرى دە خليفه لرك
سراينده استخدام ايديلدى . اك باربار كيمسەلر بيلە تعليم
و تربيه يە قابليتلى اولدقلرى جهتله اسلاميت آدابى دائرەسندە
تعليم و عرب ايمپراطوراني پرنسلىرى و اكابرى آراسندە تربيه
ايديلن توركلر علوم و فنون ايله ، سياسيات ايله مشغول اولديلر .

خليفه لرك يانندم اك بويوك مناصبي احراز ايدەجك درجەدە
كسب اقتدار ايتديلر. اونلرى اسارتدن چيقارەرق مسلم اولان
لياقتلرلە متناسب صورتدە حكومت ايشلارندە قوللانمق
كبي بر خطا ارتكاب اولوندى. كنديلرينە ويريلن تربيه
باربارلقلرينى ازالە ايتمشەدە او متشبث و جانلى سحيه لرينك
اساسنى دكيشدير مەمش، بالعكس ذهنلارندە قوردقلرى تربيلرى
دەها مهارتلە اجرا ايدەبيلەجك بر حالە كتيرمشدى. بوندن
دولايى عرب ايمپراطورلغى ايجون دەها تەلەكلى اولمشلردى.
دائماً استقلالە متمايل اولان بوتورككر، بويوك ولايتلرك
ادارەسنە كچنجه اورالردە صاحب مطلق كسيلمكى دوشونديلر.
خليفەنك سرايندن يتشدكارى جەتلە اونك انتريقه لرينە واقفديلر.
بوتون جرئتكارانە تشببۇلرك يانندە توركلر بولونوردى. چوق
كچمەدن خليفەلرى تيترەتەجك حالە كلديلر. خليفەلر بونلرك
كوزندن ضعفلرينى صاقلایە مايورلردى. توركلرك بر قسمى
ايمپراطورلغك ادارەسنى الە كچيرديلر. عربلر عادتا توركلرك
تبعەسى حالە كلديلر. بعضيلرى دە ولايتلردە حق حاكىتى
بىنەسە يەرك مستقل اولديلر. ايشتە (حضرت) محمدك وخلفلرينك
زمان ادارەسندە عربلرك آسيادە تأسيس ايتدكلرى ايمپراطورلقدە
بو اسيرلرك مقدراتى بويە اولمشدر.

قدملرى ايلە مشهور بر ملت اولان، اوزون مدت بر شە جزيرە
ايچندە قاپانەرق غيرقابل تسخير بر حالە قلان و كندى قراللىرى

ایله اداره ایدیان عربلر نهایت اوزون عصرلردن بری مستغرق بولونقلری بو سکوندن چیقیدیلر. بوتون قومشولری ایچون مدھش بر ملت اولدیلر، بوتون قوملری حیرتده براقه جق صورتده سریع فتوحانه نائل اولدیلر. آرزمان ایچنده بوملتك هندساندن آفریقایه و اسپانیایه قدر اولان ممالکی ضبط ایتدیکی کورولدی. بزم قرالارمزدن برینك جسارتی اولماسه ایدی فرانسه، احتمالکله اونکله برابر دهاساثر شمال مملکتلری ده مسلمانلرک زنجیر اسارتی طاشیمق مجبوریتنده قاله جقدی. فقط بو قدر واسع بر حکم و نفوذ عربلر ایچون مشئوم بر نتیجه ویردی. عربستانک اعماقندن چیقان غالبلر ایمراطورلقلرینك یاختنی جوار ولایتلره نقل ایتدیلر. اورالرده همان کافه سی کندیلرینه یابانچی بر حاله کلن بر حکم و نفوذ تابع اولدیلر. آرتق حریت عربستانده یالکز بدوی بر حیاته آلیشقین اولدقلری ایچون شهرلردن اوزاقلره قاچان و حیاتلری نی سورولرینك آراسنده، چادیرلرک آلتنده کچیرن خلقه انحصار ایتدی.

بویوک انقلابك عاملی (حضرت) محمد اولدی. حرب ایچون و نوع بشری تخریب ایچون میلانلری ده بشیکدن اعتباراً بللی ایدن بویوک فاتحلردن دکلدی. عربلری تنویر ایتك، اونلری مستغرق بولونقلری بت پرستلیکدن قورتارمق، وحدت الهیه بی کندیلرینه تلقین ایله مک، ایلاک تلامیذلری نی حیرته غرق ایدن بعض حقایقك کولکه سی آلتنده، فطرة سفاخته میال

بر قومك احتراماتی او قشایه رق اوناری تماماً تحت تسلیم خیره
 آلمق: ایشته بسله دیکی بوتون او آمال عظیمه یی میدان قویمق
 ایچون استعمال ایتدیکی وسائط . (حضرت) ابوالقاسم محمد ،
 یاخود دها مستعمل تعبیر ایله ساده جه (حضرت) محمد، مشهور
 قریش قبیله سندن عبداللہك اوغلی ایدی. راست کله بر سر سری
 دیتدی. عائله سی غایت محترمدی. قبیله آراسنده برنجی موقعی
 حائر ایدی. مکده تولد ایتدی. ابویوک فلاکتی و کنديسینی
 فقر ایچده براقان سبب یدرینک دها کنديسینی دوغمان اول
 وزات ایتسی اولمشدر. آلتی یاشنده ایکن ده والدینی غائب
 ایتدی. بوندن دولایي ابویینک تحت وصایتند یاشامق مجبوریت
 الیمه سنده قالدی. اوکا ابتدا بویوک پدری عبدالمطلب باقدی. بر
 آز صوکره بوده وفات ایتدی. عموجه سی ابو طالبک یانیه
 کیتدی. تربیه سی، دهادوغروسی اعاشه سی ایله مشغول اولدیلر.
 (حضرت) محمد هیچ بر زمان او قویوب یازمق او کرئمه مشدر.
 سوریه ایله مناسبات تجاریه ده بولونان خدیجه اسمنده بر
 دول قادین (حضرت) محمد اظهار توجهله ابتدا جوارولایتلره
 اشیای تجاریه یوللامقده اونی استخدام ایتدی. بر آز صوکره
 اونکله تزوج ایتدی. آرتق تأمین معیشت قیدیه مشغول اولمایان
 (حضرت) محمد، ذهنده بویوک تصورلر بسله مکه باشلادی .
 بوده ملککنک اسکی دینی دیکشیر مکدن و خرسیتیانلق و یهودیلک
 کی خارجدن کلش اولان دینلری قوومقدن عبارتدی . بر

مذهب دوشوندى . بونك اساسى يالكىز بر اللهه اينانمقدن
 وپرستش ايتمكدن ، بت پرستلىكى رد ايله مكدن عبارتدى . كندى دينى
 قبول ايدنلر ك سذت اولمالرىنى ايسته دى . اونلره رمضان اينده اوروج
 طوتمغى ، كونده بش وقت نماز قيلمغى ، صيق صيق غسلارله
 تميزلنمكى ومكه مبيدىنى (كعبه نى) زيارت ايتمكى امر ايله دى .
 بو يكي دين قسماً (حضرت) محمدك خرسىانلرله ويهوديلرله
 وقوعه كلن محاوره لرندن او كرنديكى شيلرك وقسماً ده عربلرك
 قديم عبادت لرندن محافظه ايتديكى قسملرك قباچه تركب ايتمسندن
 وجوده گلشدى [۱*] . فرضا كعبه نى زيارت ايسته بويله قديم
 عرب عاداتندن قالمه در . قديم عربلر بيتنبد مشهور اولان
 بومعبد ، عنعناته نظراً ، ابراهيم طرفندن بنا ايديلمش ، بوتون
 عرب ماتى طرفندن هر وقت بوكا قارشى بيوك حرمت
 كوسترلمشدر . شهبه سز بوندن دولايى اولاجقدر كه (حضرت)
 محمدده بونى محافظه ايتمشدر .

(حضرت) محمد يكي دينى ابتدا افراد عائله سى ايچنده
 وبعض دوستلرى آراسنده نشر ايتمكه باشلادى . بعضيلرى
 ايمان ايتديلر . ديكرلرى ده اكلنديلر . اسلاميتى ابتدا زوجه سى
 قبول ايتدى . آرقه سندن بر اسير مسلمان اولدى . مورخلر
 بوذواتك اسملرىنى قيد ايتمشلردر . اونلردن كمال حرمتله بحث
 ايدرلر . (حضرت) محمد قرق ياشنه كلنجه علناً نشر دينه

[*] بو مطالعاتك مسئوليتى محرره عائذ اولدينى اونوتولماليدر .

تثبت ایتدی . فقط قریشیلرده يك ذی قدرت معارضلرم
 مصادف اولدی . کندیسنه فارشی سالاحالاندیلر . مدینهیه
 چکیلمك اوزره مکه یی ترکه مجبور اولدی . عرب لساننده
 هجرت تعبیر اولونان بوفراز مشهور بر تاریخ تشکیل ایتدی .
 مسلمانلر سنه لری صایمق ایچون بونی مبدا اوله رق استعمال
 ایتدیلر . (حضرت) محمد آرتق یالکیز نشر دین ایله اکتفا
 ایتهدی . سلاحه صاریلدی . دشمنلرینه نرده مصادف اولدیسه
 هجوم ایله دی . راست کلدیکی فافله لری ضبط ایتدیکی کبی مکه
 سکنه سیله ده مصادماتده بولوندی . فقط پیغمبر و رسول الله
 عنوانک محاربانده دائما احراز تفوقی تأمین ایتدیکنی ده
 کوردی . مع مافیه مکه یی اله کچیرمك سعادتنه نائل اولدی .
 بو مظفریت اوزرینه تلیدلرینک مقداری آرتدی . نهایت
 (حضرت) محمد اولدجه دغدغه لی بر حیات امرار ایتدکن
 صوکره مدینه ده ۶۳ یاخود ۶۵ یاشنده وفات ایتدی . حلیم ،
 سویملی ، دوستارینه صمیمی صورتده مربوط ، فقرایه معاونت
 ایتدیکی سور ، کیمسه یی قیرماز بر ذات دییه تصویر ایدیورلرم
 قادینلری فوق العاده صورتده سومشدر . فقط بو قصور
 بوتون عربلرده واردر . خلاصه دنیله بیلیرکه (حضرت)
 محمد ساده لك ، حلم و ملایمت و جهالت ظواهری آلتنده غایت
 معظم املار بسله یوردی . کندیسنی مقصدینه ایصال ایده بیله جك
 احوال و شرائطی تولید ایده بیلمك مهارتی کوسه تر مشدر .

(حضرت) محمدك وفاتندن سوكره هنوز ضعیف
وعربستانك بعض حواليسنه منحصر بولونان ایمپراطورلغی
اوزون مدت دوام ایدمه یه جك کچی کورونیوردی . فقط
کندیسنه خلف اولان ابوبکر اسلاملر آراسنه تفرقه دوشمه سنه
مانع اولدی ، پیغمبرك تصوارتنه دوام ایتدی . عاصیلری
وبالخاصه ، پیغمبر اولدیغی سویله یین و آرقه سنه برچوق عرب
طویلايان برینی تشکیل ایلهدی . چوق کچمه دن سوریه وفلسطینه
اردو سوق ایدمه یه جك حاله کلدی . مسلمانلر رومالیرله
حربه کیریشدیلر . ابوبکرك خلفی عمر زماننده ایرانه کیردیلر .
اوزون برمدتن بری موجود اولان ساسانیان ایمپراطورلغی
مغلوبیته اوغرادی . یویوزدن انقراضی تعجیل ایدلمش اولدی .
سوریه ده شام ، حمص ، قدس ودها سائر شهرلر مسلمانلرک
النه کچدی . اورادن مصره کیردیلر . ساسانیان سلاله سنك
صوك ایمپراطوری اولان یزدجرد مغلوب اولدی . بوتون ایران
عربلرک تحت حاکمیتنه کچدی . عمر اولدیکی وقت ملتنی ایرانه ،
خوراسانك برقسمنه ، مصره وسوریه یه صاحب برحاله
براقشدی . عثمان ، فتوحاتی آفریقایه قدر ایلریلتدی . بحر
سفید قطعه لرینه کچدی ، ماوراءالنهری آلدی ، تورکستان
حدودلرینه دایاندی . علینك دوری اغتشاشات ونفاق ایچنده
مرور ایتدی . بوسایه ده امیه عائله سی خلافتی اله کچیردی .
خلافت آرتق بوعائله ده ارثی اولدی . بوسلاله نك مؤسس

معاويه در . مسلمانان را ايمپراطور اغنك بدايتنده فتوحات او قدر سريع و ناکهانی اولمشدی که بوعربلر يونان ايمپراطور اغنی محو ايمه دن ، تاتارستانده و هندستانده دها ايلری يه کيتمه دن آرتق يکی فتوحاتده بولونا مازلردی . بورالری ايسه خليفه لرك مقررندن پك اوزاق مملکتلر ایدی . يالکز اسپانيا يکی بر فتوحات ساحه سی تشکيل ايتدی . مع مافیه يونانلیرله حرب ایدیلدی . دو کولن فانلرك ثمره سی اولمق اوزره بعض موقعلر آله کچیریلدی . امویلرده سائر بوتون ايمپراطورلقلر کي منقرض اولدیلر . بر پرنس اسپانيايه قاچدی . اوراده امیه عائله سنك شانی اعلا ايتدی . شرقدهده امویلر ايمپراطور اغنك انقاضي اوزرنده عباسیلر تأسس ایدیورلردی .

عربلر تورکستاندهده بعض فتوحاته نائل اولمشلردی . کایتلی اردولرله ایلی نهرينه قدر ایلریله مشلردی . ماوراءالنهر جوارنده يرلشمش اولان برچوق تورکلر ، یوقاریده سويله دیکمز وجهله عربلر طرفندن اسیر ایدیلشلردی . عربلر ايمپراطور اغنی داخلنده بويوك براسير تجارتی واردی . خليفه لر بوتورك اسیرلرندن اشترا ایتدیلر . صوکره لری ، کندی تبعه لرینك حکم ونفوذندن قورقدقلری جهتله اونلرك يرينه بونلری استخدام اتمکی مناسب کوردیلار . اک ابتدا خليفه معتصم بو اسیرلره بر قیمت و اهمیت ویره رک اردولرینه داغیتدی . حکمدار طرفندن صحابت و حمایت کوردکلرندن دولایي کستاخاغنی

آرتیران بواجنی عسگرلر بغداد اهالیسی ایچون تحملفرسا
برحاله کلدیلر. بووقوع بولان شکایتلری دیکله مکدن بیقان خلیفه
تورکلرک کستاخقلرینه برخاتمه چکمکدن ایسه سرمن رای-Sarm
anrai ه چکیلمکی ترجیح ایتدی. خلیفه متوکل زماننده بواسیرلرک
خلیفه نك حیاته سوء قصد ایتدکاری کورولدی. مستنصر
اونلرک یاردیمیه تخته چیقدی. مستعین تاجی اونلرک الندن
آلدی. نهایت اوقدر نفوذ کسب ایتدیلرکه ایمپراطورلغی
کیف مایشاء ادارهیه باشلادیلر؛ اک بویوک و کوزل ولایتلری
کیندیلرینه براقغه خلیفه یی مجبور ایتدیلر. بونلر اوپله کستاخ
تبعه ایدیلرکه متبوعلرینی تیره تیورلردی. رتبه ومناصبی
ظاهرأ خلیفه ویریور کبی کوروندیکی حالد حقیقتده بونلر
توجیه ایدیورلردی.

خلیفه لر ایمپراطورلغی داخاننده حکومت ادعاسنه جرأت
ایتمش اولان ایلك تورک، احمد بن طولون Thouloun در.
عن اصل باغارغار یاخود شاتو تورکاری نسلندن ایدی. بونلرک
منشائی یوقاریده کورلمشدر [۱]. پدری طولون [۲]، خلیفه
مأمونک کواهسی ایدی. ۲۲۰ تاریخ هجریسنده و ۸۳۵ تاریخ
میلادیسنده بغدادده تولد ایتمش اولان احمد برچوق مزیتلره
مالکدی. تورکلرک اعتمادینی قازانمشدی. ذهنده بویوک تصورات

[۱] بوندن اولکی کتابه مراجعت.

[۲] هجرتک ۲۴۰ تاریخنده [۷۵۴ میلادی] وفات ایتمشدر.

بسله مکه باشلادی . ملتیده کندیسینه دائماً مظاهر اولدی .
 پدرینک احراز ایتیش اولدیغی بوتون مناصبی خلیفه متوکل
 اوکا توجیه ایتدی . مؤخرأ شام والیدکنه تعیین ایدیلدی .
 احکام قرآنییه رعایتی [۱] ، اییلکی ، عدالتی ، علوم وفنونه
 محبتی سایه سنده بوتون مسلمانلر آراسنده وجسارتی حسبیلده
 تورکار بیننده اشتهار ایتدی .

وقتیله خلیفه زماننده عمرو نامنده برعرب قوماندانی طرفندن
 رومالیلرک الندن ضبط ایدیلن مصر اوزمان خلیفه لرایمپراطور لغنک
 اک کوزل ولایتلرندن برینی تشکیل ایدیوردی . خلیفه معتزه
 بویوک خدمتله ایفا ایتیش اولان احمد بورلایته نائل اولدی [۲] .
 معتزک خلافتدن محروم براقق ایستهدیکی مستعینی احمدک
 اولدیرتدیکنه دائر بعض دیدی قودیلر موجود ایدی . احمدک
 حکم ونفوذی یالکیز مصره منحصر دکلدی . خلیفه ، فرات
 نه رینه قدر سوریه بی ده اونک اداره سنه ویرمشدی . بووالیدن
 باشقه مصرده دوغروندن دوغرویه خلیفه یه مربوط وویرکو
 طویلامق وظیفه سیله مکلف بویوک برماأموردها واردی .
 غایت زنکین اولدیغی جهته اوراده بویوک بر حکم ونفوذ
 اکتساب ایتشدی . احمد اوندن پک قیمتدار هدیه لر آلدی .

احمد
 ابوالحسن
 سنه
 ۸۶۸

[۱] ابو حنیفه مذهبنه سالکدر .

[۲] ۲۵۴ تاریخ هجریسی رمضاننده .

مع مافیه آرالرنده حسد ظهور ایتدی. هرایکیسی ده بربرلرینی
خلیفه نك کوردنن دوشورمکه اوغراشدیلر . احتمالکه احمد
مغلوب اوله جقدی . فقط اوصیراده معتزک وقوع وفاتی [۱]
بومنازعاته نهایت ویردی . احمد ینه مصر والیلهکنده
ابقا ایدیلدی .

احمد بوولایته کیرر کیرمز، شوبحث ایتدیکمز اختلافادن
باشقه ، طبا طبا Thabathebites عائله سندن احمد [۲]
نامنده بر امیر ایله حرب ایتک مجبوریتنده قالدی . بوامیر ،
اسکندریه ده عصیان ایتشدی [۳] . اوراده برچوق طرفدارلری
واردی . بونلر برقه Barca یه قدر انتشار ایتشلردی عاصی
صوکره طیبید Saïd ou la Thebaïde یاخود صعیده چکیلدی .
اوراده مغلوب اولدی . کله سنی احمدده کتیر دیلر [۴] . بو عصیان
تسکین ایدیلر ایدیلز ایکنجی بر عصیان دهه وقوعه کلدی .
بوعاصی بن الصوفی [۵] Benes-souphi - نامنده ایدی . علی
نسلندن کلن بوامیر ، مصرک بر قسمنی تخریب ایتدی . احمدک
کوندرمش اولدینگی عسکر اوزرنده بر مظفریت قازاندی [۶] .
فقط صوکره اخمیم Akhmin ده مغلوب اوله رق پریشان

[۱] ۲۵۵ تاریخ هجریسنده .

[۲] بوغالا صفر .

[۳] ۲۵۵ تاریخ هجریسی جمادی الاولنده .

[۴] شعبان آینده .

[۵] اسمی ابراهیم بن محمد ایدی .

[۶] ۲۵۶ تاریخ هجریسی ربیع الاولنده .

برحاله الواحات Louah ه چکيلمکه مجبور اولدی .
 تورکلرک يابدقلىرى تجاوزات مهاديه نتيجه سنده صارصيامش
 اولان عرب ايمپراطورلغى انقسامه اوغرامغه باشلامشدى .
 تورکلر معترى تختدن اينديزه درك يرينه مهتدى يي چيقارمشلردى .
 بوده چوق كچمه دن توركلرله بوزوشدى . مقدارلىرى اون بيكه
 بالغ اولان توكلر تاغراب Tagrab نامنده كى رئيسلرينك
 قومانداسى آلتنده كلهرك كنديسنى سراينده محاصره ايتديلر .
 برمقدار عسكركر طويللايه بيلن خليفه اونلرله حرب ايتك
 اوزره ايلريله مشدى . قرآنى بويژه آصممشدى فقط اسيرايدلدى .
 دورلو دورلو حقاتلرد معروض قالدقن صوكره اولديرلدى .
 توركلر خلافتى معتمده ويرديلر . بو خليفه نك زمان اداره سنده
 احمد مصرده بوتون بوتون يرلشدى ، قوت بولدى . عيني زمانده
 زنج Zinges نامى ويريلن قومار بصره ده ، واسط Vas eth
 بن شونه ده وجوارلرنده كسب قوت ايتمشلردى . يعقوب بن صفار
 محرس المنصورى Soffaride بلخ ، نيشابور واهواز حواليسنى ضبط ايتمشدى .
 على سلاله سندن حسن ، خليفه لرك الندن طبرستانى آلمشدى .
 سامانى سلاله سندن نصر ماوراءالنهره مالك بولونيور ، حكم
 ونفوذنى توركستانه قدر تشميل ايدىوردى .
 ايسته خليفه لر ايمپراطورلغىك وضعيتى بوايدى . بوندن
 دولايى احمدك مصرده كى و بربرستانك برقسمنده كى حكم ونفوذى
 تقويت بوليوردى . مصر ايله طرابلس آراسنده كى برقه شهرى

احمد قارشى عصيان ايتىشدى. عاصيلرك باشنده محمد [۱] نامنده
 برامير بولونيوردى. احمد، قوماندانلارندن لؤلؤ Loulou نامنده
 برينك قومانداسى آلتنده براردو كوندردى [۲]. شهر ضبط
 ايدلدى. باشليجه عاصيار جزايه چارپديرلدى. بو مظفريت
 نتيجه سنده بوتون برقه الكاسى بنى طولونك تحت اداره سنده
 كيردى. بربرستان ساحلنك قسم متباقيسى اغلبيه Aglabites
 النده ايدى. بونلرك پايختى قيروان Cairouan شهرى ايدى.
 صوكره لرى [۳] احمد مصرده او قدر حاكم مطلق اولدى كه
 خليفه نك يالكز سكه لرده اسمى بولونمقدن، خطبه لرده نامى
 ذكر ايدىلىكدن باشقه بر حقوق قالماسدى. معتمد، احمددن
 ويركو ايسته مكه قالدغى وقت حقيقت حالك نه مر كزده اولديغى
 ادراك ايتدى. چونكه احمد ويركو ويرمكدن امتناع ايتدى.
 خليفه ويركو طويلامق وظيفه سيله مصره بر مأمور مخصوص
 اعزام ايتديسه ده احمد بو وظيفه ني كندى آدملىرى بربنه
 توجه ايتدى [۴]. خليفه بو حر كتى ايله آرتق مصرده هيچ
 حكم و نفوذى قالماش اولديغى هر كسه كوسترمش اولدى.
 احمدك نفوذى يالكز مصره منحصر قالمادى. شام واليسنك

[۱] محمد بن فرجع الفرغانى .

[۲] ۲۶۱ تاريخ هجرى چنده .

[۳] ۲۶۴ تاريخ هجرى سنده .

[۴] ابويوب احمد بن محمد .

ابوالفدا

سنه

۸۷۴

۸۷۷

ابوالمحسن

وفاتندن استفاده ایدەرك سوریه‌ی ده استیلا ایتدی . شام ،
حمص ، حما ، حلب شهرلرینی اله کچیردی . صوکره آنطاکیه
اوزرینه یورودی . اوراده سیمال Simal نامنده بر امیر واردی .
اونی تسلیم اولمغه دعوت ایتدی . سیمال اطاعت ایتمک ایسته‌مدی .
محاربه‌یه کیریشدیله . سیمال مغلوب و عرض اطاعته مجبور اولدی .
بونک اوزرینه آنطاکیه‌ده احمدك تحت حکمنه کیردی [۱] .
احمد بوصورتله یونان ایمپراطورلغنه قومشو اولمشدی .
استانبول ایمپراطوری کندیسینک دوستلغنه طالب اولدی .
اوکا عبدالله بن رشیدی کوندردی . بونانلیلر وقتیه بوقومانلانی
اسیر آلمشلردی . ایمپراطور اونکله برابردها بر چوق مسلمان
اسراخی ده تخلیه واعزام ایتمشدی .

سنه

۸۷۸

احمد ، سیمالیه قارشی حرب ایله مشغول اولدیغی صیراده
پدرندن یک چوق قورقان عباس ، عصیان ایتکی دوشونیوردی .
بر چوق تروت و سلاح طویلایه‌رق برقه‌یه چکیلدی . فقط
احمد اوکا قارشی بر اردو یوللادی . عباس طوتوله‌رق پدرینه
کتیرلدی . احمد ، اوغلانی حبسه قویدی . اوکا رفاقت ایتمش
اولان قوماندانلری اعدام ایتدیردی .

بر مدت صوکره [۲] حمص سکنه‌سی عصیان ایدەرك احمدك
اوراده براقش اولدیغی والی عیسائی ئولدیردیلر ، فقط بر آز

۸۷۹

ابوالفدا

[۱] ۲۶۵ تاریخ هجریسی محرمنده

[۲] ۲۶۶ تاریخ هجریسنده .

صو کره دائره اطاعته کیرمکه مجبور اولدیلر . احمد، قوماندانی یحرس المنصوری
 سیمایی اوچ یوز کشی ایله ، آقین یایمق اوزره طرسوس
 ۸۸۰ Tharse جهته کوندردی [۱] . بونلر مغلوب اولدیلر . فقط
 ایرته سی سنه اخذتار ایتدیلر . صو کره احمد کندیسنگ شام
 وفلسطین جهتلرنده ویرکو مأموری اولان احمد بن مدبرعلیمه
 یورودی . بونی اسیر ایتدی . بوتون اموال و املا کفی
 مصادره ایلدی . آنجق آلتی یوزبیک آلتون سکه مقابلنده
 سربست براقدی . قوماندانلرندن فرغانه لی خلف Khalaf
 یونانلیلرک اراضیسنه آقین یاپدی [۲] . مع مافیله احمدک هر طرفده
 احراز ایتدیکی بومو فقیتهلر حمص ، قنسیرین Kennnaserin ، حلب
 وجوارلرنده والی بولونان لؤلؤک دائره اطاعتدن چیقماسنه
 مانع اولامادی . بو قوماندان ، احمدک طرفنی ترک ایله [۳]
 ۸۸۲ خلیفه معتمدک برادری موفق بالله ک طرفنی التزام ایتدی .
 ایمپراطورلق داخلنده بویوک برحکم و نفوذی بولونان موفقک
 یانیه کیتدی . خلیفه بیله اونک بوقدرا کتساب نفوذ ایتسندن
 اندیشه ایدیوردی . موفق برحاکم مستقل کیلمیشدی .
 ابوالحسن مسکوکاتده نامی ضرب ایدیلیور ، خطبه لرده نامی ذکر
 ایدیلیوردی . معتمد ، برادرینک بو نفوذینه مقاومت ایتک

» » ۲۶۷ [۱]

» » ۲۶۸ [۲]

» » ۲۶۹ [۳]

اوزره مصره احمدك ياننه چكيلمكه قرار ویردی. فقط موفق،
 خلیفه نك مقصدندن خبردار اولونجه اونی توقیف ایتدیرهرك
 سرمن رایه عودته مجبور ایلهدی. عینی زمانده طولونی مصر
 والیلمکندن عزل ایدرهرك یرینه اسحق نامنده برنی تعیین ایتك
 ایسته دی. فقط بوتعیین کیفیتی ساده جه برتشریفاتدن عبارتدی.
 هیچ بر نتیجه فعلیه سی اولامازدی. موفق، خلیفه دکلدی.
 بویله بر شیه حق یوقدی. قوتلی بر اردویه مالک اولان
 احمد ازیله قولایجه عزله راضی اوله جق آدملردن دکلدی.
 بو خبری دویدینی وقت شامده ایدی. بر مجلس عقد ایتك
 اوزره علما و امرانك طویلانماسی ایچون مصره یازدی.
 بونلر شامه کلدیلر.

موفقك معتمد فارشی عصیانندن احمد بوهیئت خبردار
 ایتدی. ایمپراطورلغك اكا بر مأمورینندن اولان موفقك عزله
 ایدیلمه سی لازم کله جکله متفقاً قرار ویردیله. مصر قاضیسی
 البکار Abkar خلیفه نك امرینی کورمك ایسته دی. وقتیلهده
 اشتراك حقننده کی امر کوسترلمشدی. بوتکلیف، قاضینك
 سبب حبسی اولدی. بوتون املاکی مصادره ایدیلدی.
 کندی طرفنی بویله قوتله التزام ایدن بر آدمك انتقامنی آلمق
 ایچون موفق، حائز حکم اولدینی بوتون ممالکده بالخاصه
 بغداد ایله عراقده و خانه لرده احمدی تلغین ایتدیردی. احمدك
 عرس المنصوری بعض قوماندانلری شامده بو امرلری اجرا ایتدیردیله.

سنه
۸۸۴

رئیس-لری بازمان Bazman نامنده ایدی . احمدده مصرده
وس-وریده عینی شیئی موفقه قارشی یاپیدردی . مکه اوزرینه
براردو سوق ایتدی . فقط موفقک عسا کری بونلری مغلوب
ایتدیلر [۱] . عینی زمانده یونانیلیر یوز بیک کشیله سورییه
کیرمشلردی . طرسوس شهرندن آتی میل مسافهده قلمیه Galamia
شهرینی محاصره ایدیورلردی . بازمان بونلره قارشی یوروددی .
یونانیلری مغلوب ایتدی . پک چوق اسیر آلدی . بونلرک
آره-سنده برقاچده پسقوپوس واردی . غنائم آراسنده آلتوندن
و کوموشدن یدی خاچ کورولیوردی . بردانه سی الماسدن
برتاج ایله تزین ایدیلشدی . مصر طرفاری ده دها سا کن
دکادی . علی سلاله-سندن احمد [۲] نامنده بری طبیده
Thebaïde شهرنده عصیان ایتشدی . فقط مصر عسا کری
بونى مغلوب ایتدیلر . عاصی ، احمد بن طولونک امریه
اعدام اولوندی .

بو موفقیتمدن صو کره احمد چوق معمر اولمادی . طرسوسدن
عودت ایدیوردی . آنطاکیه ده بر آز توتف ایتشدی .
او قدر چوق یوغورت یدی که سوءهضمه اوغرادی . بحرأ
مصره کیتدی . اوراده ۲۷۰ سنه سی ذی الحجه-سنده وفات

[۱] ذی القعدة آینده .

[۲] احمد ابن عبدالله ابن ابراهیم ابن اسماعیل ابن عبدالله
ابن حسن ابن حسن ابن علی .

ایندی . حال احتضارده ایکن شو سوزلری سویله دی :
 « یاربى ، حکم و قدرتک حدودلری نه اولدیغنی بیلیمه مش
 اولان بریچارهیه مرحمت ایت . لطف و عنایتکه اونی مستغرق
 ایله . » وفاتندن اول کندیسی ایچون دعالر ایدیله سنی مسلمانلره
 خرسیتیانلره ، یهودیلره امر ایتشدی . قاهره قربنده مقطم
 یحرس المنصوری دنیان تپهیه دفن ایدیلدی . الی یاشنده ایدی . اون یدی
 سنه حکومت سورمشدی [۱] . اوتوز اوچ چوق ویک
 چوق ثروت براقدی . ثروتی برمیليون آلتون سککیه ، یدی
 بیک کولهیه ، برچوق بارکیر ، دوه و قاطره ، دها سائر
 حیواناته بالغ اولیوردی . اونک دورنده مصرک وارداتی اوچ
 یوز میایون آلتون سککیه بالغ اولیوردی .

بن شونه
بن بطریق
یحرس المنصوری

احمد علوم و فنونی سوردی . علمایه قارشی سمیح ایدی .
 فقرايه پک چوق صدقه ویرردی . بو مقصدله بغداده ،
 مککيه ودها بر چوق شهرلره پک مهم مبالغ کوندریردی .
 فقط ظالمدی . قانی سوردی . اونک امريله محبسlerde اولن
 کیمسه لرك مقدارى اون بیکه بالغ اولمشدر . یکی قاهره ایله
 اسکی قاهره آراسنده بنی طولون جامعى ناميله یاد ایدیلن بر
 جامعدن باشقه بر سرای ، عمومی میدانلر ، تجارت ایتکه کلن

ابوالمحاسن

[۱] تاریخ الاسحاقیه کوره ۲۱ ذی القعدة ده وفات ایتش ، یکرى
 سنه حکومت سورمشدر . ابوالفدا ، ۲۷۱ تاریخنده وفات ایتدیکنی
 سویلیور .

مەتلەك اسمايلىق ياد ايدىلار چارستىلار ياپدىردى . بر دانه يوناندىلارە مخصوص بر چارشى واردى . احمد ، خرسىتيانلار ك تشويقيلىق خرسىتيانلار علمىندە مظلۇمدە بولۇنمىشدر . ساقا Saca پىسقىوسلارندىن برى مناسبىتىمىز حرىكاتدن دولايى كلىسانك توبىخ ومۇاخذە سنە دوچار اولدىغىدن فسطاط Phosthat ە كىتدى . اسكى قاھرەنك بر طرفنە بونام ويرىلىوردى . بو پىسقىوس احمدلە كوروشدى . اسكەندريە بطريقى مىشلەدە غايت بويونك بر ثروت بولۇندىغى ، تشبث ايتدىكى سوريە سىفرى اىچون بو پارەنك كفايت ايدە بىلە جكنى سويلەدى . احمد درحال بطريقى حضورىنە جاب ايتدى . مالك اولدىغى پارەنك ودى قىمت مزىناتك تسالىمنى طلب ايلەدى . بطريق هىچ بر ثروتى بولۇنمادىغى ادعا ايتدىسەدە زنجىرە اورولدى . آنجق يكرمى بىك آلتون سەكە ويرە جكنى وعد اتمەسى اوزرىنە حبسدن قورتولدى . بو پارەنى تدارك اىچون اسكەندريە كلىسانك بر قىسمى وبوكامربوط املاكى يهودىلارە صاتمغە وەر خرسىتيانە سنوى برويركو وضع اتمەكە مجبور اولمشدى .

احمدك وفاتىدن سوكرە اوغلى ابوالجىش خارويە عسكر ابوالحسن طرفىدن حكمدار انتخاب اولۇندى [۱] . اون بش ياشىندە بحرس المنصورى ايدى . تختە چىقار چىقمار ، پدرىنك حبس ايتدىرمىش ابوالفدا بن بطريق

[۱] ۱۱ ذى القعدة . خارويە هجرتك ۲۵۵ نجي وميلادك ۸۶۹ نجي

سنە سنە سىرمن رايدە تولد ايشدى .

اولدینگی برادری عباسی قتل ایتدیردی . سوریه اردولرینک قومانداسینی عبدالله احمد ، دیگر اردولرک قومانداسینی ده سعدالایسر Saadelaïsar ویردی . سوریه ساحلارنده ترصداتده بولونمق اوزره سفینهلر کوندردی . برادرینی اولدیرتمکی اوکا توصیه ایتمش اولان عبدالله ، خمارویهنک بو یابدیغنه نادم اوله رق کندیسنه خصومت بسلامه سنندن قورقدی . فلسطینده اوتوردینگی و سرایدن اوزاق بولوندینگی ایچون موفقک معاونتنی تأمین ایتمک ایسته دی . بوکا بر مکتوب یازدی . خمارویه دن استحضافکارانه بحث ایتدی ، اوکا هجومه تشویق ایله دی . عینی زمانده شام ، حلب ، حص اهلایسینی آياقلاندیردی . موفق ، سوریه نی ضبط ایچون بونک بفرست تشکیل ایتدیکنی کورو حجه یاننده اسحق بن کنداج Kendadge و محمد بن ابوالساج Aboussadqe اولدینگی حالدده بغداده حرکت ایتدی . رقهیه کلدی . قینسرین ایله جوارلرینی ضبط ایله دی . خمارویه نک قوماندانلرینی بوزدی [۱] . شامه کیردی . بوهزیمتدن خبردار اولان خماریه بویوک براردو ایله سوریهیه کلدی . ابی فیطرس Aboupetros نهری — که فلسطینده بوکا طواحين Taouahin ده دیرلر — قریبنده احمد بن موفق ایله قارشیلانیدی . بومحاربدهده مغلوب اوله رق پریشان برحالدده مصره قاچدی . بوهزیمتدن خبردار اولمایان

قوماندانلارندن سعدالایسر احمده هجوم ایله مغلوب ایتدی .
صوکرده شام اوزرینه یورودی . فقط خلق اوکا قاپیلری آچمقدن
امتناع کوستر دیلر .

سنه
۸۸۵

بومظفریت سعده ، خمارویه قارشی برحس استخفاف تلقین
ایتدی . اونک ایچون عصیان طریقه صایدی . حربه باشقه
مصائبده منضم اولدی . مصرده وقوعه کلن برحرکت ارضده
برچوق مبانی ییقیلدی . برچوق خلق انقراض آلتنده قالدی .
خمارویه ، قوماندانک حرکاتی مصرده دوییدی [۱] . درحل
فلسطینه کیتدی . فقط برشی یامغه موفق اولمق سزین دوندی [۲] .
مصرده یکیدن عسکر طویلا دقدن صوکرده تکرار سوریه
یولنی طوتدی [۳] . سعدی مغلوب ایدرک اولدیردی [۴] .
شامه کیردی ، ضبط ایتدی . برمدت بوراده قلدقدن صوکرده
اسحق بن کنداجه قارشی یورودی . غالبیت دشمنلر لهنده تجلی
ایده جکی صیراده ، برمقدار عسکرله غایت ای ثبات کوسترمش
اولدیغندن دولانی عسکرلرینی طویلامغه موفق اولدی . سحقی
مغلوب ایدرک عراقده سرمن راییه قدر تعقیب ایله دی . بو
مظفریت هر طرفده خمارویه ته تأمین حرمت ایتدی . موفقه صالح
تکلیفنده بولوندی . اوتوز سنه مدته مصر ، سوزیه و حدودلر

۸۸۶

[۱] بورایه ۳ ربیع الاولده کیتمشدی . ۷ رمضانده مفارقت یتدی .

[۲] ۱۳ شوال .

[۳] ۲۷۲ تاریخ هجریسی ذی القعدة سنده .

[۴] ۲۷۳ تاریخ هجریسی محرمده .

قوماندانلارنى استحصال ايدەرك صالح ياپدى . بو اوراق غايت
موثوق ايدى . خليفه معتمد ايله موفق واوغلى طرفىدىن امضا
ايدىلشلىرى . بونلرى سوريەدە ايكن آلدى ۱۱۱ . سو كورد
مصرە دوندى اورادە ابتدا خليفه سو كورد موفق نامە
خطبە او قوتدى .

سنه

۸۸۸

بو حكمة ارلر آراسندە صالح منعقد ارلدقن سو كورد
خمارويه مملوكلارى، آراسندە تأسيس سكون ايتمكە چالاشدى .
كنديسى يالكىز اذواق و حظوظاتى ايله مشغول بر دليقانىلى
كجى كوسترن شامدەكى اميرى سعدالايىسرك عصيانى بر چوق
قاريشقلىقارە ميدان ويرمشدى . سلاحه صاريلش اولان شام
سكندەسى منبرلردە خمارويه نامە اعترار ايتىلدى . خمارويه
اورادن، بر اردو ايله الكاسنە كيرمش اولان محمد بن ابوالساجە
فارشى يورورى . شام قربندە محاربە يە طوتوشدىلر . محمد مغلوب
اولدى . بوتون اشياىى اغتنام ايدىلدى . كنديسى رقبە يە قاچدى .
خمارويه آرقە سندن تعقيب ايتدى . حمصە كى بوتون ثروتى الە
كچىردى . فراقى كچەرك موصلة واصل اولدى . تكريت Tekrit
قدر دشمنى تعقيب ايتدىردى . خمارويه نك قوماندانى بن كنداج
Benkendadge دجلە يى كچەك ايچون بر چوق قايق طوپلادى .
ابوالساج رقبە يە عودتله موفق دن امداد ايستەدى . سو كورد بر
محاربە وقوعە كلدى . بو محاربە يى متعاقب ابوالساج بغدادە

کیتدی . خمارویه مصره دوندی [۱] . ایرتهسی سنه لر کاه
 اسکندریه کاه سوریه سیاحت ایتدی . طرسوسی ضبط ایتش
 اولان اسکی قوماندانلرندن بازمان ایله صالح یادی [۲] . بونک
 نتیجه سنده او شهرده خطبه خمارویه نامنه اوتوندی . صوکره
 یونانلیرک اراضیسنه بر آقین اجرا ایتدی [۳] .

خمارویه، بر سنه اول خلیفه معتمدک وفات ایدهرک موفقتک
 اوغلی ابو عباسک معتمد نامیه تحفه چیقدیغنی خبر آنجه بو
 یکی خلیفه ایله صالح عقد ایله دی . اوکا حسین نامنده بر سفیر
 کوندره رک خلیفه نک اوغلی علی یه قیزی قطراندا Cotrelnada یی
 ویرمک ایسته دی . فقط خلیفه قیز ایله کندیسسی ازدواج
 ایده جکنی سویله دی و ازدواج مؤخرأ اجرا اولوندی [۴] .
 عقد اولونان معاهده موجبجه خمارویه فراتدن آفریقاده برقهیه
 قدر اولان ممالکده اوتوز سنه مدته اجرای حکم ایتمه
 صلاحیت کسب ایدیوردی . هر سنه خلیفه یه ایکی یوز بیک
 آنون سکه ویرمکی تعهد ایتدیکی کبی ماضییه محسوبأده مهم
 بر مبالغ تأدیه ایده جکدی . خلیفه دن اون ایکی خلعت، برقیلیج
 و حمائل و بر تاج احسان آلدی . خلیفه نک بو ازدواجه
 رضا کوسترمه سی خمارویه یی محو ایتک ایچوندی . خمارویه صوکره

[۱] ۲۴ جاذی الآخر، ۲۷۶ .

[۲] ۲۷۷ تاریخ هجریسنده .

[۳] ۲۸۰ تاریخ هجریسنده .

[۴] ۲۸۱ » »

سنه

۸۸۹

۸۹۰

محرم المنصوری

۸۹۳

دیار بکری

ابوالفراج

ابوالحسن

۸۹۴

ابوالفراج

یونانیلرله حرب ایتدیکی دوشوندی . قوماندانی شام والیسی

طغیج بن جف Thongdge fils Dgiouph طرسوسه کیتدی .

سنه

اوراذن ، معیتده کی عسکرله جواره یاییلدی . بر چوق

۸۹۵

اسیر آلدی . خمارویه ، خلیفه ایله عقد ایتدیکی صلحدن اوزون

مدت مستفید اولامادی . مصری ترک ایله شامده اقامته گلشدی [۱۱] .

بن بطریق

اوراده تورا Toura نهری قربنده ماران مناستری یاننده

ابوالفدا

بر سرای بنا ایتدیرمشدی . مستفرشه لرندن بعضیلری کوله لرله

یحرس المنصوری

مناسبات عاشقانه ده بولونمشلردی . خمارویه بوندن خبردار

اولمشدی . مستفرشه لر مستحق اولدقلری جزادن قور تولق

ایچون خمارویه نی اویقوده ایکن باصدیلر ، بعض کوله لرله متفقاً

قتل ایتدیلر [۱۲] . فتلار در حال توقیف اولونهرق جزایه

۸۹۶

چارپدیریلدی . بونلرک باشلرینی مصره کوتوردیلر . نعلشلی

شامده تشهیر ایدیلدی . خمارویه مصره نقل و مقطم داغنده

دفن ایدیلدی . وفاتی بونون ممالکینی کدره مستغرق ایتدی .

بو حکمدار تحته چیقدیغی وقت مصر شهرنده او یله بنالر

ابوالحسن

یاپدیردی که حشمت و عظمتلری مسلمانلری صنایع نفیسه یه

اهمیت ویرمز باربارلر کی تلقی ایدن کیمسه لری حیرته براقیر .

انشا ایتدیردیکی محشم سرائیک اطرافنده بویوک باغچه لرواردی .

مصرده حس ایدیلن شدت حرارتدن بوراده مصون قالمق قابل

[۱] ۲۸۲ تاریخ عجریسنده .

[۲] ذی الحجه آینده .

اولوردى. شرق حكمدارلرينك عطالت و رخاوت حسسلرينى
نمون ايدە بلەجك هرشى بورادە موجود ايدى. طرحلر
ياسمىلردن و دها سائر چيچكلردن ياپىلمىشىدى. بونلر قرآن
سورەلرينى ارانە ايدەجك صورتدە تنظيم ايدىلمىشلردى. بو
چيچكلدن يازىلرى او قوموق قابىلدى. خورما آغاچلرينك اطرافى
يالدیزلى باقىرلە محاط ايدى. اچلارندە قورشون بورولر ترتيب
ايدىلمىشىدى. اوجارى ديشارى يە متوجه ايدى. آغاچك اطرافندە
بو صورتلە متعدد چشمه لر وجودە كليوردى. بر طرفدە دورلو
دورلو قوشلرلە دولو بويوك بر اخشاب قوله واردى. بر آز
اوزاقدە بر سالون كوروليوردى كە ديوارلرى ماوى بويانمىش
و آلتونلرلە يالدىزلانمىشىدى. حكمدارك و بوتون فاريلرينك آغاچ
اوزرينە بويالە ياپىلمىش رسملىرى بورادە كوروليوردى. بو
هيكلارك باشلرينە الماسلرلە مزین تاجلر موضوع ايدى. قولاقلىرىندە
كوپەلر طاقلىمىشىدى. اوزرلرينە اك زىنكىن قاشلردن ياپىلمىش
اثوابلر كيديرلمىشىدى. منسوب اولدينى ديندە رسم كناه اولمقلە
برابر بو حكمدارك بويلەشىلرە صرائى واردى. زمان اداره سنده
صنايع نفيسه ترقى ايتدى. بو قىيل بنالره باقه رق بو بابدە هيچ
تبهه ايتيورز. بو مبانى يالكنز ذوق سليم ايله دكل عظمت
و حشمتلريلەدە حيرت بخش اوليورلردى. سرايدە غريب بر
حوض ياپىلمىشىدى. يكرمى بش مترو قدر كنىشلىكى، بر بو قدردە
اوزونلغى واردى. اچى جىوا ايله دولو ايدى.

غایت بویوک بر مصرف ایله وجوده گمیشدی .
 حوضك اطرافى مرمى ستونلارله محاط ایدی . ستون
 باشلقلىرى کوموشدن یلمشیدی . ستونلارینه کوموشدن چنبرلر
 کچیرلمشیدی . بونلره ایپکدن ایپلر طافارلر ، اوزرینه برسدیر
 قورارلردی . سديرك ایچی هوا ایله دولدیرلمشیدی . خارویه
 بونك اوستنه یاتدیغی وقت ایچندن هوا چیقار ، جیوه طبقه سنی
 صارصاردی . بوحوضه عکس ایدن کونش ، آی ویلایزلر
 غریب وخارقه آمیز بر تاثیر یاپارلردی . دیگر بر طرفده یوکسك
 برکوشك بنا ایتدیرلمشیدی . اطرافى شدت حرارتدن تحفظ
 ایچون خالیلرله محاط ایدی . بونقطه دن سرای ، باغچه لر ، مصر
 شهرى ، چول ، نیل و صحرا هپ کورولوردی .

خارویه بویوک بر حیوانات باغچه سى ده یاپدیرمشدی . بوراده
 هر دورلو وحشى حیوانلر بسله نیوردی . هپسك مرمى
 حوضلرله کندیسنه مخصوص بریرى واردی . بورالردونچدن
 بورولرله صولر کایردی . بونانك اوزرنده قوم ایله اورتولی
 بویوک بر میدان ، بونك اورته سنده بر حوض موجود ایدی .
 بو حیوانلره باقمق ایچون مخصوص آدملر تعیین اولونمشدی .
 حیوانلرك یرلرینك قاپیسی یوقاریدن آچیلیردی . حیوان بویوک
 میدانه چیقدیغی وقت بورایه کیررلردی . خارویه آرا صیرا بو
 حیوانلری بر برلریله غوغا ایتدیریردی . بوحخنه ده بوتون سرای
 خلقى حاضر بولونوردی . انسانه او قدر آیشمش بر ارسلان
 واردی که حکمدار سفرده یمك یرکن کلوب یاننه اوتوروردی .
 بونی علی العاده سرایده باشی بوش براقیرلردی . کیمسه یه بر

فئالقی یا پامازدی . خمارویه او یودیغی وقت یاننده بکلی ، کیمسه نك
یا قلاشمانه مساعده ایتزدی . بو حکمدار ك آخورلری ده
بوتون بومبانیك عظمت و ثروتلیله متناسبدی . کزیده عسکرلردن
مرکب ، غایت مکلف و مزین صورتده مایس بر مفرزه
عسکریده وجوده کنیرمشدی . بورایه آنجق غایت اوزون بویلی ،
جسارتلری مجرب ، اخلاقلری ای کیمسه لری سچرلردی .

بو تفصیلاته باقه رق خمارویه نك ثروتی و مصرک وارداتی
حقنده بر فکر ایدنیله بیلیر . بو انشآت قدیم مصر قرالری نه
لایق شیلردی . مصرک دائماً خارقه لر وجوده کتیره بیلیمه سی
ایچون اوراده بر حکمدار ك اقامت ایتسندن باشقه صانکه بر
شیئه احتیاجی یوقایمش کبی کورونیوردی . بزی آلآن حیرت نره
غرق ایدن اهراملرک او معظم منظره سی ، کوزینك او کنده
دائماً بونی بولوندیران بر حکمداره عظمت و احتشام حسی ،
بویوک مبانی ذوقی الهام ایده بیلیردی .

خمارویه وفات ایدر ایتمز امراطوپلانه رق هنوز بر چوجوق
بولونان اوغلی جیشی تخته چیقاردیلر . فقط بر قسمی ده بوکا
اعتراض ایتدیلر . تاجک ، عموجه سنه ویریمه سنی ایسته دیلر .
بو مناسبتله بعض کورولتولر چیقادی . جیشک عموجه سی
اولدیرلدی . حکمدار اولماسنی ایسته ینلره باشنی آتدیلر . بونك
اوزرینه فرقه سی محو اولدی . مع مافیه جیشک زمان اداره سی
سکونت ایچنده کچمه دی . ایرته سی سنه ۱۱۱۰ . شام والیسی طنج
بن جف ، جیشی خلع ایتدی . بو چوجوق والد سیله برابر

قتل ایدیلدی . مصرک پایتختی یاقیلدی . خارویه نك اوغلی
هارون تختہ چیقاریلدی . اون یاشنده ایدی . هر سنہ خلیفہ یه
بر میلیون بش یوز بیك آلتون سکهدن مرکب برویرکی یوللامغی
تعهد ایتدی .

سنہ

۸۹۷

اونك زمان اداره سنده مصرده خارق العاده وقایع تحدث
ایتدی [۱] . شدتلی بر روزکار اسهرک اولری ییقدی . هر
طرفی غایت اینجه قیرمزی بر قوم قیلادی . کونشده درت
آتش ستونی کوروندی . ایرته سی کونی روزکار آزالدی .
فقط هوا ، طوپراق ، آغاجلر و بوتون منظور اولان شیلر
قیرمزی رنکده کورونیوردی . اوکله یادوغرو هرشی صاری
اولدی . نهایت ایرته سی کون وقت ظهردہ سیاه رنکه کیردیله .
ایکی سنہ صوکره [۲] بر زلزله حس ایدیلدی . هواده اوتیه
بری یه کیدوب کان آتشلر کورولدی .

بی طولونك مصرده کی قدرت وشوکتلری پك زیاده
آزالدی . طرسوس عصیان ایتدی . خلیفہ معتضد دن بروالی
ایسته دی [۳] . خلیفہ ، امد Emed و قنسرین شهرلرینی هارونك
الندن آلدی . فقط ایرته سی سنہ [۴] هارون بو حوالی پی

ابوالفدا

۸۹۸

۸۹۹

[۱] ۲۵۵ ربیع الاول ، ۲۸۴ ، پنجشنبه .

[۲] ذی القعدہ ، ۲۸۶ .

[۳] ۲۸۵ تاریخ هجریسنده .

[۴] ۲۸۶ « «

اوندن طالب ايتدی . هر سنه درت يوز اللی بیک آلتون سکه
تأديه سنی تکلیف ایلهدی . خلیفه راضی اولدی . خلعت
وقیلیج کوندردرک مصر حکومتی عهدده سنده ابقا ایتدی .
هارون ، سوریه ده بعض تشبثاتده بولوندی ۱۱۱ . فقط
بوراده قرامطارک عصیانی [۲] عارونک اوردوسنی وبالخاصه شام
والیسی طنجه پک مشغول ایتدی . بو قوماندان عن اصل
فرغنه لی بر تورک ایدی . عاقلارنده حرکت ایتدیکی قرامطه
بر نوع رافضی ایدیلر . مؤسسلی قرامط نامنی طاشیوردی .
بعضیلرینه کوره کوفه جوارنده حمدان قرامط نامنده برکویده
تولد ایتشدی .

صوکرده بو کویک اسمی اوکا علم اولمشدی . بعض مورخلرایسه
چهره سی کوچوک و بیچیمسز اولدیغندن دولایی بومعنايه کان یحرس المنصوری
قرمط کلمه سیله تسمیه ایدیلدیکی ادعا ایدیورلر . سجرس المنصوری
بونک خوراساندن نشئت ایتدیکی ، کوفه قربنده نه رین
قریه سنه کلدیکی ، اوراده تجارلرک خدمتنده بولوندیغنی سویله یر .
تجارلر ، خدمتندن ممنون اولما دقلری ایچون کندیسنی دو کدیله
ویولده براقدیله . خسته ایدی . نبطی لساننده قیرمزی کوزلی
معناسنه قرامط لقبیله یاد ایدیلن حمدان اسمنده بری اونی
قورتاردی . بومذهب سالک لرینه دینسز نظریله باقیورلر . آزوقت

» » ۲۸۸ [۱]

» » ۲۸۹ [۲]

ایچنده طرفدارلری بوتون سورییه وجوار ولایتلره یایلدیلر .
 بونلری ایچون برچوققان دو کولدی . بومذهبک هانکی تاریخده
 ظهورایتدیکی معین دکلدر . سیوطی ۲۷۱ تاریخ هجریسند [۸۸۴
 تاریخ میلادیده] اولدیغنی سویله یور . باشقه مورخلر ایسه برقاچ سنه
 صوکر دیغنی ۲۷ تاریخ هجریسند ظهورایتدیکی فکر نده درلر .
 هر حالده ، قرامده نك الله قیلج ایله نشر ایتدکلری بومذهب ،
 اسلامیه مغایر ایدی . برپیغمبر کی تاقی ایدیلن قرمط ، ساکن
 اولدیغنی محل اهالیسنی کندی علیهنه آیاقلاندیردی . یاقه لایه رق
 حبسه طیقیلدی . طرفدارلری قرمطک تکرار دیریلدیکنی اعلان
 ایتدیلر . حبسدن قاچق یوانی بولمش ، سورییه کچمشدی .
 تیلدیلری آراسنده اون ایکی دانه سنی انتخاب ایدرک بونلری نشر
 مذهب ایچون اطرافه کوندردی . ابتدا غایت زاهدانه و متقیانه
 برحیات سورییوردی . خلقه کندیسنی صایدیرمق ایسته ینلر
 ایچون بو واسطه دائمی تأمین موفقیت ایدر . مسلمانلرک کونده
 قیلدقلری بش وقت نماز یرینه قرمط اللی وقت نماز امرایتدی .
 صیق صیق آبدست آلمغی منع ایله دی . شرابی حلال قیلدی .
 اوروجی بوتون سنه ده ایکی کونه ایندیردی . برده نوروز ایله
 مهر جان یعنی انقلاب صیفی وشتوی کونلرندن عبارتدی . محمد
 بن حنیفه نك رسول الله ، جبرائیل و عیسا کی تلقی ایدیله سنی ،
 حجت قدسه وقوع بولماسنی ، نماز قیلارکن بو شهره توجه
 اولونما نی امرایتدی . یهودیلر ده کی جمعه یرته سی ، مسلمانلر ده کی

جمعه كونه مقابل بازار ايرتەسى كۈنى يۈم تەعطيل و دعا اولمق اوزره قبول ايلهدى . مسلمان مراسمندن بر قسمنى تخفيف و تعديل ، بر قسمنى تشديد ايدىوردى . عشريرينه اموالك خمسنى آليوردى . اماملرينه معصوم نامنى و يرييورلردى . (حضرت) محمدك احكامنى ھې رمن و اشارت طريقيه تاويل ايدىيورلردى . قرآنده منع ايديلن زنا ، بونلر نظرندە رئيسلرينه كور كورينه بر اطاعت يحرس المنصورى لزومنى مشعر ايدى . اوروج ، يابانچيلار حضورندە سرائر دينه دن بحث ايتەمك ديمكدى .

صوكره بو قرامطه مختلف قوللارە آيريلديلر . ايجلرندە اك مهمى اسماعيليه در . حتى بعضلرى قريمنك اسماعيليه مذهبك مؤسسى اولان اسماعيل ابن جعفر كك كولهسى اولديغنى سويله يورلر . عجمجه نشئهلى معناسنه اولان خرم كله سندن تشكيل ايديش اولان نام ايله خرميلر ياد ايديلن مذهب اسكى ماثلرك بقاياسيدر . بابكيلر بابك الخرمك مذهبنه سالك اولانلردر . بونلرك مذهبندە سنده بر كيجه واردركه او كيجه بوتون قادينلرك مشترك اولديغنه اعتقاد واوكا كوره حركت ايدرلر . محمريلر قيرمزيلر كينمش كيمسه لردر . سبيعيلر دنياك يدي ييلديز طرفندن اداره ايديلديكى اعتقادندە اولدقلىرى ايجون بونلره يدي معناسنه كان سبيع كله سنده اضافتله بواسم و يرييلشدر . تعليميلر آنجق كندى اماملرندن كان مذهبي قبول ايدرلر . اليوم سوريه داغلرندە ساكن اولان

درزىلارك بوقديم مذاهب سالكلرى اولمالرى اغلب احتمالدر .
 خليفه معتمد دورنده قرامطه ، كلدانستان كويلرنده .
 يوزكوس-ترمكه باشلاديلر . باشلرنده قراساح Kersah نامنده .
 برئيسلرى واردى . بعض حر كترلرده بولونديلرسهده آرقهسى
 كلدى . معتضد زماننده دها قوت كسب ايتديلر . ابوسعيد
 جنابى نامندهكى رئيسلرى برچوق طرفدار طوپلادى .
 عربستان شهرلرندن حجر Hadgiar ى ضبط ايتدى . بونى
 كنديسنه پايتخت ياپدى . فقط قرامطه نك صرف ايتدكلرى
 اك بويوك غيرت هارون طرفندن شام واليسى بولونان طنج
 زماننده سوريهده ياپدكلرى حر كتده نمايان اولور . اسماعيل ،
 بعضيلرينه كوره يحيى نامندهكى رئيسلرى عسا كريله برلكده
 رصافه قربنده ايدى [۱] . خليفه مكنتفينك بوكا قارشى سوق
 ايتديكى قوماندان محاربهده مقتول دوشدى . بونك اوزرينه
 قرامطه سوريه طرفلرينه ايلريلهديلر . طفجك عسا كرى متعدد
 مصادماتده مغلوب اولديلر . شام محاصره آلتنه كيردى . طنج
 درحال هارونه ايشى بيلديردى . اوده عسكر يوللادى .
 شام قربنده قناقر Kanaker دينان بريرده برمحاربه وقوعه
 كلدى . طرفيندن تقريباً يكرمى بيك ضايعات ويرديلر .
 قرامطه رئيسى مقتول اولدى . هارونك اردوسى شامه وطبريه
 چكيلدى . قرامطه اردوسى ده حمصه كيتدى . رئيسلرى

سنه
 ۹۰۲
 بن بطريق

اسماعيلك بعضلى طرفندن نېم بعضىلى طرفندن حسين
 دنيلن برفاردشى واردى . بونك لقبى يكرمى ايكي ياشنده
 احمد ايدى . بو احمد ، اردونك انقاضى طويلادى . يكي
 عسكر جلب ايتدى . حمص شهرىنى محاصره وضبط ايلهدى . نوپرى
 اورادن شام اوزرينه يورويهرك ويركويه باغلادى . حتى ، بحرس المنصورى
 سمره ، بعلبك جوارلرني تخریب ايتدى . سلميه اهاليلى
 مقاومت كوسترمك ايستهديلر و كنديسى پوسكورتديلر .
 فقط تكرر هجومه معروض قالنجه تسليم اولديلر . سور
 قاپلرني آچديلر . بوتون شهر سکنهسى ياشلرينه ، جنسلرينه
 بالقلمقسزين هپ قيليچدن كچريلدى . بوتون بوشهرلرده حسين
 كندى نامه خطبه اوقوتيوردي . مهدي امير المؤمنين
 عنوانى آلتى .

ديكر طرفدن خليفه مكنتى ، طولونيلرك كرك مصرده
 كرك سوريهده ضعفلرينى ، سوريهده قرامطيه مقاومت
 ايدمه دكلرينى خبر آلمش اولديغى جهته بونلرى محوايچون
 قطعى برغیرت صرف اتمكه قرار ویردی [۱] . مصرى تكرر
 عباسى خليفه لرینك تحت حکمنه آلق ايسته يوردى . بويوك
 برادر و ايله محمد ابن سليمان سوريهده نوندردى . كنديسىده
 رقيه كيتدى . محمد ابتدا حمصده قرامطيه هجوم ايله اوللرى
 پریشان ايتدى . صوكره شام اوزرينه يورودى . شهرده
 هارون طرفندن بدرالحامى قوماندان ايدى . شامى آله كچيردى .

اورادن مصره کچمک فکریله فلسطینه کیردی . هارون ، عباسیه قربنده خوف Houph دنیان بریره چکیلمشیدی . خلیفه نك قوماندانه قارشى قویمغه عزم ایتدیکی ایچون بورایه برچوق عسکر طویلامشیدی .

محمد مصره کیتدیکی صیراده مکتفینک کوندردیکی سفینه لر تنیس Tanis ه واصل اولدیلر . هارونک دونانماسنک قومانداسی دمیانه Damien نامنده بر رومه تودیعی ایدیلمشیدی . فسطاط Fosthat قربنده بر محاربه وقوعه کلدی . هارونک اردوسی بوزولدی . هارون برچوق قوماندانلرک کندیسنی ترک ایتمش اولدقلرینی کوره رک معیتده صادق قالمش عسکرلرله مقاومت کوسترمک ایسته دی . فقط طولونک طورونی شیبان Sibān اثنای فرارنده اونى اولدیردی . شیبان برقاق کون حکمران اولدی . هارونک قوماندانلری انقراضی محقق کوردکلری بر عائله یه طرفدارلق ایتک ایسته میورلردی . طلب ایتدکلری تأمیناتی آلدقن صوکره خلیفه نك قوماندانه تسلیم اولدیلر . بو معاهده موجبنجه مکتفی نك عسکرلری هیچ بر مقاومتیه مصادف اولمقسزین مصره کیردیلر [۱] . شیبان ایله برادرلری عرض تسلیمیتیه مجبور اولدیلر . شیبانک عسکرى داغیلدی . کندیسیده قاچدی . محمد بنی طولون

طرفداري اولان بوتون امرايى بغداده كوندردى . اورته لىغى ابو الفدا
 تسكين ايچون مصرده آلتى آي قالدى . صوكره عراقه دوندى .
 خليفه بنى طولوندى اون ذاتى قتل ايتدردى . شيبانك ده دربار
 بوميانده بولوندىغى ادعا ايدىليور . بونك اوزرينه مصر ايله
 سوريه تكرر خليفه نك تحت اداره سنه كچدىلر .
 بوصيراده هارونك قوماندانلردن محمد بن على الخليجي
 بن بطريق al-khalidgi سوريه ده تكرر بنى طولون حكومتى تاسيس
 ايتك ايتدى . بر مقدار عسكرله رمله يه كيتدى . اورادن
 فسطاطه دوغرو ايلريله دى . مصر اردوسنى پریشان بر حالده
 جيزه يه چكيلىمكه مجبور ايتدى . محمد فسطاطه كيردى .
 سنه اوراده بويوك بر ثروت بولدى . بوسايه ده يكي برفرقه تاسيس
 ۹۰۵ ايدى بيله جك بر حاله كلدى . بونك اوزرينه خليفه ، قوماندان
 فاتك ي كوندردى . محمد بوكا قارشى يورودى . فقط مغلوب
 اوله رق فراره مجبوريت حس ايتدى فسطاطه استرداد اولوندى ۱۱۱ .
 بر طرفه صاقلانمش اولان محمد طوتوله رق بغداده كوندردى .
 اوراده زنجيره اورولدى . مكتنى مصر ك اداره سنى مختلف
 امرايه ويردى .

اخشيديه توركلرى

مصرده وسوريهده حڪمران اولمش اولان بويكى سالالەنك مؤسسى ابو بكر محمد ، طنيج ۱۱۱ نامندهكى شام واليسنك اوغلى ايدى ؛ ۲۶۸ تاريخ هجريسنده [۲] و ۸۸۴ تاريخ ميلاديسنده بغدادده دوغمشدى . پدرى [۳] عن اصل فرغنهلى اولوب تورك نسلندن ايدى . باشليجه امراسندن بولونديغى بنى طولون دولتنك انقراضندن صوكره مصر حكومتى عيسى النوشرىيه ، صوكره محمد ابن على الحليجىيه ويرلمشدى . بر مدت صوكره عيسا تىكرار مصر حكومتنه كتيريلدى . يرينه تكيين كچدى . محمد او زمان مصرده بر مأموريتده ايدى . بعض اختلافات اونی سوریه چكيلمكه مجبور ايتدى . اوراده كنديسنه صادق اولانلرى باشنه ذوپلادى . ابتدا خليفهك خدمتند بولوندى . رمله شهرينى آلدى . صوكره شام واليلكسكه تعيين ايديلدى . تكيين

بن حليقان
ابوالمحاسن
بن بطريق
نويرى

ابوالفدا

[۱] قديم توركجهده بولكله عبدالرحيم معناسنى افاده ايدر . ۲۴۷

هجرد و ۸۶۱ ميلادى تاريخنده وفات ايتمشدر .

[۲] رجب آينده .

[۳] پدرى جف بن بالان تكيين بن فوران phouran

اولدىكى وقت محمد اسمندە بر اوغلى قالمشدى . بو ، حكومتى
النه كچىردى . فقط خليفه قاهر حكومتى محمد بن طنبجه
ويردى . بو امير آنجق بر آي قدر بومقامده قالدى ، مصره
هيچ كيتمدى . حكومتى صوكره [۱۱] احمد بن كيلخ ه
كچدى . بونك زمان اداره سنده مصرده بويوك تذبذبات وقوعه
كلدى . خليفه راضى بو والىي عزل ايله تكرار محمدى
كيتردى . بو دفعه محمد مصره كيتدى [۱۲] . اخشيد [۱۳]
لقبي فرغنه قرالارينك عنوانى ايدى [۱۴] ، حكمدارلر
حكمدارى معناسنى افاده ايدردى . طرفدارلريله برلكده
آفريقاده برقهيه چكىلن احمد قارشى حرب ايتك مجبوريتنده
بولوندى . اورادن بو امير ، قىروانده حكومت سورن قائم
بالامراذك ياننه كيدەرك اونی ، مصرى ضبطه تشويق ايتدى .
فقط محمد بوندن خبردار اولونجه اسكندريهيه و طبيديه
عسكر كوندردى .

[۱] ۳۲۱ تاريخ هجرى سنده .

[۲] ۳۲۳ » »

[۳] شيمدى يه قدر آخشيد ديه تلفظ اولونمشدر . فقط ابوالمحسن

اخشيد ديدىكى اچون بن ده بويله يازيورم .

[۴] ابوالمحسنه كوره اخشيد فرغنه قرالارينك عنوانيدر .

ناصرلكه خروستيان قرالارينك عنوانى اصبحى ، جرجان قرالارينك
سول ، توركستان قرالارينك خاقان ، وسروشناه قرالارينك آقسين ،
سمرقند قرالارينك سمودر .

سنه

۹۳۳

۹۳۵

سيوطى
ابوالمحسن

بن شونه

خليفة ايمپراطور لاسنك ولايتلارنده كوچوك كوچوك حاكمدار
تورده مشدى سوريه، عربستانك بر قسمى وجوار محللار قرامطه
طرفندن تخريب ايدىليوردى. خوراسان ايله ماوراءالنهر سامانيار
طرفندن ضبط اولونمشدى. اسپانياده امويار، آفريقاده فاطميار
مراپوتاميايه و ديار بكرده حمدانيار، بويهلار Boïdes
يراشمشدى. خليفة لره يالكر بغداد ايله جوار بر قاچ ولايت
قالیوردى. انخشيديسه مصر حكومتنده صاحب مطلق كسيلى.
پك ضعيف بر حالد بولونان خليفة بونى تصديقه واسترداددن
عاجز بولوندينى سوريه قطعه سنى تركه مجبور اولدى [۱].

۹۳۵

ابوالفدا

بر مدت صوكره خليفة راغى [۲] امير الامرا موقعنى ابوبكر
محمد بن رائقه توجيه ايتدى. بوقومانندان سوريه يه كيدرك اورادن
انخشيديك و كيلي بدرى قوغدى. انخشيديدر حال مصردن حركت
ايتدى [۳]. يرينه قارداشى حسنى براقدى. فرما دنيلىن بريرده
اردو قوردى. ابوبكر محمدده بوكا يقين بر موقعده ايدى.
فقط بعض امرايك توسطيله صالح عقد ايتديلر. انخشيدي مصره
دوندى [۴] او مصره هنوز عودت ايتمش ايكن ابوبكر محمد
شامدن چيقدى [۵]. اردوسيله برلكده مصره دوغرو يوريمكه

۹۳۹

ابوالفدا

ابوالحسن

[۱] ۳۲۴ تاريخ هجريسنده.

[۲] ۳۲۸ تاريخ هجريسنده.

[۳] محرم اينده.

[۴] جادى الاولى اينده.

[۵] شعبان اينده.

حاضر لاندی . بو قطع مناسبت اینخشیدی علی العجله سوریهیه
 عودته مجبور ایتدی [۱]. دشمننه عریش دنیان بر موقعده
 راست کلدی . وقوع بولان محاربهده اردوسنک صاغ جناحی
 هزیمته اوغراددی . فقط کندیسى مرکزده پک ایی ثبات
 کوستردی . ابو بکر محمدی شماله قاچغه مجبور ایتدی . بش یوز
 اسیر آلدی . بونلرله برابر رملهیه چکیادی . بو محاربهده برادری
 حسین مقتول اولدی . آراده کی محاصماته رغماً ابو بکر محمد
 رادرینک وفاتندن دولایی اینخشیده تعزیتده بولوندی . صاحی
 آرزو ایتدیکنی اثبات ایتک ایچون اوغلانی اونک یانسه کوندردی .
 اینخشید ابو بکر محمدک اوغلانی کمال اعزاز ایله قبول یدهرک
 اوکا بر خلعت کیدیردی . صلحه راضی اولدی . رمله دن
 مصره قدر اولان ممالکی کندی عهدده سنده محافظه ایله
 هر سنه ابو بکر محمد قرق بیک آلتون سکه تأدیه سنی تعهد
 ایتدی . سوریه نک قسم متباقیسی ده ابو بکر محمد النده قالدی .
 بومعهده امضالاندقن صوکره اینخشید مصره دوندی [۲] .
 عینی تاریخده خلیفه راضینک وقوع وفاتی ، یرینه کچن یکی
 خلیفه متقییه حکومتی تجدید ایتدیرمک ایچون بروسيله تشکیل
 ایتدی . فقط ابو بکر محمدک حمدانیلر طرفندن قتل ایدیلدیکنی
 خبر آنجه علی العجله سوریهیه کیتدی [۳] . متوفا امیرک

[۱] مصر دن ۲۶ شعبانده حیقمشدر .

[۲] ۳۲۹ تاریخ هجریسی محرمنده .

[۳] ۳۳۰ تاریخ هجریسنده .

کنندیسندن آلمش اولدینی شام ایله سائر شهرلری ضبط ایله دکن
صوکره مصره دوندی ۱۱۱ . کندیسنه ولی عهد اولمق اوزره
اوغلی انوجوری تعیین ایتدی . بوتون امرا ایله عسکره بوولی
عهدلنی قبول ایتدیردی .

سنه

۹۴۲

او تاریخده بغدادده بویوک اختلافات واردی ۱۱۱ .
امیرالامرا تعیین ایدیلن طوسون Touzoun نامنده بر تورک
خلیفه مکتفی یاخود متقی به او قدر معارض بولونیوردی که
خلیفه ، پایتختنی ترک ایله موصله چکیلمکه و حمدان سلاله سی
حکمدارلرندن استمداد ایتکه مجبور اولدی . حمدانیلر بوتون
قوتلرینی طوپلادیلر . خلیفه ایله برلکده بغداد اوزرینه
یورودیلر . قوماندانلرده ناصرالدوله و سیفالدوله نامنده
ایدیلر . طوسون بونلری مغلوب و موصله قاشغه مجبور ایتدی .
حلیفه ، حمدان حکمدارلرینه برخاعت ویردی . چوقدن بری
بو خلیفه لرک ویره بیلدکلری یکانه هدیه بوندن عبارت ایدی .
خلیفه اورادن رتبه کچدی . طوسون بغداده کندیسنی دعوت
ایله دی . حمدانیلرک طرفنی التزام ایتمکدن بیقدقلرینی
کورن مکتفی ، امیرک دعوتنی قبوله قرار ویردی . فقط رقهده
جریان ایدن احوالدن خبردار اولان اینخشید همان اورایه کیتدی
[۳۱] . مصر طرفنه کله سی ایچون خلیفه به رجالرده بولوندی .

۹۴۴
ابوالحسن

[۱] مصره ۱۳ جمادی الاول ۳۳۱ تاریخنده دوشمدر .

[۲] ۳۳۱ تاریخ هجریسنده .

[۳] ۳۳۲ تاریخ هجریسی رجبی نهایتلرنده .

مکتفی بوکا راضی اولمق ایسته مدی . اینخشیدک یکانه تأمین
ایده بیلدیکی شی ، لازم کلن پارده نی تدارک ایتسی شرطیه ،
خایفه ناک بغداده کیتمه مسندن عبارت قالدی . خایفه ناک اطرافدن
معاونت تدارک ایتمسندن قورقان طوسون رقهیه کیدوب متقی ناک
آیاقلرینه قاپاندی . بر خایفه اسلامه لایق اولان حرمتی کوستردی .
بغداده کتیردی . فقط بغداده کلیر کلز کندیسنی تختدن
ایندی رهرک یرینه مستکفی یی کچیردی . اینخشید بر مدت
شامده قالدقن صوکره مصر یولنی طوتمشدی [۱] . بونک
اوزرینه سیف الدوله علی دوغروجه حلب اوزرینه یوروددی .
بوراده اینخشید طرفدن منصوب یانس المونسی نامنده بر قوماندان
واردی . بوشهری ضبط ایتدی [۲] . صوکره ابراهیم العقیلی یی
تعقیب و سرمین ایله معره آراسنده مغلوب ایله دی . اورادن ،
اینخشیدیلر عائد اولان شام اوزرینه یورویوب بوشهرده
کیردی . بر کون بو حکمدار غوطه نامنده شام اوواسنده ایکن
بر چوق خصوصی افراد عائد اولان بویرلرک یالکیز بر کشییه
عائد اولماسی لازم کلدیکنی ، وضع ایده جکی ویر کولرله اورالرک
صاحبلرینی قاچیره رق کندیسی وضع ید ایده جکی سویله دی .
اونک بونیتندن خبردار اولان اهالی امداده قوشماسی ایچون
اینخشیده رجالرده بولوندیله . اینخشید در حال بر مقدار عسکرله
[۱] ۳۳۳ تاریخ هجریسی جاذی الاولى صوکلرنده مصره
واصل اولدی .

[۲] ۳۳۴ سنه سی ربیع الاولنده .

کوله سی کافوری یوللادی . سیف الدوله بوکا قارشی یورودی .
برجه کونی ایکی اردو قارشیلانیدی . جمعه مسلمانلرده بریوم
مبارک اولدیغی ایچون حمدانیلرک عسکرلری او کون محاربه جائز
اولمادیغی بهانه سیله اردو کاهی ترک ایدرک اطرافه داغیلدیلر
ایام مبارکده بوقدر رعایتکار اولمایان کافور اونلری علی الغلامه
باصدی . پریشان ایتدی ، بوتون اشیالری غنیمت ایلدی .
سیف الدوله علی العجله حمصه قاجدی . فقط تعقیب اولوندیغی
حس ایتدیکی ایچون اورادده دورمادی . حما طریقله رستن
کیتدی . کافور بوراده اوکا یتیشدی . سیف الدوله اوکا کمال
متانتله منتظر اولدی . رستن کوپروسی او قدر قارغشه لقله
کچمکه اونی مجبور ایتدی که مصر عسکرلرندن بر چوغی عاصی
نهرنده بوغولدیلر . درت بیکی اسیر دوشدی . اشیالری دهیغما
ایدیلدی . کافور حمصه ، اورادن ده شامه قاجدی . بوهریمتدن
خبردار اولان اینخشید مصری ترک ایله معیتده براردو اولدیغی
حاله معریه کلدی . سیف الدوله آغیر اشیاسنی ، خزینهلری ،
اسیرلری مزوپوتامیایه کوندردی ؛ کندیسسی اینخشیده ورشی
یورودی . او زمان اینخشید قنسرینده ایدی . اینخشید حربه
حاضر لاندی . مزداقلی عسکرلرینک کافه سنی پیشدار قوتی تعیین
ایتدی . اون بیک کزیده عسکردن مرکب بر قوت ایله کندیسسی
دمدارده قالدی . سیف الدوله ایلاک پیشدار فرقه سنه هجوم ایله
اونی بوزدی . دمدار فرقه سی اولماسه ایدی اینخشید تمامیه مغلوب

اولا جقدی . ایکی اردو آیریله بیلدیلر . سیف الدوله منبیج
 Manbedje د کیتدی . کوپری پی یققدی ، مزوپوتامیایه کیردی .
 رقهیه کلدی . اینخشید دها اول بورایه مواصلت ایتشدی . ایکی
 اردو آراسنده فرات نهری واردی . بعض مذا کراته کیریشیلدی .
 صلح عقد اولوندی [۱] . حلب ، حمص و مزوپوتامیا
 سیف الدوله یه ، حمص دن اعتباراً عربستان حدودینه قدر
 اولان یرلرده اینخشیده عائد اوله جقدی . حد فاصل
 تشکیل ایتک اوزره جوشنا ایله له بو آراسنده بر هنك
 قازیلدی . سیف الدوله اینخشیدک قیزی آلدی . ایکی
 حکمدار مملکتلرینه دوندیلر . فقط حمدانیلر بو صلیحی همان
 بر آز صو کره بوزدیلر . وقوعه کلن محاربه ده مغلوب اولدیلر .
 اینخشید بونلرک الندن حلب شهرینی ضبط ایتدی .

ابوالغدا
 ابوالفراج
 بن شونه
 ابوالحسن

بر مدت صو کره اینخشید شامده وفات ایلدی . حکومت
 اوغلی ابوالقاسم انوجوره فالمشدی . اینخشیدک برچوق مزیاتی
 واردی . بالخاصه عسکرلکده پک ماهردی . لزومسز بر
 جرئتکارلق درجه سنه وارمایان بر جسارته مالکدی . فقط
 سراینده او قدر موسوس وقورقاق ایدی که سکزیبک کوله دن
 مرکب بر قوه محافظه بولوندیریردی . بونلرک بیکی هر وقت
 نوبت بکلردی . هیچ بروقت بوتون بر کیجه پی براوطه ده یا خود
 بر چادیرده کچیرمزدی . زرده او یودیغنی کیسه بیلیمزدی . بویله

غریب بر طبیعتہ مالک اولان بر حکمدار هم کندى بدبخت
اولور هم تبعه سنى بدبخت ايدر . بويلد بر طبیعت دها زیاده
مستبد ظالم حکمدارلرک نشانه سیدر . اینخشید درت یوز بیك
عسکر چیقارابیلیردی . مورخلر اینخشیدیه حکومتی . نزدلایقیله
طائمیورلر سده کړك اینخشیدیه نك كړك بنی طولونك نفوذ
و قدرتلری پك بویوك اولدیغی کورولیور . اینخشید حرستیانلره
ظلم ایتمش ، اولاردن بویوك پاردلر ایسته مشدر . کلیدالره عائد
بر چوق املاکی صاتمغه خرستیانلر مجبور قالمشدر . اینخشید
قدسده دفن اولونمشدر .

خلفی انوجور Abouhour [۱] هنوز بر چوجوق ایدی .
کفور نیابت حکومتی درعهده ایتمکه مجبور اولدی . کفور زنجی
بر کوله ایدی . اینخشید بونی اون سکیز آلتون سککیه ساتون
آلمشدی . کفور افندیسنك حسن نظر و توجهنی جابه موفق
اولمشدی . شرقده اصالتك نه اولدیغی مجهولدر . بر حکمدار
ایله تبعه دن برینی بلا استثنا تعقیب ایدن فضیلت چوق کره
اك عادى بر طبقهده تولد ایتمش بر آدمی تنخته یاخود الكیوكسك
مأموریتلره چیقارابیلیر . ایسته کافورده بو صورتله هیچدن
میدانه چیقمشدر . یوکسك بر روحی واردی . علوم و فنونی
سوردی . علمایی حمایه ایدردی . مع مافیه قصورسنز دکادی .

[۱] بو کلمه تورکجهده شایان ستیش معناسنه کلیر . ذی الحجه
آینده حکمران اولمغه باشلامشدر .

انعامه غرق ايتديكى بعض شاعرلر اونی مدح ايتشار ، جانلری
 صیقلدیغی زمان ده ذم ایتلرلر. کافور، مصر ویرکوسنی تحصیل
 مأمور اولان ابوبکر محمدی عزل ایله بو مقامی محمد ماردینییه
 ویردی . صوکره کنج حکمداری مصره کوتوردی ۱۱۱.
 الخشیدک وفاتی و انوجورك عزلی خبر آلان سیف الدوله
 شامی ضبط ایتمهسی اوزرینه کافور قوتلی بر اردو ایله
 بو شهرک امدادینه هان قوشدی . رمله ده سیف الدوله بی
 مغلوب ایتدی . رقهیه قدر فاجیرتدی . دشمننک کسب قوت
 ایتمه سنه میدان ویرمه دن شامی استرداد ایله دی .

سنه

۹۵۶

انوجورك زمان حکومتده [۲] حبشستان قرالی، مصره عائد
 اولان ممالکه تجاوز ایتدی . اصوانه قدر کلدی . بوراسنی یغما
 و تخریب ایله دی . کافور بحرأ و برأ عسکر کوندردی .
 حبشلیلر مغلوب و مصر لینه ریم قلعه سنی ترك ایله چکیلمکه مجبور
 اولدیلر . ایشته بو حکمدارک زمان اداره سی حقنده معلوم اولان
 وقایع بوندن عبارتدر . حین وفاتنده [۳] تاجی برادری علی ابو-
 الجسنه [۴] براقدی . کافور دائمانائب حکومت ایدی . انوجورك
 نعشی قدسه کوتورولدی [۵] . نیسه فورك تحت قومانداسنده

۹۶۱

ابو افدا

[۱] صفر آینه اورایه واصل اولدیلر .

[۲] ۳۸۵ تاریخ هجریسند .

[۳] ۳۴۹ سنه سی ذی القعدة سنک یدیسنده یا خود سکزنده .

[۴] ۳۰۶ سنه سی سفرنده دوغمشدی .

[۵] ۳۵۴ تاریخ هجریسند .

سنه

۹۶۵

بر یونان اردوسی مهم قوتلرله سوریهیه کیردیلر . حمدانیلره
عائد اولان حلب شهرینی ضبط، سیف الدوله یی مغلوب ایلدیلر .
اینجشیدیه طرفندن شام والیسنی بولونان دایم العقیلی اون بیک
عسکرله حمدانیلرک امدادینه قوتدی . بو قوتک ورودندن
خبردار اولان نیسه فور چکیلمک طریقی اختیار ایتدی .

۶۶۹

علی ده انوجور کبی تاریخده شایان قید بر شی یامادن ،
یا لکیز تخته چیقدیغی حقنده بر معلومات براقه رق وفات ایتدی ۱ .
بونک زمان حکومتنده مصرده بویوک بر قیطاق اولمشدی [۲] .
کافور ایله ده بعض اختلافات ظهور ایتمشدی . فاطمیلر
مصری تهدید ایتمکه باشلامشاردی . علی نک یرینه خلیفه نک
موافقتیله کافور تخته چیقدی . ۳۵۷ تاریخ هجریسنه قدر حکومت
سوردی [۳] . بوده قدسه دفن اولوندی .

۹۶۸

ابو احسان

سیوطی

کافورک یرینه علی نک اوغلی احمد اون بر یاشنده اولدیغی
حالده مصره حکمدار اولدی . فقط هیچ بر حکم و نفوذه
صاحب اولامادی . اقرباسندن حسین سوریه یی اله کچیرمشدی .
فقط قرمطلر طرفندن اورادن طردایدلیکی ایچون [۴] مصره
کله رک مصری احمدک لندن آلق ایسته دی . بو اختلافات

» » ۳۵۵ [۱]

» » ۳۵۲ [۲]

[۳] بعضیلری ۳۵۶ بعضیلری ده ۳۵۷، بعضیلری ده ۳۵۸ تاریخنده
وفات ایتدیکنی سویلیورلر . ابوالمحسن ۳۵۷ تاریخنک ده دوغو
اولدیغی تأمین ایدیور . جهادی الاول آینده وفات ایتشدر .
[۴] ۳۵۸ تاریخ هجریسنده .

بر چوق امراي فاطمیلره مراجعته مجبور ایتدی . حسین
تکرار سوریه کجی و شامی اله کچیدی .

۲۶۹ تاریخ هجریسندن و ۸۸۲ تاریخ میلادیسندن بری
مهدی عبیدالله آفریقاده ذی قدرت بر ایمپراطورلغک تمللری
آتمشدی . (حضرت) محمدک کریمه سی فاطمه نسلندن کلدیکی
ایچون بو سلاله یه فاطمیر نامی ویریشدر . ۳۰۱ هجری و ۹۱۳
میلادی تاریخده بنی طولونک انقراضندن صوکره مصر خلیفه
طرفندن کوندریلن والیرله اداره اولوندیغی صیراده مهدی
قرق بیک بربری ایله بورایه کیردی ، مصره یاقلاشدی . اسکندریه
کیتدی . اوراده بعض تخریباتده بولونقدن صوکره کری درندی .
خلیفه مقتدرک اردوسی برقه الکاسنه قدر کندیسنی تعقیب
ایتدی . اوراده متعدد مصادمات وقوعه کلدی . صوکره مهدی
ینه مصره کله رک اسکندریه یی و فیوم دنیلن الکابی ضبط
ایله دی . اوغلی و خلفی قائم ، طیب الکاسنک بویوک بر قسمی
اله کچیدی . فسطاطه یاقلاشدی . بورا سکنه سیله متعدد محارباتده
بولوندی . کافورک زمان اداره سنده ، بو فاطمیلرک خلیفه سی
عنوانی آلان معزال دین الله ، قاریشقلقلری خبر آنجه عن اصل
یونانی اولان جوهر نامنده بر قوماندانی سوق ایله دی . بو
قوماندان مصر عسا کرینی مغلوب ایدرک مصرک بویوک جامعنده
خطبه یی کندی حکمداری نامنه او قوتدی ۱۱۱ . بوددا و مملکته

تصرف معناسنی افاده ایدردی. بو کون قاهره نامی آلتند طانی دیغمز
شهری بنا ایتدیرمکه باشلادی. بو کونکی قاهره اسکی مصر
ایله فسطاطدن و جوهرک بنا ایتدیردیکی قسمدن ترکیب ایدره
عینی زمانده سوریهیه جعفر نامنده بر قوماندان کوندرمشدی.
بو، دوغرو رمله اوزرینه یورودی. اوراده انخشیده عائله سندن
حسین قوماندا ایدیوردی. برقاچ مصادمه وقوع بولدی. حسین
اسیر ایدیلهرک معزالدین اللهه کوندرلدی. شام و بو شهر ایله
برلکده سوریه نك بویوک بر قسمی تحت اطاعته آلتدی. ایشه
انخشیده عائله سی بوضورتله سوندی. فاطمیلر مصره یرلشدیلر.

غزنه تورککلی

شیمدی تاریخارندن بحث ایددجکم تورکک تورکستاندن
ککش قوجه برملت دکلدرلر . بونلر مسلمان حکمدارلری
طرفدن ساتون آلمش، سرایلرینه، اورادن مجلسلرینه ادخال ایدلمش
مؤخرأ بویوک مناصبه نائل اولمش کوله لردر . بنی طولون ایله
ایخشیدیه ایشته بویله کوله لردی . ایمپراطورلقلرینک پایتختی
اولان غزنه شهرینه اضافتله غزنویلر دنیان تورککرده
بوکیلدندر .

نویری
جعفری

سامانی سلاله سی خوراسان وماوراءالنهر کبی بحر حزره
جوار اولان ولایتلری خلیفه لک الندن آلمشدی . بوراده
تقریباً ۸۷۴ تاریخ میلادیسندن بری حکمران اولیوردی .
اوجوارده بریردن نشئت ایتمش برتورک اولان ، بناء علیه
هوئی قه تورککریته منسوب بولونان آلپ تکین بوسالاله نک
ایکنجی حکمداری اسماعیلک کوله سی ایدی . باشلیجه وظیفه سی
پهلوانلق وجانبازلقدن عبارت اولدیغی سویله نیور . فقط آزاد
ایدیلنجه عسکره کیردی . عادی بر نفر اولمقله باشلایه رق
یواش یواش ایمپراطورلغک ال یوکسک مناصبه ونهایت اردولر

دریابو

سنه
۹۶۱
نویری
ایوالمحاسن

قوماندانلغنه و خوراسان والیلمکینه ارتقا ایتدی. آرتق حکومتده
بویوک بر تأثیر اجرا ایتمکه باشلادی. سامانی قرالی عبدالملک
وفاتندن سوکره [۱] خلفی تعیین خصوصنده افکار خلف
ایدیوردی. آلپ تکینه مراجعت ایدلدی. عبدالملک
برادری منصورک پک کینج اولدیغی بهانه سیله تخته چیقماستنه
ممانعت ایدهرک بونک عموجه سنی ترجیح ایلدی.

فقط امرا بویله مذاکره ایله مشغول اولدقلری صیراده
بخارا سکنه سی منصورى انتخاب ایله حکمدار اعلان ایتدیله.
سرایه مواصلت ایدن آلپ تکین عدم ممنونیت آناری کوستردی.
یکی حکمدارجه ای برنظرله کورولمه سی قبل اولامایه جنى
ایچون یدی یوز سوارى ایله سرایدن چکیلدی. منصور بوکا
عاصی معامله سی ایدهرک آرقه سندن اون بش بیک کشی
کوندردی. فن حربده بویوک بر ملکه کسب ایتیش اولان،
بومملکتی پک کوزل طانیان آلپ تکین بر وادینک نهایتده
اخدموقع ایتدی. بونک بوتون مخرجلری غایت تهلکه لی
برر کچید ایدی. ایکی یوز کشی بی پوصویه یاتیردی. کندیسیده
بش یوز کشی ایله برتپهنک اوزرینه چکیلدی. بوعسکرک
هپسنى بر خط اوزرینه دیزدی. مقصدی اردوسنى دشمنلرینه
دها غلبه لق ظن ایتدیرمکدی. محاربه باشلار، باشلاماز
آلپ تکین، منصورک اردوسنى کچیدلره چکمک و پوصویه

دوشورمك فكريله رجعت ايتدى. صوكره هر طرفدن بونلرى احاطه ايله برچوقلارنى اولديرى ، فالانلرى اسيرآلدى.

مصادمه يه باشلامدن اول ، دشمنلرينك تفوقنى بيلن آلپ تكيين عسكرلرينك فكرينى استمزاج ايتشدى . بو قدر آز بر عسكرله احراز موفقيت قابل اولامايه جغندن باشلرينك چاره سنى دوشونملرىنى ، چونكه كندى ياننده قالمقلا اولومدن باشقا بر شيئه انتظار ايدمه يه جكلرينى ، منصورك قوماندانى ايله مذاكره يه كيريشمه لرى حقلارنده اى اوله جغنى سويله - مشدى . هميشى بردن ، كنديسنك سعادتنه اشتراك ايتدكلرى كى فلا كشته ده اشتراك ايتمه عنزم ايتمش اولدقارنى ، عيى تهاكه يه نفسلرينى القا ايدمه جكلرينى جواباً سويلديلر .

آلپ تكيين بو مظفريتدن صوكره اوجواره حاكم كسيلدى . دوشورجه غزنه اوزرينه يورويهرك بوشهرى ضبط ايتدى . غزنه ده كنديسنى بر حكامدار كى تالقى ايله ديلر . بوشهردن طوپلادىغى عسكر بسايه سنده منصورك اردولارنى دفعات ايله مغلوب ايتمه موفق اولدى . غزنه ده وفات ايتدى [۱] . تأسيس ايتدىكى ايمپراطورلغك پايتختى غزنه شهرى اولدى . اون آلتى سنه حكومت سورمشدى . تاجى دامادى سبك تكيينه يراقدى .

بويكى حكامدارده آلپ تكيينك خدماتنه مأمور بر تورك

کوله‌سی ایدی . مسلمان اسمی ناصرالدین ایدی . مزیت
ذاتیه‌سی ، قابلیت و اقتداری ، اوصاف جمیله‌سی اوئی اسارتدن
قورتاردی . آپ تکین اوکا اوردوسنده اک یو کسک مناصبی
ویردی . صوکره قیزیله اولندیردی . نهایت بوتون املاکئی ،
حکومتی ، حتی تصوراتی بیله اوکا میراث اوله رق براقدی .
آپ تکین هنوز حکمدار عنوانی آلمغه جسارت ایدمه‌میشدی .
غزنه‌ده حاکم مطلق اولمقله برابر سامانی سلاله‌سی حسابنه
بروالی کبی تلقی اولونیوردی . سامانی حکمداری نوح بو
مقامنده سبکتکینی ابقا ایتدی . ذاتاً عزل ایتک الندن گلزدی .
اردوسنده تأسیس ایتدیکی قطعی انضباط ، قوماندانلره
وضابطلره قارشی کوستردیکی سماحت سایه‌سند خالق و
وعسکرک قلبنی قازانمشدی . بوسایه‌ده برحاکم مطلق حاله
کلدی . برچوق شهرلری کندی حکم و نفوذینی قبول و تصدیقه
اجبار ایدیوردی . هر طرفده صلح و سکون تأسیس ایتدکن
صوکره هندستانه محاربه‌یه کیتدی ۱۱۱ .

متعدد راجه‌لری مغلوب ایله اسلامیه جلب ایتدی . برچوق
معبدلرینی بیقدی . بست Bost و قصدار Kozdar شهرلرینی
ضبط ایتدی . بونلر ایندوس نهرینه جوار ایدیلر . صوکره
شان و شرف ایچنده غزنه‌یه دوندی .

مع مافیه حالا ، بو ولایتلرده سامانیلر حسابنه اجرای

حکومت ایدن بروالی کبی تلقی اولونیوردی . فقط اوزمان
 حکمران اولان نوح کندیسنی عزل وتبديل ایده بیله جک
 برحاله دکلدی . حتی اوکامراجعه مجبور اولدی وسبکتکینه
 بر تبعه دکل بر متفق معامله سی ایتدی . هوئی قه تورکلری
 سامانیلرک ممالکینه جوار یرلرده صاحب قدرت ایدیلر [۱] .
 چوق کره خوراسانه قدر آقینلر یاپیورلر ، اورالرینی ضبط
 ایتک املنی بسلر کبی کورونیورلردی . کاشغردن چینه قدر
 امتدادایدن بوتون الکالر حاکم اولان بغراخان ماوراءالنهره
 کیردی . سامانی قرالنی مغلوب ایتدی ؛ اوننی پاختی اولان
 بخارادن قوغدی ، آمله دوغرو چکیلمکه مجبور براقدی .
 نوح ، ابو علی بن سمجورک معاونتنی رجا ایتدی . بو ،
 سامانیلرک تبعه سی واونلر حسابنه خوراسان والیسی اولمقله
 برابر تورکلره قارشى یورومک ایسته مدی . فقط چوق شکرکه
 خان خسته لانش اولدیغی جهتله مملکتنه دوندی ویولده
 اولدی . نوح ده بخارایه کری کلدی . ابو علی نک معاونتدن
 استنکاف کوسترمه سی بو حکمدار ایله والیسی آراسنده
 محارباته میدان ویردی . ابو علی ، فائق نامنده دیکر بر
 قوماندان ایله برلکده سلاحه ساریلدی . ایکیسی بردن سامانی
 قرالنه قارشى یورویهرک اوننی مغلوب ایتدیلر . نوح ، سبکتکینه
 مراجعت ایله امدادینه کله سی ایچون رجاده بولوندی . اوکا

ابوالفدا

سنه
۹۹۳

ابوالفدا

نویری

خوراسان واليكنى وىردى . سبكتكين جزئى برعسكرله
 بو حك ياننه كيتدى . حر كات حربيه حقننده مذا كرده
 بولوندى . اردو طوپلامق ايچون غزنه يه دوندى . هر شى
 حاضر لاندیغى وقت ، اوغلى محمود ايله برلكده ، غزنه دن حر ك
 ايدءرك خوراسان يولنى طوتدى . نوح ده بخارادن چيقدى .
 ابو على ايله فائق ، بويه حكمدار لرندن فخرالدوله دن
 معاونت كوره رك حربيه حاضر لاندیلر . هرايكي اردو خوراسانك
 پايختى اولان هرات جوار لرنده قارشىلاشدیلر . بونلر مصاد -
 ماته بولوندى قلىرى ائنده ديلم حكمدارى دارا عسكر لريله برابر
 ابو على طرفنى ترك ايله سامانیلر طرفنه كچدى . بوندن
 دولاي سامانیلر قوت بوله رق حربى قازاندیلر . سبكتكين
 عاصیلرى تعقيب ايتدى . بونلر خوراسانك مختلف جهتلرینه
 داغیلدیلر . صو كره سبكتكين ، نوح ايله برلكده كدوب
 نیشابورى ضبط ايتدى . ابو على ايله فائق ، خوراسانك
 شرقنده ، بحر حزر قربنده جرجانه چكيلمه شلردى . سامانى
 حكمدارى ، سبكتكينك ايفا ايتدىكى خدمتلردن دولاي
 اوغلى محمود نیشابور واليكنى وبوتون خوراسان عساكرينك
 قوماندانلغى توجیه ايتدى وسيف الدوله عنوانى وىردى . بدرى
 سبكتكين اینه ناصر الدوله عنوانه نائل اولدى .

سنه

۹۹۵

ايرته سى سنه [۱] ، ابو على ايله فائق جرجانى ترك

[۱] ۳۸۵ تاريخ هجريسنده .

ایله نیشابور یولنی طوتدیلر . محمود پدرینی کیفیتدن خبردار
ایتدی . وقتنده مواسلت ایتمه سی قابل اولمایان قوه امدادیه یی
بکله مکسزین معیتنده کی بر مقدار عسکرله بونلره قارشی
یوروی . دشمنلره حربه کیریشدی . فقط مغلوب اولدی .
عاصیلر نیشابوره کیردیلر . بواثناده سبکتکین اردوسنی طویلامش ،
اوغلنه امداده کلیوردی . دشمنلره طوسده ملاقی اولدی .
اونلری بوزدی . جیحون اوزرنده امویه Amouiah یه
قدر قاچغه اونلری مجبور ایتدی . عاصیلر اورادن نوحه
عرض دخالت ایده رک عفولرینی استرحام ایتدیلر . فقط سامانی
حکمداری یالکز ابوعلینک دخالتنی قبول ایتدی . فائق ترک
ایله کرکانجه چکیلمه سنی امر ایله دی . خوارزم قطعه سنده
جرجان ایله کرکانجه عینی شیدر . ابوعلی راضی اولدی ،
هزار اسب Hasrasp جوارنده اردو قوردی . بر مدت
صوکره بوشهر جوارنده خوارزم حکمداری ابو عبدالله طرفندن
توقیف اولوندی .

فائقه کانجه ، او هوئی قه تورکلرینه ، ایملک ایلیخانک
یاننه کیتدی . ایلیخان اسکی موقعنی اوکا تکرار استحصال
ایده جکنی وعد ایتدی . فی الحقیقه وقوع بولان توسطی
اوزرینه نوح سمرقند ولایتی فائقه ویردی . سبکتکین ،
سامانیلره بو قدر بویوک خدمتله ایفا ایتدکن صوکره بلخدن

غزنه یه کیدر کن یولده وفات ایتدی [۱]. محاربه نك یورغونقلرینی
ازاله ایچون بلخ شهرینه چکیلمشدی . فقط اوراده اوزون
برخسته لغه طوتولدیغندن غزنه یه کیتمک ایسته دی . یکر می
سنه سلطنتدن صو کره ترك حیات ایله دی . آرقه سنده عادل
وای بر حکمدار شهرتی براقدی . غزنه یه دفن ایدیلشدر .
کندیسنه خلف اولق اوزره اوغلی اسماعیلی کوستردی .
یاشجه دها بویوک اولان محمود او زمان نیشابورده ایدی .
تختک کندیسنک حقی اولدیغنی ادعا ایتدی . فقط تخته چیقمش
اولان اسماعیل بو ادعایه اهمیت ویرمדיکندن محاربه یه کیریشمک
مجبوریتی حاصل اولدی . ایکی قارداش آراسنده یدی آی
سورن محاربه نتیجه سنده اسماعیل غزنه قلعه سنده اسیر ایدی .
محمود بونی خلع ایله اکتفا ایدرک سربست براقدی . ابتدا
حقنده لطف ایله معامله کوستردی . فقط صو کره محمود ،
کندیسی غالب کلسه ایدی نه یولده معامله ایده جکنی صوردیغی
وقت اسماعیلدن حبس ایده جکی جوابی آنجه در حال اونی
بوپله بر معامله یه معروض براقدی . جرجانده بر قلعه یه
کوندردی . اولونجه یه قدر اوراده آلیقویدی . محتاج اولدیغی
شیلردن محروم ایتدی .

یمین الدوله لقبیله تسمیه ایدیلن محمودایلك غزنوی حکمداری
کی تلقی ایدیلک لازم کلیر . سامانیلری هیچ کوزدن دور

سنه
۹۹۷
ابوالفدا
در بلا
ابوالفراج
بن شونه

طوتمايوردی . اونلردن دها صاحب قوت اولدیغی جهتله
 كونك برنده سامانیلر حكومتك كندی اداره سنه كچه جكنی
 دوشونیور ، سامانی سراینده امرادن بعضیلرینك پك كسب
 نفوذایتمه مسنه چالیشیوردی . آلیپ تکین ایله سبکتکیكینك جنوبده
 هندستان طرفلر نده یاپدقلری کبی شمالده ده بروالینك تأسس ایتمه سی
 محمودك آمالنه سگسته ویره بیلیردی . اونك ایچون ، فائق و بکتورون
 Bactouroun نامنده دیکر برامیرك سامانی سراینده چیقاردقلری
 کورولتولره اشتراك ایتمکی مناسب کوردی ۱۱۱ . یوقاریده بحث
 ایتدیگمیز حکمدار نوح ۹۹۷ تاریخ میلادی سنده وفات ایدهرک
 تاجی اوغلی منصوره براقشدی . بکتورون ایله فائق ودها سائر
 امرا بو حکمداری خلع ایتدیلر ، کوزلرینه میل چکدیردیلر .
 کوچوک یاشده بولونان عبدملکی تخته چیقاردیلر . بونك
 جوجوقلغی اثناسنده ایمپراطورلقده حاکم مطلق کیلمکی امید
 ایدیورلردی . جریان ایتمش اولان احوالك کافه سندن خبردار
 بولونان محمود بو ایکی امیرك حرکتی تقبیح ایتدی . فقط
 سوزلری مسموع اولمادیغی ایچون اردوسنك باشنه کچهرک
 خوراسان اوزرینه یورودی . فائق ایله بکتورون یکی سامانی
 حکمداری ایله برلکده ، اونك اوزنکیلرینی طوته رق بو حال
 ایله محمودك قارشیسنه چیقدیلر . محمود ، طلب ایتدکلری صلحه
 راضی اولدی . فقط یکی اختلافات چوق کچمه دن تکرار حرب

سنه

۹۹۸

ابوالهدا

دربلو

نویری

تولید ایتدی . محمود حربده غلبه چالهرق بونلری غایت شدتله تعقیب وفراره مجبور ایتدی . فائق ایله عبدالملک بخارایه ، بکتورون نیشابوره ، اورادن جرجانه کیتدیلر . محمود هراته کیردی . خوراسانی ضبط ایتدی . اوراده سامانیلرنامه آرتق خطبه اوقونمادی .

ابوالفدا
بن شونه

بوصیراده بکتورون ایله فائق بخاراده یرلشمشردی . اوراده بوتون قوتلرینی طویلایهرق تکرار محموده هجوم ایتدیلر . فقط بو اثناده فائق وقوع وفاتی سامانیلری اوقدر ضعیف دوشوردی که آرتق هیچ برشیئه جسارتلری قالمادی . دیگر طرفدن تورکلرک خانی ایلمک ایلیخان محموده ودها سائر امرایه قارشی عبدالملکه معاونت بهانه سیله مهم براردو باشنده بخارا اوزرینه یورودی . بکتورونی وحرکته مانع اولمق ایسته یین سائر امرایی اسیر ایدرک بخارایه کیردی [۱] . عبدالملک اسیر ایدیلدی . زنجیربند ایکن اولدی . کندیسندن اول حکومت سوردیکی حاکمه امرانک ترتیباتیه خلع اولونمش اولان منصورده حبسه قونولدی . سامانی سلاله سی تمامیه سوندی . بو عائله دن آرتق ابراهیم اسمنده برشهرزاده دن باشقه کیمسه قالمامشدی . اوده یاننده برمقدار عسکرله برقاچ سنه ولایتدن ولایته دولاشدی . نهایت محمودک عسا کر یله وقوعه کلن برمصادمه ده مقتول دوشدی . بوصورتله ، سامانیلرک مالک اولدقلری یرلرک کافه سی ، یعنی

ابوالفدا
بن شونه

خوراسان ايله ترانسوقسيان — ماوراء سيحون Transoxiane
قطعه سىنىڭ برقىمى محمودك تحت ادارىسىنى كچىدى . او زمان
بغداددە حكىمران اولان خليفە قادرباللا بوتون بوواسىڭلىكلار
حكىمدارلىقىنى اوڭا توجىيە ايلەدى . برخلعت احسان ايتىدى .
يىمىن الدولە و امين المله عنوانلىرىنى وىردى . فقط محمود بو
عنوانلارە نظر استىخفاف ايله باقىدى . اونلارنى كىندى نفوز
واقتدارىنىڭ پىك دونىدە كوردى .

محمود ، ممالىكىنى جنوب طرفلىرىنە دوغرى توسىيىع ايتىمىڭ
ايسىتە يوردى . فقط اول امردە توركلار كىنەن امين اولمادى
بو حربە كىرىشە مەردى . ايلك ايلخان ايله بر مەئادە ياپىدى .
قىزىنى آلدى . آرتق خوراسان ولايتىلە غزنىدە بر تورقوسى
قالمايىچە ھىندىستانە كىردى [۱] . ھىندىستانك اڭ ذى قدرت
حكىمدارى جبال Dgebal ايدى [۲] . بو ھىند حكىمدارىنىڭ
اوچ يوز فىلى واردى . بو سفرىڭ تفصىلاتى معلوم دىكادر .
يالگىز شوقدر بىلەن يور كە بر خىلى محاربەلر وقوعە كەلدى .
جبال ايكى كره اسىر دوشدى . ايكى دفعە دەدە عاليجنابانە
سربىست براقلىدى . فقط تىكرار محمودك الە دوشىونىچە ،
مىلكىتىڭ قانۇنلىرى موجدىنىچە تاجى اوغلانە تركە ، كىناھلىرىنىڭ
جزاسى اولق اوزرە كىندى كىندىسىنى ياقىغە مجبور قالدى .

[۱] محمود ۳۹۲ ھىجىرى مىجرىمىدە حرىكت ايتىمىدەر .

[۲] ابوالحسن بوڭا حسن دىيور .

سنة

۱۰۰۱

ابوالفدا

درېلو

ابوالحسن

محمود بومملکتدن بویوک غنائم آلدی . اسلامیتی هندستانده
نشر ایتدی . صوکره هندستانی براقدی . بوتون اوجسیم
ممالکی قطع ایدرک خوارزمه کیردی . اوراسینی ده تحت
تسخیره آلدی . اورادن ، براردو ایله بلخه یاقلاشمش اولان
تورک خاننه قارشى یورودی . خان مغلوب اوله رق جیحون
نهرندن اوته طرفه کچدی . جیحون نه‌ری ایکی ایمپراطورلغک
حدودی اولدی .

محمود غزنه‌یه غازی عنوانیله عودت ایتدی . فقط غزنه‌ده
آنجق یکی بر سفره حاضر لانه جق قدر قالدی . غزنه‌یه جوار
سجستان والیسی خلف Khalaf عادتاً بر حکمدار مستقل کی
حرکت ایتمک و تات That قلعه‌سنی تحکیم ایله مکّه باشلامشدی ۱۱۱ .
محمود بو عاصی‌یه قارشى یورودی . خلف ، محاربه ایچون دکل
عرض انقیاد ایتک و قلعه‌نک آناختارلرینی ویرمک ایچون
حرکت ایتدی . محمودی ، کندیسنک سلطانی اولمق اوزره
ظانیدی . اوزمانه قدر مجهول اولان بو عنوان مسلمان
حکمدارلری آردسند و صوکره استعمال برحاله کلدی . محمودک خوشنه
کیتدی . ابتدا بو عنوانی اوطاشیمشدره و وقتیه حکمدارلر ملک
عنوانی آلیرلردی . صوکرالری بو عنوان قیمتدن دوشدی .
سلطانلره تابع و خراجگذار حکمدارلره ویریلک باشلانیدی .
خلف مأموریتنه اعاده اولوندی . همان بر آرز صوکره

سنه
۱۰۰۴
در بلو
ابوالفدا
ابوالمحسن

محمودك علوجنابى اونوتهرق سـلاحه صاريلدى ، توركلارك
 خانه استناد ايتمه چاليشدى . محمود درحال بورايه قوشدى ،
 عاصى ي مغلوب ايتدى . جرجان ولايته كوندردى . اوراده
 دوت سـنه براقدى . صـوكره نيشابورك جنوبـنده
 جردين Khaidern قلعه سـنه نقل ايدورك وفاتنه قدرطوتدى . بز
 خانى محبسه براقهرق محمودك سفرلرني تعقيب ايدلم . محمود
 تكرار هندستانه دونهرك [۱] مولتانك Moultan ك اوتـه
 طرفنده ايندوس نهري جوارلرنده غايت مستحكم بهاطيه Hebatah
 قلعه سنى ضبط ايلهدى . بوتون اوواسع مولتان ولايتنى ضبط
 ايله [۲] بيدا Bida اسمـنده برقرالى اورادن قاچيرتدى ،
 طاليجار قلعه سـنه التجايه مجبور براقدى . صـوكره بوقلعه ي
 محاصره ايدورك قرالى اسير آلدى . خزينه لرني ، حكمدار
 لباسنى وقوشـاغنى اغتنام ايلهدى . بوموفقيتى منعاقب مملكتـه
 عودت ايله ايلك خانه قارشى قويمق اوزره على العجـله
 ماوراءالنهره قوشدى .

توركلارك خانى ، محمودك غيـوبـتـدن بالاستفاده قوماندانلرنـدن
 سپاش تـكـينى وجعفر تـكـينى برر اردو ايله خوراسـانه سوق
 ايتـمـشـدى . محمود طرفـندـن هرات واليسى اولان آرسلان
 جاذب تـكـين درحال كـيفـيتـدن حـكـمـدارـنى خبردار ايلهدى . محمود

[۱] ۳۹۵ تاريخ هجري سنده .

[۲] ۳۹۶ » »

سـنه
 ۱۰۰۴
 ابوالفدا
 ۱۰۰۵
 ابوالفدا
 دربلو

هندستانى ترك ايتدى . توركلره قارشى على العجله يورودى .
توركلارله قارشىلاشهرق اولنلى همان خوراسانى ترك ايتمه
واوقسسوس نهرندن اوتة طرفه چكىلمكه مجبور ايلهدى . بو
صورتله پوسكورتولش اولان ايلك اياخان قدر نامنده ديك
برخاندن امدادايستهدى . بوخان الى بيك سوارى قوتيله اونك
ياننه كلدى . ايكي خان اوقسسوس نهرينى كچهرك بلخ او كنده
اردو قورديلر . محمود نماز قىلدقن ، اللهك لطف وعنايتنى
استرحام ايله دكن صوكره بياض بر فيله راكباً تورك اردوسنه
قارشى يورودى . ايلك خانك بولونديغى محلك اطرافنى چويردى .
محمودك فيلى بوخانى بار كيرينك آياقلىرىنىك آلتىدىن چكوب
آلدى . ياننده حرب ايدنلر ايسه بوحيوانك آياقلىرى آلتىده
چيكنىدى . فقط خان ، دربلونك ديدىكى كى ، بو مصادمهده
وفات ايتمه مشدر . چونكه تاريخ وفاتى ۱۱۱۰ سنه سنه
مصادفدر . محمود دشمنلىرىنه او قدر چوق ضايعات ويردى كه
[۱] . آنجق پك آزى قورتوله بيلدى . قاچانلرك قسم اعظمى ده
جيحون نهرنده بوغولدىلر .

سنه

۱۰۰۶

بر بويوك مظفريتدن صوكره محمود تكرار هندستانه كيتدى
[۲] . اوراده فتوحتنك دائرەسى كنيشتىدى . قبول ايتدىكى
دين اسلامى ترك ايتش اولان حكمدار نواشاھى تاديب ايلدى .

۱۰۰۷

[۱] ۳۹۷ تاريخ هجري سنه .

[۲] ۳۹۸ » »

سنه
۱۰۰۹
در بلو
مسعودی

برقاج سنه صوكره ينه هنده دوندى . هندستانك اك ذى قوت
واك زنكېن حكمدارلرندن بال ابن اندبالي مغلوب ايتدى [۱].
آلتون ، كوموش و ذى قيمت طاشلردن تركبايدن خزينه لرى
غالب حكمداراك انه كچدى . محمودك صيتى كجرات قراللغنه قدر يايىلدى .
اوراده حكمران اولان قرال بوتون هندستانك اك قوتلى
حكمدارى ايدى . بالهारा Balhara عنوانى ، دليك قولاقلىلرك
قرالى عنوانى طاشيردى . هندستانك سائر قراللىرى كندى
حكومتلىرى داخلنده مستقل اولمقلا برابر اونى ايمپراطور ديه
طانيارلر ، سفيرلرني كمال حرمتله قبول ايدرلردى . برچوق
باركيره وفييله مال كدى . حكم و نفوذى كجرانك و قونقان
concan ك كائن اولديغى ساحل بھاردن اچريلردو غروپك واسع
بر الكا اوزرندو جارى ايدى . پاختى نه هلوارا Nehelvara
نامندو ايدى . بو حكمداراك صوكره سراينى كلكتهدو تأسيس
ايدن سامورن Samorin اولديغى ظن ايدىليور . هندستانك
بو قراللىر قراللى سلطان محموددن صاحبه طالب اولدى . اللى
فيل ايله غايت عظيم مقدارده بر ويركو ويرمك شرطيله صاحبي
استحصال ايدو بيلدى . بو صلح هندستانده تجارتك انكشافنه پاك
چوق خدمت ايتمشدر . آرتق مسلمان كاربانلرى هندستانه
اولككندن دها زياده امنيت ايله كيدوب كلكته باشلاديلر .
غزنه نك شمال غربي سنده غور Ghour يعنى اووا ياخود

در بلو

چوققور ير دنيلىن كوچوك بر الكا واردى . هند ايله بونك
 آراسنده راودر Ravre الكاسى كاشدى . اسكى ايران حكمدارلىرى
 نسلندن بر طاقم پرنسار بورايه چكىلمشلىردى . اوراده ظاهرى
 بر استقلال ايچنده ياشايورلىردى . بحر خزر ايله غاثر نهري
 آراسنده كى بوتون الكاره صاحب اولان سلطان كنديسنه
 بوقدر جوار بر الكاسى تحت تسخير آلمق آرزوسندن منع نفس
 ايدىمدى . چوقدن برى بوراده حكومت سورن محمد بن سورى يه
 هجوم ايتدى [۱] . مؤخرأ غزنويلىرى محو ايدن غوريلىر بونك
 نسلندن كليرلىر . سلطانك انه اسير دوشن محمد ، كيزله ديكى
 بريوزوك ايله كنديسنى زهرليهرك اسارتنه نهايت ويردى .
 اورادن محمود غرب طرفلرينه دوغرو يورودى ، غورشيستانه
 قدر كيردى ، شار الكاسنى اله كچيردى .

حقنده يك آز معلومات موجود اولان بوملت اليوم
 غورشيستان ولايتنك داغلرله ، يالچين قايالرله محاط برولايتى
 اولان قاردوئل Karduel قربند چار Tschar نامى آلتندى پايدار
 اولمقدهدر . بورالرده كويلر يك چوقدر . اووالرده ، داغلرده
 هپ كويلر وارددر . بو كويلر ك سكهنىسى اولان چارلر قسماً
 اراضيلرينك و مواشيلرينك كليرى ايله قسماًده جور قوملىر
 نزدنده پايدقلىرى شقاوت ايله كچينرلىر . جسور ، متشبث بر
 قومدرلىر . استقلالى سورلىر . كيمسه يه ويركو ويرمىزلىر .

چونكه كيمسه اونلرى ويركو تأديه سینه اجبار ایدەمن .
 محمودك بورایه يالکیز بر آقین یامقله اکتفا ایتیش اولماسی ،
 چارلرك او داغلر ایچنده دائماً حرقلش بولونمالری پك محتملدر .
 بوقدر صرپ و یالچین بر مملکتده ، بوقدر وحش طبیعتلی بر
 قومدن بر استفاده تأمینى قابل دکلدی . محمود مملکتینه
 دوندیکی وقت مصر خلیفه سی حاکم دن مکتوبلر آلدی . حاکم
 کندیسنى خلیفه طانیماسنی طلب ایدیوردی . محمود بومکتوبلری
 کمال اسنیخفاف ایله تلیق ایدەرك بغداد خلیفه سی قادره کوندردی .
 صوکره تورکلرله حرب ایتدی [۱] . طوغان نامنده کی خانه
 ومتفقلرینه بویوک بر غلبه چالدى . بومتفقلرك آراسنده چینلیلرده
 بولوندیغی روایت اولونیوردی . محمود تکرار هندستانه دوندى .
 ماروین Marvin شهرینی وقرالغنى ضبط ایتدی [۲] .
 بوسفر مناسبتیله خوندمیر Khondemir محمودك ، جوار
 ولایتده دیز چوکن فیملر بولوندیغنى خبر آلدیغنى روایت
 ایدیور . بوندن دولایی اوفیللرده مسلمان فیملر نامی ویرلشدر .
 محمود اوقطعه یی فتحه عزم ایله دی . اورادن پك زنکین غنائم
 آلدی ، برچوقده فیل کتیردی . ایرته سی سینه [۳] غزنه یی
 ترك ایله هنده کیتدی . فقط بودفعه اسکیلر قدر بختیار
 اولامادی . اردونك بر قسمی ده کیزدن طاشمش اولان صولرك

[۱] ۴۰۴ تاریخ هجریسنده .

[۲] ۴۰۵ » »

[۳] ۴۰۶ » »

آلتده قلدی . محمودده پایتختنه عودته مجبور قلدی . اورادن
خوارزم قطعه سنه یورودی . بوکاده دامادی مأمونك عصیانی
سببیت ویرمشدی [۱۱]. خوارزمشاه عنوانی آلان مأمون
بوولایتك والیسی ایدی . بغال تکیین ایله بعض غیرممنونلراونی
سلطانہ قارشی عصیانه تشویق ایتشلردی . محمود خوارزمه واصل
اولونجه عاصیلری دائرة اطاعته صوقدی . خوارزمك اداره سنی
آلتون طاشه توجیه ایله دی .

دربار
ابوالمحسن
سنه
١٠١٦

هندستان او قدر واسع بر مملکت در که محمود ایچون هر سنه
شجاعتی کو ستر که یکی بر میدان عرض ایدیوردی . ذاتاً بو
هند سفر لرینی بر وظیفه دینه کی تلقی ایتکهده ایدی . مقصدی
اسلامیتی اوراده ممکن اولدینی قدر چوق نشر ایتکهدن عبارتدی .
مولتان ولایت جسیمه سندن کچدی ، غائر نهرینه قدر ایلر یله دی .
بنارسک شمالنده کائن قنوج شهرینی آلدینی کی قاسام دنیلن دیگر
بر مملکتی و اوغانام الکاسنی ده ضبط ایتدی . غزنه یه عودت
ایتدیکی زمان ده هندستانک شمال طرفلرنده تکرار بر حرب
تدارکاتی ایله مشغول اولدی . غزنه دن اوچ آیلق مسافه ده
قیصر ارج Kistradge دنیلن بر الکیاه واصل اولهق [۲۱] بوراسنی
ضبط ایتدی . بوتون ثروتلرینی آلدی . بوراده او قدر
چوق مقدارده اسرا الده ایتدی که ایسته ینلره غایت دون
فیئاته بونلری ضایعورلردی .

ابوالفدا
سنه
۱۰۱۷
در بلو
ابوالفدا

[۱] ۷۰۴ تاریخ شجریسنده .

» » 3 . 4 [7]

بونی متعاقب برقچ سنه بوبویوک فاتحك نه صورتله وقت
 کچیردیکی حقنهده تاریخ بزه هیچ بر معلومات ویریور .
 صوکره تکرار هندستانده حربه کیتدی [۱۱] . بوراده دسترس
 اولدیغی غنائمن بر قسمی خلیفهیه کوندردی . برمدت
 صوکره [۱۲] هندستانه تکرار بر سفر اجرا ایتک تصورنده
 ایدی . بوندن خلیفهیه ده خبردار ایتدی . محمود بغدادده کی
 عباسی خلیفه سنه پک مربوط ایدی . مصرده کی فاطمی خلیفه سنه
 هیچ تحمل ایدم میوردی . فاطمی خلیفه لری ایسه محمودك
 دوستاغی فازانغه و خلافتلری اوکا قبول ایتدیرمه پک ارغرا -
 شیورلردی . بومقصدله محمودك مکیه یوللادیغی صرهیه رفاقت
 ایدن خوراسان والیسی خسنك نامنده بر قوماندانه بر خلعت
 کوندردیلر [۱۳] . خسنك بوخلعتی قبول ایتدی . بغداددن
 کچمك ایسته مدی . چونکه شهره کیرمه سنه خلیفه قادرك ممانعت
 اتمه سندن قورقوردی . فقط خلیفه محموده شکایت ایتمش
 اولدیغی ایچون محمود، قوماندانه خلعتیه برابر قادرك حضورینه
 چیقمنی امر ایتدی . خلیفه بوخلعتی کندی الیه یرتدی .
 بو اثناده محمود هندایلره قارشى یوروومه حاضر لانیوردی .
 کجرات قرالغنه هجوم ایتدی [۱۴] . ژاکت Jaquete بورنی

[۱] ۴۱۰ تاریخ هجریسنده .

» » ۴۱۲ [۲]

» » ۴۱۵ [۳]

» » ۴۱۶ [۴]

سنه

۱۰۱۹

ابوالمحسن

۱۰۲۶

۱۰۲۴

سنه
۱۰۲۵
ابوالفدا
دربلو

قربنده صنم سومنات Sanem-soumenat تسمیه ایدیلن بر
شهری آله کچردی . بو شهرده سومنات اسمنده بویوک برصنم
بولدی . یکپاره برطاشدن یاپلمشدی . یکرمی بش مترو قدر
ارتفاعی واردی . فقط صنمک آنجق جزئی بر قسمی کور وایوردی .
سائر طرفلری طوپراغه کومولمش ایدی . بو قسم اللی آتی
ستونلی بر معبدده ایدی . بو ستونلرک یکپاره آلتوندن معمول
اولدقلری ، اوزرلرنده یاقونلر و سائر ذی قیمت طاشلر بولوندیغی
سویله نیور . بو ، هندستانک ال بویوک صنمی ایدی . بوتون هندلیر
اورایه حجه کایرلردی . غایت واسع اراضیلر بورایه وقف
ایدلمشدی . محمود بوتون بو ثروتلری آلدی . صنمی قیریدی .
بو مشرکاردن اللی بیگدن زیاده سنی قتل ایتدیردی . عسکرلرینک
آلدقلری غنائمدن ماعدا محمودک حصه سنه یکرمی میلیون
آلتون سکهدن فضله بر غنیمت اصابت ایتدیکی ادعا اولونمقدددره
فقط بو ثروتلر بعرقه Baarca شهرینی ضبط ایتدیکی زمان
آلدیغی غنیمتلره نسبتله هیچ قالیر . بوراسی غیر قابل تسخیر
کچی تاقی ایدیلن بر قلعه ایدی . شهرده یتمش میلیون آلتون
سکه ، حدسز حسابسز آلتون و کوموش اوانی ، قماشلر ،
اینجیلر ، برچوق ذی قیمت طاشلر واردی . از جمله اون بش
مترو قدر طولنده وایکی بوچوق مترو قدر عرضنده براوطه
واردی که زمینی هپ کوموشدن ایدی .
هندستانک بوتون بو ثروتلرینه صاحب اولان محمود ،

ابوالحسن

مسلمان حکمدار لرینک اک ذی قدرتی واک زنکینی حالنه کلدی .
 صنم سومنات الکاسنده دابشه لیم Dabschelim نسلندن
 برقرال براقدی . بونلر هندستانده اوزون مدت حکومت ایتمش
 اسکی بر عائله ایدی . فقط حقرنده کافی درجه ده معلوما تمز
 اولمادیغی ایچون کندیلریدن بوراده بحث ایدمه یه جگیز . محمود
 غزنه یه عودت ایدنجه جامعلره برچوق تبرعاند بولوندی . بوتون
 بوفنوحات عظیمه دن خلیفه یی خبردار ایتدی [۱] .

سنه

۱۰۲۷

دربلو

شیمدی یه قدر بو حکمدارک شمالده تورکلرله یاخود هندستانده
 مشرکلرله حرب ایتدیکنی کوردک . حکم ونفوذلری تابغدادده
 خلیفه لری تحت انقیاده آله جق درجه ده کسب وسعت ایتمش
 اولان آل بویه یه هجوم ایتدیکنه دائر تاریخده برقیده تصادف
 ایتمه یورز . آل بویه بر قاچ قوله منقسم ایدیلر محمود بونلرک
 عراق عجمده حکمران اولان قسملله حال اختلافه کیردی .
 فخرالدوله حین وفاتنده ممالکینی اوغلی اون اوچ یاشنده مجردالدوله
 رستم Rostan ه براقشدی . ملیکه سیده Seïdat غایت مقتدر
 برقادین ایدی . ایپراطورلغک اداره سنی انه آلدی . اوغلنه
 وصایت ایتکه باشلادی . محمودک آمال حریصانه سنی بیلوردی .
 بوتون اعتناسنی بونکله خوش کچنمکه تخصیص ایتدی .

مجدالدوله ده براز بویونجه کندیسی اداره حکومت ایتک
 ایسته دی . وزیراعظم انی مشهور فیلسوف ابوعلی ابن سینایه
 توجیه ایتدی . والد سنی حکم ونفوذدن محروم براقدی . بو پرنسس

لارستانده بر قلعه‌یه چکیلمکه مجبور اولدی . قلعه قوماندانی
 کندیسنه عرض خدمت ایله‌دی . بر اردو ترتیب ایتدی . پرنسس
 بو اردو ایله‌ری Rey قربنده اوغلنه هجومه کیتدی . مجدالدوله
 ایله وزیر ی ابن سینا اسیر دوشدیلر . سیده زمام حکومتی تکرار
 اله آلدی . فلاکت و ادبارنده جسارت و اعتماد کوستردیکی
 قدر سعادت و اقبالنده عداوت و حکمت ایله تمیز ایتدی .
 بوتون تبعه‌سنه کندیسنی سودیردی و حرمت حسی ویردی .
 بریده آرقه‌سندن بوتون مجلسله ریاست ایلردی . فقط سفرایی
 یوزی آچیق اوله‌رق قبول ایدیوردی . چوق کیمه‌دن اوغلنی
 عفو ایده‌رک تکرار تخته چیقاردی . یالکیز اوکا نصیحت
 ویرمک و حکمدارلق کبی زور بر مسلکده رهبر اولمق ایله
 اکتفا ایتدی . سلطان محمود بونلرک مملکتنی اله کچیرمک
 آرزوسنده ایدی . هیچ دکاسه سلطان اوله‌رق طانمق یعنی
 سکه کندی نامنه ضرب ایدیلک ، خطبه‌لرده اسمی اوقونمق
 ایسته‌یور ، ویرکو آلمق فیکرینی بسله‌یوردی . بونلردن برینی
 طلب ایچون سیده‌نک سراینه سفیرلر کوندرمشدی . سیده محمود
 شو جوابی ویری : « زوجم متوفا حکمدارک زماننده سزک حکم
 و نفوذ کزدن دائما قورقدم . جسارتکسزک سزی غایت جسور بر
 حکمداره هجومه سوق ایده‌یله جکنی دوشونیوردم . شیمدی زوجم
 اولدی . بن‌دول برقادیم . برچوجوغک وصیسیم . حکومتده
 نائب موقعنده بولونیورم . آرتق سزدن هیچ قورقوم قالمامشدرم .

چونكه علو جنابكـزك پك بويوك اولديغنه امين اولديغيم ايچون
 نمله سلاحـركـزي اولچمكه قالقه مازسـكـز. عقل و درايـتـكـز پك
 درين اولديغى ايچون بر محاربـهـنـك وقوعى بزم اراده مـزـه تابع
 ايسه ده نتيجه سى دائـمـامـشـكـوك اولديغنى تقدير ايدرسـكـز . بكا
 قارشى اميد ايتديكـكـز موفقيته نائل اولديغـكـز تقديرده بر
 دول قادينـه و كوچوك بر چوجوغه غلبه چالمش اولمق عجبـا
 شان و شرفـكـزى آرتدیر اجمـيـدیر؟ مغلوب اولديغـكـز تقديرده
 او قدر عظيم الكـالـرى تحت تسـخـيره آلدقـدن صوكره بر
 قادينـك او كـنـده فراره مجبور اولمش بر حكـمـداره هر كس
 نه ديهـكـ ؟ »

سنه

۱۰۲۹

ابوالفدا

بو مکتوب پرنسـكـ اميد ايتديكى نتيجه يي حصـوله
 کـتـيـردى . محمود تصـورـاتـنـك اجراسنى باشقه بر وقته تعلیق
 ايدـهـرك ذاتاً اختيار بولونان سیدـهـنـك وفاتى بکله مکه قرار
 ویردى . چوق کچمه دن سیدـه وفات ایتدی [۱۷]. جریان ایدن
 احوال محمودك انتظارينه موافق حيقدى . کنج حکمدار دائمی
 بر سفاهت ایچنده یاشایوردی . ذکادن محروم ایدی . حکومتـه
 کوز دیکمش اولان امرانـك منازعاتى مملکتـى تفرقه يه
 دوشوردی . باشلیجه اوچ امیر برر فرقه تشکیل ایتـمـشـلـردى .
 جرئتکارانه برقرار اتخاذايتـك قابليتـدن محروم اولان مجدالدوله
 شکایتده بولوندى . هندستان سلطانی بو فرصتـدن استفاده ايله

بونلرک مملکتلرینی ضبط ایتمک قالقدی . محمود اردوسنک
 باشنده، مازندران طریقله عراق عجمه کیردی . آل بویه
 ایمپراطورلغنک پایتختی اولان ری شهری قارشیسنه کلدی .
 مجدالدوله یی طوتمالری ایچون امرویرمشدی . فقط بو حکمدار
 کندیلکندن کلوب محمود تسلیم اولق ساده دلاکندبولوندی .
 روایت اولوندیغنه کوره محمود اوکا عینی یرده ایکی حکمدار
 بردن عینی قدرتله بولونه بیله جکنی بر طرفده او قویوب او قومامش
 اولدیغنی صورتدی . مجدالدوله نك خار جوابی و یرمه سی اوزرینه
 دیدی که: او حالد سزی کیم مجبور ایتدی ده بلا لزوم کلوب
 بکا تسلیم اولدیکز؟ وبوصورتله بنی نفسکزه و حکومتکزه
 صاحب بر حاله قویدیکز؟ مجدالدوله اسیر صفتیله غزنه یه سوق
 اولوندی . اوراده اتمام حیات ایله دی . محمود، ری، اصفهان،
 قزوین شهرلرینی و آل بویه نك بو شعبه سنه عائد اولان بوتون
 ممالکی ضبط ایتدی . بو عائیه مربوط اولان خلقه یکی بر
 سلاله نك اداره سی پک مشکلاته قبول ایتدیریله یلدی . مخالفلری
 تنکیل ایچون محمود صوک درجه ده ابراز شده مجبور اولمشدر،
 اصفهانده عصیان ایتش اولان درت بیک کشی یی بردن قتل
 ایتدیردی . قزوین سکهنه سنی ده عینی صورته جزا دیده ایتدی .
 قزوین ولایتنک اداره سنی اوغلی مسعوده ویردی . صوکره
 غزنه یه دوندی .

روایت اولوندیغنه کوره، عراق عجمک فتحندن صوکره،

بو الكادن هندستانه كیدن كاروان ندوبندان Nedubendan
 نامی ویریلن بر چولده کی اشقیا طرفندن تعرضه معروض
 قاله رق یغمایه اوغرادى . بو منازعه ده بر اوغلانی غائب ایتیش
 اولان بر دول قادین عدالت ایسته مک اوزره محمودك سراینه
 کلدی . سلطان ، عراق ، پایتختندن چوق اوزاق اولدیغی
 ایچون اورالرده وقوعه کله بیله جک قاریشتمقلرک کافه سنی
 تسکین وازاله قابل اولامایه جنی یوانده بر جواب
 ویردی . بونک اوزرینه قادین کمال جسارتله شو سوزلری
 سویلهدی : « اوپله ایسه نهدن اداره ایدمه یه جکسکز
 مملکتلری ضبط ایدیورسکز ؟ روز محشرده جناب الله
 بونلرک حسابی سزدن صور دینی وقت نه جواب ویره جکسکز ؟ »
 بو سوزلردن متأثر اولان سلطان قادینه بر چوق هدیه لر
 ویردی . بوتون ممالکنده نشر ایتدیکی بیاننامه لرده بعدما
 هندستانه کاروان ایله کیدن تاجرلرک مال و جانلری نی تکفل
 ایتدیکنی اعلان ایدهرک بونلرک یانه یوز نفر دن مرکب
 قوای محافظه ویردی . فقط بو قدر بر قوه عسکریه اشقیانک
 تعرضاتی منعه کافی اولمادیغی ایچون ایلمک کاربان ایله بر طاق
 زهرلی میوه لر کوندردی . عسکرلر چولدن کچرکن بومیوه لری
 براقدیلر . اشقیا بونلری یه نیجه بر چوقلری تلف اولدی .
 متباقیسی ده قیلیچدن کچیریلدی .

ابوالفدا
 ابوالفراج

سنه
 ۱۰۳۰

عراقك فتحندن صوكره ، غزنه یه عودت ایتیش اولان

محمود بطی برحمایه اوغرا دی و بو خسته لقدن وفات ایتدی [۱] .
۹۷۰ تاریخ میلادیسنده تولد ایتش اولدیغی ایچون حین وفاتنده
آلتش بر یاشنده ایدی . بو حکمدار ، مسلمان قهرمانلری
آراسنده ، متصف اولدیغی فضائل ایله نشر دین خصوصنده
کوستردیکی غیرتدن ، شجاعت ، فعالیت و احتیاطدن دولایی
برنجی موقعی احراز ایتک لازم کلیر . بو قدر بویوک فتوحاته
نائل اولان بر حکمدار آنجق بویله اولاییلیردی . زمان
اداره سی حقنده ویردیگمز شو ناقص و مختصر معلومات ،
محمودی بزه دها ای طائقی اوزره هیچ بر محرک صرف
غیرت ایتمه مسندن دولایی بزی تأسفله غرق ایدر . چونکه
میدانه قونیله حق تفصیلات سایه سنده محمودک صیق صیق سفر
ایتدیکی هندستان حقنده ده بر چوق حقایق اورتیه چیقه جقدی .
متفرق یازمه آثاردن طوپلامق قابل اولان معلوماتک کافه سی
هپ بر آرایه کتیردم . محمود بویوک بر قهرمان اولمقله برابر
ضعفندن ده عاری دکلدیر . ادخار ثروت خصوصنده پک حریص
اولدیغی مقام مؤاخذه ده سویله نیور . وفات ایتهدن اول
خزینهلرینی بر کره دها کوره رک متلذذ اولمق ایستهدی .
بونلری او کینه کتیردیله . کمال دقتله هپسینی کوزدن کچردی .
بونلره باقدقجه ایچنی چکیوردی . بو خزینهلر اونی اولومدن

[۱] ۴۲۱ تاریخ هجریسی جمادی الاولنده یاخود بعضیلرینه
کوره ربیع الآخرنده وفات ایتشدیر .

قورتارمغه قادر دكادى . بونلرى براقوب كىتمك لازم
كليوردى . محمود حرص تروتنى بولبول تسكين ايدىلمشدر .
چوقدن برى هيچ بر استىلاى اجنپيه معروض قالماش
اولان هندستان دنياك اك زنكين بر مملكتى ايدى .
زمانمزد تاماس قولى خان Thams Kouli-khan ك ياپديغنى
محمود اوزمانده ياپدى . فقط بوصوك فاتحه نسبتله محمود هندستان
اچريلرينه دها چوق نفوذ ايتمشدر .

محمود چركين بر آدمدى . بوندن متأثر اوليوردى بر حكمدار
ايچون كوزلايكك الزم برشى اولديغنه قانع ايدى . تبعه سنك
قابنى قازانمق ايچون بونك ده فائده سى اولوردى . چير كينلىكى
حسبيله كنديسندن صوغومه لرندن قورقاردى . وزيرى ،
حقيقى كوزلايكك فضيلت ، مزايای قلبيه وفكريه اولديغنى ،
چهره كوزلايكك موقت بر نعمتدن عبارت اولوب تبعه سندن
آنحق بيكده ىرى يوزىنى كوردىكى جهتله بوكاهيچ اهميت
بيله ويرلمه سى لازم كلديكىنى ، حالبوكه فضيلتنى عمومك حس
ايدرك بوندن دولايى كنديسنى سوه جكارىنى آكلاتدى ،
محمودى بواوزونتودن قورتاردى . قى الحقيقه محمود بوسوزلردن
استفاده ايتمش ونمونه عد اولونه حق بر حكمدار اولمشدر .
چير كينلىكى اونی بعض نفكرات وملاحظاته سوق ايتمك صورتيله
حقنده فائده لى اولدى . اوده كندى قصورلرمنى تقدير ايتمك
كيفيتنك باشقه لرندكى قصورلرى مسامحه يه سائق اولماسى حقيقى ايدى .

بو حکمدارده کی فکر عدالت حقنده بر حکایه نقل ایدر لر .
 حیانتدن بحث ایدر کن بو حکایه یی مسکوت کچه میه جگیز .
 بر کون تبعه سندن بری کله رک محموده ، اردو سندن بر تورکک
 قاریسینی و چو جقلرینی کندیسینه ترک ایله اوندن خیقماسی
 ایچون تضییقاندۀ بولوندیغنی مقام شکایتده سویله دی . محمود ،
 حقنده عدالتک تطبیق ایدیله جگنی وعد ایله تورک بردها
 کله جک اولورسه خبر ویرمسنی امر ایله دی . اوچ کون صو کره
 بو آدم ، او تورکک اوینه ککش اولدیغنی بیلدیردی . محمود برفاچ
 محافظ ایله درحال سرایندن چیقادی . اوه واردیغی وقت
 بوتون آیدینلقلری سوندیرتدی . تورکی قتل ایتدیردی .
 صو کره متجاوزک کیم اولدیغنی کورمک ایستدی . مشعله لری
 یاقدی لر . مقتولی کورنجه سجده یه قاپاندی . جناب حقه دعاده
 بولوندی . ییه جک ایسته دی ، چکیلدی . شکایت ایدن آدم
 بو حالدن حیرتده قاله رق محمودک آیاقلرینه قاپاندی . آیدینلقلری
 نه دن سوندیرتدیکنی ، تورکک قیلندن صو کره نه دن نماز
 قیلدیغنی ، نه دن او قدر عادی بریمک یمک ایسته دیکنی صور دی .
 محمود بوتجاوزک فاعلی اولان کیمسه نک کندی اوغولارندن بری
 اولماسندن قورقش اولدیغنی ، فقط تأمین عدالت ایتک
 ایسته دیکی ایچون ، اوغلنک یوزینی کوروب ده محبت پدرانیه
 مغلوب اولماق اوزره آیدینلقلری سوندیرتدیکنی ، صو کره
 بونک یابانجی بر آدم اولدیغنی کورونجه جناب حقه شکر لر

ایتدیکنی ، یمك یمك ایسته مه سی ایسه او آنه قدر اوزونتودن
بردورلو آغزینه برشی قویامامش اولماسندن ایلری کلدیکنی
سویلدی . بو حرکت ، تاریخده او قدر مدح ایدیلن رومالینک
یاپدیغندن ده یوکسك برشیدر . محمود ، قتل ایتدیره جکی
اوغلنك قتلی منظره فحیه سی، کورمیه جك صورتده داورانمش
وعینی زمانده تبعه سندن برینه قارشی عدالت کوسترمشدر .

بو قدر مملکتلرک فاتحی اولان محمود، خلیفه یه فوق العاده
بر هیئت سفارت کونرددی . اسلامیت اوغورنده ایفا
ایتدیکی خدماته مقابل اولمق اوزره یالکز بر عنوان مفخرت
ایسته یوردی . بونلری آنجق خلیفه لر توجیه ایده بیلیرلردی .
بوکا نائل اولمق ایچون برچوق رجالرده بولونمق لازمدی .
بو ، شرقلیلرده غریب برسیاستدر .

هر دورلو حکم ونفوذدن محروم قالمش بر خلیفه نك الك قوتلی
حکمدارلر رکابنده یورورلر ، آتک دیزکینلرینی یاخود
اوزنکیلرینی طوتارلردی . سلطانلر خلیفه یه قارشی بووظائفی
ایفا ایدرلردی . فقط بو، دینی برشی اولمقدن زیاده خلقه
خوش کورونمك ایچوندی . چونکه خلق خلیفه نك عجز
وضعنه تحمل ایدرده ، خلیفه صفتیه مظهر حرمت اولماسنه
تحمل ایده مزردی . محمود قورو بر عنوان ایچون اوزون مدت بیهوده
یره یالواروب دوردی . نهایت خلیفه ، محمودك بغداد اوزرینه
یورومه سندن قورقه رق آرزوسنی اسعاف ایتدی . مع مافیه

ینه قورنازلق طریقنه صاپلیدی . محمود برکولهك اوغلی ایدی .
خليفة ، محمود ولی دییه ایکی معنالی برعنوان ویردی . بو ،
دوست ، صاحب ، خادم ، اوشاق معناسنه ایدی . خليفةك
مقصدينی آکلایان محمود یوزبیک آلتون سکه دن عبارت برهدیه
تقديم ایله بوکله یه برحرف علاوه سنی رجا ایتدی . خليفة
بومناسبتله علی الاصول ویریلن براتی تنظیم ایتدیردی ، ویردیکی
عنوانه برحرف علاوه سیله اوئی والی شکلنه صوقدی .

محمود غزنه ده هند غنائم ایله انشا ایتدیردیکی سرایده دفن
اولوندی . بوکا سرای سعادت نامی ویرمشدی . غزنه
ایمپراطور لغنی اوغلی محمد براقدی . مسعود نامنده کی بویوک
اوغلنه عراق قطعه سی اصابت ایتشدی . اوکا عراقی توجیه
ایتدیکی وقت کندیسنه خلف اوله جق محمد ایله ناصل کچینه جکئی
صوردی . مسعود اوکا : « برادر کز اسماعیل ایله سزک کچیندیک کز
کی » جوابی ویردی . محمودک ، برادری اسماعیلک الندن
تاجی آلدیغنی واوئی برقلعه یه قاپادیغنی یوقاریده کورمشدک .
بوجواب محمودی یک متأثر ایتدی . اولادلری آراسنده اختلاف
ظهور ایده جکئی آکلادی . مسعود ، برادرینه برقالق
یاپمایه جغنه دائر وقوع بولان یمین تکلیفنه غزنه ده کی ثروتلری
برادر یله پایلاشه جغنه دائر محمد یمین ایتدیکجه راضی اولمایه جغنی
سویله دی . فقط مسعودک منفعتی اوکا یمینلرینی یک چابوق
اونوتدیردی . پدرینک وفاتی خبر آلدیغنی وقت اصفهانده

در بلو
ابوالفدا

ياخود ديكور برروايتہ كوره عراق داخلندہ همدانده ايدى .
 برادرينه يوللاديني خبرده حكومتى الندن آلمق فيكرندن
 اولماديني ، يالكر خطبه لرده ابتدا كندى اسمنك ذكر
 ايديله سنى ايسته ديكنى سويله دى . بو، مملكتده حاكم و سلطان
 اوله رق طانمق املنده اولديغنى ، محمدك كنديسنه اطاعت
 ايمه سى لازم كله چكنى آ كلا تمق دى . محمد بونى حس ايتدى .
 تحت تهديدنده بولونديغى حربہ حاضر لانمغه باشلادى . مسعود
 بوتون اردو رؤساسنى طرفنه جلب ايتمشدى . محمد توقيف
 و خلع اولونه رق برادرينه تسليم اولوندى . غزنه ده مسعودك
 حاكمدارلنى اعلان ايديلدى . بويكى سلطان تختنده يرله شير
 يرلشمز برادري عليهنده ترتيباتده بولونمش اولانلرى توقيف،
 خيانتلرندن دولايى اونلرى اعدام ايتيردى . فى الحقيقه بوكا
 مستحق ايديلر : زواللى محمدك كوزلرينه ميل چكىلدى .
 امرانك محمد عليهنه دونمه لرى تتوج كوني باشندن
 تاجك دوشمش اولماسندن وبوندن دولايى نشام ايديلسندن
 ايلرى كلديكى سويله نيور . بر چوق فنا لقلرك مسيبي اولان
 اعتقادات باطله اونلرك محموده قارشى ترتيباتلرينك و كندى
 اعداملرينك ده سبي اولمشدر .

سنه

۱۰۳۱

ابوالفدا

مسعود ، پدري نك بوتون ممالك كنده حاكم مطلق كسيلنجه
 محمودك هنوز نفوذ ايمه مش اولديغى مملكتلره كيدرك اورالرده

ابوالفراج

حرب ایتمك فكرينه دوشدى [۱] . سجدتانك جنوبند
 كائن اولان واسع مكران Mekran الكاسى صحنه حرب اولدى .
 مسعود بوراسنى ضبط ايله بويوك هند ده كيزى ساحلارند
 كائن تيز Tiz شهرينه قدر ايلريلهدى . بوفتوحات سايه سنده
 غزنويلىر همان بوتون ايرانه صاحب اولديلىر . يالكنز فارس
 ولايتى ايله بصره كورفزي ساحلنده كى موقعلر خارج قاليوردى .
 بورالىرى شيرازده تأسس ايتمش اولان آل بويهك برشعبه سنده
 تابع ايديلر . مسعودك ، آل بويهى عراق عجمده تكرر
 تأسس ايتمك ايسته ديكى ادعا اولونيور . بو ولايتى كا كويه
 Kakouiah نك اوغلى علاءالدوله يه ويردى . فقط بو ذات
 اوزون مدت اوراده قالامادى . ايلريده بحث ايده جكمز
 ساچوقيلر عراق عجمى ضبط ايله آل بويديى محو ايتديلىر ؛
 غزنويلىرك اك كوزل بوتون ولايتلرينه صاحب اولديلىر .
 هندستاندن كلن مدهش بر وبا [۲] غزنه ، خوراسان ،
 جرجان ، جبال ولايتلرينى وحتى سوريه يى دولاشدى ، بويوك
 ضايعاته سبب اولدى .

دربلو

ابوالفدا

سنه

۱۰۳۲

برمدت صوكره ، عراق عجم اوزرنده كنديسنى حق
 حاكميته مالك عدايدن مسعود ، ساوه Saoueh ، قم Com
 وجوار شهرلرده حكران اولان شاهريوشى Schahriousch

[۱] ۲۲۲ : تاريخ مجريسنده .

[۲] ۲۲۳ : « »

توقیف ایتدیردی [۱]. بو کوچوک ملکه قارشى سىپاتانك
 حدتى تحريك ایدن سببك نه اولديغى معلوم دكلدر. هر حالده
 بونى ، ساوه شهرينك سورلرينه اصدیردی . عینی تاریخده
 مسعودك احمدالمیندی نامنده کی وزیرى وفات ایتدی . بو ذات
 سلطان محموده بویوك خدمتار ایتش ، بویوك آدمرك اطرافنده
 اكسیك اولمايان انتریقه لره وافترالره رغماً محافظه موقع
 ایده بيلمشدی . کندیسنى حرم نور سلطان حمایه ایتدیکی
 جهتله دشمنلرینه غلبه چالغیه موفق اولیوردی . بو وزیر
 علمایى بك کوزتمشدر . محمودك سراینه مشهور شاعر فردوسى نى
 جلب ایدن اودر . فردوسى ، قدیم ایران شاهلرینك تاریخنى
 احتوا ایدن شاهنامه نك مؤلفى در .

فردوسى بو اثرى سلطانك امريله آلتش بىك مصرع
 اوله رق ترتیب ایتش ، آلتش بىك درهم کوموش مکافاته
 نائل اولمشدر . فقط شاعر بونى او قدر آز کوردی که
 محمودك سراینى ترك ایله مسقط رأسى اولان طوس
 شهرینه جکیلدى . اوراده ، پارهیه چوق مفتون بر حکمدار
 غلیهنده بعض شعرلر یازه رق انتقام آلدی . مسعود وزیر
 اعظمى احمد بن عبدالصمد ویردی . ینه بو تاریخده ك بویوك
 قوماندانلرندن بری ده وفات ایتدی . خوارزم والیسی آلتون
 طاش ، جیحون نهرینك اوتهلرنده کی ممالکه بر آقین یامغیه

کیتمشدی . بو بویوک قوماندان محاربهیه کیریشه جکی ائشاده
کوزینه بر اوق اصابت ایتدی . چکیمکه مجبور اولدی . بو
یارهدن وفات ایلهدی . اوغلی هارون پدرینک یرینه والیمکه
تعین ایدیلدی .

تاریخلوندن بحث ایدم جکمز سلچوقیلر ترانسوقیان (ماوراء
سیمون) قطعه سنده کندیارینی کوسترمکه باشلامشلردی . جیحون
نهرینی کچ شلر ، نسا - Nessa و ابیورد Abouird شهرلری
جوارلرینه قدر یالامشلردی . مسعودک بوتون وزراسی بو
تورکارک آقینلرینی دوردیرمه یی کندیسنه توصیه ایدیورلردی [۱] .
چو غالمه لرینه و اطرافی استیلا ایدم جک درجه ده قوتلنمه لرینه
میدان ویرمه دن ارنلرک طردایدلمه لری فکرندم ایدیلر . ناصل که
صوکره بو دیدکلری حقیقه حقیقه شد . بو سوزلره اهمیت
ویرمه ین مسعود ، پدرینک هندستانده نائل اولدیغی فتوحاته
دوام ایتمک املندم ایدی . محمود ، دهلی نک غربنده باندو
Bando دنیان ولایتده کائن سرستی Sarosti قلعه سنه دفعات
ایله هجوم ایتمشه ده بوتون مساعیسی عقیم قالمشدی . مسعود
بو قلعه یه یاقلاشدی . هندکلرینی آغاج کوتوکلری وقامیشلرله
دولدیردی . نهایت قلعه یی ضبطه موفق اولدی . عینی زمانده
جرجان و طبرستان طرفلرینی ده تحت تسخیره آلدی .

مسعود بو فتوحات ایله ودها سائر بعض شهرلری ضبط

سنه
۱۰۳۳
ابوالفدا
دربلو

ابوالحسن

ایله مشغول اولدیغی صیراده سلاجوقیلر خوراسانده بویوک
 ترقیاته نائل اولیورلردی . مسعود هندستانی ترک ایتدکن
 صوکره بو ولایتک امدادینه قوشمغه مجبور اولدی [۱]. ابتدا
 بعض موفقیات استحصال ایتدی . تورکلرک رئیس طوغرول
 بک هزیمته اوغرادی . اشیا سندن بر قسمی غزنویلر اردوسی
 طرفندن یغما ایدیلدی . فقط بر آرز صوکره [۲] ایش
 دکیشدی . طوغرول بک نیشابوره کیردی . مسعود مغلوب
 اولدی . غزنویه چکیلدی . همان بوتون اردوسی داغیلدی .
 خوراسان ولایتی الندن کیتدی . بو ولایتک ضیاعی مسعودی
 او قدر مکدر ایتدی که حدتی کیمدن آلاجغنی بیله مدیکسندن
 کندیسسی هندستان سفری ایله مشغول اولدیغی صیراده اداره
 امور ایله مکلف بولونانلری و قوماندانلرینی توقیف
 ایتدیردی . مع مافیه تهلکه پک عاجل ایدی . بوکا چاره ساز اولق
 اوزره یکیدن اردو طوپلادی . قومانداسنی اوغلی
 مودود Maudoud ویردی . بلخ حدودلری محفظه ایتک
 وسلاجوقی رؤساسنن بری اولان داودی طرد ایتک اوزره
 بونی اورایه کوندردی .

شمال جهتدن مملکتک بر تجاوزه معروض اولماسی
 احتمالنه قارشى بوصورتله تدابیر اتخاذ ایتدکن صوکره [۳]

[۱] ۴۳۰ تاریخ هجریسنده

[۲] ۴۳۱ « «

[۳] ۴۳۲ « «

در بلوچ

برادری محمدی محبسن چیقارتدی . هندستانده اجرا ایدیه جکی
 سفره چوجوقلریله برابر اونی ده کوتوردی . مسعود ، ایه شتی
 Lebeschti دنیان بر موقعه موصلت ایتدی . فقط سلاجوقیلرک
 کوندن کونه آرتان قوت وسطوتی اونی خوراسان و بلخ
 جهنلرینه کیتکه سوق ایله دی . ایندوس نهرندن چدیکی
 ضیراده اردوسنک رؤساسندن انوش تکین - که طواشیدن
 و بلخ شهرندن ایدی - بعض کوله لرله برلکده سلطانک
 خزینه لرینه هجوم ایتدی . دهها برچوق غیر ممنونلده محمدی
 تخلص ایتدی لر و تخته چیقمغه مجبور ایله دیلر . مسعود ،
 اردوسنک بر قسبیلله مدافعه ایتک ایسته دی . بر محاربه وقوعه
 کلدی . مسعود بو محاربه یی غائب ایتدی ، بر قلعه یه قاچدی .
 بوراده کندیسنی محاصره یه آلدیلر . مسعود تسلیم اولمغه مجبور
 اولدی . محمد بوتون عائله سیله برلکده مسعودی کیده Kenda
 قلعه سنه حبس ایتدی ردی [۱] . مسعوده قارشى بوراده پک
 حرمتکارانه معامله کوستردیلر . محمد ، مسعودی الله کچیرنجه
 کندیسنه یاپدیغی معامله نك عینى اجرا ایتدی ره جکنى سویله یه رک
 زوجه لری و چوجوقلری ایله برابر چکیلک اوزره بر قلعه
 انتخاب ایتسنی اوکا براقش ، مسعودده کیده یی ترجیح ایتش
 اولدیغی روایت ایدیلور .

ابوالفراج

سنه

۱۰۵۱

محمد ، کوزدن محروم اولدیغی ، بناءً علیه دوغرودن

دوغرويه اداره امور ايله، مديكى جهته دولت يوكنى اوغلى احمد
 تحمیل ايتدی. احمد موقع اقتداره كانجه بعض خزانك مهرلنه جکی
 بهانه سيله باباسندن مهر هايونی ایسته دی. فقط مقصودی
 عموجه سنی اولدی رتمکدی. بو مهر ايله برامر اسطاز ایتدی.
 امنیت ایتدیكى آدمیره ویردی. بونار قلعه یه کیردیلر. محمد
 خیزی اولمق سزین مسعودی اولدور دیلر. محمد بوكا بك اسف
 ایتدی. اوغانی یاپدیغی حر کتدن دولای تو بیخ ایتدی.
 مسعود، فقرايه قارشی کوستردیكى لطفارله شهرت قازانمشدی.
 هر سنه فقرايه بر میلون درهم پاره توزیع ایدردی. علمای دایما
 تشویق و حمایه ایلردی. جسور ایدی. حربده مهارتی واردی.
 امر اداره ده بویوک بر اقتدار صاحبی ایدی. عراق عجمه ،
 طبرستانه ، مازندرانه ، جرجانه ، خوراساننه ، خوارزمه ،
 الران الکاسنه ، سجستانه ، کرمانه ، مکرانه ، سنده ،
 الرخج Arroukhadje زابلستانه حاکم بولونیوردی. غزنه ايله
 غور الکاسی زابلستانده کائن ایدی.

مؤدود، خوراسانده سلجوقیلره قارشی حرب ايله مشغول
 اولدیغی ائنده پدری مسعودک خبر وفاتی آلدی. علی العجله
 غزنه یه کیتدی. اوراده کنديسنى سلطان اعلان
 ایتدیردی. صوکره غزنه دن هندستانه یورویره رک عموجه سی
 محمده هجوم ايله احمد وعصيانك مسببی امیر انوش تکیان ايله
 برلکده اسیر آلدی. محمد، بوتون چوجوقلری، طرفدارى

اولان امرا ھې قتل ايدىلدىلار. يالگىز محمدك اوغلى عبدالرحيمه
 برشى ياپمادى. چونكى بۇ پىك كوچوك اولدىغى ايچون مسعود
 فارشى اولان ترتيباتە اشتراك ايدە مزدى. بۇ مظهرىت مودودى
 بوتون غزنويىلر حكومتە صاحب برحاله كىتىردى. پاختە
 دوندى. سلجوقىلر كندىسىنى پىك اندىشناك ايدىيورلردى.
 ھەر كۈن يېڭى بىر ولايتى ضبط ايليورلردى. مودود بويوك
 براردو طوپلادىسەدە توركارك سلطانى آلپ ارسلان بونى
 پريشان ايتدى [۱]. مودود بىر ھند سفرىنە قىيام ايتىمكىن
 كرى دورمادى. ھندىستاندە متعدد قلعهلر آندى، محموددن
 دھا ايلرىلرە قدر ھندستان ايچنە نفوز ايتدى. صوكرە،
 توركارى تىنكىل ايچون برغىرت دھا صرف ايدەرك بويوك
 براردو طوپلادى. فقط حركتە حاضرلاندىغى صيرادە
 غزنەدە برصانجى يە طوتولدى. بۇنىڭ تاثيرىلە وفات ايتدى [۲].
 دوقوز سەنە اون آى حكومت سورمشى. يكرمى دوقوز
 ياشندە ايدى.

ابوالفدا
 سەنە
 ۱۰۴۳

دربلو
 ابوالفدا
 ۱۰۴۸

مسعود نامندە بر كوچوك چوچوغى قالمشدى. فقط غزنەدە
 بولنان باشلىجە تورك امراسى بوچوچوغە تابع اولمىق ايستەمە يەرك
 مودودك برادرى على بى تخته چىقاردىلار. سلطان محمودك دە
 عبدالرشيد اسمندە براوغلى بر حيات ايدى. حياتىڭ قىسم اعظمىنى

دربلو

[۱] ۴۳۵ تاريخ هجرىسندە.

[۲] ۴۴۰ « »

محبسده کچیرمشدی . بوصوك سنه لرده حبسدن قاجمشدی .
 شیمدی اوده میدانہ چیقدی . برفرقہ تشکیل ایتدی . یکی
 تختہ چیقمش اولان یکنی علی بی قوغدی . عبدالرشیدہ
 شمس الدین الله سیف الدولہ عنوانی ویریلدی . سجستان ولایتک
 اداره سنی طوغرول نامندہ برماہینجیسنه توجیه ایلہدی . بوکا
 صوك درجه اعتمادی واردی . طوغرول بویوک برفوقصاحی
 اولدی . مع مافیہ بونفوذینی سوء استعمال ایلہ افندیسنہ قارشى
 مديون اولدیغی شکرانی اونوته رق عاہیندہ ترتیباتہ قلقدی .
 عبدالرشید پاتختدہ محاصره یہ آلدی . بویله ناکہانی برعجومہ
 قارشى غافل بولندیغی ایچون قلعه یہ قاجدی . اورادہ یاقہ لانہ رق
 طوغرول طرفندن بی رحمانہ قتل ایدیلدی [۱] . سلطانہ رفاقت
 ایدن غزنوی شہزادہ لرینک ایچندن بوعاصی یالکیز مسعودک
 قیزی عنقای حیاتدہ براقہ رق اونکله اولندی . مقصد غصب
 ایتدیکی تاج و تختہ بوصورتلہ بر استحقاق پیدا ایتمکدی .
 خلق بو حرکتدن اوقدر متفر اولدی کہ طوغرولی
 نانکور وخائن دیہ یاد ایتمکہ باشلادی . طوغرول عموم
 نظرندہ منفور اولدی . صلاح تأسس ایتمہ مشدی . یکی حکمدار
 بونی یاپامازدی . غزنہ دہ وقوعہ کان انقلابدن خبردار اولان
 ہند قرالی خرخیر Kharkhir امرایہ ، حتی عنقا سلطانہ
 مکتوبلر یازہ رق اونلری سلاحہ صاریلغہ تشویق ایتدی .

طوغرول كندى سىراينده ، تختك اوزرنده قتل ايدىلدى .
 خرخير غزنه يه كندى . صوك قتالدىن قورتولش اولان مسعودك
 اوغلى فرخزادى سلطان اعلان ايتدىردى . بوسلطانك زمان
 اداره سى حقنده هيچ معلومات يوقدر . يالكر برصانجيدن
 غزنه ده وفات ايتدىكى بيلنيور [۱] . بونك يرينه برادري
 ابراهيم كچدى . بويكى سلطانك عنوانى مؤيد ايدى . برادرينك
 توركلر طرفدن مملكتلرينه آقن يالماق شرطيله سلاجوقيلرله
 ياپديغى صلحه بوده رعيت ايتدى . فقط معاهده احكامنه
 قارشى طرف رعيت ايتدىكى اچون توركلر اوزرينه بورومكه
 مجبور اولدى [۲] . محاربه يى قازانه مادي . هندستانده بويوك
 فتوحات اخراز ايتدى [۳] . برچوق غنائمله عودت ايله دى .
 بوندىن دولايى غازى و فاتح عنواننه نائل اولمشدر . مملكتنى
 حسن اداره يه موفق اولدقن صوكره غزنه ده وفات ايتدى [۴] .
 تاجى اوغلى مسعوده براقدى .

ابوالفدا

سنه

۱۰۹۵

دربلو

۱۰۷۹

ابوالفدا

دربلو

۱۰۸۸

ابراهيم اسلاميت حقنده كى غيرت وهمتى و ديندارلىغى ايله
 تميز ايتمشدى . برچوق جامعلر وخسته خانه لر ياپدىردى .

دربلو

[۱] ۴۵۱ تاريخ هجريسنده .

[۲] ۴۶۶ « «

[۳] ۴۷۳ « «

[۴] ابوالحسن ۴۹۲ سنه سى رجبنده وفات ايتدىكى ، قرق

سنه سلطنت سوردىكى سويله يور . بونى تحقيق ايدىجك و نائق
 المзде يوقدر . بن ۴۸۱ تاريخنده وفات ايتمش ديه كوستريورم .

کیجه بی عبادت ایله یاخود غزنه سوقاقلرنده احوالی تفتیش ایله
امرار ایدردی . فقرايه پك چوق صدقه داغیتیر، خسته لره
لازم اولان علاجلری ویردیریدی . اوچ آیلرددیعنی رجب ،
شعبان ، رمضان آیلرنده اوروج طوتاردی . هر سنه کندی
آیله برقرآن یازهرق غایت قیمتدار هدایا ایله برلکده مکیه
کوندریدی . حکومتی داخلنده برچوق شهرلر بنایتدیردی .
بونلره خیر آباد ، ایمان آباد اسملرینی ویردی . وفاتنده اوتوز
آلتی ارکك چوجوق براقشدر . بونلرک کافه سی یا علوم
وفنونده یاقنون حربیه ده تمیز ایتیشلردر . قرق دانده قیزی
اولمشدر . بونلری شهزاده لره تزویج ایتیه رک علمایه و اعمال
حسنه لریله تمیز ایتیش ذواته ویرمشدی . جوار قوملرک
کافه سی ده ابراهیمی سورلر ، حرمت ایدرلر ، اوکا سلطان
سلاطین دیرلردی .

مسعودک دور سلطنتی حقنده هیچ بر معلومات یوقدر .
جلال الدین و علاءالدوله ابوسعید ناملرینی طاشیدیوردی .
غزنه ده وفات ایتدی [۱] . سلچوق سلطانی سنجرک بر قیزیله
اولمش ، بوندن آرسلان شاه و بهرام شاه نامنده ایکی اوغلی
اولمشدی . بویوک اوغلی تختہ چیقنجه کوچوک قارداشلرینی
توقیف ایتدیردی . اونلره هیچ بر تخصیصات باغلامادی .
بهرام شاه فرار چاره سنی بولدی . خوراسانک بویوک بر قسمنه

ابوالفدا
سیوطی
سنه
۱۱۱۴
دربلو

صاحب اولان سنجرک ياننه کيدهرك اونک يارديمي رجايتدی .
 سنجر ابتدا آرسلا نه بريني کوندرهرك برادري لهنده شفاعتده
 بولوندى . فقط بوندن بر فائده حاصل اولمايغنى کورونجه
 اردوسيله غزنه يه دوغرو يورودى . آرسلان بر چوق فيلر
 و بويوك بر اردو ايله سنجرک قارشيسنه چيقدى . وقوعه کان
 محاربه ده مغلوب اولدى . بونک اوزرينه سنجر غزنه يه کيردى .
 اوراده هندک بوتون غنائمى بوله رق هپسنى آله کچيردى . بهرام
 شاهى تخته چيقاردى . يالکز خطبه لرده ابتدا سلچوق سلطانى
 محمدک، صوکره سنجرک نهايت بهرام شاهک اسمى او قونماسنى
 شرط قوييمشدى . ايشته غزنه سلطانلرينک ابتدا استخفاف ايتمش
 اولدقلى بو سلچوق تورکلى بو صورتله اونلرى تحت
 تابعيتلرينه آلمش اولدیلر . سنجر ، ممالکنه عودت ايدنجه ،
 هندستانه قاچمش اولان آرسلان شاه بر اردو ايله تکرار ميدانه
 چيقه رق غزنه او کينه کلدی . ايکى قارداش محاربه يه طوتوشه جقلرى
 وقت آرسلان شاه فرار ايتدی . برادري کنديسنى تعقيب ايله
 ياقالادی و بوغدير تدی [۱] . آرسلان شاه يکرمى یدی ياشنده
 ایدی . غزنه ده پدرينک تربيه سنه دفن اولونمشدر .

سنه

۱۱۱۸

بهرام شاه ايمپراطورلرده حاکم يکانه قالنجه ، اجدادى کي
 هندستانه سفر ايتمه قرار ویردى . اوراده بويوك موفقيا ته نائل
 اولدى . فقط چوق کچمه دن فتوحاتنى ياريم براقه رق غوري لرك

تهديداتنه قارشى اصل مملكتنى مدافعه چاره لىرىنى دوش-ونمك
 مجبوريتتده قالدى . بو عائله يىكى بر ايمپراطورلغك تملنى آتيورلر
 وغزنويلر ض رينه اولارق ياواش ياواش تأسس ايدىيورلردى .
 بونلرك مؤسسى اولان حسين ، قديم ايران شاهلرى نسلاندن
 كلديكى ادعاسنده ايدى . بويله مشهور بر عائله دن اولمقله برابر
 بويوك بر سفالت ايچنده قالمشدى . هندستانه اجرا ايتديكى بر
 سياحتده راكب اولديغى كى قسازده اولدى . حسين قورتولدى .
 جوار بر شهره كيتدى . فقط هيچ كيمسه يى طانيمايغى ايچون
 كيجه يى سوقاقدە كچيرمكه مجبور قالدى . خىرسىز ديه توقيف
 اولونه رق حبس ايدىلدى . يدى آى حبس خانه ده قالدى .
 شهرك حاكمدارى بر خسته لغه طوتولمشدى . شفاياب اولمى
 ايچون محبوسلرى تخليه ايتديلر . بوسايه ده حسين ده قورتولدى .
 ديشاريدە حبس خانه ده كندن زياده بدبخت اولان حسين
 بر طاقم اشقيانك انه دوش-شدى . بونلر كندىلريله برلكده
 كللكه حسيني اجبار ايتديلر . اوده بو اشقيايله عىنى تهلكه گره
 معروض اولدى . توقيف ايدىلهرك سياستكاهه كوتورولدى .
 جزاسنى كوره جكى صيراده شويله هايقيردى : «ياربى ، سن هيچ
 حقسزلق ياپماز ، هيچ خطا ايتمزسك . بنم كى بر معصومك
 مجرملر آره سنده جزا كورمه سنه مساعده ايدە جكميسك ؟ »
 بو سوزلر اوزرينه حسينك جرمىنى يكيدين تدقيق ايتديلر .
 سبيلنى تخليه ايله يهرك غزنه سراينه كوتورديلر . كنديسىنى

ابوالفدا
 دربلو

کوزمک ایسته مش اولان سلطان ابراهیم اوکا بر چوق
ایسک کرده بولوندی، یوکسک مناصبه تعیین ایتدی. ابراهیمک
خانی اولان مسعود، بلخک جنوبنده کائن اولان کور یاخود
غور ولایتنه اونی والی یاپدی. حسینک اوغلی و وارثی اولان
محمد بهرام شاه ایله عقد اتفاق ایدیه بیله جک درجه ده صاحب
قدرت اولمشدی. غزنه یه کلدی. فقط اظهار ایتدیکی اطاعت
و حرمت ظاهری ایدی. سلطانن نفرت ایدیور، اونی
آلاتمغه چالیشیوردی. تشبثاتی میدان چیقنجه اعدام ایدیلدی [۱].
کوچوک غوری حکومتی برادرلی سوری یه قالدی. اوده
محمدک تصوراتی تعقیب و اجرا ایتک ایچون غزنه یه کیتدی.
بونلری قوه جبرییه ایله موقع اجرایه قویایله جک حاله کلدی.
سلطان ایله مصادمه یه کیریشدی. فقط بونده سلطان برغلبه قطعیه یه
نائل اولدی. سوری اتلاف و عساکری پریشان ایدیلدی.
بوندن صوکره حکمدار اولان علاءالدین الحسین نامنده کی
برادرلری مهم بر اردو ایله غزنه یه دوغرو یوزودی سلطانی
مغلوب ایتدی، غزنویلرک پایتختنی اله کچیردی. بوراسنک
اداره سنی برادرلی سیف الدین سامه ویردی. مع مافیه سیف الدین
چوق مدت طوتونه مادی. بهرام شاهه مربوط اولان غزنه
سکنه سی اونی دعوت ایتدیلر. بهرام شاه غزنه یه کیردی.
سیف الدینی بر او کوزک اوسته بنیدیردک سوقاقلرده کمال

ابوالفدا

سنه
۱۱۵۲

دربلو

حقارت ایلہ دولاشدیرتدقین صوکره اعدام ایتدیردی . بو
 حقارتدن حدته کان غور حکمداری اخذانتقامه حاضر لانیوردی .
 فقط یولده بهرام شاهک وفاتی دویدی [۱۱] . بهرام شاه اوتوز
 آلتی سنه کمال حکمت و بصیرت ایلہ اداره حکومت ایتشدی .
 علوم و فنونی سوردی . علمایی دایما حمایه ایدردی . پیلپائی
 Pilpai نامی آلتنده طانیدیغمز هندجه پر اثری عجم لسانیه
 ترجمه ایتدیرن اودر . یرینه اوغلی نظام الدین خسرو شاه چیقدی .
 غزنه سلطانلرینه دشمن اولان غور حکمداری علاء الدین
 الحسین سفره دوام ایتدی . غزنه اوکنه کلدی [۱۲] . فقط
 محاصره آلتنه کیرمکدن قورقش اولان خسرو شاه علی العجله
 هندستانده لاهور شهرینه جکیلمشدی . غزنه ضبط اولوندی .
 اوچ کون یغمایه معروض قلدی . علاء الدین اوراده
 سلطاناغنی اعلان ایتدی . برسلطانه لایق اولان بوتون مراسمی
 ایفا ایلهدی . غزنه ده یکنلری غیاث الدین محمد ایلہ شهاب الدین
 محمدی براقدی . صوکره بونلرله بعض اختلافات چیقدی .
 وقوعه کان محاربه ده یکنلری کندیسنی مغلوب ایتدیلر .
 اسیر دوشدی . مع مافیه یکنلری تکرار عموجه لرینی تختیه
 چیقاردیلر . ۱۱۶۱ تاریخنده وقوع وفاتنه قدر تختیه قلدی .
 بوتاریخدن صوکره غزنوی حکمدارلرینک مقدراتی پک مشکوک

[۱] ۵۴۸ هـ تاریخ هجریسنده

[۲] ۵۵۰ هـ » »

ابوالفدا

سنه

۱۱۵۳

۱۱۵۵

در بلو

سنه
۱۱۶۰
ابوالفدا

برشکل آلمشدر . بعض مورخلره کوره خسرو شاه
لاهور سلطانی اوله رق وفات ایتمش [۱] ، ممالکینی اوغلی
ملک شاهه براقشدر . دیگر مورخلره نظراً خسرو شاد غوریلرک
محبسنده ترک حیات ایله مشدر . میرخوند بوکا خلف اولمق
اوزره خسرو نامه براوغلندن بحث اییدیور . بوایکی اسمک
مشابهتی برطاقم خطالر تولید ایتمش اولمق کر کدر . خسروده
ملک شاه کی پدرینه لاهورده خاف اولمشدر . غزنه اوزمان
غوریلره تابع ایدی . علاءالدین الحسینک وفاتندن صوکره
تخته غیاث الدین محمد چیقدی . ماوراءالنهره یکی کلش اولان
برطاقم تورکلر غزنه یی بو حکمدارک آلندن آلدیلر . بوتورکاره
غوز Gozz دیورلردی . رومایمپرارلغنک بعض ولایتلرینی
استیلا ایتمش اولان و آوروپاده اوزلر Uzes دییه معروف
بولونان قوم ایله بونلر بردر . بوتورکلر اون بش سنه قدر
غزنه ده قالدیلر . غیاث الدینک برادری شهاب الدین بونلری مغلوب
ایدهرک غزنه یی اللرندن آلدی . کرمانی ، شورانی ، هندستانک
برقسمنی تحت تسخیره کچیردی . خسرو شاهک بولوندیغی
لاهور شهری اوزرینه یورودی . شهر تسلیم اولدی [۲] .
غزنوی سلطانی حیاته دو قونونماق شرطیله عرض تسلیمیت
ایتشدی . شرف الدین بوکا احترامکارانه معامله کوستردی .

ابوالفدا
۱۱۸۲

[۱] ۵۵۵ تاریخ هجریسنده .

[۲] ۵۷۸ » »

فقط ایکی آی صو کره شهاب الدین ، خسرو شاهی چاغیردی .
 خسرو شاه او کاتسلیم اولماش اولدیغنی بیهوده یره ادعا ایتدیسده
 شهاب الدین اونی اوغلیله برابر تحت الحفظ کوندردی . غوره
 واصل اولونجه خسرو شاه ایله اوغلی برقلعه یه قاپادیلر . ایشته
 غزنوی سلاله سی بونلر له سوندی . بوسلاله ۲۱۳ سنه پایدار اولمشدی .
 ۹۷۶ تاریخ میلادی سنده حکمران اولمغه باشلامشدی .

غوریلر ، محمودك عائله سی انقازی اوزرنده ایشته بوصورتله
 تأسس ایتدکن صو کره خوراسانك مهم برچوق یرلرینی
 ضبط ایتدیلر . شهاب الدین ده هندستانه سفر یامش ، هندستانك
 بویوك بر قسمی تحت اطاعته آلمشدر . فقط آغرا ده مغلوب
 اولدی . صو کره هندیلر اوزرنده بویوك برغلبه احراز ایتدی .
 ذرتی اولمادن وفات ایدن بو حکمدار برچوق کوله یتشدیرمشدی .
 بونلر هپ تورك ایدیلر . اوندن صو کره تختنه بونلر چیقیدیلر
 و هندستانه یکی بر حکومت تأسیس ایله دیلر . ایچلرنده اکمهم
 اوج ذات وار ایدی . بری تاج ییلدیزدر که غزنه ده حکمران
 اولمشدر . دیکری نصرالدین در که مولتان ولایتده حکومت
 ایتمشدر . او چنجیسی ده قصب الدین ايبك Ibek در که دهلیده
 سلطنت قورمشدر . قطب الدین ، چینه قدر بوتون هندستانی
 فتح ایلدی . اوزون ذرتی اولدی . بونلرک الندن او واسع
 حکومتلرینی تیمورلنك آلمشدر . جدوللرده بو حکم ارلرک
 اسمیسنی قید ایتدم . فقط کوله لکن حکمدارلغه ارتقا ایدن
 یوتورکلرک تاریخنی وجوده کتیره بیله جک و نائق المزدده یوقدر .

هونلرك تارىخ عمومىسى

اونجى كىتاب

ايران سلچوقىلىرى

شىمدى يە قدر خليفه لرك ايمپراطورلغىدە تأسىس ايتىش
اولان توركار توركىستاندن آلتىش ، بغدادە كوتورلىش ،
اورادە اك يوكسك مناصبه قدر چىقىمىش عادى كوله لردن
عبارت ايدىلار . شىمدى تاريخلاردن بخت ايدە جكم توركار
كى بونلر بر هيئت ، بر ملت دكل ايدىلر . آل بويه ي ودى
شوكت غزنويلىرى ييقان ، خليفه مسلمىنى اسير حالنه كىتىن ،
كاشغردن وايندوسدن اعتباراً بوغاز ايچنە قدر آسيانك بويوك
بر قسمنى تحت انقيادە آلان سلچوقىلر توركىستاندن بر هيئت
حالىدە طويلو اوله رق چىقىدىلر ، غربى آسييا يە يايلىدىلر .
اورادە ايران ايله آناطوليناك اوردە سنده ايرتىش صحرالرنده كى
وسىحون نهرينك شماللارنده كى قابا اخلاق وعادەلر ينى محافظه
ايتدىلر . آسيانك اك كوزل شهرلرينە صاحب اولان بوتوركلر

بو شهرلری اسکی سکنه لرینه براقیورلر ، کندیلری جوار
صحرا لده چادیرلر آلتنده ، سورولریله یاشایورلر ، یازین دها
شمال مملکتلره ، قیشینده جنوب طرفلرینه چکیلیورلردی .

تورکلر وهوئی قه لر چینلیلر وختانلر طرفندن یوفاری
آسیادن طرد ایدیلد کدن صو کره بویوک بر قسمی ماوراء ییحون
ولایتلرنده یرلشمشدی . بر هوئی قه مهاجرلری کبی تلقی
ایتدیکم سلچوقیلر [۱] بخارا جوارنده نوربخارا دنیان بریرده
سکون ایچنده یاشامقده لر ایکن غزنویلرک مؤسسسی مشهور
سلطان محمود ، قدر خان نامنده کی تورک خاننه امداد ایچون
اردوسیه بورایه کیتدی . سلچوقیلرک رئیس میکائیلده بویوک
بر صریت کوردیکی ایچون خدمتنه آلدی . حتی جیحون
نهرینی کچوب خوراسانه کلهسی واوراده ساکن اولماسی
ایچون اونی زورلادی .

ابوالفدا
خوندمیر
بن شو

میکائیل ، ساچوقک اوغلی ایدی . بوندن دولای
تورکلرک بوقولنه ساچوقیلر اسمی ویرلشدر [۲] . سلچوقک
پدری دقاق Decac تورکلرکک جسور قوماندانلرندن بری ایدی .

[۱] میرخوند ، ساچوقیلرک آلانقوا Alancava نسلندن
بوسقین سالد کی Bouskin-saleghi اولادندن اولدقلرینی
سویله یور . بوبله اولونجه جنکیز خان عائله سنه منسوب بولونورلر .
نکارستانه نظراً سلچوقیلر بلجیان Belgian یاخود بیلخان Bilkhan
دنیان بریرده ساکن تورکمنلر ایدیلر . خوندمیر ایسه بونلرک
بحر حزر شمالنده قاپچاق الیکاسنده ساکن اولدقلرینی سویله یور .
[۲] ازونار Zonare بونلره هونغر تورکاری TuresHongres ،
سه دره Cedrene ایسه هونلر نامنی ویریور .

فوق العاده قوتندن وجسارتندن دولای تازیالق Tazialik
یعنی قوتلی واداره سی زور بریای لقبی آلمشدی. دقاق اولدیکی وقت
هنوز کنج اولان اوغلی سلچوق [۱] بیغو خان طرفندن بویوتولدی.
بو خان اوکا سباشی Bassaschi یعنی قوماندان عنوانی ویردی.
سلچوق، تورك امپراطورلغنى يوكسك مناصبه ارتقا ايتدی.
خانك بويوك توجهنه نائل اولدی. خونداميرك روايته اعتماد
ايدرسهك بوقوماندان، متبوعنه قارشى حرمتده قصور ايتمش،
پایتختنه کیره جك درجه ده جرئتکارلق کوسترمشدر. بو حرکت
مستحق مجازات ایدی. فقط سلچوق خانك سرانی ترکه مجبور
ایدن [۲] سبب نه اولورسه اولسون، هر حالده شوراسی
محققدر که خان ایله آرالرنده اختلاف ظهور ایتدی. سلچوق
تبعه سیله برلکده بخارانك اوته سنده جند Jond الکاسنه

کیلیوم دوتیر Dedyr کروایتنه نظراً بوقوملر، کندی قوتلری
تقدیر ایتدکلری زمان بر حکمدارلری اکسینک اولدیغنی کوردیلر.
بناءً علیه اک مشهور رؤسادن یوزینی انتخاب ایتدیلر. هپسندن
اوزرنده اسملری یازیلی برر اوق ایسته دیلر. بو اوقلری هپ بریره
قویدیلر. برچوجوق ایچارندن بردانه سنی چکدی. چیقان اوق
سلچوقک ایدی. ایشته سلچوق بوضورتله ملت رئیسى انتخاب ایدلمشدر.
بنداری Bendari ایله لب تاریخ Leb-Tarikh کوره سلچوق،
تورکستان حکمداری افراسیاب نساندندر. پیشدادیان تسمیه ایدیلن
ایلك ایران شاهلرله افراسیاب اوزون مدت حرب ایتمشدر. بونلر
هیچ بر قیمتی اولمایان افسانه لر قیلندندر.

[۲] هایتون Haiton سلچوقه سادوق Sadoc دیور.

چكىلهرك اوراده يرلشدى . قومشولرينك اراضيسنه آقيناير
ياپدى . مدهش برحاله كلدى . جندده يوز يدى ياشنده وفات
ايتدى . ميكائيل ، آرسلان [۱] وموسا [۲] اسمنده اوچ
چوجوق براقدى .

ايشته ميكائيل ، خوراسانه كيتمكدن امتناع كوستردىكى
جهنله سلطان محمود طرفندن آرسلان الحاجك اخطارانه
رغمأ سائر قارداشلىله برابر جبراً اورايه كوتورولدى . بوناظر

[۱] لب تاريخ بوكا اسرائيل نامى ويرمكده در . دربلونك
روايتنه نظراً وقتيله محمود توركلردن برشى مذاكره ايچون شايان
اعتماد برينك اعزامى طلب ايتمشدى . توركلرده اوكا آرسلانى
ياخود اسرائيلى كوندرمشلردى . سلطان ، ايجاب ايدرسه توركستاندن
نه قدر عسكر آلايله جكنى بوكا سوردى . اوزمان النده برياي ايله ايكي اوق
طونان آرسلان جواباً ، اردو كاھن زده بولوندير ديم اوقلردن برينى كوندره جك
اولورسه كزدر حال سزه اللى بيك سوارى اعزام ايديلير جوابى ويردى .
محمود دها چوق عسكر آلق قابل اولوب اولمايه جغنى صورونجه ايكنجى
اوق كورورلرسه اللى بيك كشى دها كوندريله جكى جوابى آلدى .
محمود يكيدين اصرار ايتدى . آرسلان دها بوبوك بر احتياج تقديرنده
ياني كوندرمك صورتيله ايكي يوز بيك توركك امداده قوشه جقلربنى
سويله دى . بو جواب سلطاني قورقوتدى . آرسلانك بو قدر عظيم بر
قوت جلب ايتمسندن قورقه رق اونى توقيف ايتديردى وبرقلعه يه قاپادى .
[۲] نسبتله مؤخر برر مأخذ اولان لب تاريخ ايله خوندا ميردن
نقلاً دربلو ، سليچوقك درت اوغلى اولديغنى سويله يور . اوچى ابو الفدادن
نقلاً ذكر ايتدكارمدر . دردنجيسى ده يونس ياخود بيغو Bigou در .
فقط اغلب احتمال كوره بو ، ميكائيلك اوغليدر .

توركلرك اوجوال و آتشين طبيعتلرندن احتراز ايتك لزومه
 قانع ايدى . اونلرى دولت داخلنه صومق دولت ايچون
 برتهلكه تشكيل ايدردى . سلطان محمود صوكره خطاسنى
 آكلادى ايسه ده آرتق ايش ايشدن كچمشدى . بوتوركلك
 بركون كندى خاندانك اك بويوك دشمنلرى اولاجغنه قناعت
 كتيرمش برحاله ترك حيات ايتدى . توركلرى مرو قربنده
 زنده كان Zendecan حواليسنه يرلشدير مشلردى . اوراده بويوك
 بر قدرت صاحبي اولمشلردى . مشرك توركلرك اراضيلرينه آقينلر
 ياپورلردى . بوسلچوقيلرك بر قسمى آرسلانك تحت اداره سنده
 اولدقلى حالده اصفهانه ، آذربيجانه قدر كيرديلر . اوراده
 مراغه Maraga شهرينى تخریب و اهالى يى قتل ايتديلر [۱] .
 ديكر بر قسم رى شهرينه قدر كيتدى . اوچنجيسى ده همدانه
 قدر ايلريله دى . موصل ده ضبط ايلديلر . آل بويه حكمدارلرندن
 علاءالدوله بن كا كويه Cakouiah ايله محاربه يه كيريشديلر .
 فقط بوبويوك آقندن چيقان ثمره بوتون بو مملكتلرك دهشت
 ايچنده قالمه لرندن عبارت اولمشدر . غزیه تسميه ايديلن بو
 توركلر اورالرده اوزمان هيچ يرلشمه مشلردر كى كورونيور .
 سلچوقيلرك ايلك زمانلرينه عائد وقايعى احاطه ايدن بو
 ظلمت پرده سى امكان درجه سنده ييرتيلابيلمك شرطيله ميدانه
 چيقان تفصيلاته نظراً ميكائيلك اوغللرى بيغو، طوغرول بك ،

سنه

۱۰۲۹

ابوالفراج

المكين

ابوالمدا

بندارى

جعفر بك داود صوكره خوراسانه كوتورمشر . ميكائيل
اورايه هيچ كيمه مشدر . ابوالفدانك فكرنجه بو اوچ شهزاده
ميكائيلك وفاتندن صوكره بخارا جوارلرنده قالمش ، تور كستانده
حكمران اولان بغرا خانك يانه چكيا مكه مجبور اولمشلردر .
طوغرول بك ايله قارداشي داود ، بغرا خان نرندنه بويوك بر
نفوذ قازانديلر . مؤخرآ آرالرنده نهدن دولايي اختلاف ظهور
ايتديكي مجهولدر . طوغرول بك توقيف ايديلدي . داودي بر
تورك اردوسي تعقيب ايتدي . فقط بو اردو پريشان اولدي .
بو سايده داود ، برادرينك حريتنى تأمين ايدى . ايكي
قارداش ، سامانيلر انقراضنه ، ايلك ايلخان طرفندن
بخارانك ضبطنه قدر متحد قالديلر . ابوالفدايه نظراً
ايشته بو تاريخلرده دركه ، جيحوني كچمش اولان محمود
بو سلجوقيلر رؤساسنى خوراسانه كوتورمشر . آرسلانك
مديتته كي عسكرلر بحث ايتديكمز آقنلري ياپديلر . طوغرول
بك ايله داود و بيغو بخارايه دونديلر . فقط على تكين اورادن
بونلري قوغدى . تكرار جيحون نهرينى كچمكه مجبور ايتدى ۱۱۱ .
خوارزم قربنه چكىلديلر . اوراده آلتون طاش قوماندان
ايدى . بونك اوغلى اولوب اونلرله بر معاهده عقد ايتمش اولان
هرون Gordon كنديلرينى آلداتدى . بوندن دولايي برچوق
ضايعات و يرديلر ، مروه دوغرو قاچمغه مجبور اولديلر .

سنه

۱۰۳۴

اۈزمان غزنویلردن حکمران اولان مسعود — که محمود
 خلف اولمشدی — بواجنیلری مملکتنه قبول ایتک ایسته مدی .
 چونکه اولجه ینه بولردن بر قسمی ممالکنده تخریبات اجرا
 ایتشلردر . اونک ایچون بولره قارشى بر اردو یوللادی ،
 تورکاری مغلوب ایتدی . فقط غزنویلر تورک اردوگاهنده
 بولقلری غنائم ایله پک مشغول اولدقلری ایچون سلجوقیلر
 کندیلرینی طویلامغه وقت بوله رق غزنوی اردوسنی بوزدیلر .
 بر مدت محاربه دن واز کچیلدی . تورک قوماندانلری مسعوده
 تابع اولدیلر . بوصلح دوره سنده مسعود آرسلائی محبسدن
 چیقاردرق قارداشلرینک یانه کوندردی .

شقاوت حالنده یاشامغه آلیشقین بولونان تورکلر صلح
 بزماننده بیله مزعج بر قومشو ایدیلر . بوندن دولایی طوس
 والیسی اونلری کندى اراضیسندن اوزاقلاشدیرمق ایسته دی .
 فقط مغلوب اولدی . طوس ضبط ایدیلدی . نیشابورده
 سلجوقیلرک تحت تسخیرینه کیردی . غزنویلر اوزرنده ده
 بویوک بر مظفریت قازاندیلر ۱۱۱ . طوغرول بک بوشهرک
 یغما ایدلمه سینه مانع اولدی . برادری جعفر بک داود بر اردو
 ایله کیدوب هراتی ضبط ایتدی .

غزنویلرک دشمنی اولان خلیفه فائم بامرالله ، آل بویه نک
 قوت ونفوذی آلتنده ازیلمکده اولدیغی جهتله سلجوقیلرده

بر معاونت آرامق فكرينه دوشدى . اونلره مشهور برهيئت
سفارت كوندرك مسلمانلره يارديم ايتلرني طلب ايلهدى .
بو احتياطسزجه برحركت ايدى . توركلرك كبر وغروريني
برقات دها آرتيردى . طوغرول بك نيشابورده غزنويلرك
تخته چيقدى وماتى طرفندن حكمدار اولهرق طانندى .
بوتون خوراسانه قانونلر وضع ايتدى . باشليجه شهرلره واليلر
كوندردى . بغداده ابواسحق الصفانى نامنده بر سفير
اعزام ايدرك مسلمانلرى غزنويلرك ظلم وتضييقندن قورتا-
راجغنه دائر خليفهيه تاامينات ويردى . فى الحقيقه سلاجوقيلر
سلاحه صاريلديلر . مسعود ايله غايت خونريزانه بر محاربهيه
طوتوشديلر . بونك نتيجه سنده بوتون خوراسانه صاحب
اولديلر . مسعودده بر آرزو كره وفات ايتدى [۱] . بو
مظفريتدن صوكره سلاجوقى حكمدارلرى نامنه خطبه
اوقوندى [۲] . شرقده حكم ونفوذك واستقلالك اك باشلى
علامتى بودر . ايشته بويكى ايمراطورلغك مبدائى بو تاريخ
اولق اوزره قبول اولونمشدر .

سنه
۱۰۳۹

۱۰۴۰

سلاجوقيلر ثمره فتوحاتلرني بينلرندە پايلاشديلر طوغرول
بك ايله برادري داود ، جيحونندن نيشابورده قدر اولان
الكالى آلديلر [۳] . بو صوكنجيسندن سلاجوقيلرك برشعبهسى

۱۰۴۱

بندارى
ابوالفرج

[۱] ۴۳۲ تاريخ هجري سنده .

[۲] ۴۳۱ » »

[۳] ۴۳۳ » »

تورده مشدر که کرمانده حکمران اولمشلردر . ابراهیم اینال
 Inal بن ساجچوقک حصه سنه قهستان و جرجان اصابت ایتدی .
 بونلر طبرستان ایله ساجچوقیلر طرفندن یکی ضبط اولونمشاردی .
 ابوعلی حسن بن موسی بن ساجچوق هرات ، بوشنج Bouchandje
 سجستان و غور الکاسنه مالک اولدی . طوغرول بک فتوحاتی
 دها اوزاقلره تشمیل ایتدی [۱] . بلخ ایله شاه ملک حکمران
 اولدینی خوارزم الکاسنی اله کچیردی . اورادن ، آل بویه نیک
 تحت ادارد سنده اولان جبال یا خود مدیه Medie قطعه سنه
 کچدی [۲] . همدان ایله ری شهرلرینی آلدی . بوصوک شهری
 غایت تحکیم ایتدی . جوار مملکت زدن آلدینی بوتون غنائمی
 بورایه کوتور یوردی . بو سایه ده بوتون عراق عجمک فتحی
 کندیس ایچون قولایلا شمش اولدی . اینالک اوغلی ابراهیمی
 قرمیسین Carmisin ی ضبطه کوندردی [۳] . کندیس ده
 حلوان Houlouan ه قدر ایاریله دی [۴] . برمدت صوکره
 آل بویه حکمداری ابوکالیجار Kalidjar ایله صلح عقد
 ایتدی .

ایشته بوایکی آراده در که یعنی ۱۰۴۳ تاریخ میلادی سنده

[۱] ۴۳۴ تاریخ هجری سنده

[۲] ۴۳۶ » »

[۳] بنداری به کوره بوراسی ابوشعر فارسه عائذ ایدی .

[۴] ۴۳۹ تاریخ هجری سنده .

ابوالفدا
 ابوالحسن

سنه
 ۱۰۴۲
 ابوالفدا
 ابوالفراج
 ۱۰۴۴

۱۰۴۷

در که طوغرول بک آقینلرندن اول سلاجوقك اوغلی آرسلان بک اداره سی آلتنده سوریه آقینلر یامش اولان بو غزیه یاخود غوز تورکلری ، یاخود یونان مورخلرینک افاده سینه کوره اوزلرینه سوریه کیردیله . باشلرنده کی رؤسا کوکتاش Koukias ، ابوعلی ابن دهقان ، حاجی اسرائیل و ابو منصور اسمنده ایدیلر . امد و میافا رقین شهرلرینی تخریب ایتدیله . بوراده مروانیلردن ابونصر حکمران ایدی . نصیبین شهرینی محاصره ایدهرک جوارلرینی چیکنه دیله . موصل شهری بر مقدار پاره ویره رک یغمادن قورتولدی . بوتون دیاربکر ، دیار جزیره یاخود مزوپوتامیا قطعه سنده جولان ایله تکرار موصله عودت ایتدیله و بو دفعه یغما ایله دیله . عربلر بو موقعلرک امدادینه قوشمق اوزره هر طرفدن کلدیله . اوزلری پوسکور تیدیله ، اونلری آذربجانه چکیلمکه مجبور ایتدیله . علی العاده تورکمن دیدکلری قوملر ایشه بونلردر .

طوغرول بک او زمان اقرباسندن ابراهیم اینالی تنکیل اچون مشغولدی ۱۱۱ . ابراهیم او کافارشی سلاحه صاریلتمدی . ابراهیمی زم قلعه سینه چکیلمکه مجبور ایدهرک اوراده اله کچردی . او تاریخده استانبولده حکمران اولان قوستانتین مونوماق بوتون آسیای تتردن بویه بر حکمدارک اتفاقنه طالب اولدی . صالح تکلیفنده بولونمق اوزره سفیرلر

سنه
۱۰۴۸
ابوالفدا
ابوالفراج

یوللادی . طوغرول بك بوکا موافقت ایتدی . طوغرول
 بك دیار بکرده یکنی قوتولمش Coutoulmisch بن اسرائیل
 بن سلجوقی براقشدی . بو تورک رئیسک بو مملکتده وجودی
 عرب رؤساسنی اندیشناک ایدیوردی . بورؤسا او قدر نفوزده
 مالک اولمشلردی که خلیفه یی بغدادده الارنده اسیر بولوندی .
 ییورلردی . آرسلان البساسیری نامنده بر تورک کوله سی ده
 بولره التحاق ایتشدی . عربلرک رؤساسی ۱۱۱ ، قریش ایله
 نورالدین دبیس ۱۲۱ ایدی . بو اوچ امیر سلجوقیلری طرد
 ایتک و خلیفه یی بوتون بوتون الارینه آلق اچسون قوتلرینی
 برلشدیردی . مزوپوتامیاده سنجار قربنده قوتولمشه هجوم
 ایله اونی مغلوب ایتدی . قوتولمش مه دیه یاخود بسفرجان
 Baasparacan الکاسنه فچدی . اوراده یونانیلر طرفندن
 قوماندان بولنان آتیه ن دن مرور مساعده سی ایسته دی . آتیه ن
 بو مساعده یی ویرمیدیکی کی عسکر یله اوکا قارش ی یورومک
 جراتندده بولوندی . بو حرکت ایکی ملت آردسندده بك
 قانی بر حربه میدان ویردی . آتیه ن مغلوب واسیر اولدی .
 تاوریز Tauriz ده [تبریزده] بازارده ساتیلدی .

عربلر طرفندن مغلوب ایدیلدیکندن دولای پک محجوب
 بولوتان قوتولمش صوکره طوغرول بكک یانسه کادی . بو

[۱] سدرن بوکا قاربه سیوس دیورکا قریش بن بدران العقیلی در .

[۲] ابن علی ابن مزید الاسدی .

بنداری
 خطیب البغدادی
 سیوطی

سنه
 ۱۰۴۹

سدرن
 زونار

قوملری تحت انقیاده آلمق ایچون عسکر ایسته‌دی . اونی
بِسْفَرِجان الکاسنی ضبطه تشویق ایله‌دی . بو حوالینک قوه
اباتیه‌سنی مدح ایتدیکی کبی اهالیسنک رخاوتندن ، قولایجه
مغلوب ایدیله بیلمه‌لری احتمالنندن ده بحث ایدیوردی .
یونانیلرک جسارتی حقنده بویوک برفکری بولونان طوغرول
بك یکی بر حربه کیریشمک ایسته‌مدی . عربلرک قوت
وسطوتی ، قوتولمشک مغلوبیتی اونی یکابه مشغول ایدن شی
ایدی . اونک ایچون ، سوریه جهته یوروومکدن صرف نظر
ایتمه‌دی . اوده سوریه‌ده یکنئندن دها بختیار اولامادی .

سنه

۱۰۴۹

فقط بو سفری اجرایه تشبث ایتمه‌دن اول قوتولشی
اولدیرتمک فکرینه مغلوب اولدی . قوتولمش ، معروض
اولدینی ته‌لکه‌دن قورتولمق ایچون خوارزم قطعه‌سنده بر
شهره [۱] چکیلهرک اوراده تحصن ایتمشدی . طوغرول بك
کیدوب بو قلعه‌ی محاصره ایتدی . بو محاصره ایله مشغول
اولدینی ائنده آسان [۲] نامنده بر یکنئی یونانیلرله حرب
ایتمک اوزره مدیه قطعه‌سینه کوندردی . سلچوقیلر تاوریز
[تبریز] وتفایس شهرلرینی کچدکدن صوکره بسفرجان الکاسنه
کیردیلر . اوراده غایت بویوک تخریبات یاپدیلر . بورانک والیسی

[۱] یونان مورخلری بوکا پسار Pæsar نامی ویریورلرسه‌ده

نجه مجهولدر .

[۲] احتمالکه آرسلان اوله‌جقدر .

بولونان آرون بستا [۱] Aaron-bestah سلچوقيلرك ايلريله مه-
لرينه مانع اوله ماديغي ايچون ايبهري Iberie واليسى اولان
قاتاقالون بستا Catacalon bestah دن استمداد ايتدى . ايكي
يونان قوماندانى عسكرلرينى برلشديرديلر . بر اردوگاه تشكيل
ايتديلر . توركلرى بر طوزاغه دوشورمك ايسته يورلردى .
توركلرك غنائمه حريص اولدقلرينى بيلدكلرى ايچون بو اردو-
گاهده چادر، اشيا وارزاق براقه رق ديشارى يه چيقديلر . آسان،
يونانليرى مغلوب ايتمك امله ستانياس Stagnas نهري قيسندن
يورويوردى . اردوگاهى عسكر سز كورونجه يونانليرك قاچدقلرينه
حكم ايتدى . آرتق يالكز يغمايي دوشوندى . يونانلير آقشامه
دوغرو كورونديلر . توركلرى داغنيق بر حالده باصديلر .
قولايجه پريشان ايتديلر . آسان ، اردوسنك قسم اعظميله
برلكده محاربه ده تلف اولدى . متباقيسى داغلا آراسندن ايران
ارمنستانه قاچديلر .

آسانك مغلوبيتى طوغرول بكي ابراهيم اينالك [۲] قوماندا-
سندن يونانليره قارشى يوز بيك كشيلا بر اردو سوق ايتمه
مجبور ايله دي . يونان اردوسى قوماندانلرى آرون ايله قاتاقالون
نه درلو حركت ايدم جكلرينه دائر ائتلاف ايدمديلر . قاتاقالون

[۱] زونار بونك پروسيانوسك برادري اولاديسلادك اوغلى
اولديغنى سوله يور .

[۲] زونار بوكا آليم Alim ؛ سدرن ايسه آبرام آليم دييور .

دشمنه دوغرو يورويهرك ايپراطورلغك حدودلارنده حرب
 ايتمك فكرنده ایدی . تورك اردوسی يورغونلقدن بیتکین بر
 حاله کله جکی ، بار کیردن محروم بولوندیغی ایچون اونی مغلوب
 ایتمك قولای اوله جغنی دوشونیوردی . آرون ایسه ایپراطوردن
 امر بکلیهرك شهرلره تحصن ایتمك مطالعه سنده ایدی . نهایت
 بو فکر غلبه چالیدی . یونان قوماندانلری ایبهری قطعه سینه
 کیتدیله . بویوک بر اوواده اردو قوردیلر . اورانك اهالیسی
 بو محله اوسورترو Osurtru نامنی ویریرلر . اوراده قادینلری ،
 چوجوقلری وهر کسك اموالی قلعه لره قاپادقدن صوکره
 تورکلرک ورودینی استانبول ایپراطورینه بیلدیردیله .
 ایپراطور درحال ، ایبهری عسکرلریله کیدوب بوقوماندانلرم
 التحاق ایتمه سی ایچون لیپاریت Liparites امر ویردی .
 بو ائزاده ابراهیم اینال بسفرجان الکاسینه کیرمش ،
 یونانلیلرک ده اشمالده ایبهریه چکیلمش اولدقلرینی خبر
 آلمشدی . لیپاریتک اردوسیه اونلره التحاق ایتمه سینه انتظاری
 مناسب کورمدی . حرکتی تعجیل ایتدی . فقط بر محاربه یه
 کیریشمك ایسته مه یین یونانلیلر طبیعت طرفندن مستحکم بر موقعه
 چکیلدیله . اطراف او قدر اوچوروملرله محاط ایدی که تورکلرک
 ورودندن هیچ قورقمایه بیلیرلردی . ابراهیم اینال بونقطه ده اونلره
 هجوم ایتمه که جسارت ایده مدیکندن آرزو Arzé [۱] قربنده .

[۱] بوراده ویریلن تفصیلاته نظراً « آرزو » ارضروم اوله جقدر .
 اخلاط قربنده کی آرزوس دکلدیر .

اردوگاه قوردی. بو، بویوک، اھالیسی غلبه‌لق، زنکین بر قصبه
ایدی. غلبه‌لک‌لرینه کووه‌نن اھالیسی صوگ درجه‌یه قدر مقاومت
قرار ویردیلر. جوارلرندہ دھا مستحکم تہ ئودوسیو پولیس
شہری واردی. بورایہ دھا امنیتلہ چکیلہ بیلرلردی. فقط یامادیلر.
تورکلر آرزہ‌یه هجوم ایتدیلر. بویوک بر مقاومتہ معروض
اولدیلر. اولرینک داملرینہ چیقان آرزہ‌لیلر مهاجرلرک اوزرینہ
طاش، اودون، نہ بولورلرسہ آتورلردی. آلتی کون بوصورتلہ
جرب ایتدیلر. قاتاقالون لپارتی بکلہ مدن اونلرک امدادینہ
قوشمق ایستہ میوردی. فقط ایمپراطورک امرندن ایرلق آرزو
ایتمہن آرون یونان اردوسنک تحصن ایتدیکی یردن چیقماسنہ
مانع اولدی. بوندن دولایى تورکلرک آرزہ‌یی یاقمالرینہ میدان
ویردی. آتش و قتالدن تلف اولانلرک مقداری یوز قرق بیگ
کشی‌یه بالغ اولمشدر. قادینلر و چوجوقلر تورکلرک انہ
دوشمہ‌مک ایچون آتشیہ آتیلورلردی. ابراھیم اینال عظیم
بر غنیمتہ نائل اولدی. صوکرہ یونان اردوسنہ قارشى
یورومکہ حاضر لاندی.

سنہ
۱۰۵۰

یونان اردوسی تحصنکاھندن چیقمشدی. لپاریت ایبہری
عساگریلہ کلوب التحاق ایتمشدی. یونان اردوسی برتپہ‌نک انکندہ
کائن بر اووادی قرارکاد قورمشدی. تپہ‌نک اوزرندہ قاپتروم
Capetrum قلعه‌سی واردی. تورکلر بحرایہ قارمہ قاریشیق
بر حالده داغلمش اولدقلری ایچون قاتاقالون بوندن استفادہ

ایله هجوم ایدیلهسنی ایسته یوردی . فقط جمعه ایرته سی کوتی
 اوغورسز بر کون کبی تلقی ایدن لیپاریت [۱] محاربه یه
 کیریشمکدن امتناع کوستردی . تورکلر طویلانمغه وقت بولدیلر .
 حتی دشمندن اول داوراندیلر . هرایکی طرف صف حرب
 اوزره دیزیلدی . قاتاقالون یونانلیلرک صاغ جناحه ، آرون
 صول جناحه ، لیپاریت ده مرکزه قوماندایدیورلردی . ابراهیم
 اینال قاتاقالونک فارشیسنده ایدی . خوراسانیلر [۲] آرونک
 ابراهیمک قاردشی اسپهسلار Aspam-selar ده لیپاریتک
 قارشیسنده اخذ موقع ایتشلردی . غروب شمس ایله محاربه
 باشلادی . طلوع شمسده نهایت بولدی . تورکلر مغلوب اولدیلر .
 فقط لیپاریت اسیر دوشدی . بونی ابراهیم اینالک مغلوبیتندن
 صوکره فرق ایتدیلر . یونان قوماندانک اسارتی یونان اردوسنی
 مظفریتک ثمراتی اقتطافدن منع ایتدی . آرون ، بسفرجان
 الکاسنک پایتختی اولان ایبان Iban شهرینه چکیلدی .
 قاتاقالون آنی Any یه کیتدی . ابراهیم ایسه یاننده اسیر یونان
 قوماندانی اولدیغی حالدده بش کونده ری شهرینه واصل اولدی .
 اورادن طوغرول بکه بو خبری بیلدیردی .

لیپاریتک اسارتندن خبردار اولان استانبول ایمپراطوری
 بوکا ویریله جک فدیة نجات حقنده مذاکراتده بولونمق اوزره

[۱] ایولک اون سکرنجی کونی ایدی .

[۲] بواسملری یونانلیلر تخریف ایتمش اولاجقلر . عرب مورخلرنده

بو اسملره تصادف ایده مدم .

ثورث دروسوس Drosus ی طوغرول بکه کوندردی .
 تورک حکمداری فدیة نجات قبول اتمه یه رک اسیر قوماندانه
 عالیجنابانه حریتنی بخش ایتدی . یالکیز بردها کندیسنه قارشی
 سلاح استعمال اتمه مسنی اوکا توصیه ایلهدی . صوکره ایمپراطور
 ایله صلح عقد اتمک فیکریله استانبوله شریف عنوانی حائز
 بر سفیر کوندردی . فقط طوغرول بکک مطالباتی پک یوکسک
 ایدی . یونانلیلرک کندیسنه ویرکو ویرمه لرینی ایسته یوردی .
 قونستانلین مونوماق حربی ترجیح ایتدی . بوکا حاضر لانیغه
 باشلادی . طوغرول بکده بوتون ایران و عراق عساکرینی
 طوپلادی . قونستانلینک عساکرینه رئیس لرینک قومانداسی آلتنده
 اون بش بیک بجنک (پاتزیناس) ده التحاق ایلهدی . قونستانلین
 آدروبالانوس Adrobalanus بونلری بحرأ ایبه ری یه کوتورمه که
 مأمور اولدی . فقط بوبار بارلساحله چیقوب ده ملاطیه یه Malathie
 واصل اولور اولماز عصیان ایتدیلر ، یونانلیلرک خدمتدن چیقیدیلر .
 طوغرول بک بوتون قوتلریله ایمپراطوراق اراضیسنه کیرمش ،
 قومیوم Comium ه قدر ایلریله مشدی . مع مافییه بویوک برشی
 یایه مامشدی . چونکه اهالی یانلرینه اوراق آله رق ایبه ری
 قطعه سند عددلری کثیر اولان قلعه لره چکیلمش لردی .
 یونانلیلر باشقه یرده تحشد اتمکده اولدقلری جهتله ده
 ایلریله مکّه جسارت ایدمه دیکندن بسفر جان الکاسنه کیردی .
 فقط هیچ بر موفقیته نائل اولامادی . چونکه هر طرف کوزلجه

تحکیم ایدلشدی. مالاز کردا ۱۱ اوکنه کلدی. بویوک بر او واده کائن اولان بو شهرک اطرافنده اوچ قات سور واردی. اهالی اوزون بر محاصرهیه تحمل ایده بیله جک قدر ارزاقه مالکدی. بوراده قوماندان بولونان واسیل اوتوز کون طوغرول بکک هجوملرینی دفع ایتدی. طوغرول بک محاصرینی رفعه حاضرلاندیغی صیراده خوارزم عساکری قوماندانی آل قان Alcan بر کون دها دورماسنی رجا ایله دی. بو قوماندان ایکی مفرزه تشکیل ایله بریسنی محصورین اوزرینه سلاح آتیله بیله جک یرتیه قویدی. دیگرینی ده سورلری ییقمق اوزره لازم کان آتیلرله برلکده قلعه یه دوغرو یوروتدی. عسکرلری قامشدن یالیش بر نوع چادرله تحفظ ایدیورلردی. بونلرک اوستنه دریلر قویارلردی. بو چادرلر تکرلر اوزرینه موضوع ایدی. فقط سورلردن اوقلردن ماعدا طاش و کوتوکلر آتدیران واسیل آل قانک بوتون عساکرینی ازدی. آل قانده ایکی نفر طرفندن طوتوله رق شهره کوتورولدی. واسیل بونک باشی کسیدردی. تورکاره آتیدردی. بو ضیاع طوغرول بکی محاصرینی رفعه مجبور ایتدی. مع مافیه کله جک بهارده ینه کلهکه عزم ایتشدی. فقط تورکلرک بردها کلهلرندن قورقان یونانلیلر استانبول ایمپراطورینی بورایه یکی عسکر کوندرمکه مجبور ایتدیلر. بو عسکر طواشیدن نیسه فورک قومانداسی آلتنده

ایدی . دمیر کو پرو دنیان بر موقعه و کنجه Cantzacium .
قدر ایلریله دیلر سه ده تورکاره هجومه جسارت کو ستره مه دیلر .
تورکارک قوماندانی قوتولمشک برادری ابو مالک ایدی . بو
تورک ، بعض عاصیلری ، از جمله آراس Araxes جوارلرنده کی
الکانک والیسی ابوالسوار Abbosphere ی تحت اطاعته
آلدی .

بو ائاده طوغرول بك ایرانك پایتختی اولان اصفهانه
دوغرو یورومشدی [۱] . اوزمان بوشهر کا کویه نك اوغلی
ابو منصور علاءالدوله نك النده ایدی . بو آل بویه حکمدارینی
مغلوب ایدرک اصفهانی اله کچیردی ۱۲۱ ، پایتخت اتخاذا ایتدی .
کندیسنی بغداده دعوت ایدن خلیفه نك امرلرینه اطاعتدن
اوتهدن بری استنکاف ایدیوردی . اول امرده بوتون جوار
ممالکی تحت تسخیره آلق املنده کبی کورونیوردی . بغداده
کیتدیکی وقت ، مسلمان حکمدارلردن قسم اعظم نك زیارت
ایتدکاری بوشهرده کندی علیهنده برفرقه تشکیل ایده بیله جک
قدر صاحب قدرت بر حکمدار براقق ایسته میوردی . نهایت ،
بوتون عراقک مالی اولدیغی قاریشقلقاری کوردرک بوکا قرار
ویردی [۲] . بساسیری ، بصره ، انبار Anbar کبی بر طاقم

[۱] ۴۴۲ تاریخ هجریسنده .

[۲] ۴۴۳ تاریخ هجریسی محرمنده بورایه کیردی .

[۳] ۴۴۷ تاریخ هجریسنده .

شهر لری اله کچیرمشدی . حتی کیدوب بغدادی ضبط ایتمه
 حاضر لانیوردی . خلیفه فائم بامر الله [۱] اونک تمامیه اسیری
 اولماق ایچون طوغرول بکه تکلیفاتی تکرار ایتدی . طوغرول
 بک اوزمان ری جوار لرنده بولونیوردی . مسلمانلر ایمپراطور لغنک
 پایتختنه یاقلاشدی . الشماسیه قارشیسینده اردو قوردی .
 اوزون مدتدن بری بغداده صاحب اولان آل بویه
 طرفنی التزام ایدن اهالی طوغرول بکه ممانعت ایتمک
 ایسته دیلر سده مغلوب اولدیلر . طوغرول بک بغداد شهرینه
 کیردی [۲] . هر دور او حکم و نفوذده صاحب اولدی . خطبه ده
 خلیفه نك اسمندن صوکره اونک نامی ذکر اولوندی . آل
 بویه نك صوگ حکمداری اولان رحیمی توقیف و حبس
 ایتدیردی . بساسیری رحبه Rohba یه چکیلمشدی . اورادن،
 اوزمان مصرده حکمران اولان خلیفه مستنصر بالله یازد رق
 یالکزاونی خلیفه اولق اوزره طانیردی و اونک نامنه خطبه او قوتدی .
 طوغرول بک [۳] بغدادده قالدی . همشیره سی خدیجه نی
 خلیفه یه ویردی . فقط بساسیرینک مصر خلیفه سی نزدنده کی
 تشبثدن خبردار اولور اولماز موصل و دیاربکره دوغرد

سنه
 ۱۰۵۵
 ابوالفدا
 خطیب البغدادی
 نویری
 بن شونه
 ابوالفراج

ابوالمحسن

۱۰۵۶
 نویری
 ابوالفدا

[۱] یوللادینی سفیر ابو محمد جنته الله بن محمد بن حسین بن مأمون
 ایدی .
 [۲] ۴۴۷ تاریخ هجریسی رمضانده . اوراده تقریباً برسنه
 قالدی . ۴۴۸ سنه سی ذی القعده سنک اوننده بغدادی ترک ایتدی .
 [۳] ۴۴۸ تاریخ هجریسنده .

يورودى. بسايسيرينك ياننده قوتولمش وموصل ملكى قریش ده
بولونماسنه و یارديم ائمه لرینه رغماً درت آي محاصره دن صوكره
موصلى ضبط ايتدی. طوغرول بك بورانك اداردسنى برادری
ابراهيم ايناله ویردی. طوغرولك حدتی جلب ایدن سنجار
شهری ده ضبط ایدیلدی. ابراهيم اينال شفاعت ائمه مش اولسه
ایدی شهر اهالیسی صوكره درجه ده شدتلی برمعامله یه معروض
قاله جقاردی.

بومظفريتدن صوكره طوغرول بك بغداد يولنى طوتدی ۱۱.
دجله اوزرنده كلكلره راكب اوله رق نهر طریقیله رقه یه
کیتدی. اوراده حیوانه پیندی وبغداده کیردی. خلیفه نك
سراینه مواصلت ایدنجه بار کیردن ایندی. اوکنده غیر مسلح
امرا بولوندیغی حالد یایان یورودی. خلیفه، سیاه برپردنك
آرقه سنده اوتورمشدی. اوموزلرنده برده تعبیر اولونان سیاه
اثواب واردی. آئنده ده عصای پیغمبری بولونیوردی. طوغرول
بك خلیفه نك تختنه یاقلاشنجه یری اوپدی، برمدت آیاقده
دورودی. صوكره، اوکنده خلیفه نك وزیر اعظمی ایله برترجمان
اولدیغی حالد تخته دوغرو یورودی. کندیسى ده باشقه برتختك
اوزرینه اوتوردی. بر فرمان اوقوندی. خلیفه بونكله
طوغرول بكی جناب حقك اوکا بخش ایتمش اولدیغی بوتون
مالكك صاحبی وبوتون مسلمانلارك حاکمی اوله رق طانیوردی.

[۱] ۴۴۸ ذی القعدة سنك ۲۵ نجی جمعه ایرته سی کونی.

سنه

۱۰۵۷

بنداری
درباو

طوغرول بکه اوست اوسته یدی خلعت کیدیریلدی . خلیفه لرك
ایمپراطورلغنی تشکیل ایدن یدی مختلف دیاره منسوب کوله لر
هدیه ایدیلدی . باشنه مسك ایله دولو آلتون ایشله مه لی برقاش
اورتولدی . صوکره بری عربستان دیکری عجمستان ایچون
باشنه ایکی تاج کیدیریلدی . خلیفه ، طوغرول بکه
آلتون ایله مزین بر قلیج ویردی . بو مراسمدن صوکره
طوغرول بك یرینه دوندی . یری اوپمك ایسته دی .
فقط مساعده ایتدیلر . خلیفه نك النی ایکی دفعه اوپدی .
قائم بامراد اوکا ایکنجی بر قلیج دها هدیه ایتدی . ایکی سنی ده
بلنه باغلادی . بو ، ایکی دولتک توجیهنه علامتدی . نهایت
طوغرول بك شرق و غرب حکمداری اعلان ایدیلدی .
ایشته خلیفه بوصورتله کندیسنه بر حاکم طانیش اولدی .
بر امیرالامرا تعیین ایدلمش اولدیغی تاریخدن بری خلیفه لر بو
مقامه کان قوماندان لهنه اولمق اوزره بوتون نفوذ لرندن
تعری ایدرلردی . عادتاً بوتون اهیتلری بر معاش آلمغه
انحصار ایدردی . دین اسلامک خلیفه سی صفتیله خلقک اظهار
ایتدیکی حرمتله اکتفا ایلرلردی . طوغرول بك آل بویه یی
محو ایددرک اونلرك موقعی آلمشدی .

بوانشاده بساسیری موصلی استرداد ایتشدی [۱] . ابراهیم
ایناله ایمپراطورلغی وعد ایتمک و طوغرول بکه قارشى معاونت

بنداری
سورنوس

مقابلہ دہ بولونمغی تعہد ایتمک صورتیہ اونی کندی طرفہ
 جالبہ موفق اولمشدی ۱۱۱. ارتق سلطان دیہ یاد ایدہ جکمز
 طوغرول بک بساسیرینک ترقیاتنہ مانع اولمق اوزرہ نصیبینہ
 کیتمشدی. همدان طرفہ دوغرو چکیلمن ابراهیم اینالک، عصیان
 خبر آنجه درحال نصیبینی ترک ایتدی [۲]. یدی کونلک
 بر مشی سریعدن صوکره همدان قربندہ اوکا ینیشدی.
 سائر سلجوق پرنسہلرینک مالک اولدقلری عسکرلری
 طویلا دی هفتادابولان Hephtada-boulan ده ابراهیم اینالہ
 هجوم ایتدی. مغلوب و اسیر ایدہ رک بریای کیریشیلہ
 بوغدیردی. چوقدن بری طوغرول بک قارشى عصیان ایتمش
 اولان قوتولمش ده ابراهیمک اردوسندہ ایدی. اون بیك
 عسکر و ابراهیمک بر اوغلی ایله براکده ارمنستانہ قاچدی،
 قارصی محاصره ایتدی. استانبول ایمپراطورندن امداد
 ایستہ مشدی. اونک جوانی بکله یوردی. قارصی ضبط
 ایتدی ایسہ ده ایبہری قطعہ سنہ سلطانک عسا کرینک ورودی
 یمندہ صبا الکاسنہ چکیلمک اوزرہ بوراسنی ترکه اونی مجبور

[۱] دربلو ابراهیمک عصیانى تاریخى ۴۵۳ اولمق اوزرہ
 کوستریر. فقط مراجعت ایتدیکی مأخذلر یا کلش اولہ جقدر.
 بوتون عرب مورخلری بونک ۴۵۰ تاریخندہ وقوع بولدیغنی سویلیورلر.
 ویردکلری تفصیلات آنجق بوتاریخہ نوافق ایدہ بیلیر. ذاتاً یونان
 تاریخندہ کوروان تفصیلات ده بونی تأیید ایتکده در.
 [۲] ۴۵۰ تاریخ هجریسندہ.

خطیب البغدادی
 دربلو
 ابوالفراج
 ۱۰۵۸

ایتدی . سلطان بوتون ایبه‌ری قطعه‌سنى تخریب ایله‌دی .
ایمپراطور ، میشل آقولوتوس Acoluthus ى فرانقلردن
و وارانتلردن مرکب بر اردو ایله اورایه یوللادی . مشكوك
بر محاربه‌یه کیریشمك ایسته‌مه‌ین سلطان تاوریز [تبریز] .
چکیلمك جهتنی اختیار ایتدی .

سورنوس

سلطان ایبه‌ری قطعه‌سنى تخریب ایتدیکی صیراده ساموق
Samuk نامنده برامیری ایران عسکری ایله بویوك ارمنستانه
کیرمشدی . اورادن ایمپراطورلق اراضیسنه آقینلر یاپیوردی .
ایمپراطور میشل ستراتیوتیک Stratiotique دن غیر ممنون
اولدیغی اچون او چ یوزفرانق ایله بر لیکده ارمنستانه چکیلمش اولان
أربه بیوس فرانقوپل Erbebius Francople ایله اتفاق ایتمشدی .
فقط بو ایکی رئیسك بر برلرینه قارشى بسله‌دکاری اعتمادسزلق
یابدقلى معاهده‌یه اوزون مدت رعایت ایتمه‌لرینه مانع اولدی .
ابتدا بوی ساموق اخلال ایتدی . فرانقلر يلك يدکاری ائنده
اونلری غافل باصدی . فقط مهم ضایعات ایله پوسکور تولدی .
عسکرلری عادتاً چپلاق بر حالده اخلاطه قاچدیله . بوشهرك
امیریه متفق بولونان فرانقلر دیکلنمك اوزره اورایه کیرمك
ایسته‌یورلردی . بو کافرله او قدر اعتماد کوسترمك جائز
اولمایه جغنی سویله‌ین رئیسلرینك اخطاراتنه رغماً شهره کیردیله .
چوق کچمه‌دن رئیسلرینك حقلی اولدیغنی آکلادیله . حمامده
یاخود اکنجه‌ده بولوندقلى ائنده ابو نصر نامنده کی اخلاط

امیری ایله ساموق بونلرک همان کافه سنی قتل ایتدیلر . اربه بیوس
زنجیره اورولدی . ابو نصر بو عاصیلرک مغلوبیتنی ایمپراطوره
بیلدیردی .

ابراهیم اینالک عصیان بگدادده ایشلرک جریانی د کیشدیرمشدی .
سلمان بو شهری ترک ایتدکن صو کره بساسیری اورایه
کیرمش [۱] ؛ خلیفه بی قوغمشدی . بگدادده خطبه [۲] خلیفه
مصر مستنصر باه نامنه او قوغمشدی . بساسیری ، فاتحک وزیر
اعظمی برده اوزرنده سوقاقلرده کمال حقارتله دولاشدیردرق
تشییر ایتدیردکن صو کره بلندن آصدیردی . بو فلا کته
معروض فالان خلیفه ، سلطانہ متعدد ساعیلر کوندردی .
فقط برادرینه قارش کیریشدیکی محاربه بو حکمداری او قدر
مشغول ایدیوردی که خلیفه نک امدادینه کیده مدی . قائم
بالامر اللہک سرانی خلق یغما ایتدی . کندیس حدیثه یه
سوق ایدیلرک اوراده محبوس صفتیله آلیقونلدی . بساسیری
صو کره بوتون علمایی ، بگداد اکابرینی و عباسی عائله سی ارکانی
طوپلادی . بونلرک کافه سی مستنصری خلیفه اوله رق طانیلر .
فقط سلطان ، برادرینک عصیان تسکین ایدر ایتمز بگدادده
کلدی . بساسیری بگدادی ترکه مجبور اولدی . سلطان خلیفه بی

[۱] ۴۵۰ ذی القعدة سنک سکرزنده .

[۲] عباسیلر نامنه او قونان خطبه مکیه وارنجیه قدر هر طرفده
منع اولوندی . مکده تکرار عباسیلر نامنه خطبه او قونماسی ۴۶۲
تاریخنه مصادفدر . او زمانه قدر فاطمیلر نامنه او قوغمشدر .

نویری
بنداری
ابو الفدا

ابو الفراج
بن شونه

سنه
۱۰۵۹

۱۰۶۰

تکرار بغداده کتیردی [۱] و کوفه جهته عسکر سوق ایتدی .
 بساسیری مغلوب ایدیلدی . باشی سلطانه کتیریلدی . اوده
 خلیفه یه کوندردی . طوغرول بك صو کره واسطه Vaseth ه
 کیتدی . اوراده سکوتی تأسیس ایلهدی . بو قلعه عاصی به
 التجا گاه خدمتی کورمشدی . عینی تاریخده بساسیری طرفی
 التزام ایتمش اولان نورالدوله دبیس ده مخاصماتی کسدی و سلطانه
 عرض احترامه کلدی .

ابوالفراج

خوراسانده اداره امور ایدن سلطانه برادری داود
 بوصیراده وفات ایتدی . یتیمش یاشنده ایدی . برچوق اولاد
 براقشدی . بونلرک ایچنده آلب آرسلان اوکا خلف اولدی [۲] .
 سلطان ، واسطدن بغداده عودت ایتدی [۳] . اوراده
 خلیفه دن بعض هدایا آلدقن وزیرى عمیدالملکى بوشهرده
 براققدن صو کره جباله کیتدی . تورکلرک کورجستانده ،
 فراته جوار بوتون مملکتلرده ، ارمنستانده ، بسفرجان قطعه سنده
 یابدقلى صیق صیق آقینلر بوتاریخه مصادفدر ظن ایدرم .
 بوندن دولایى ایمپراطور قونستانلین دوقا-ی براردو کوندرمه
 مجبور ایتدیلر . چونکه بو تورکلرک فرژی Phrygie قطعه سنه
 کیرمک ایسته دکلرینی آکلایوردی . فقط ایمپراطور اردوسی

سیوطی
 ابوالفدا

[۱] ۴۵۱ ذی الحجه سنک سکزنده .

[۲] دیکرلری ، یافوتی ، قاروت بك و سلیماندر .

[۳] ۴۵۲ تاریخ هجریسنده .

عموميته يك فنا عسا كردن مركبى . بوندن دولايى توركلر
دها جرئتكار داورانمغه باشلاديلر . ارمنستانك مدافعه سـنه
مأمور اولان پانقراس Pancrace ك احتياط سرلغى آنى
Ani شهرينك ضياعنه سببيت ويردى . سلطانك اردوسى
يونانليرده هيچ بر فناق يامدن بوشهرك جوارندن كچيوردى .
بعض يونان قوماندانلرى سلطانك دمدارلرينه هجوم ايله برخيلي
تورك اولديرديلر . بونك اوزرينه سلطان كرى دوندى ،
آنى محاصره و برقاق كون ايچنده ضبط ايتدى . بوتون جوار
حوالى بي ده اله كچيردى .

محاربات داخلينهك تماميله اخلال ايتش اولديغى انضباط
و آسايشى تأمين ايتدكدن صو كره سلطان بغداد يولنى طوتدى .
اوراده خليفهك قيزيله تزوج ايتك فكر نده ايدى . فقط موافقت
ايتديلر . بوتون اوسنه [۱] مذاكرات و تهديدات ايله وقت
كچدى . نهايت سلطان خليفهك تخصيصاتى كسدى [۲] .
بونك اوزرينه سلطانك آرزوسنى اجرايه رضا كوستردى .
نكاح مقاوله سى تبريزده ياپلدى . صو كره طوغرول بك بغداده
كيتدى . پرنسس ايله اولندى [۳] . خليفهك معيتى اركانه
يك چوق احسانلر ويردى . سلطان ايله برابر كلش اولان

[۱] ۴۵۳ تاريخ شيرينده

[۲] ۴۵۴ » »

[۳] ۴۵۵ » »

سنه

۱۰۶۱

۱۰۶۲

ابوالحسن
ابوالفدا
بن شونه

نویری
بنداری
ابوالفراج

تورك عسكرى شهر ديك چوق قار شيقلق چيقار مقده اولدقلى
ايچون طوغرول بك جباله كيشمك اوزره زوجه سيله برلكده
بغداددن چيقدى. فقدرى شهرينه واصل اولونجه خسته لانه رق
يتمش ايكي ياشنده اولديغى حالدده وفات ايتدى [۱]. آرقه سنده
حليم، عاقل، احتياطكار بر حكمدار شهرتى براقدى.
دشمنلىرى كنديسندن نه قدر قورقارلر و اوكانه قدر حرمت
ايدرلر سه تبعه سى ده او قدر سورلردى. اوغلى اولمادىغى ايچون
يرينه يگنى آلپ آرسلان بن داود كچدى [۲].

نویری
دربلو
ابوالمحسن
۱۰۶۴

طوغرول بكك و كيلي صفتيله اون سنه دن برى خوراسانى
اداره ايدن بو حكمدار ابتدا خليفه نك كرىمه سنى بغدادده اعاده
ايتدى. اوراده كندى نامه خطبه او قونماسنى ايسته دى [۳]
خليفه عمومى بر مجلس مشورت عقد ايدرك بوتكليف قبول
ايله اوكانه جهاد الدين عضدالدوله لقبى و يردى. طوغرول بكك
وزير اعظمى بولونان عميد الملك [۴] بويوك بر اقتدار صاحبي

[۱] ۴۵۵ سنه هجره سى رمضانك سكرنجى جمعه كونى.

[۲] اسمى محمد ايدى. ۴۲۱ تاريخ هجرى سنده و ۱۰۳۰ تاريخ
ميلادى سنده دوغمشدى. آلپ توركجه ده جسور ديمكدر. عزالدين
عنواى المشدر. هایتون Hation كنديسندن آسپاسالم Aspasalem
ناميله بحث ايدىيور.

[۳] ۴۵۶ تاريخ هجرى سنده.

[۴] اسمى ابونصر منصور محمد الخندارى ايدى. بعض مورخلر
عبد الملك دىيورلر.

اولمانك سلطنت دكيشنجه نه قدر مضر برشي اولديغنى نغسندە
تجربه ايتدى . يكي وزير اعظم نظام الملك توصيه سى اوزرينه
بواسكى وزير اعظم توقيف اولنهرق مروده حبس ومؤخرأ
طرفدارانندن آتى يوز كشي ايله برلكده قتل ايدىلدى .
روايت اولنديغنه كوره افنديسى اولان سلطان طرفندن كندى
نامنه بر پرنسس ايله تأهله مأمور اولمش وبوسبيله سلطان اونى
خادم ايتديرمشدى . نفوذنى سؤ استعمال ايدرك اختلاساتده
بولونمق ايله اتهم اولونيوردى . اعدامندن اول بوجرمى تعين
ايتدى . خلفى نظام الملك شرقك اك بويوك آدملىرى بريدرو .
ياللكز افنديسنىك شان وشرفنى وخلقك سعادتنى تأمين ايله
اشتغال ايتمشدر .

يكي سلطان، طوغرول بكه خلف اولمادن اول خوراسانه
صاحب ايدى . شيمدى اوراسنى ده طوغرول بكك ممالكينه
علاوه ايدرك بويوك برايمپراطورلق وجوده كتىردى وفتوحات
ايله برقاتدها توسيع ايتدى . ماوراءالنهرده محارباتده بولوندى .
اوراده عمومجه سى بيغونك [۱] الندى بعض قلعه لرى ضبط
ايلدى . موساي اسير ايدرك اونك تحت تابعيتنده بولونان
صغانيانه صاحب اولدى . فقط چوق كچمه دن آذربيجانه عودت
مجبوريته حس ايتدى . چونكه قوتولمش بر اردو تدارك
ايدرك ايمپراطورلغى الده ايتكه چالشيوردى . رى قربنده

بن شونه

قوتولمشی بوزدی . عاصی شهزاده مقتولار آراسنده بولوندی .
 سلطان کوزیاشرینی منع ایدمدی . صوکره دری شهرینه کیردی [۱] .
 بو حکمدارک زمان اداره سنده کی برچوقوقایع حقنده تفصیلات
 ویرن نظام الملک محاربه دن ول قوتولمشک بارکیری دوشهرک
 اوننی یارالادیغنی ، عاصیلرک همان متارکه ایسته یهرک بوکا نائل
 اولدقلرینی سویله یور . قوتولمش قونییه سلیچوقیلرینک جدیدر .
 ایرته سی سنه [۲] سلطان ماوراءالنهره دوندی . جیحونی کچدی .
 جنده کیتدی . اوراده جدی سلیچوقک تربه سنی زیارت ایتدی .
 جند حکمداری اونک تحت تابعیته کیردی . حکومتنده
 ابقا ایدیلدی . آلپ آرسالان اورادن سیرامه کیتدی .
 اورادن ده خوارزم قطعه سی داخلنده کرکانج شهرینه کلدی .
 خوند امیردن نقلاً دربلونک روایتنه اعتماد ایتک لازم کلیرسه
 اوزمان بوولایتده خزان نامنده بر عاصی واردی . باشنه
 اوتوز بیك کشیلک بر اردو طوپلامشدی . عاصی تمامیه مغلوب
 اولدی . سلطانک بویوک اوغلی ملک شاه خوارزم حکومتنه
 تعیین ایدیلدی . عینی مورخ آلپ آرسالانک خوراسان طریقله
 عودت ایتدیکنی ، طوس شهرنده امام علی رضانک قبرینی
 زیارت ایتدیکنی ده علاوه ایدیور .

سنه

۱۰۶۵

خوندامیر

بوزیارتدن صوکره آلپ آرسالان رادکان Radekan

خوندامیر

[۱] رمضان آینده .

[۲] ۴۵۷ تاریخ بخریسنده .

یولنی طوته رق اوراده غایت خوش بریرده اردو قوردی .
ایمپراطورلغك بوتون اکابرندن مرکب بر مجلس طوپلادی .
بونلرك حضورنده ملك شاهى کندیسنه خلف وبوتون ممالکینه
وارث اعلان ایتدی . بوکنج شهرزاده یی آلتون بر تختہ
اوتورتدی . بوتون اکابر اوکا بیعت ایتدیلر . صوکره آلپ
آرسلان ماوراءالنهره واورادن تورکستانه ، بر سفر اجرا
ایتمك نیتندہ اولدیغنی حاضر ونه خبر ویردی . بومحاربه ایچون
لازم اولان حاضر لقلرك اجراسنی امر ایدہرك یوله چیقدی .
فقط اوصیراده ، کرمان حوالیسندہ عصیان ایدن قاره آرسلانی
تنکیل ایتمش اولان قوماندانلردن فضلو یه نامندہ بری بو ولایتده
حاکم مستقل کسيلمکه قالقدی . غایت مس تحکم بر قلعه یه
قاپاندی . بر طاقم اختلاسات نتیجه سنده بر یکدیرمش اولدیغنی
عظیم خزائن ده بو قلعه یه طوپلامشدی . نظام الملك بونی دائره
اطاعته ادخال ایتمك دها دوغروسى دیری یاخود اولو اوله رق
طوتمق امرینی آلدی . قلعه ناهابل تسخیر کورونیورسده
سلطانك امرینه اطاعت ایتمك لازمدی . وزیر قلعه یی محاصره
آلتنه آلدی . بلذات تفتیش ایتدی . محصورین هیچ تلاش
کوسترمدیلر . ساکن فلدیلر . هجوملر باشلادی ایسه ده
هیچ بر موفقیت تأمین ایتدی . محاصره یی رفعه مجبوریت
کورولمکه باشلامشدی . وزیر بویوزدن حس ایدہ جکی کدرک
هیچ بر شیئه یارامایه جغنی بیلدیکی ایچون ایشی تقدیر الهی یه

حواله ایدیوردی. بودورلو ملاحظاته دالمش اولدیغی برصیراده
صباحلین ایرکندن محصورین عرض تسلیمیت تکلیفنده
بولوندیله. صومز قالمشردی. قویولرده، صهرنجلرده صو
بیتمشدی. فضلوینک سلطانه عرض انقیاد ایتمه سی، قلعه ده
قاله رق هر سینه بر مقدار ویرکو ویرمه سی قرار کیر اولدی.
شرق محررلری بوسفرک موفقیتی نظام الملکک زهد و تقوای
وقوت اعتقادی ثمره سی اولدیغی سویله یورلر.

سلطان، ممالکک حدودلرینی توسیع ایله مشغول اولدیغی
صیراده وزیرده مفکره بشرک حدودلرینی کنیشلتمکک چالیشیور،
مملکت داخلنده علوم و فنونک ترقیسنه بذل همت ایدیوردی.
نظام الملکک ارباب علمک ملجاء و حاهیدی اولمشدی. مختلف
شهرلرده مدرسه لر بنا ایتدیریوردی. اک مشهوری اوسنه
بغدادده وضع اساس رسمنی اجرا ایتدیردیکی مدرسه النظامیه درکه
۶۶ ۱ تاریخنده انشا آتی حتام بولمشدر.

تویری
ابن شحنه
ابوالفدا

صوکره ۱۱۱ سلطان برمدت سوریه ایشلری ایله مشغول
اولدی. موصل حکمداری شرف الدوله یه [۲۱] انبار ایله
تکرتی ویردی. معرة النعمان شهری بر تورک خاننه تودیع
اولوندی. بو، عن اصل ماوراءالنهرلی ایدی. دیلمیلر، کوردلر
و کورخیلرله کله رک بوراده ساکن اولدی. فقط برمدت

سنه
۱۰۶۶
ابوالفدا

[۱] ۴۵۸ تاریخ هجریسنده.

[۲] شرف الدوله مسلم بن قریش بن بدران بن مقلب بن مسیب.

صوکره سلطان اونی باشقه طرفه نقل ایدرک بوشهری فارس الدوله
 یانیر الصالح اسمنده باشقه بر امیره ویردی . سورییه یایلمش
 اولان تورکلر جوارده وملاطیه ده بولونان یونان عسکرلرینی
 ازعاج ایتمکدن خالی قالمایورلردی . ملاطیه ده کی قوه محافظه یی
 مغلوب ایتدیلر . هر طرفی تخریب ایدرک قیصریه یه قدر
 ایلر یله دیلر . کیلیکیا قطعه سنه ده بردن بره هجوم ایتدیلر . بر
 چوق غنائم آلدقن صوکره تکرار حلب یولنی طوتدیلر .
 بو آقینده اولره آمرتیق Ameritic نامنده بری قوماندا
 ایدیوردی . بو آدم اولدن بیزانس ایمپراطورینک قوماندانلرندن
 ایدی . ارزاق فقدانندن دولانی تورکلرک طرفه کچمکه
 مجبور اولمشدی .

بوتورکلر صوکره ، حلبده حکمران اولان مرداسیلر
 Mardaschides ایله برلشه رک هپ برلکده آنطاکیه
 پیشکاهنه کلدیلر ، برچوق اسیر آلدیلر . روم ایمپراطوری
 بویوک بر اردو ایله نیسه فور بوتونیات ی کوندردی ایسه ده
 خستدن دولانی بواردوهیچ بر ایش کوره مدی . ییه جکلرندن
 بر قسمی کیسلمش اولان عسکرلر قاچدیلر . مملکتده ایسته دکلی
 کی آقین ایتک ایچون تورکلری سربست براقدیلر . دشمنلره
 فارشی آنجق آنطاکیه ده علی العجله طوپلانمش ، هر دورلو
 لوازمندن محروم ، انضباطسز بر مقدار عسکر چیقاردیلر .
 بوتونیات بویله براردونک قومانداسنی ترکه مجبور اولدی .

سیلیچ

زونار

سنه

۱۰۶۷

سیلیچ

زونار

سنه

۱۰۶۸

فقط رومن دیوژدنه‌س استانبول تخته چیقار چیقماز مملکتندن
 تورکاری قوغمغه و آقینلرینه مانع اولمغه قرار ویردی . معیتده
 فنا بر اردو ایله فریژی قطعه‌سنه کیتدی . سلطان یازین
 آقینلرینه باشلامق اوزره بوراده قیشلامغه کلمشدی . سلطان
 جنکاور بر حکمدار کی تلقی ایتدیکی ایمپراطورک ورودی
 اوزرینه بر مصادمه اندیشه‌سیله کری چکیددی . عسکرینی
 ایکی یه آیراق بر قسمی جنوبه ، بر قسمی شماله کوندردی .
 رومن دیوژدنه‌س ، کیلیکیا قطعه‌سنه کیرن قسمی تعقیب
 ایتمکده ایکن تورک اردوسنک دیگر قسمنک نیکساری یغما
 ایتدکارینی و غنائم ایله عودت ایتمکده اولدقلرینی خبر آلدی . ایمپراطور
 بوتون اشیاسنی سیواسده براققدن صوکره الکایی عسکریه
 داغلری آشدی ، تورکاره یتیشدی . تورکار ایمپراطوری هجومه
 مهیا برحاله کورمکدن او قدر حیرته دوشدیلرکه بوتون
 غنیمتلی براقه‌رق قاچدیلر . روملرک بوسیرسریع اثناسنده
 اوغرامش اولدقلری یورغونلق تعقیباتده بولونمالرینه امکان
 براقمادی . تورکار بوضورتله ، آز ضایعات ویره‌رک قورتولدیلر .
 ایمپراطور صوکره سوریه یولنی طوتدی . ملاطیه بر مقدار
 عسکر یوللادی . کندیسلی حلب اراضیسنی تخریب ایتدی .
 حلبده اوزمان محمود مرداسی حکومت ایدیوردی . ایمپراطور
 هیه راپولیس Hierapolis شهرینی ضبط ایتدی . فقط الآن
 اثر مقاومت کوسترن برقله‌یی هدم ایتدیرمکه مشغول اولدیغی

صیراده محمود ایمپراطور اردوسنك بر قسمی غفلةً باصدي .
 اونلری پریشان ایتدی . اردونك دیکر قسمی ایسه هیچ امداده
 قوشمغه اهمیت ویرمدی . بوهزیمتدن خبردار اولان اخلاط
 والیسی معیتنده کی عسکرله تورکلره تسلیم اولدی . تورکلر
 ایمپراطوری اسیر آلق امیدیه روم اردوگاهنك اطرافنی
 چویردیلر . رومن دیوژنهس حرب اشارتی ویرمه دن ،
 آلات حربیه نك کورولتوسنی ایشیتدیرمه دن دشمنلرینه هجوم
 ایتدی [۱] . بوکا منتظر بولونمایان تورکلر مغلوب اولدیلر .
 اکر روملر دشمنلرینی تعقیب ایتمش اولسه لردی برغلبة تامه
 احراز ایده جکلردی . ایمپراطور هیه راپولیس یاخود منبج
 Manbedge شهرینه عودت ایله قلعه سنی تعمیر ایتدیردی .
 صوکره کیدوب بعض مواقعی ضبط ایلدی . نهایت کیلیکیا
 طریقله استانبوله دوندی [۲] .

سنه

۱۰۶۹

المکین

سیلیچ

زونار

سنه

۱۰۷۰

ایرتیه سی ایلك بهارده رومن دیوژنهس تکرار شرقه کلدی .
 قیصریه جوارینه کلیتلی مقدارده یایلامش اولان تورکلر
 ایمپراطورک تقریبی اوزرینه چکیلدیلر . ایمپراطور فرات نهرینی کچه رک
 اخلاطه قدر نفوذ ایتک فکریله رومانوپولیس Romanopolis .
 کیتدی . ملاطیه جوارنده بر مقدار عسکر ایله فیلا رته تی براقدی .
 فقط بو قوماندانك سفاهتی وبر دورلو دویمق بیلمه ین خست

[۱] ۴۶۲ تاریخ هجریسنده .

[۲] کانون ثانی نهایتلرنده .

و طمعی بوتون عسکرلرینک نفرت و خصومتی جلب ایتدی . محاربه ده مغلوب اولدی ، اشیاسیالندن کیتدی . تورکلر طرفندن تعقیب ایدیلن عسکرلری سلزده Celzene ده رومن دیوژدئسه التحاق ایتدیلر . ایمپراطور اردؤسنه یاقلاشمغه جسارت ایدمهین تورکلر بو صیراده قاپادوکیا Cappadocia طرفلرینه کیددرک بویوک تخریب ایدد بولوندیلر . صوکره لیقاؤنی Licaonia ویسیدیا Pisidia حوالیسینه کیردیلر . ایمپراطور آرتق اخلاطی دوشونمکدن واز کچهرک بولایتلرک امدادینه قوشمغه مجبور اولدی . یولده تورکلرک قونییه کیردکاری ، فقط ، ایمپراطوری بکله مکه جسارت ایدمه دکلرندن بوموقعی تخلیه ایتدکاری خبری آلدی . عسکرندن برقسمنی کیلیکیا قطعه سنده آنطاکیه ده قوماندان بولونان قاتاتورریاس Cataturias ده کوندردی . و بوتون اوعسا کرک موپسوئست Mopsuest ده کلوب کندیسنه ملاقی اولالرینی امر ایتدی . تورکلرک مملکتلرینه عودت ایدرکن اورادن کچه جکلری تخمین اولونیوردی . فقط تورکلر سلفکة Selencie داغلری طریقنی اختیار ایدهرک طرسوس اوواسنه کلدیلر . اوراده ارمنیلرله وقوعه کلن مصادیماتده بعض موفقیتسزلکلره اوغراقدن صوکره حلبه قاچدیلر . ایمپراطور فرصتی غائب ایتدیکنه متأسفاً استانبوله دوندی [۱] .

[۱] زونار بو وقعه نك خلقت عالمدن اعتباراً ۶۵۷۸ تاریخده

وقوعه کلدیکنی سویایور .

ایرته سی سنه بر اردو ایله کوندریلن مانوئل قومن قوروپالات
 تورکاری آرادی . قیصریه جوارنده وقوعه کان مصادمه نرده
 بض موفقیتلر قازاندی . فقط هیه راپولیس محاصرده سی رفع
 ایتدیرمک اوزده چوق ایلریله دیکی ایچون مغلوبیته دوچار اولدی
 واسیر دوشدی . ایمپراطورک اردوسی جوار بر شهره زحمتله
 قاچه بیلدی . ایمپراطور بو خبر ایله برابر تورکلرک فریژ یاداخلنده
 قون Cone الکاسنی ضبط ایتدکاری خبرینی ده آلدی . نه یایمق
 لازم کلدیکنه دائر اسنانبولده دوشونولمکده ایکن مانوئل قومن
 کندیسنی طوتان تورک ایله برابر استانبوله کلدی . سلطاندن
 غیر ممنون اولان بو تورک ، ایمپراطوره النجا ایدیوردی .
 ایمپراطور بویوک خدمتله کورمک امیدیه اونی بر والیدکه
 تعین ایتدی .

رومن دیوژدنس تکرار شرقه کیتمک ایچون ایلاک بهارک
 عودتی بکه دی . یوز بیك پیاده و برچوق سواریدن مرکب
 بر اردو ایله ته ئودوزیوپولیس یاخود ارضروم شهرینه کیتدی .
 بوتون عسکرلرینه کچه جکلری چوللرده هیچ برشی بولامایه -
 جقلرندن دولایی ایکی آباق ییه جکلرینی یانلرینه آلمالری امرینی
 ویردی . اردوسنی مختلف قوللره آیردی . عن اصل لانیین
 اولان روسه لیه Russelie اخلاطه ، دیگر بری ده مالاز کرده
 کوندردی . ایمپراطور اردونک قسم متباقیسنی کندی یاننده
 آلیقویدی . فقط قالان عسکر او قدر آزدی که بونکله دشمنلره

سیلیچ
 زونار
 غلیتاس

سنه
 ۱۰۷۱
 زونار
 قسطنطین
 ماناس
 ابوالقدا
 ابرشینه
 ابوالفراج
 المکین
 سیوطی

نویری
ابوالمحاسن

قارشى دورمق غير قابلىدى. بو صيراده مالاز كرد روملرہ عرض
تسليميت ايتدى. توركار، بو اردونك ورودندن دهشته
دوشهرك هيچ بر فنالق يالماق شرطيله قلعه يي تسليم ايلدىلر.
فقط شرائط تسليميتى ابتدا كندىلرى اخلال ايتدىلر. حيوانلرينه
يم ارامغه داغيلمش اولان روملرى غفلة باصدىلر. مالاز كرده
ياقلاشمش اولان ايمپراطور، عسكرلرينك امدادينه نيسه فور
دوبريه نى كوندردى. فقط بو قوماندان توركارى پوسكو-
رتمكه موفق اولامادى. نيسه فور واسيلاكى، اردوسيله بريهنك
امدادينه قوشدى. ايكي اردونك او زمان قوتلرى مساوى بر
حاله كلدى. واسيلاكى توركلرك ايچنه صالديره رقاونلرى رجعته
مجبور ايتدى. فقط باركىرى يارالاندىغى ايچون يره اينمك
مجبوريته حس ايتدى. زره وسلاحلرينك آغىرلغى ايسه بوكا
مانع اولديغندن اسير دوشدى. كنديسىنى سلطان آلپ ارسلان
كو توردىلر [۱]. چونكه سلطان اخلاطك، مالاز كردك امدادينه
بالذات قوشتمشدى. سلطان اسيرينه بوتون قوتلرينى كوستردى.
رومن ديورهنسك قوتلرينى صوردى. بر اردو قوماندانه لايق
احتراماتى بو اسير قوماندان حقنده اظهار ايتدىردى.

سنه
۱۱۷۱

سلطان، روم ايمپراطورينك ارمنستانه مواصلتنى آذربيجانده
خوى Kouange شهرنده خبر آلدى. آنجق قرق بيك قدر
سسوارى طويلامغه وقت بولدى [۲]. رومن ديورهنس،

[۱] ابوالفراج آنجق اون بش بيك ديور.

[۲] ۲۶۳ تاريخ هجريسنده.

اوزلرک و فرانقلرک امدادینه ژوزف تارقانیوت Tarchaniotes
 قومانداسنده یکی بر مفرزه کوندرمک احتیاطسز اغنده بولونمشدی.
 ملاز کردک ضبطندن صوکره بوتون بو مختلف قوملری هپ
 کندی معیتنده طوپلامغه وقت بولایله جگنی امیدایدیوردی.
 فقط بریهن ایله واسیلاکی یی طرد ایدن تورکلرک بالذات سلطان
 قومانداسنده اولدقلرینی بیلمه یوردی . ایشته دوچار اولدیغی
 فلاکتک سببی بو یاکلش حرکتدر . رومن دیوژنه نه ساردو -
 سنک باشنده اولدیغی حالدده اردوگاهندن چیقدی . آقشامه قدر
 داغلرده دوردرق اورادن دشمنک حرکاتی تحت ترصدده
 بولوندیوردی . آقشام اوزری چکیلیمک ایسته دیکی زمان تورکلر
 باغیریشه رق ، اوقلر آتهرق بر سواری هجومی یاپدیله . روملر
 بوتون کیجه یی دائمی بر قورقو وتلاش ایچنده کچیردیله .
 ایرته سی کونی اوزلردن بر فرقه کیدوب تورکلره تسلیم اولدی .
 ایمپراطور آرتق متباقی اوزلره اعتماد ایده مدیکی ایچون اخلاطده
 بولوندیغنی ظن ایتدیکی عسکری در حال چاغیردی . فقط بونلری
 بیپوده یره بکله دی . تارقانیوت ایله روسلیه ، سلطانک ورودینی خبر
 آنجه مزو پوتامیا طریقله ایمپراطورلق اراضیسنه چکیلیم شلردی .
 رومن دیوژنه سنک جسارتی بو عکسی احوال تأثیر یله قیریلادی ،
 معیتنده قالان عسکرک آزلغنه رغماً بر محاربه یه کیریشمکه عزم
 ایتدی . اگر تورکلر هجوم ایتسه لر ایدی فی الحقیقه بویله یاماسی
 ایجاب ایدردی . فقط سلطانک او زمان تکلیف ایتدیکی صاحی

رد ایتمه سی احتیاطکارانه بر حرکت دکلدی . آلب آرسلانك
 بو تکلیفی محاربه دن قورقديغدن ایلری کلدیکنه قناعت ایدرک
 تورک مرخصنه غایت متعظمانه معامله کوستردی . آذربجانده
 ری شهرينک کنديسنه رهینه اوله رق تسلیمنی ایسته دی . بو
 شهر اوزمان سلچوق ایمپراطورلغنک پایتختی ایدی . بو طایفردن
 حدت ایدن سلطان محاربه یه حاضرلاندى . بو بر جمعه کونی
 ایدی . نمازینی قیلدی . بر آرزو کره دو کوله جک او قدر
 مسلمان قانی دوشونه رک آغلامقدن منع نفس ایدممدی . محاربه
 ایتک ایسته مه یئرلرک چکیلوب کیتمه سی ایچون بر امر اصدار
 ایتدکن صو کره اوقنی ویانی ترک ایله قیلیجنى وقالقانی
 آلدی . آتنک قویروغنه کنیدسنی باغلادی . بوتون اردوده سلطان
 امثال ایتدیله . سلطان آرقه سنه بیاض بر اثواب کیدی ،
 عطریات سوروندی . اگر مغلوب اولورسه م بوراسی بکا مقبر
 اولاجقدر دیدکن صو کره روملره قارشى یورودی . مظفریت
 اوزون مدت ایکی طرف آراسنده معلق فلدی . هر ایکی طرفدن ده
 کمال شدتله حرب ایدیلدی [۱۱] . تورک لریاواش یاواش کريله یورلر ،
 تفوق روملره براقیورلر کیندی . اردو کاهی مستحکم اولمایان
 ایمپراطور سلطانک کلوب بوراسنی یغما ایتسندن قورقدی .
 اقشامه دوغرو محاربه یی تمطیل ایتدیردرک عسکره کری

[۱۱] الملکین Elmacin . کورد ۶۳ : سنه شجره سی ذی القعدة سنک

چكىلمەلىرى امرىنى وىردى. ايمپراطورك يانئىدە بولغانلار انتظاملىرىنى
محافظە ايتدىلار. فقط دها اوزاقىدە بولغان عساكر ايمپراطورك
فرار ايتدىكەنە زاهب اولدىلار. سزار Cesar ك اوغلى آندرونىق
Andronic، رومن ديوتىرەنەسك كىزلى بر دشمنى اولدىغى
ايچون بو حىراتى بوتون اردويه يايىدى. اردو دارمه
داغنىق اوله رق فرارە باشلادى. توركار تىكاركلەرك ايمپراطوره
هجوم ايتدىلار. ايمپراطور بويوك برجسار تله مدافعه دە بولوندى.
اطرافىدەكى كىمىسەلر اولد كىن، بار كىرى يره يىقىلدقن،
كىندىسى دە يارالاندقن صو كره شادى اسمندە بر كوله طرفندىن
اسير ايدىلدى. وقتيله استانبولده بولونمش اولان و ايمپراطورى
طانيان بو كوله اونك آياقلىرىنە قاپانەرق كىندىسىنى سىطانك
حضورىنە كوندردى. آلپ آرسلان [۱۱] ايمپراطورك اسيردوشمش
اوله جغنه اينانق ايسىتە مىوردى. وقتيله سفارتله استانبولده
بولونمش اولان بعض توركار سلطانه بونى تامين ايتدىكلىرى كى
واسىيلا كىنك دە كوزلرندە ياشىلارله ايمپراطورك آياقلىرىنە
قاپاندىغى كورونجه آرتق قناعت كتىردى. روم مورخلىرىنك
ادعاسىنە كورد آلپ آرسلان ايمپراطورى ىردە كورونجه
توركارك اسرايه قارشى كوسترمەلىرى معتاد اولان معاملەيى اجرا
ايدەرك آياغىلە اوزرىنە باصمش، صو كره ىرندىن قالدىرەرق،
دوچار اولدىغى فلاكتدن دولايى تسلىتدە بولونمشدر. عرب

مورخلری بوتفصیلاتی ذکر ایتیمورلر. فقط سلطانك، ایمپراطوری کورونجه آتدن اینهرك دوستلق علامتی اولمق اوزره اوچ دفعه الی اوردیغنی، تکلیف ایتدیکی صاحی رد ایتدیکندن دولایي مؤاخذاتده بولوندیغنی علاوه ایدیورلر. مورخلرك كافه سی آپ آرسلانك اکر کنديسی اسیر دوشمش اولسه ایدی رومن دیوژنه نه سك نه معاملده بولونه جغنی اوندن صوردیغنی ادعاده متفقد رلر. ایمپراطور قامچیلایردم جوابی ویردی. سلطان شو سؤالی ایراد ایتدی: سزه نه معاملده بولونه جغم ظن ایدیورسكز؟ یا اولدورته جكسكز، دیدی ایمپراطور، یا خود براسیر صفتیله بوتون ممالککیزی دولاشدیرته جق، یا خود بك ضعیف بر احتمال اولمق اوزره بندن بر فدیة نجات ورهینه لر آلدقن صوکره سربست براقه جقسكز. بومتعظمانه جواب سلطانك جاشی صیقمادی. فدیة نجات اولمق اوزره بر میلیون آلتون سكه ویرمك [۱] و روم ایمپراطورلغی داخلنده کی بوتون مسلمان اسیرلرینی تسلیم ایله مك شرطیله سربست براقدی. بو معاهده طرفیندن امضا ایدیلدکن صوکره [۲]، آپ آرسلان ایمپراطوری کندی تختنه کنديسنك یانه اوتورتدی صوکره بر چادیره کوتوردی. خدمته ضابطلر تعیین ایتدی.

[۱] المکین بومبلغك بش بوزبیک آلتون سكه اولدیغنی سویلیور. هر سنه ده ویرکو اوله رق اوچ یوز آلتمش بیک آلتون سكه ویرلمی شرطی بولوندیغنی ده علاوه ایدیور.

[۲] زونارك روایتنجه معاهده نامك شرائطندن بری سلطان ایله ایمپراطورك چوققلرینی بربرلیله اولندیرمه لری ایدی.

ایمپراطور داوون بیک آلتون سکه هدیه ویردی. اسیردوشن اصیلزاده لرك Patrices کافه سنه، شرقیلیرك عادت و جهله، خلعتلر کیمیدیرد کدن صو کره هپسنی ایمپراطوره تسلیم ایتدی. صو کره مملکتنه قدر رفاقت ایتمك اوزره معیتنه عسکرلر ویردی.

بو بدبخت حکمدارك مملکتنه عودت ایدنجه دوچار اولدیغی عاقبت معلومدر. مغلوبیتنی خبر آلان روملر استانبول تحتنه میشل پاراپیناس Parapinace ی چیقارمشلردی. هر دورلو حکم و نفوذدن محروم قالان رومن دیوژدنهس تقریباً ایکی یوز بیک آلتون سکه قدر طوپلایه بیلهرك سلطانه کوندردی. خلع ایدیلدیکی جهتله فدیة نجاتی تماماً تسویه دن عاجز بولوندیغی سویلتدی. رومن دیوژدنهس استانبوله دوغرو یورودیکی ایچون ارمنستان قرالی کندیسنی توقیف ایتدیرهرك کوزلرینه میل چکدیردی. بر مناستره کوندریلدی. بر مدت صو کره اوراده وفات ایتدی.

سلطان وقوعه کلن احوال دن خبردار اولونجه ایمپراطوره کوستریلن معامله یی معاهداتی اخلال صورتنده تلقی ایدهرك روم ایمپراطورلنی اراضیسنه یکی اردولر کوندردی. بونلر اولجه اولدیغی کی یالکز آقین و یغما پامقله اکتفا ایتدیلر. استیلا ایتدکلری ولایتلری ضبط ایله اوراده یرلشمکه چالیشدیلر. ایمپراطور تورکاره قارش یورومك اوزره ایساق قومنه نایله روسه لیه یی مأمور ایتدی. روسه لیه [۱] درت یوز لاتین ایله

[۱] آن قومنه ن بوکا اورسه لیوس Urselius دیور

ایمپراطور ك طرفنى ترك ایدەرك روملرە و توركلارە ۋرشی حرب ایتدی. ایمپراطور ك عموجه سنى قیصر اعلان ایتدی. توركلار اوزرندە بویوك بر مظفریت قازاندى. فقط صو كرده مغلوب اولدى. یكى قیصر ایله برلكده اسیر دوشدى. قاریسى فدیة نجات ویرهرك كندیسنى قورتاردی. قیصرى ده ایمپراطور تخلص ایتدی. روسه لیه لاتینلرله برابر ارمنستانه چكىلدى. اورادم اختیار اقامت ایتدی. نهایت ساطانك اقرباسندن تىكش طرفندن طوتوله روروملرە تسلیم ایدیلدى. ایساق قومنه ن ده كذاك مغلوب اولدى. توركلار طرفندن اسیر ایدیلدى.

در بلو

ایشته توركلرله روملر ك بو محارباتی اثناسنده در كه آلپ آرسلان بوتون كرجستان قطعه سنى فتح ایتدی. كرجیلری حریتلردن محروم براقدى. ملك اكابرىنى قوردون و كردانلق یرینه علامت اسارت اولمق اوزره قولاقلىرینه بر بار كیر نعلی طاقغه مجبور ایتدی. بو یوزدن بر چوقلری اسلامیتی قبول ایدەرك بویله بر حقارته معروض قالمقندن قورتولدىلر. مع مافیه داغلرده بر چوق حصارلر قالیوردی كه آلپ آرسلان بونلری ضبط ایدەمه مشدى. دینلرینه و حكمدارلرینه صادق فالان كورجیلر بورالره تحصن ایتشلردی. آلپ آرسلان كورجستان فتوحاتنىك اكالى اوغلى ملك شاهه براقدى. بو شهزاده نك كورجستانده یاپدیغى محاصره لرك اك مشهورى مریم نشین Miriam-Nischin یعنی مریمك اقامتگاهى قلعه سنك محاصره سیدر.

اوراده صريم تامنه بنا ايدلمش بر مناسترايله بر کليسا بولونديغندن
 دولايي قلعه يه بواسم ويريشدى . بوقلعه بر کولک اورتە سنده کاشن
 ايدى . ملک شادە عسکر لر ينک ايچندن انک اييلرينى آيردى . سورلره
 طيرمانق ايچون لازم کان بوتون آلات ولوازم ايله مجهز اولديغى
 حالده حصاره تقرب ايتدى . فقط کولده ظهور ايدن مدهش
 بر فيرطنه هر شئي داغيتدى . آرقە سندن او قدر شدتلى بر حرکت
 ارض وقوعه کلدی که خرستيانلر و مسلمانلر کنديلرينى محو
 اوليورلر ظن ايتديلر . سورلرک بر قسمی ييقلدى . فيرطنه
 کچد کدن صوکره تورکلر بو آچيلان کديکلردن ايچرى کيرە رک
 حصارى اله کچيرديلر . دائماً بويوک بر غلبه لنى احتوا ايدن
 مشهور مناستر خراب اولدى .

ابو افدا
 ابو الفراج
 المکين
 ابن شحنه
 نویری

سلطان اوزمان ، اجدادينک وطنى اولان تورکستانى
 فتح ايتمک تصويريله مشغولدى . روملره قارشى بوقدر شانلى
 بر صورتدە نهايته ايصال ايتديکى محاربه دن باشقه ، روم ايمپراطور لغنه
 حواری اولان سائر ممالکده قورقه جق بر جهت بر اقامق
 ايچون سوریه بر سياحتده بولونمش [۱] ، ديار بکرده حکمران
 اولان نصرایله [۲] حلب حکمدارى محمود [۳] ک برشى
 ياماملرينى تأمين ايتمشدى . بر مدت اولده ۱۴۱ مکه ده

[۱] ۴۶۳ هجرى و ۱۰۷۰ ميلادى تاريخنده .

[۲] ابن احمد ابن مروان .

[۳] ابن مرداس .

[۴] ۴۶۲ هجرى و ۱۰۶۹ ميلادى تاريخنده .

خطبه‌نك ینه خلیفه و كندی نامنه اوقونمغه باشلادیغی خبرینی
آمشدی [۱]. بغداده یکی بر والی تعیین ایتدکن صوکره
ایکی یوز بیک سواری ایله تورکستان فتحنه کیتدی . جیحون
نهری اوزرنده برکوپرو قوردیردی [۲]. بوتون اردوسنی
قارشی ساحله کچیرمک ایچون یکریمی کون لازم کلدی . آلپ
آرسلان ابتدا ، بونهر جوارنده کائن برزم Berzem نامنده
بر حصاری ضبط ایتمک ایسته‌دی . بوراده یوسف کوتوال
Kothual نامنده جسور بر قوماندان واردی . بو والی برقاق
کون کمال جسارته قلعه‌یی مدافعه‌ایتدی . فقط چوقلق قارشیسنده
برشی پایه‌مازدی . حصار ضبط اولوندی . کندیسیده اسیر
دوشدی . سلطان ، اوزون مدت مقاومت کوستردیکنه قیزمش
اولدیغی ایچون اوقدر تحقیر آمیز صورتده مؤاخذاتده بولوندی که
والی مغرورانه جواب ویرمکه مجبور اولدی . درحال درت
صیریغه چاقیلماق صورتیله اعدام ایدیلکه محکوم اولدی .
بونک اوزرینه یوسف خنچرینی چکه‌رک تهدید آمیز کلمات ایله
آلپ آرسلانک اوزرینه آتیلدی . بویوک برقوته و اوق آتمقده
مسانتا بر مهارته مالک اولان آلپ آرسلان یوسفنی توقیف
ایتمه‌لرینه مساعدده ایتمه‌دی . کندیسیده اوکا بر اوق آتمق
ایسته‌دی . فقط اوق اصابت ایتمدی . یوسف صالديرمغه

[۱] بو شهرک امیری اوزمان محمد بن ابو هاشم ایدی .

[۲] ۴۶۵ تاریخ هجریسنده .

دوام ایدەرك ، آلپ آرسلان تختدن اینرکن
بو کرینه خنچرینی ساپلادی . سلطان باشقه
برچادیره نقل اولوندی . یوسف ایسه محافظلر طرفندن همان
اوراده اتلاف ایدیلدی .

در بلو
المکین

آلپ آرسلانک یارمسی مهلت ایدی . حالت نزعده اولدیغنی
آکلاینجه مقربلرینه دیدی که : « عاقل بر اختیار طرفندن
ویریش اولان ایکی نصیحتی شیمدی تخطر ایدیورم . بو
نصیحتک بریسی کیمسه یی محقر کورمه مک ، ایکنجیسی ده
کندی نفسنه پک بویوک بر قیمت ویرمه مک وبالخاصه قوتنه
کوودنمه مک ایدی . حیاتمک صوک کوننده بونصیحتلری اهل
ایتدم . دون برتپه نك اوزرندن سیر ایتدیکم عسکرلرمک
کثرتی بکا هر شی آرزومه رام اولور ظنی ویرمشدی . بو کون
قوت ومهارتمه پک فضله کوودنهرک کندیم تأدیب ایتمک
ایسته دم و برزم والیسنک توقیفنه مانع اولدم . شیمدی
آکلایورم که حکمدارلرک قوت ومهارتلری تقدیر ازلی ربانییه
فارشی پک عاجزدر . کندی قباحتم یوزندن اولیورم [۱] . »
اوغلی ملک شاهی وزیرى نظام الملکه توصیه ایتدی وقوماندانلرینی

[۱] المکین آلپ آرسلانک وفاتی ۴۶۴ سنه هجریه سی ربیع الاولک
۴ نده وقوعه کلدیکنی سویلیور . فقط بوناریغ آلپ آرسلانک
رومن دیورنه نس ایله ایتدیکی حربه توافق ایز . ذانا نوری ،
ابوالفدا ، ابوالفراج ، ابن شحنه Ben schounah کی
دیگر عرب موخلرینک کافه سی وموسیو دربلو ۴۶۵ تاریخنده وفات
ایتدکارینی ادعاده متفقدرلر .

یوشهزادهیه بیعت ایتدیردی . آلب آرسلان وفاتندن صوکره
خوراسانده مرو شهرینه نقل ایدیلدی . مزار طاشنه شوسوزلر
یازیلمشدر : « سماواته قدر یوکسلن آلب آرسلانک عظهتی
کورمش اولانلر کلک شیمدی اونی مروده برآووج طوپراق
آلنه کومولمش کورکز »

سعدالدوله لقبیه یاد ایدیلن آلب آرسلان سلطان عنوانی
دوقوز سنه آلتی آی نامیشمیدی . بوبویوک حکمدار جسور ،
عالیجناب ، عادل ، حلیم ایدی . ائی بر مسلمانندی . وظائف
دینهنی تماماً ایفا ایدردی . فقرایه یک چوق تصدقاتده
بولونوردی . اوزون بویلی ، جسور باقیتملی ایدی . بوندن
دولائی بوتون تبعه سنک محبت و حرمتی جلب ایتمیشدی .
علی العاده ، باشنه تاج شکننده بر صاریق صاراردی . بوتون
آسیاده او قدر ذی شوکت بر حکمدار ایدی که تخنه یوز سورن
حکمدار و شهرزاده لک مقداری بیک ایکی یوزی بولمیشدی .

ابوالفدا
ابن شحنة

آلب آرسلانک وفاتندن صوکره ، ولی عهد اولمق اوزره
وزیر نظام الملکک انتخاب ایتدیردیکی ملک شاه سلطان اعلان
ایدلدی . ملک شاه بوقدر بویوک بر خدمته مکافات اوله رق
بو وزیرک مالک اولدیغی یرلره خوراسانده طوس شهرینی ده
علاوه ایتدیکی کبی اوکا آتابک [۱] یعنی حکمدارک پدری
عنوانی ده ویردی . دیگر طرفدن خلیفه ، ملک شاهه
بر فرمان کوندردی . اوکا سلطان عنوانی توجیه
[۱] بو عنوانی ایلك طاشیان ذات نظام الملکدر .

سیوطی
دربلو
المکین

ایتد کدن باشقه امیر المؤمنین لقبی ده ویردی . او وقتنه قدر
خلیفه لردن باشقه هیچ بر حکمدار بو عنوانی حائز
اولماشدی . نهایت بوکا جلال الدوله والدین عنوانی ده علاوه
ایله دی .

ملك شاه كرك خليفه كرك اكا برملت طرفندن بوصورتله
سلطان طانمش اولقله برابر عموجه سی کرمان والی عمومیدی
قاورت بك Caderdh-begk سلطانلق ادعاسیله سلاحه
صاریلدی . مهم براردو ایله کورجه Ghurge قربنه قدر
یاقلاشدی . بوتون خوراسان اردوسی درحال عاصی به قارشی
یورودی . ایرانده وقوعه کلمش اولان محارباتك اك عظیملرندن
بری جریان ایتدی . قاورت مغلوب اولدی . اسیر دوشدی .
خوراسان قلعه لرندن برینه حبس ایدیلدی . فقط بومظفریت
سلطانك موقعی تحکیم ایتمشده خوراسان عسکرلرینك پك
شمارمه سنه سبب اولدی . قوماندانلری کلوب وزیر اعظم
نظام الملکی بولایلر ، عسکرلرک آیلغنك تضعیف ایدیلمه سنی
ایسته دیلر . حتی طلبلری سریعاً اسعاف ایدیلمه یه جک اولورسه
قاورتی تخته چیقاراجقلرینی مقام تهدیدده سویله مک درجه سنه
واردیلر . وزیر اعظم اونلرک بوايلك غلیانلرینی تسکین ایله
ایسته دکلرینه موافقت ایتدی ایچون سلطان نزدنده توسطده
بولونه جغنی وعد ایله دی . فقط بونلر چکیلنجه قاورت کیزلیجه
تسمیم ایتدیریلدی . بوصورتله عصیان وسیله سی ازاله ایدیلش

اولدی . ایرتهسی کونی ، وزیراعظم ، عموجه سنک وفاتندن
دولای سلطان پک متأسف اولدیغی جهته ایلقلارک آرتیرلمهسی
حقنده وعدی وجهله شفاعتده بواونه مامش اولدیغی سویلهدی .
بوتون عسا کر کچیلدی . ملک شاهک آرتق رقیبی قالمادی .
بغدادده اونک نامنه خطبه اوقوندی .

برآز صوکره ۱۱۱ خلیفه قائم بالامرالله وفات ایتدی .
بونک خلفی تخت خلافته آنجق بغدادده تکمیل حکم ونفوذ
صاحب اولان سلطانک موافقتیه چیقاییلیدی . یکی خلیفه یی
قرارلاشدیرمق و کندیسنه سلطانلرک براقدقلری برمقدار نفوذ
وصلاحیتی ویرمک ایچون علما وبغداد اکابری ایله مذاکره
وزیراعظمک اوغلی مؤیدالملک مأمور اولدی . مقتدی بالله
خلیفه اعلان ایدیلدی . عینی تاریخده ملک شاه یکنی سلیمان
بن قوتولمش اوانه قدر طوتوندقلری نقطه لردن روملری
قوومق اوزره سوریه یه سوق ایلدی . اوزمان نیسه فور بوتانیات
ایمپراطورلغه کوز دیکمشدی . ایمپراطورلغی اله کچیرمک ایچون
میشل پاراپیناس ایله اوغراشیوردی . سلیمان ، نیسه فوره برآز
یازدیم ایتدی ۱۲۱ . آنطاکیه قدر اولان بوتون حوالی یی
اله کچیردی . سلیمان روملری سوریه دن طرد ایله مشغول

سنه

۱۰۷۵

نویری

ابوالفدا

دربلو

سیلیچ

زونار

ابوالفدا

[۱] ۴۶۷ تاریخ هجریسند .

[۲] زونار بووقعه یی قوتولمشه عطف ایدیور . فقط قوتولمش

اوزمان اولمشدی . بو ، قوتولمشک اوغلی سلیمان زماننده جریان ایتشدیر .

اولدین صیراده ملک شاهده تقویمی اصلاح ایله اشتغال ایدیوردی . ابن شجنه
 رصدخانه سنه آسیانک اک مشهور هیئت شناسلرینی طویلادی .
 بونلرک کافه سی نوروزی یعنی سنه باشنی کونشک جری برجنه کیرمکه
 باشلادیغی آن اوله رق تعینده اتفاق ایلدیلر . اولجه سنه حوت
 برچی اثناسنده باشلایوردی . بویکی مبداء تاریخه سلطان
 جلال الدین ملک شاهک نامنه اضافه جلالی یا خود ملکی دنیلمشدر .
 سلیمان آناتولی قطعه سنده ایلریله دیکی تاریخلرده [۱] ملک
 شاهک قوماندانلرندن آتسز خوارزمی Atsizlekharizmien ،
 مصره حکمران اولان فاطمیلرک تحت اداره سنده کی ممالکه
 هجوم ایدیوردی . شام شهری اوزون بر محاصره یه معروض
 قلدی . اهالی آچاغه تحمل ایدمه یه رک عرض تسلیمیت ایتدیلر .
 سوریه نک بویوک بر قسمی ده حمص ایله برلکده سلاجوقیلرک
 اداره سنه کچدی . آتسز ، مصره قدر کیردی ، قاهره یه
 یاقلاشدی [۲] . قاهره ده حکمران اولان خلیفه مستنصر بالله
 کیجه لین قاچدی . فقط حکمدارلری طرفندن ترک ایدیلدیکنی
 کورن شهر اهالیسی زنجیلرله برلشهرک ملک شاهک قوماندانه
 قارشى یورودیلر واونی مغلوب ایتدیلر . بونک اوزرینه آتسز
 رمله و قدس طریقله شامه دوندی . قدسی یغما ایتدی .
 مغلوبیتنی خبر آلان ملک شاه قومانداننک وفات ایتدیکنه

ابوالفدا
 ابوالفراج
 الملکین
 نویری

سنه
 ۱۰۷۶

[۱] ۴۶۸ تاریخ هجریسنده .

[۲] ۴۶۹ » »

ذاهب اوله رق در حال برادری تاج الدوله تگش سورییه
 کیدرک اورالک فتوحاتی اکیال ایتسی ایچون امرویردی [۱].
 آتسز بوامیرک مواصلتندن و مأموریتندن خبردار اولونجه ،
 اورالرده یالکز باشنه حکم ایتک فکرنده اولدیغی جهتلده تاج
 الدوله یه عظیم مقدارده پاره ویره رک سفرک شان و ترفنی
 کندیسک الندن آله حق بوشهزاده یی اورادن اوزاقلاشدیردی.
 تاج الدوله دیگر طرفلره آقین یامغه کیتدی . ایکی سنه اول
 نصر مرداسی نک روملردن آلدیغی منبج یاخود هیهرا پولیس
 شهرینه ، اورادن حلبه کلدی . بوراده سابق [۲] Sabec
 نامنده باشقه بر مرداسی حکمران ایدی . فقط حلبی ضبطه
 موفق اولامادیغی ایچون دیاربکره کچدی . نصیبین ایله سنجارد
 صاحب اولان مسلم [۳] پک کوزل تحصن ایتش اولدیغی
 جهتلده بوکاهجوم ایتدی . بوتون بوکوچوک حکمدارلر ملک
 شاهی سلطان اولمق اوزره طانیورلردی . بوحوالیده اونک
 حکم و نفوذی آلتنده حکومت سوریورلردی . فقط چوق کره
 سلطانلرک قوماندانلری یرلرینی کندیلری آلمق ایچون اونلره
 هجوم ایدرلردی . سلچوقیلرک زمان اداره سنده ایشته حکومت
 بوشکلده ایدی . امیرلر سلطانه عرض انقیاد ایتدکن و بعض

[۱] ۷۰۰ تارغ عجر یسنده

[۲] ابن محمد ابن نصر .

[۳] ابن قریش ابن بدران العقیلی . شرف الدوله لقبیله یادایدیلیردی .

احوالده عسکر و پاره و یرمک صورتیله یارديم ایتمکی تعهد ایلهد کدن صو کره اداره لری آلتنده کی یرلرده مستقل بولونورلردی. بونلر خصوصی محارباته کیریشمکده مختار ایدیلر. سلطان بو محارباته هیچ اشتراك ایتمزدی.

اوتارینخده سوریه نك هر طرفنده محاربه واردی. موصل حکمداری شرف الدوله مسلم مرداسی، سابق ابن محمد عائد اولان حلب شهرینی محاصره و ضبط ایچون سنوی اوچ یوز بیك آلتون آقچه تأدیه ایتمک شرطیله سلطاندن مساعدده استحصال ایتمشدی. بوتارینخده ملک شاه کریمه سنی خلیفه مقتدی باللهه تزویج ایتدی [۱]. قیزینه اللی بیك آلتون سکه جهاز و یردی. فقط بو جهاز خلیفه نك باشقه برزوجه سی و مستفر شسی اولماق شرطیله تقید ایدیلمشدی. سلطانک خلیفه اوزرنده بودرجه حکم و نفوذی واردی. بغدادده بیله ملک شاهک قوماندانلرینه بر حکمدار کی معامله ایدیلیردی. وزیر اعظمک اوغلی مؤید الملک بغدادده اولدیغی وقت قاپیسنک او کنده موزیقه نوبت چالاردی.

صو کره خوراسانه کیتمش اولان ملک شاه اوردان سوریه یه عودت ایتدی [۲]. موصلده حکمران اولان شرف الدوله یه فارشی حرب ایتمک اوزره وزیر فخر الدوله یی دیار بکره کوندردی. دها باشقه قوماندانلرده سلطانک عسا کرینه التحاق ایتدیلر. بونلر آراسنده تورکمنلرله بالخاصه امیر ارتق Ortoc واردی.

[۱] ۴۷۴ تاریخ هجریسنده.

[۲] ۴۷۷ » »

ارتق شرف الدوله نك تحصن ايتديكى امد شهرىنى ضبط ايتدى .
 شهرى كنديسنه تسليم ايدىن و بر مقدار پاره مقابلنده سربست صورتده
 اورادن چيقيمق مساعده سنى استحصال ايله ين شرف الدوله رقيه
 چكيدى ۱۱۱. قرار لاشمش مبالغى اورادن كوندردى . فخر الدوله نك
 اوغلى عميد الدوله عيني زمانده يكي بر اردو ايله و اصل اولدى .
 ياننده فن حربده وقوف عظيمى بولونان قسيم الدوله اقسمنقرده
 واردى . بوتون بو عساكر موصل او كنده اردو قورديلر .
 موصلى تحت محاصره ده بولنديرد قلرى صروده امير ارتق اهاالى يى
 عرض تسليميته سوق ايتمك چاره سنى بولدى . ملك شاه مروانىلرله
 عقيليلارى محو ايتمك و بوتون ممالك تلىرىنى ضبط ايتمك فكرنده
 ايدى . فقط خوراسانده برادري تكشك عصيانى سوريه نك
 ايشلارنى بر مدت يوزى اوستنه براقغه واردوسنى بو شهزاده
 عليهنه جويرمكه مجبور ايتدى . اونك ايچون شرف الدوله يى يوله
 كتىرمك چاره سنى دوشوندى . بو مقصدله وزير اعظمك اوغلى
 مؤيد المكي او كا يوللادى . اكر سلطانك ياننه كله جك اولورسه
 سلطان نردنده كنديسى ايچون شفاعتده بولونان پدرى اونك
 عفوينى استحصال ايدى جگنى مؤيد الملك وعد ايلدى . شرف-
 الدوله ملك شاهك ياننه كيتدى . اوده كنديسنى موصلده ابقا
 ايتدى ، الندى آلمش اولان خزائى كرى و يرديردى . بونى متعاقب
 ملك شاه خوراسانه كچه رك اوراده برادرى مغلوب ايتدى .

بو سفر ختامه ایرر ایرمنینه سوریه دوندی . عظیمیرالنمیری
 نامنده برامیرك یکر می بیک آلتون سکه مقابله روملرہ تسلیم
 ایتمش اولدیغی رها Roha یاخوادس Edesse شهرینی ضبط
 ایله دی . بوزانه Bouzan ویردی . صوکره حلب شهری
 سکنه سی نامنه سفیرلر کله رك توتوشك محاصره ایتدیکی شهری
 تسلیم تکلیفنده بولونمالری اوزرینه درحال اورایه کیتدی .
 توتوش شامه چکیلدی . حران Harran کفرطاب Kafartal
 لاذقیه Laodicée ، افامیه Apamée ده ضبط ایدیلدی .
 ملک شاه صوکره ، اوآنه قدر هیچ کورمه مش اولدیغی
 بغداد شهرینه کیتدی [۱] . کریمه سی ده خلیفه ایله اولمك
 اوزره دیکر برطریقدن بغداده واصل اولدی . بواشاده ملک
 شاهك بر قوماندانی میافارقین ایله جزیره عمری ضبط ایدیور،
 بوملک کتده مروانیلرک حکم ونفوذینه خاتمه چکیوردی . بوراده
 حکمران اولان صوك حکمدار منصور بن نصر در . فقط بوفلا کتدن
 سائر کوچوک حکمدارلر حصه دار اولمادیلر . محمد ابن
 شرف الدوله ، سلطانن رحبه Rohba حران ، سروج
 Sarouge ، رقه ، خابور khabour شهرلریله برابر همشیره سی
 ذلیخانك دست ازدواجنه نائل اولدی [۲] .

سنه
 ۱۰۸۶
 ابوالفدا
 نویری

۱۰۸۷ ملک شاه [۳] بغدادده برسنه دن زیاده قالدی . اوراده

[۱] ۴۷۸ تاریخ هجریسی ذی الحجه سنده .

[۲] ۴۷۹ تاریخ هجریسنده .

[۳] ۴۸۰ » »

در بلو

یالکز آو ایله مشغول اولدی . بغداددن اصفهانه
 کیتدی . اورادن ایرته سی سنه مکیه عزیمتله وظیفه حجی
 ایفا ایتدی [۱] . بوحج اوکا پک بویوک مصرفله مال اولدی .
 چولده کویلر یاپدیردی ، قویولر قازدیردی . حجاجک انفاق
 ایچون پک چوق ذخائر کوتوردی . فقرایه صدقه لر داغیتدی .
 حجاجک تأدیه ایده کلکده اولدقلری ویر کوی قالدیردی .

سنه
۱۰۸۸

ملاک شاه بو وظیفه دینییه یی ایفا ایتدکن صوکره ،
 مملکتک بر اوجندن دیکر اوجنه کیمکه آلیشقین اولدیغی
 ایچون بویوک براردو ایله ماوراءالنهره عزیمت ایله دی [۲] .
 جیحونی کچدی . بخارایه واردی . یول اوزرنده راست کلدیکی
 مواقعک کافه سنی اله کچیردی . سمرقندی ده ضبط ایده رک
 اوراده حکومت ایدن احمد خانی اسیر آلدی وینه یرنده براقدی .
 اورادن اوزکنده کچدی . کاشغر حکمدارینه کندی نامه
 سهکهر کسيلمه سی وخطبه اوقونماسی ایچون امر ویردی .
 کاشغر حکمداری بوکا اطاعتله اوزکنده ملاک شاهک
 یانه کلدی . طراز Tharaz ، بلاساغون Balasgoun ،
 اسپیدجاب Esphidgiab حکمدارلری ملاک شاهه ویرکو
 ویرمکه مجبور اولدیلر . بومحاربه اثناسنده وزیر اعظم نظام الملک ،
 جیحون نهرینک اوتة طرفنه اردوی نقله مأمور اولان قایتجیلر

۱۰۸۹
ابوالفدا

ابن الاثیر

[۴] ۴۸۱ تاریخ هجریسنده

» » ۴۸۲ [۵]

انطاکیه شهرینک وارداتی تخصیص ایتشدی . بوقایقجیلر یاخود دها دوغروسى وزیراعظمک کیزلی دشمنلری بوندن دولایى سلطانه شکایت ایتدیلر . ایمپراطورلغک او بر اوجنده کائن اولان انطاکیه شهرى پک اوزاق کورونیوردی . اورایه حواله ویريله من دنیاویوردی . سلطان بوشکایتلری دیکله دی ، حقلى کوردی . وزیر اعظمه بحث ایتدی . اوده شو جوابی ویردی : انطاکیه یه حواله ویریشم قایقجیلرک حقنى تأخراته اوغراتمق ایچون دکدر . اخلافک ، حکومتکزک عظمت ووسعتنه حیران قالمالری ایچوندر . « بومداهنه کارانه جواب سلطانی پک محظوظ ایتدی . شکایتلرک آرقه سی کسیددی . قایقجیلرده وقتنده پاره لرینی آلدیلر . مورخلرک نقل ایتدکلری بوقبیل فقره لر بو وزیر اعظمک مهارتی حقنده بویوک برفکر ویریورلر . بوسفری متعاقب ملک شاه خوراسانه ، صوکره بغداده کلدی . اوراده بوتون حکمدارلر وامرا کنديسنه عرض احترامات ایتدیلر ۱۱۱ . بومیانده شامده مقيم اولان برادری تکش ایله حلبده مقيم اولان اقسمنقرده داخلدی . ملک شاه بغدادده محتشم بر جامع بنا ایتدیردی .

ایمپراطورلق دواملى برصلحدن مستفید اولدیغی صیراده سرایده حکمفرما اولان انتریه لر برطاق قاریشقلقلر چیقماسنه سببیت ویردیلر . ملک شاهک زوجه سی سلطان ترکان خاتون

سنه
۱۰۹۱
ابوالفدا
ابن شحنه

ابوالفدا
ابوالفراج
دربلو
ابولحسن

اوغلى محمودى ۋلى عهد سلطنت اعلان ايتدىرمكە چالشيوردى .
نظام الملك ايسە بر كياروق Barkiaroc نامندەكى بويوك شەزادەنىڭ
حقوقى سلطان نەزەندە مدافعه ايدىيوردى . وزير اعظمك
بو ممانتى ترکان سلطانك خصومتى جلب ايتدى . نظام الملك
سلطانك نەزەندە حائز اعتماد و اعتبار اولدۇقچە اوغلنىڭ تختە نائل
اولامايە جىغىنە حكم ايدەرك وزير اعظمى محو ايتىك چارەلەرنى
آرامغە باشلادى . وزيرىنىڭ حرکاتى حقندە سلطانك ذهەندە
بعض شەبەلەر اوياندىردى . بر طاقم فناالملەر بىلەن وزيرك
يالكىز كەندى اصدقاسنى مناصبە كچىردىكىنى ، اك بويوك
مقاملارك اون ايكى اوغلى طرفەندەن احراز ايدىلمىش اولدىغىنى
سلطانە سويلدى . بو سوزلەر اوزرىنە شەبەيە دوشىن سلطان
كەندىسەنە ھىچ دانىشمادەن مأمورىتلەرى توزىع ايتدىكى اىچون
مؤاخذاتدە بولمىق ، وزير اعظمىڭ علامتى اولان كلالە ايلە
حقەيى النەن آلە جىغىنى مقام تەيدىدە سويلەمك و حكمدارلغە
مشرتكمى دىيە صورمق اىچون بر قوماندان يوللادى . نظام الملك ،
سلطانك بر تەبەسى اولدىغىنى بيان ايتەكەن صوكرە تاج و تختى
كەندىسەنە مديون اولدىغىنى ، پدرىنىڭ وفاتىندەن صوكرە زمام
امورى آلە كەندىسەنك آلدىغىنى ، عاصىلەرى تەكىل ايلە ھەر طرفدە
صاحى تأسىس ايلدىكىنى سلطانك اونو تامامەسى لازم كلەجكىنى
جواباً سويلدى . صوكرە شو سوزلەرى علاوہ ايتدى :
« بوتون بو مدت ظرفىندە ملك شاه دوستلغى ايلە بىكا شەرف

بخش اولدی . شیمدی ایمپراطورلغک هر طرفی نائل سکون اولونجه افتالره قولاق ویرمکه باشلادی . فقط شوراسنی اونوتما مالیدر که بنم کلاهم ایله حقهم اونک تاج و تختنه تقدیر الهی اقتضاسی اوله رق او قدر صیقی صورتده مربوطدر که بو درت شی بربرینه استناد ایتمکسزین آیری آیری پایدار اولامازلر . « بو مغرورانه جوابی سلطانه تبلیغ ایدن قوماندان اونی او قدر فنا بر صورتده تغیر و تبدیل ایتدی که سلطان فنا حالدده حدتلندی . در حال وزیر اعظمی عزل ایله بو مقامه ترکان سلطانک مجلسنک رئیسی نظام الملکک دشمنی اولان تاج الملک کامی بی کتیردی . عینی زمانده وزیر اعظم حقنده اسناد اولونان ارتکاب وار تشا حقنده تحقیقات اجراسنی دده امر ایلدی . بو تاریخده سرای ، بغداده کیتمک اوزره اصفهانی ترک ایتدی . نظام الملک آرقه دن کلیوردی . نهاننده واصل اولدیغی صیراده یکی وزیر اعظم طرفندن سوق ایدلمش بر باطنی کندیسنی خنچرله اوردی . مهلاک صورتده یارالانمش اولان ابو بویوک آدم صوک دقیقه لرنده سلطانه شوسوزلری یازدی : « ای حکمدار معظم ، حیاتمک بر قسمنی ظل نفوذ کزده ، ممالک کزدن حقسزلغی دفع و طرد ایتمکه امرار ایتدم . سزک خدمت کزده بولوندیغ اثناده اکتساب ایتدیکم شهرتک حجتلرینی ، صداقتمک دلائلی ، اداره مک حساباتی کندمله برابر کوتورییورم ، مالک حقیقی

سنه

۱۰۹۲

كائناتك حضورينه عرض ایده جگم . بونلر سرك دست شاهانه كزله امضالیدرلر . حیاتك اجل موعودی دوقسان اوچنچی یاشمه مصادف اولیور . رشتۀ حیاتی قطع ایدن ، بر خنچر ضربه سیدر . سزه ایفا ایتدیكم اوزون خدماتك دوامی اوغلمه ترك ایله كندیسنی جناب حقك و سرك صحابت و حمایه كزه ترك ایتكدن باشقه بنم ایچون یاپه جق برشی فلما یور .

ایشته ملك شاهك شان و شرفك بویوك بر قسمی مدیون

ابن الاثیر

اولدینغی شو وزیرك عاقبتی . نظام الملك عینی زمانده عصرینك اك عالم بر آدمی ، تكمیل ارباب علمك شاهی ایدی . مسلمان ایمپراطورلغی د!خلنده علوم و فنونی ترقی ایتدیردی . بوتون شرقده نامنی مشهور ایدن و هرشیدن زیاده حافظۀ اخلافه انتقال ایتدیرمكه خدمت ایله یین حرکتی علوم و فنونه قارشى کوستردیكى حرمت اولمشدر . كندیسنی قتل ایدن برباطنی ایدی . نرم اهل صلیب مورخلر سرك خشاشین Assassin لردیدكلری کیمسه لره شرقیلیر بو نامی ویریورلر . بونازك رئیسلی سوریه ده شیخ الجبل نامنی طاشیردی .

ابوالفدا
المکین
ابوالفراج
ثاق دوویتی
محرس المنصوری

تابع اولدقلری اساسلر كرك مسلمانلقدن كرك خرسقیانلقدن يك اوزاق اولان بو حیدودلرك مذهبی ایکی اوچ سنه اول ایرانك شمانده توره مشدی . بو مذهب سالكلرینه باطنیه یا خود اسماعیلیه نامی ویریلیردی . فقط بونلر اواسکی قرامطك بقیه سی ایدیلر [۱] . رئیسلی اولان حسن صباح علومده ، هندسه ده ،

ریاضیاتده پک صاحب وقوف اولدیغی کبی سحرده وقوف ادعاسنده
ایدی . بر مدت خلیفه مصر مستنصر باللهک یاننده اوتورمش،
صوکره خوراسانی دولاشمش، کاشغره قدر کیتمشدی . واقف
اولدیغی بوتون دینلردن خصوصی بر دین چیقاردی . بونده اسلامیه
تعلق ایدن جهت فاطمیلرک مذهبیله حائر مناسبت ایدی . باطنیه مذهبیک
اساساتی حقنده چوق معلومات یوقدر . محقق اوله رق بیلدیکمز شی
بو مذهب سالکیرینک رئیسیرینه قارشی کور کورینه بر اطاعتده
بولنق اوزره یمین ایتلیردر . روایت اولندیغنه کوره رئیسیری
بر ایشده استخدام ایده جکی طرفدارلرینی سرخوش ایدردی صوکره
بونلری غایت لطیف باغچه لره کوتوریرلردی اوراده هر دورلو
اذواق و حظوظاته نائل اولورلردی . بوراده تکرار سرخوش
ایدیلره رک ینه اسکی یرینه کوتورولوردی . بو آدمیره اولد کدن
صوکره ینه بویله لطیف یرلرده عینی اذواق و حظوظاته نائل
اوله جقلری تأمین اولونوردی . ایشته بو قدر لطیف بر استقبال
امیدیه بو آدمیر حیاتلرینی تهلهکیه آتارلر، حیاتلرینی غائب ایتمکدن
قورقمازلردی . رئیسیری بونلری حکمدارلری و خوشلانمادیغی
کیمسه لری قتل ایچون ایستدیکی یرلره کونده یرردی .
سائر حکمدارلرده بو آدمیری یاره مقابلنده عینی ایشلرده
قوللانیرلردی . حسن صباح ایرانده رودبار Roudbar قطعه سنده
اؤمت ایدیوردی . هر کون آرتقمده اولان قوت و قدرتی نهایت
ملک شاهک نظر دقتنی جلب ایتمشدی باطنیه رئیسینی عرض

انقیاده دعوت ایچون اوکا بر مأمور کوندردی . حسن صباح
 معیتندن برینی حضورینه چاغیردی . بوکا اتجار ایتمه سنی امرایتدی .
 امری در حال اجرا اولوندی . معیتنده کیلردن باشقه برینه قلعه نك
 تپه سندن آشاغی یه آتلامسی امرینی ویردی . بو آدم بلا تردد کندیسنی
 آشاغی آتدی . صو کره ملك شاهك مرخصنه دونه رك معیتنده بو
 کوردیکی آدم لر قدر مطیع یتیش بیک کشی بولوندیغنی ، ایشته سلطانه
 ویره جکی جواب بوندن عبارت اولدیغنی سویلدی . ملك شاه
 بو قدر عز مپرور آدم لر هجوم ایتک ایسته مدی . باطنیار تحصن
 ایتدکلری داغلرده قدرت صاحبی اولدیلر . بر چوق قصبه لری
 اله کچیردیلر . بالخاصه دیلم ، Dilem حکمدارلری طرفندن
 قروین قربنده بنایدلمش الموت Alamout قلعه سنی ضبط ایتدیلر .
 اورادن جوار ممالکه انتشار ایدرک سوریه یه ، لبنان داغلرینه قدر
 صو قولدیلر . بوراده قوماندانلر براقیدیلر که بولنلر ایرانده کی رؤسایه
 تابع بولنیورلردی . ایشته وزیر اعظم نظام الملک کی قتل ایچون
 تاج الملك کامینک آمالنه بو باطنیلردن بری خدمت ایتمشدی .
 بو عاقل وزیرك وفاتندن صو کره سلطان ده چوق زمان
 معمر اولمادی . خلیفه یی باشقه بر شهره یوللامق املیه
 بغداده کیتمشدی [۱] . بوفکرینی خلیفه مقتدی یه سویله دی .
 اوده اون کون مهلت ایسته دی . بو ائشاده ملك شاه جوارده
 بریره کیتدی . فقط شدتلی بر سو هضم اونی بغداده عودته .

سیوطی

مجبور ایتدی ۱۱۹ . برقچ کون صوکره نوبت تأثیریله وفات
ایله دی . اوتوز دوقوز بوچوق یاشنده ایدی . یکر می سنه
حکومت سورمشدی ۱۲۱ . آسیانک اک بویوک حکمدار .
لرندن بری اولمشدر . خلوص و صفوتی ، عدالتی ، زهد
و تقوای سوردی . ممالکی داخلنده مبدولیت ورفاهی تأمین
ایتدی . یوللری اشقیادن تمیزله دی . مجرملری شدتله تأدیپ
ایتدی . تبعه سنک شکایاتی بلا استئنا دیکله دی . سیاحتی تسهیل
ایچون برچوق کوپرو ، قانال ، یول یاپدی . خسته خانلر ،
دبویلر تأسیس ایتدی . آوی پک چوق سوردی . فقط
اوردیغی حیواناته فیئات تقدیر ایتدیره رک بدلنی فقرایه
داغیتدیریدی . روایت اولوندیغنه کوره برکون طوسده
اولیاء اللهدن برینک قبرینی زیارت کیتمشدی . بو صیراده
بژادری تکش سلطنت ادعاسنه قالمشدی . وزیر اعظمی
نظام الملکک نه دعا اتمش اولدیغنی آکلامق ایسته دی .
وزیری جناب حقمک کندیسنه مظفریت بخش اتمه سنی دعا

ابن الاثیر
ابوالفده
ابن شحنه

۱۱ ۳ شوالده .

۱۲ شوال اواسطنده بر جمعه کونی وفات ایتدی . ۴۴۷
هجری و ۱۰۵۵ میلادی تاریخنده جاذی الاول آینه تولد ایتشدی .
هایتونک ملکلا Melecla تسمیه ایتدیکی حکمدار بودر . دربلو ،
معلوماتلری یا کلش بر طاقم مورخلردن نقلاً بو حکمدارک خلیفه
راضی ایله معاصر اولدیغنی سویلیور . حالبوکه خاینه راضی ، ساچوقیلرک
تأسسندن اول وفات ایتشدر .

ایتدیکنی سویله دی . ملک شاه ایسه شو جوانی ویردی :
 بنده ، اکر قاردهشم مسلمانلر اوزرنده حکمران اولمغه
 بندن دها لایق ایسه مغلوب اولایم دییه دعا ایتدم ، دیدی .
 ملك شاهك ايمپراطورلغی غایت واسعدی . چین حدودلرندن
 قدسه ، یمندن غایت شمال حوالیه [۱] قدر اولان ممالکده
 هپ ملك شاه نامه خطبه اوقونیوردی . محمود ، محمد ،
 برکیاروق ، سنجر اسمنده درت اولاد براقشدی . ايمپراطو -
 ریچه ترکان خاتون بر مدت ملك شاهك وفاتی صاقلادی .
 اوغلی درت بش یاشنده کی شهزاده محمودی تخته چیقارتمق
 اوزره طرفدارلر طویلادی . برچوق امرایی کنديسنه جلب
 ایتدی . خلیفه مقتدی دن بغدادده خطبهك محمود نامه
 اوقونماسی مساعده سنی آلدی . بو کنج حکمدار ، قیلیچ
 قوشامه و تتوج مراسمنده نظر دقتی جلب ایتدی . حاضر
 بولونانلرک کافه سی کنديسنی پک سودیلر . والده سی صوکره
 اونی اصفهانه کوتوردی . ملك شاهك نعشی ده برابر دی . ملك

الملکین
 ابوالفدا
 ابوالفرج

[۱] در باب تاریخ کزیده Khosideh دن نقلاً ملک داخلنده پک
 چوق سیاحت امن بو حکمدارک بر دفعه سنده یاقلاندرق هویتی
 مجهول بر حالده استانبول ايمپراطورینک حضورنه کوتورولدیکنی ،
 صوکره بوا یکی حکمدار آراسنده وقوعه کلن بر محاربه ده روم
 ايمپراطورینک اسیر دوشدیکنی سویله یور . در بلوده مفصلاً تصادف
 ایملن یورویات بر مصالحن عبارتدر . آلپ آرسلان زماننده رومن
 دیوژتیه سک معلوبیتک باشقه بر شکل صوقولمشیدر .

شاهك اولاد لر ينك اك بويوكي اولان و ركن الدين لقبيله ياد
 ايديلن بر كيأروق ۱۱ اصفهانده ایدی. تركن سلطانك ورودینی
 خبر آنجه نظام المللك طرفدار لریله برابر شهر دن چیقدی، ری
 اوزرینه یورودی. تركن سلطان آرقه سندن تعقیب ایتدی.
 ایکی طرف آردسنده بر محاربه وقوعه کلدی. تركن خاتون
 اردوسی مغلوب اولدی. تاج المللك اسرا آردسنده ایدی. بر كيأروق
 اونی وزیر اعظم یامق ایسته دی. فقط بونك قتل ایتدی.
 نظام المللك طرفدار لری شدتله مخالفت کوستردیلر. بر كيأروق
 اصفهان یاقلا شهر ق شهری محاصره یه آلدی. تركن سلطان بعض
 تکلیفاتده بولندی. بوتکلیفلر بر كيأروق طرفدن قبول ایدلدی.
 بر كيأروق پدر ينك اصفهانده ترك ایتمش اولدینی خزانة پایلا شفق
 اوزره شهری تركن سلطان به واقعغه راضی اولدی ۱۲. بر كيأروقك
 حصه سنه بش یوز بيك دينار یا خود آلتون سكه اصابت ایتدی.
 همان بوتون سلچوقی شهزاده لری و سوریه نك مختلف امراسی
 ملك شاهك متروکاتندن مستفید اولق امليله بو حربه اشتراك
 ایتشاردی. ملك شاهك برادری اسماعيله تركن سلطان کندیسيله
 اولنك امیدینی ویردیکی ایچون اسماعیل همدان قربنده شهزاده محمود
 لهنده بر اردو طوپلامشدی. بر كيأروق در حال عموجه سنه قارشی
 یوریدی. همدان او و اسنده اونی مغلوب ایتدی. اسماعیل دشمنلر ينك
 انه کچدی. کندیسنه هیچ مرحمت ایدله دی.

در بلو

سنه

۱۰۹۳

در بلو

[۱] هایتونك بلخیاروق تسمیه ایتدیکی شهزاده بودر.

[۲] ۴۸۶ تاریخ هجریسنده.

شامده يرلشمش اولان توتوش ده بوقاريشقاقلردن بالاستفاده
 حکم و نفوذینی دهامستقل برحاله کتیرمکه چالیشدی. بو مقصدله
 محمود طرفنی التزام ایتدی. ملک شاهک حلبی یرمش اولدیغی
 قسیم الدوله آقسنقر برکیاروق طرفنی التزام ایله قوماندان کر بوغای
 بر اردو ایله توتوشه قارشی کوندردی [۱]. بوقوماندان مغلوب
 ارلادی. اسیر دوشدی. بو صیراده ترکان خاتون توتوشک
 یانه کیتمک واونی اوغلنک طرفنه صیقی صورتده بند ایتمک
 فکریله اصفهاندن چیقدی. فضله خسته لندیغی جهته عودته مجبور
 اوله رق اوراده ترک حیات ایتدی. برکیاروق درحال بغداده
 کیتدی. اوراده یکی بر وقعه محمودک ایشنی برقات دهامشکلاته
 اوغر ایتدی. خلیفه مقتدی بالله وفات ایتدی. خانی مستظهر بالله
 خلافتده قلمق ایچون سلطان برکیاروقه مراجعت ایله دی.
 بونک اوزرینه برکیاروق باشلیجه امرای کاملاً طویلادی. خلیفه
 مستظهر باللهک خلافتی تصدیق اولوندی. اوده ایمپراطورلغی
 برکیاروقه توجیه ایلادی. بوندن طولای بغدادده خطبه برکیاروق
 نامه ارقوندی [۲].

سنه
 ۱۰۹۴
 ابوالفدا
 المکین
 نویری
 ابن الاثیر
 ابوالحسن

بو برنجی موفقیتی ایکنجی بر موفقیت دهامشکلیب ایله
 برکیاروقی ایمپراطورلغه حاکم برحاله کتیردی. ملک شاهک
 تکش Takasch نامنده دیگر بر برادری برکیاروقه حرب

دربلو
 ابوالفرج

[۱] ۴۸۷ تاریخ مجریسنده

[۲] ۴۸۷ سنه سی محرمنک اون دردنده.

اعلان ایتشدی . بونک اردوسنک فائیتی برکیاروق اصفهانه
 چکیلمکه مجبور ایتدی . اوراده محمود حاکم ایدی . ترکان
 خاتونک وفاتیله افکار دکیشمشدی . برکیاروق بورایه قبول
 اولوندی . ایکی برادر برلکده اصفهانه کیردیلر . بربریله
 پک کوزل کچیندیلر . فقط برکیاروقه قارشى حالا محافظه
 خصومت ایدن بعض امرا متوفا ترکان سلطان فرقه سنی احیا
 اتمکه چالیشه رق برکیاروقی توقیف ایتدیردیلر . برقلعه یه قاپادیلر .
 اوراده کوزینه میل چکیلمه سی ایچون امر ویردیلر . برکیاروق
 ایچون هیچ امید خلاص قالمامشدی . تام بوصیراده محمود چیچک
 چیقاردی ، برفاچ کون ایچنده وفات ایتدی . ایشته برکیاروق بوسایه ده
 قور تولدی . سربست براقلدی ، یکیدن سلطان اعلان اولوندی .
 برکیاروق وزیر اعظم اغنی نظام الملکک اوغلی مؤیدالملک
 ویردی . فقط صداقتندن شهه اندیکی جهتله عزل ایله یرینه
 نظام الملکک دیگر اوغلی فخرالملکی تعیننه مجبور اولدی . بو
 ایشلری کوردکن ، دولتک تدویر امورینه عائد تدابیری
 اتخاذ ایله دکن صوکره عموجه سی تکشه قارشى یورودی .
 بویوک بر مظفریت احراز ایله دی . عموجه سنی اوغلی ایله
 برلکده صوده بوغدیردی . توتوشی ده مغلوب ایتدی . دیگر
 برسلچوقی شهزاده سی اولوب قوتلی براردو باشنده خوراسانده
 حاکم اولان آرسلان شاهى [۱] ده مغلوب ایتمرسه بومظفریاتک

[۱] ابوالفرج بوکا آرسلان آرغون ابن آلپ آرسلان دیور .

بو آرسلان ، سلطان ملک شاهک برادریدر .

کفایت ایده‌مه‌یه جگنی دوشونیوردی . فقط اورالرہ کیتمکہ حاجت فالما دی . آرسلان شاه قوماندانلرینه و معیتنه فارشی غایت شدید و بی رحم ایدی . اوفاجق بر خطا ارتکاب ایدنلری بیلہ عفو ایتزدی . بر فباحته بولونمش اولان قوماندانلردن بری سائئہ یأس ایلہ آرسلان شاهی بر خنچر ضربه سیلہ اولدیردی [۱] . ایشته بونک ایچون برکیاروق خوراسانہ کیدنجه اوراسنی پک قولای اله کچیردی . اورادن ، ماوراءالنهر حکمدارلرینه خطبه نک کندی نامنه او قومنامسی ایچون امرلر کوندردی . خوراسانی ، برادری سنجره ویردی بونک یاننبدہ وزیر اوله رق ابوالفتیح علی [۲] یی براقدی . عراق عجمہ دوندی .

سنہ
۱۰۹۷
ابوالفدا
ابوالفرج

تأسس ایتمش اولان صالح و سکون پک ظاہری ایدی . قدرتلری آرتمش اولان باطنیلر او یلہ بر طاقم حرکتلرده بولونیورلردی کہ بونلری تنکیل ایتک ایجاب ایدردی . باطنیلر اکا بر حکومتدن بعضیلرینی از جمله سلطانک اقرباسندن ارغشی و طوغرول بکک رفیقلرندن بری اولوب ساجوقیلرک بغدادہ تعیین ایتمش اولدقلری ایلک والی امیر برسق Bourski ی اولدیرمشلردی . دیگر طرفدن ، وزیر اعظاملقدن عزل

ابوالفدا

[۱] ۴۹۰ تاریخ مجریسی محرمنده .

[۲] ابوالفتیح علی الحسین الطغرائی . بو ، مشهور بر عرب شاعری ایدی . ۱۶۶۱ تاریخنده پوقوق Pocock بعض حاشیه لرله بونک بر شعرینی نشر ایتشد .

ایدیلش اولان مؤید الملوک ، ایمراطورلقده یکی اغتشاشات
تحریک ایدرک انتقام آلمغه چالیشیوردی . بو مقصدله ، ملوک
شاهک اسکی کوله لرندن انز نامنده برینی کندینه جلب
ایتدی . انزک عراقده بویوک بر نفوذی واردی . هر
ایکیسی ده بویوک بر اردو و طوپلادیلر . سلطان قارشى یورو مکه
باشلادیلر . بوصیراده انز ساود شهرنده قتل ایدیلدی . بونک
اوزرینه مؤید الملوک نظرنی باشقه طرفه چویردی . کیدوب
برکیاروقک آذربایجانده اقامت ایدن برادری محمدی بولدی .
اوله بر طاقم انترقه لر چویردی ، تشویقات اجرا ایتدی که
بو کنج شهراده بی کندیسنه پک اهمیتسز بر تخصیصات
ویرمش اولدقلری بهانه سیله عصیان سوق ایله دی . محمد ،
هر زمان اقامت ایتدیکی کنجه شهرندن بر مقدار عسکرله
چیقدی . بر طاقم غیر ممنونلرده کلوب التحاق ایتدیلر .
بوسایه ده عسکرینک مقداری آرتدی . مؤید الملوک وزیر اعظم
تعیین اولوندی [۱] . برکیاروق بوعصیانى سرعتله باصدیرامادی .
سرایده چیقمش اولان بعض قاریش قلقلر محمدی اکتساب
قوت ایتهدن اول ازمه سنه امکان برامادی . مجد الملوک کامی
امور مالییه نظارت ایدیوردی . بعض امرا بو ناظرک
شدتندن دولایى شکایت ایدیورلردی . وقتيله امرانک
آرزولرینه ممانعت کوسترلمه سی مشکل اولان بر زمانده

سنه
۱۰۹۸
ابوالفدا
ابوالفرج
المکین
ابوالحسن

باغلامش اولان بول بول معاشری مجدالملک شیمدی تنقیص
ایدیوردی . بوندن دولای امرای دفعات ایله سلطانیه شکایت
ایتمشردی . فقط سلطان ، مجدالملک حرکتی تصویب
ایله بونلره قولاق ویرمه مشدی . شیمدی محمدک چیقاردیغی
قارشیتلقدن استفاده ایدرک بو امرای اصفهانده کورولنو
یادیلر . مجدالملک اقامتگاهنه کدیلر . اوده سلطانک
سراینه قاچغه مجبور اولدی . ارباب قیام سرایده حرمت
کوسترمدیلر . مالیه ناظری کندیلرینه تسلیم ایدیلرجه
اولورسه جبراً ایچری کیره جکلرینی سویله دیلر . مجدالملک
بونلرک قارشیسنه چیقارسه کندیلرینی تسکین ایدیلرجه
ظننه دوشدی . فقط سلطان ، ناظرینی سودیکی ایچون اون
بو تهاسکیه معروض براقق ایسته مدی . ارباب قیام سرایک
قایلرینی زورلادیلر . مجدالملکی طوتدق پارچه لادیلر .
کندی نفسی ایچون قورقویه دوشن برکیاروق آرقه قاپیدن
قاچدی ، ری شهری یولنی طوتدی . ایلرله مکده دوام ایدن
محمد ، بونک اوزرینه ، برادرینک ترک ایتدیکی الکایی اله
کچیردی . برکیاروقی ری شهرینه قدر تعقیب ایتدی . اوراده
برکیاروقک والدسی زییده خاتونی بولدی . مؤیدالملک
خزائنک زده اولدیغی سویله مکده بو خاتونی اجبار ایتدی .
اوندن صوکرده بوغدیرتدی .

محمد ، بغداد والیسی کوهرايين Kouhadabin ایله مصر

حکمداری کربوغاده التحاق ایتدیلر. بغدادده خطبه محمد نامنه
 اوقوندی [۱]. فقط برکیاروق در حال بغداده دونه رک اوراده
 خطبه بی تکرار کندی نامنه چو یرتدی [۲]. صوکره قرده شنه
 قارشی یورودی. همداندن بر قاچ فرسنگ مسافه ده ابیض شهری
 قربنده محاربه یه طوتوشدی [۳]. برکیاروق مغلوب اولدی. ری شهرینه
 قاچدی. محمد ایسه بغداده کلدی. محروم ایدلدیکی حکم و نفوذی
 اوراده تکرار اکتساب ایتدی. برکیاروقک بوتون طرفدارلری
 ری شهرنده اوکا التحاق ایتدیلر. برکیاروق اورادن خوراسانه
 کیتدی. بو ولایت قوماندانی اولان امیر داد برکیاروق
 طرفنی التزام ایتدی. فقط بو معاونت برکیاروقک برادری
 سنجر طرفندن ایکنجی بر مغلوبیته اوغرا تیلمه سنه مانع اولامادی.
 بونک اوزرینه جرجانه، صوکره دامغانه، Damagan،
 اورادن ده حوزستانه Khouzistan چکیلمکه مجبور اولدی.
 امیر ایاز بش بیک سواری ایله برکیاروق طرفنه کچدی. ایاز،
 ملک شاهک اسکی بر کوله سی ایدی. اقتدار و مزیتی سایه سنده
 ایمپراطورلغک اک یوکسک مناصبه ارتقا ایتشدی. پدرندن
 کورمش اولدیغی ایپدکله قارشی بسلدیکی حس شکران اوغلنک
 طرفنی التزامه اونی سوق ایلوردی. برکیاروقک اک باشلی بر
 بر استناد کاهی اولدی. اردوسی اوزمان اللی بیک نفره بالغ

سنه
۱۰۹۹

۱۱۰۰

- [۱] ۴۹۲ تاریخ هجریسی ذی الحجه سنک ۱۷ نجی جمعه کونی.
 [۲] ۴۹۳ تاریخ هجریسی صفرنده.
 [۳] ۴۹۳ سنه سی رجبک دردنده.

سنه

۱۱۰۱

درېلو

اولويوردی . محمد اون بش يك كشي ايله بر کيارووقه ياقلاشدی .
 بر محاربه يه طوتوشدی ۱۱۱ . بوتون کون محاربه اولدی . بو محاربه يي
 محمد غائب ايتدی . وزير اعظمك و بوتون بواغت شاشاتك مسبي
 اولان مؤيد الملك اسير دوشدی . ياپديغي اهانتلر دن دولايي اعدامه
 محكوم کي تلقی ايديلن مؤيد الملك بر کيارووقك انه دوشونجه
 اويله بر طاقم مهارتلى صرف ايتدی ، تلقيناتده بولوندى که
 بر کيارووق اونى وزير اعظم ياپدی . فقط بعض خدمتک
 محاوراتی مؤيد الملك بو وزارتدن پک چاقى محروم قىلماسنه
 سببيت ويردى . بر کيارووق او يوش ظنيله بو خدمه کندى
 آرە لرندە قونوشيورلردى . بر کبار دقک بر قباحتى پک قولاي
 عفو ايتديکنى ، قورقوتمق ، انتقام آلمق نه اولديغنى بيلمديکنى
 سويله يورلر و بوکا مثال اوله رق ده مؤيد الملك ياپديغي معاملە يي
 کوسترييورلردى . بو سوزلرى ايشيدن سلطان او قدر قيزدى که
 وزير اعظمى هان جلب ايدە رک بر قيليج ضربە سيله بالذات
 باشى دوشوردى . صوکرە مقربينه ديدى که : ناصل باقم
 دشمنلرمى قورقوتمق و انتقام آلمق يولنى بيليورمى ايشم ؟
 بونى متعاقب بر کيارووق رى شهرينه کيتدى . برادري
 محمد ايسه خوراسانه قاچدى . اوراده کيندى قوتلرينى
 برادري سنجرك قوتلريله برلشدير دکن صوکرە برلکده
 ريه کلديلر ، برادرلرينى فراده وبغدادە چکيلمکه مجبور

ابو افدا

ایتدیله . محاربه یایمق ایچ-ون مقتضی پاردن محروم اولان
برکیاروق خلیفه دن الی بیک آلتون سکه ایسته دی . اهلیدن
نه آلمق قابلسه آلدی . فقط حرکت حاضراندیغی صیراده
تهلکه لی صورتده خسته لاندی . قارداشلی محمد ایله سنجر
بوتون ممالکی ضبط ایتشدی . بغداد دوغرو ایلرله یورلردی .
بغدادده ایسه برکیاروقک حیاتندن امید کسيلمشدی .
برکیاروقی بغدادک غرب قسمنه کوتوردیلر . اورادن برقوه
محافظه ایله واسط شهرینه نقل ایتدیله . محمد ایله سنجر
بغداده کیردیله . خلیفه مستظهر برکیاروقک تجاوزاتندن پک
چوق شکایتده بولوندی و محمد نامنه خطبه اوقوتدی .

سنه
۱۱۰۲
ابوالفدا
المکین

واسطده اکتساب عافیت ایتش اولان برکیاروق برادری
محمد ه هجوم ایچ-ون بغدادی ترک ایتسنه انتظار ایتدی . ایکی
اردو محاربه یه طوتوشه جقلری ائنده [۱] بعض صلاح تکلیفاتی
سرد ایدیلدی . بو تکلیفات نظرأ برکیاروق سلطان عنوانی
محافظه ایدجک ، محمد یالیکز ملک عنوانیله اکتفا ایدجک
آذربجان ، دیار بکر ، جزیره وموصل ولایتلرینه مالک
اولاجقدی . فقط بو تکلیفات قبول اولونمادی . ایکی قارداش
ری قربنده دردنجی دفعه اوله رق بر محاربه ده بولوندیله .
فنا حالد مغلوب اولان و بوتون خزائن یغما ایدیلن محمد
اصفهان قاجدی . اوراده چوق کچمه دن محاصره آلتنه

سنه
۱۱۰۳

آلندی [۱] . ارزاق و مهمات فقدانندن دولای مدافعهیه
 قادر اولامادی . مجهول بر طرفه چکیلهرك اختفا ایتدی .
 برکیاروق برقاچ کون اصفهانده قالدی [۲] . صوکره همدانه
 کیتدی . اورادن طوس قاپیلهرینه قدر ایلریلهیهرك برادری
 محمد ایله بشنجی بر محاربهیه کیریشدی [۳] . بونده غالب
 چیتمش اولان برکیاروق جماله کیدهرك مراغه ایله تبریز
 آراسینده اردو قوردی . غایت لطیف بر موقعده بر مدت
 استراحت ایتدی . اورادن زنجانه کیتدی . محمد ایسه ابتدا
 موقع محاربهدن قرق فرسنگ مسافهده کائن ارجیشه
 اورادن ده اخلاطه چکیلمشیدی . او قدر وقتدن بری
 بربرلیله حرب ایدن بوقاردشله نهایت عقد صالح ایتکی جدی
 صورتده دوشوندیله [۴] . برکیاروق، ری شهرینه چکیلمشیدی .
 جبالده، طبرستانده، فارس ولایتده، دیاربکرده، جزیرده
 یاخود مزوپوتامیاده، مکهده، مدینهده خطبه اونک نامه
 اوقونیوردی . آذربایجانده بولونان محمد کلنجه خوراسانده،
 ماوراءالنهرده خطبه اونک نامه اوقونمقده ایدی . طرفین
 بربرلینه سفیرلر یوللادیله . برکیاروق، محمد وسنجر آره سینده
 صالح عقد اولوندی . بربرلرینک الکلرنده خطبه لرده دیگرلرینک

ابوالفدا
سیوطی
ابوالفرج
ابوالحسن

[۱] محاصره ۴۹۵ سنه سی ذی الحجه سنک اوننه قدر دوام ایتشدر .

[۲] اصفهاندن بر ذالحجهده حرکت ایتدی .

[۳] ۴۹۶ تاریخ هجریسنده .

[۴] ۴۹۷ تاریخ هجریسنده .

اسملری ذکر ایدیللمه‌سی ، بربرلریله دوغرودن دوغرویه
مخبراته بولونما یوب وزیرلر واسطه‌سیله مخبرات جریان ایتسی
و اردولرک سربسته‌جه چکیلمه‌سی شرائط صلاحیه اقتضاسندن
ایدی . بو معاهده موجب‌جه برکیاروق سادغان اوله‌رق طانندی .
نماز وقتنده سراینک اوکنده نوبت چالدرمغه حق اولدیغی
تسلیم ایدیلدی . جبال ، همدان ، اصفهان ، ری ، بغداد و ملحقه‌تلرینی
محافظه ایتدی . اسپیدز Ispidaz نهرندن دربنده قدر اولان
بوتون ممالک ایله دیاربکر و سوریه محمدک حصه‌سنه دوشدی .
سنجر ، خوراسانه صاحب اولدی . خلیفه مستظهر بو معاهده‌دن
خبردار اولونجه بغدادده خطبه‌یی برکیاروق نامنه او قوتدی .
ایل غازی ابن آرتق اوزمان سلجوقیلر نامنه بغداد و الیسی ایدی .
برکیاروق اوزون مدت صلحدن استفاده ایده‌مدی .
بغداد کیتمک اوزره اصفهاندن چیقدیغی زمان [۱] ته‌لکه‌لی
صورته خسته‌لاندی . صوک دقیقه‌نک یا قلاشدیغی حس ایتدیکی
ایچون بروجرد Beroudjiard و اصل اولونجه اردوسنی
طوبلادی . او زمان درت یاشنی سکیز آی کچمش اولان اوغلی ملک
شاهه بیعت ایتدی . کنج شهزاده‌یی اداره ایتمک اوزره
امیرایازی آتاک اعلان ایتدی . یکی سلطانی بغدادده کوتوره‌سی
ایچون اوکا مرویردی . برکیاروقک خسته‌لنی کیتدکجه آرتدی .

سنه
۱۱۰۴
ابوالفدا
ابوالفرج
دربلو
المکین

بروجر دده وفات ایتدی [۱] . نعلشی اصفهانہ نقل ایدیله رک
کوزده لرندن برینک بنا ایتدیرمش اولدیغی بر تربیه دفن
ایتدیریلدی . بر آرزو کره بو کوزده ده بورایه دفن اولونمشدر .
برکیاروق یکرمی بش یاشنده ایدی . اون ایکی سنه حکومت
سورمش ، همان بوتون زمانی برادرلریله محاربهیه حصر ایتمشدی .
هر دورلو مخاصمات وفلا کته صبر و جسارتله تحمل کوستردی .
حلیم ایدی . سخاسی ایله تبعه سنه کندیسینی سودیرمشدی .

سنه

۱۱۰۵

ابوالفدا

برکیاروق وفات ایدر ایتمز ملک شاه آتابکی ایاز ایله
برلکده بغداده کیردی [۲] . اوراده خطبه اونک نامنه او قوندی .
فقط پدرینه قارشی او قدر اوزون مدت مهاجمانده بولونمش
اولان محمد ، ملک شاه عالم اسلامیتک اک برنجی بلده سی اولان
بغداده صاحب براقق ایسته مدی . در حال بغداده کیتدی .
بغدادک غرب طرفنده یرلشدی . ملک شاه ایله ایاز ایسه شرق
طرفنده بولونیورلردی . خلیفه ، بغداد شهرینک بر میدان محاربه
تشکیل ایتدیکنی کوره جکدی . ایکی طرف محاربهیه حاضر لانیوردی .
فقط وزیر ایاز بعض تکلیفات صلحیه ده بولوندیغی ایچون
بوتون امرا و علما طرفینی صلحه ارضا ایتکه چالیشدیله .
امرا و علما مواجهه سنده صلح امضالاندی . یالکیز محمدک

[۱] ۴۹۸ سنه سی ربیع الاولنده وفات ایتمشدر . اون ایکی سنه

سلطنت سورمشدر .

[۲] ۴۹۸ سنه سی ربیع الآخرینک ۱۷ سنده .

سلطان عنواتی طاشیمه سی قرار لاشدی [۱].

محمدك، كندیسی ایچون بو قدر فائده بخش اولان و علما طرفندن حاضرلاناں بو صلحه رعایت ایده جکی ظن اولونا بیلیردی. فقط محمد، برکون ایا زك ملك شاهى تکرار سلطان یامغه قیام ایتسندن قورقه رق بر آز صو کره معاهده یی اخلال ایتدی. صلح مناسبتیه یاپیلان شلکارده ایا ز پك چوق هدیه لر داغیتمش و محمد بویوک بر ضیافت کشیده ایتمشدی. بر مدت صو کره محمد، ایا زی چاغیرتدی. دهلیزه بر طاقم آدم لر کیزله مشدی. هیچ برشیدن شبهه ایتمین ایا ز بو دعوته کیتدی. وزیر ی ایله برلکده ایچری کیرر کن قتل اولوندی [۱۲]. ایا ز قرق یاشنده ایدی. بویوک سلطان ملك شاهك کوله سی ایدی. جسارتی و احتیاطکارانی سایه سنده ایوکسك مناصبه ارتقا ایتمشدی.

حکمدارلرک بالذات ارتکاب ایتدکاری بوقتالار و محاربه لر آردسند باطنیلر، ساجوق ایمپراطورانی داخلنده بیلدکاری کی ابوالفدا تخریبات اجرا سنده سربست قلمشردی. ساجوق ایمپراطورلغنک تا مرکزنده بو باطنیلر آریجه بر ایمپراطورلق وجوده کتیرمشلردی. اله کچیردکاری قلعه لرک کثرتندن دولای بونلری ازمک غیر فایده یی. کاروانلر آرتق یوله چیمه غه جسارت

[۳] جاذی الاول نهایتنده.

[۳] ۱۳ جاذی الآخر.

ایده من بر حاله کیشلردی. مکیه کیدن هندستان، خوراسان
و ماوراءالنهر قافله لری ری جوارنده یغمایه اوغرا دیلر. حجاج
و تجارک بر چوغی قتل اولوندی. بر مدت صو کره باطنیلر
نیشابورده فخر الماک ۱۱ ای ده قتل ایتدیلر. فخر الماک بر کیاروقک
وزیر اعظمی ایدی.

ابوالفرج

سلطان، بو دین دشمنلری مجوه اوغرا شه جنی
برده کندسی ده مسلمانلرله حرب ایدیوردی [۲۱]. محمد
آذربایجانی ترک ایده رک ضبط ایتک فکریله موصله کیتدی.
اوزمان بوشهر جکر مش Dgiokarmisch عا ئد ایدی.
شهر سکنه سی اوزون بر محاصره ده تحمل ایتدیلر. صیق صیق
خروج حرکتلری یاپدیلر. فقط جکر مش بر کیاروقک وفاتندن
صورت قطعی ده خبردار اولونجه عرض تسلیمیه قرار ویردی.
سلطانک وزیر یله کوروشدی. وزیر کلوب سلطانک آیاقلرینه
قایانه جق اولورسه عفوینی استحصال ایده جکنی وعد ایلهدی.
بو مطالعه یه توفیق حرکت ایتکه قرار ویرن جکر مش
اهالینک اصرارینه رغماً موصلدن چیقادی. خلق کوز یاشی
دو کیورلر، جکر مشک کتدیکنی کورونجه باشلرینه طوپراق
سریپورلردی. مع مافیه جکر مش بو حرکتدن دولایی نادم

[۱۱] بر کیاروقک، صو کره برادری سنجرک وزیر ی اولان فخر
الماک ابو مظفر علی بن نظام الماک ۵۰۰ تاریخنده بر باطنی طرفندن
قتل ایدلشدر.

[۲] ۴۹۹ تاریخ هجر بسنده.

اولمادی . سلطان کنديسني در آغوش ايتدی . او قدر آثار
ارتباط و صداقت ابراز ايتمش اولان تبعه سنك باشنده براقدي .
جكرمش موصله عودت ايدنجه سور خارچنده چاديرلر آلتنده
بويوك بر ضيافت ترتيب ايتديردی . سلطانہ بوراده ضيافت
ويردی . كرك كنديسنه كرك وزيرينه محتشم هديه لر تقديم ايله دی .
جكرمش موصله سلطان طرفدن ابقا ايديلمش
اولمقله برابر سوریه ده سلطانك امرينه او قدر آز اطاعت
ايدیلیوردی و حکم سورن امرا او قدر چوق نفوذہ مالک
بولونیوردی که جاولی سقاوو Dgiaouli-sacaou بيك سوارى
ايله موصل پيشگاهنه کلدی [۱] . جكرمش در حال ايکي بيك
سوارى طوپلادی . کندی مغلوج اولديغی ايچون بر تخت
روان ايچنده اولديغی حالدہ دشمنله حربہ چيقدی . فقط
مغلوب اولدی . سرعتله قاچه ماديغی جهتلہ اسير دوشدی .
موصل سکنه سی بومغلوبيتدن خبردار اولونجه قوماندایى
اوغلی زنکی [۲] يه ويرديلر . زنکی اوزماز، اون ايکي ياشنده
ايتدی . جاولی سقاوو قلعه نك اطرافنه آلات حربيه يي
قويارق محاصره يه باشلادی . هر کون سورلرک ديبنده جكرمشى
برقاطره بينديره رك دولاشدييوردی . ياشنده بولونانلر ،

[۱] ۵۰۰ تاريخ هجريسنده .

[۲] اهل صليب محارباننده او قدر مشهور اولان زنکی ايله
قاريشديرلمايدير .

سنه

۱۱۰۶

ابوالفدا

ابوالفرج

حکمدارلرینی قورتارمق ایسترلر سه شهری تسلیم ایتمه لرینی
 هایقیریورلردی . اهالی بوفنا معامله به هیچ اهمیت ویرمدیلر .
 مدفعه ده کیتدجه دها چوق اصرار کوستردیلر . جکرش [۱]
 درین برچوقوره قاپاندی . اورادن آنجق اولو اوله رق
 چیقاریلدی . بونک اوزرینه طرفدارلری ، قونیه سلطانی قیلیج
 آرسلانیه نظرلرینی ویردیلر . چوق کچمه دن قیلیج آرسلان
 موصله صاحب اولمق اوزره بر اردو ایلک کلدی . مغرقه
 Mograca یه قدر کندیسنی استقباله کیدن زنکی یه بر
 خلعت کیدردی . جاولی سقاوو سلطانک ورودینی خبر
 آنجه درحال محاصردهی رفع ایتشدی . قونیه سلطانی
 موصله کیردی [۲] . محمد نانه او قونان خطبه یه
 نهایت ویردی . شهره صاحب اولدی . شهرک اداره سنی اون
 ایکی یاشنده اوغلی ملک شاهه ویردی . نصایحیله کندیسنه یاردم
 ایتک دها دوغروسو بوکنج شهزاده نک نامی آلتنده اداره
 امور ایلک اوزره برامیر براقدی . قیلیج آرسلان جاولی سقاووی
 تعقیب ایتدیسده خابور Kharbour نهری قربنده وقوعه
 کان محاربه ده مغلوب اوله رق بونهرده بوغولدی . غالب کلن
 جاولی سقاوو موصلی ضبط ایتدی . کنج ملک شادده سلطان
 محمدک یانه چکیله که مجبور اولدی .

سنه

۱۱۰۷

[۱] آلتش یاشنده ایدی . موصل قلعه سنی وسورلرینی تعمیر

ایتدیرمشدی .

[۲] ۵۰۰ سنه سی رجب نک ۲۵ نده .

داخلده بويوك برسكون وآسايش حكمفرا دكلدى .
 اصفهان جوارنده بيله باطنيلر شاهدر [۱] نامنده يك مستحكم
 بر قلعه يي ضبط ايتشاردى . سلطان ملك شاه وقتيله بوقلعه يي
 صيق صيق قياملره معروض اولان اصفهان شهريني تحت اطاعته
 طوتمق امله بنا ايتديرمشدى . باطنى رؤساسندن بن عطاش
 [۲] لقبيله ياد ايديلن احمد قلعه ده كي قوه محافظه يي كندى
 مذهبه جلبه موفق اولمشدى . محمد بوخبرى آلتجه براردو
 ايله قوشدى ، قلعه يي محاصره ايتدى . قلعه نك غايت ابي بر
 موقعه كائن اولماسى ، سورلرينك يك متين بولونماسى حسبيله
 محمد اوني هر طرفدن قوشاتمق طريقيني اختيار ايتدى . جبرى
 هجومه قالمى . ايجريده ييه جك بيتنجه قلعه نك عرض
 تساييميت ايدى چكى شبهه نيز ايدى . وزير اعظم سعد الملك
 آوجى يي ده كندى طرفه جلب ايتمش اولان بن عطاش
 آنجق برقچ كون مقاومت ايدى بيله چكى وزير اعظمه كيزليجه
 بيلدىردى . وزير اعظم ، برآز فضله مقاومت كوستره بيليرسه
 سلطانك ازاله وجودى امكانى بوله جغنه دائر خبر
 كوندردى فى الحقيقه قانك جو قلغندن دولايي صيق صيق شدله
 خسته لانان سلطانك هر آي قان آلديرمق عادتي ايدى . وزير
 تصوري موقع اجرايه قويمق ايچون بوزمانى انتخاب ايتمشدى .

[۱] دربلو بوقلمه يه ديزقوح Dizkouh ، ابوالمحاسن آسياب ديور .

[۲] بوزوق اوغلى ديمكدر .

ابوالفدا
 دربلو
 سيوطى
 ابوالمحاسن

محمدن قان آله حق آدمه بيك آلتون سكه و برلعل خلعت
ويره رك كمندي طرفنه جلب ايتدي. بو آدم ، زهرلي برنيشتر
استعمال ايدم جكنه دائر وعده بولوندي . فقط بو سوء قصد
ترتيبى كيزلى طوتولا مادي . سلطانك خدمتچيلارندن برى ايشدن
خبردار اوله رق قاريسنه سويله دي . اوده سو كيلىسنى خبردار
ايتدي . نهايت محمدك قولاغنه قدر كادي . سلطان درحال
جراحى چاغيرتدي . قان آلماسنى مرايتدي . هرشي حاضر لايوب ده
جراح دامارى كسه چكى زمان محمد كنديسنه او قدر مدهش
بر نظرله باقدي كه جراح ارتكاب ايدم چكى جنايتدن تيره يه رك ،
سلطانن قورقه رق الندن نيشتري آتدي ، سلطانك آياقلىرینه
قاپاندي . وزير توقيف ايتديريله رك جرمك بويوكلكى نسبتنده
جزا كوردى . جراح ده سلطان ايچون حاضر لايغى نيشترايله
قانى آلبغه محكوم اولدي .

محصورين ايچون ارتق هيچ اميد خلاص قلمامشدي .
سوء قصد مرتبلىرينك اعداملارندن خبردار اولونجه نه قرار
ويريله سي لازم كله جكنى تعين خصوصنده آرارنده اختلاف
چيقدي . بر قسمى عرض تسليميت ايتديلر ، باشقه قلعه لره
جكيلىمك مساعده سنه نائل اولديلر . ديكر بر قسمى ، باشلارنده
بن عطاش اولديغى حالد مقاومت كوسترمك ايسته ديلىر . فقط
قلعه ضبط ايديله رك خاك ايله يكسان برحاله كتيريلدي . بن
عطاش اصفهانه كوتورولدي . اوراده بر مدت خلقك شتوم

و تحقیراته معروض بر اقیل دقن صو کره جانلی جانلی درسی
یوزدیریدی . دریسنه صمان دولدیرلدی . علم نجومده پیک ماہر
اولدیغنی ادعا ایدن بوباطنی ، محاصرہ اثناسندہ سلطانہ بر مکتوب
یازدرق کندی زایچه سنہ باقدیغنی ، یقینده اصفهانک بر چوق
نجوم ایله محاط اوله جغنی کوردیکی بیلدیرمشدی . کنديسنی
سیاستکاهه کوتوردکلری زمان اوکا بو زایچه بی خاطر لاتدیله .
سوزلرینک دوغرو اولدیغنی ، یالکیز لهنده تفسیر ایدرکن
خطا ایتدیکنی ، چونکه بو بر چوق نجومک کنديسنی تحقیر
ایده جکلره دکل عرض تعظیم ایده جکلره اشارت اولماسنه
احتمال ویردیکنی بیان ایتدی [۱] .

مملکت داخلنده کوچوک حکمدارلرک کثرتی و حکم
و نفوذلرینک وسعتی بر چوق نفاقلره و محارباته سببیت ویرییوردی .
بو یوزدن اجنبیلر سلطانک ایمپراطورلغنه تجاوز ایدیورلر ،
اوراده یرلهشیورلر ، مسلمانلره ضرر ویریورلر ، سالدانی
متصل تبعه سندن اولان حکمدارلره قارشى سلاحه صاریلغنه مجبور
براقیورلردی . ساوه شهرینک ابوداف سرحاب Sarkhab
Aboudoulph نامنده کی ملکی سلطان ایله آراسنده چیقان

[۱] دربلو ، بو محاربه دن صو کره سلطانک هندستانه سفر
ایتدیکنی سویلیورسدهده بو ، محمود غزنوینک تاریخنی بر تکراردن
عبارتدر . بناء علیہ سلطان محمد اضافه سی بر مصالحدر . دها باشقه
برطاقم یا کلش وقایعندن ده بحث ایدیور .

[۲] بن کیخسرو .

ابوالفدا
نویری
المکین

بعض اختلاف اوزرینه سوریهه ، حله Hella عربلرینک
امیری سیفالدوله صدقه [۱] نک یاننه التجا ایتشدی [۲] .
محمد ، بونک تسلیمنی سیفالدوله دن طلب ایتدیسده جواب
موافقت آلامدیغندن درحال سوریهه یورودی ، امیری مغلوب
ایتدی . سیفالدوله کمال جسارتله مدافعهده بولونمش اولمقله
برابر اوچ بیک ضایعات ویردی . سندیسیده میدان محاربهده
مقتول دوشدی [۳] . باشنی سلطانه کوتوردیلر .

فقط داها مهم ر وقعه سلجوقیلرک سوریهده کی ایشلرینی
بوتون بوتون برباد ایتدی . بولایت اوزمان اجنبی عسا کر یله دولو
ایدی . فرانقلر قدسی ضبط ایله اوراده فاطمی خلیفه لری و
جوارده سلجوقیلرک تحت تابعیتنده حکومت ایدن کوچوک
ملکلرک ضررینه اوله رق قوتلی برقرالاق تأسیس ایله مشلردی .
بغداد خلیفه لرینه معارض بولونان فاطمیلرک طرفنی افکار
دینه لرندن دولایی اولنلر خصم اولان بوتون مسلمانلر ترک ایتدیله .
اجنبی دشمنی طرد ایچون اتفاق ایدیللمسینه احتماله بوا یکی
مسلمان فرقه سی آراسنده کی خصومت سبب اولمشدر . محمدک
تحت تابعیتنده اولان سائر سوریه ملکلری اهل صلیبک عظیم
اردولرینه مقاومت ایدجک درجهده صاحب قوت دکلدیلر .

[۱] بن منصور بن دبیس الاسدی

[۲] ۵۰۱ تاریخ هجر یسنده .

[۳] ۵۰۱ سنه سی رجبنده . ۵۹ یاشنده ایدی . ۲۱ سنه

حکمران اولمشدی .

خليفة نك بغداد ده هيچ حكم و نفوذى يوقدى . ايرانه پك مربوط
اولان سلطان ده سوريه ايشلريني اهامال ايدييور كبي كورونمكد
ايدى . شوراسى محققدركه سلاجوقيلر برآز غيرت صرف
ايتسه لر ايدى ، ايرانك ، خوراسانك وماوراءالنهرك بوتون
عسكرلريني طوپلايوب ده بونلرك باستنه عالم اسلامك قهرمانلرى
اولان سلطان سنجر و محمد كچسه لر ايدى فرانقلر هيچ بر زمان
سوريه ده يرلشه مزلردى . اوزمان قدسده قرال برنجى بودوان
Baudoin ايدى . فاطمیلردن پتوله مائى Ptolemaïs نام
ديكرله عكا شهرينى آلمشدى [۱] . بوراسى سوريه نك مهم
برقلعه سى ايدى . فرانقلر اوزون برمدتن برى طرابلسى محاصره
آلتده بولوندر يوردى [۲] . اوزمان بوشهر فيخر الملك بن عمار
طرفندن اداره اولونمقده ايدى . مصر خليفة تنه تابعدى .
فرانقلر مسلمانلر اوزرنده بويوك برغاليت احراز ايتمشلردى .
ايكنجى بودوان قرال اولونجه محاصره ده دوام ايتدى .
شهرى ضبط ايتمسه نه پك آز برشى قالمشدى . فيخر الملك
خليفة نك واوتارنخده اوراده بولونان محمدك معاونتنى رجا
ايچون بغداده كلدى . فقط يالكز برآز اكرام كوردى ،
بولونديغى مشكل وضعيتده هيچ بر فائده سى اولمايه جق هدايايه
نائل اولدى . شامه طغتكينك يانسه كيتدى . طرابلس

نورى
المكين
ابوالفدا
سانوت
كيايوم دوتير

[۱] ۴۹۷ هجرى و ۱۱۰۳ ميلادى تاريخنده .

[۲] ۴۹۴ هجرى و ۱۱۰۰ ميلادى تاريخنده .

شهری ده برمدت صو کره فرانقلرك الله دوشدی [۱] .

اهل صلیبک بویوک موفقیاته نائل اولدقلری [۲] سوریه
قطعه سنه امداد کوندرمه سی ایجاب ایدن سلطان محمد بالعکس
مسلمانلر علیهنه عسکر سوق ایدیوردی . اوزمان پک حائز
قدرت اولان بوتون امرای ، تبعه سندن بولونان بوتون او
کوچوک حکمدارلری اورتادن قالدیرمق ایسته دی . بوکا
موفق اولدیسده بوایشن مسلمانلر ضرر کورمشدر .
فرانقلر دائماً یکی موفقیاته نائل اولیورلردی . سلطان محمدک
قوماندانی مودود [۳] براردو ایله موصل پیشگاهنه واصل
اولدی . شهر ، جاولی سقاوویه عائد بولونیوردی . بویله
ناکهانی بر هجومه انتظار اتمه ین جاولی رحبه شهرینه قاچمشدی .
صو کره اصفهانه کجدی ، اوراده محمد ایله باریشدی . سلطان
محمد ایران الکاسنی محافظه یده اعتنا ایتیوردی . باطنیلر دائماً
یکی یکی تجاوزاتده بولونیورلردی . کیزلیجه شیرازه کیرمک
چاره سنی بولمشلر ، شهر ایله قلعه یی اله کچیرمشلردی .

سنه

۱۱۰۸

ابوالفدا
المکین

سیوطی

طرابلس شامک ضبطندن صد کره فرانقلر بیروت ، جبیل
Djiobaïl ، بلیناس Belinas ، صیدا شهرلرینه ده صاحب
اولمشلردی [۴] . بوموفقیات نهایت محمدی اویاندیوردی .

۱۱۱۱

ابوالفدا
المکین

[۱] ۵۰۳ تاریخ هجریسی ذی الحجه سنه ، ۱۱۱۰ تاریخ
میلادیسی صیفنده .

[۲] ۵۰۳ تاریخ هجریسنده .

[۳] ابن التونکین یاخود بعض محررلره کوره آلتون طاش .

[۴] ۵۰۵ تاریخ هجریسنده .

نویری
کیلیوم دوتیر

سورییه بویوک براردو کوندره رک [۱] قومانداسنی مودوده
ویردی . بر آز اول مودودی موصل ملک کی تعیین ایتشدی .
بو اردو بیهوده یره رها نام دیگرله ادسه شهرینی محاصره
ایتدی . فقط سلجوقیلر محاصره نی رفعه مجبور اولدیلر .
فرانقلرک از عاجاتندن مصون بر موقع اولاق اوزره تخمین
ایتدکلری حلبه چکیلمک ایسته دیلر . فقط مسلمانلر آراسنده
حکم سورن نفاق بواردونک داغیلماسنه سببیت ویردی .
حلب ، سلجوقی خاندانندن رضوان بن توتوشه تابعدی .
سلجوقی اردوسنه قارشى شهرک قاپیلرینی قاپادی . برلکده
حرکتدن امتناع کوستردی . بونک اوزرینه سلجوقی اردوسی
معره Mara جهتنه دوندی . اوراده خرسیتیانلر اوزرنده هیچ بر
موفقیت احراز ایتهدن داغلدی . خرسیتیانلر ، مسلمان حکمدارلری
آراسنده کی نفاق سایه سنده سورییه ده پایدار اولابیلیورلردی .
مودود ایکنجی دفعه اوله رق اردوسی طویلادقدن صوکره
رها وسروج Saroudje جوارلرینه کلدی [۲] ، برظام
تخریباتده بولوندی . فقط کافی درجه ده احتیاط کارانه حرکت
ایتمدیکی ایچون اوزمان تل باشرده Tell-bascher اقامت ایدن
رهاقوتی ژوسلن Joscelin طرفندن مغلوب ایدیلدی . بوتون اشیاسی
یغما ایدیلدی . فقط ایرته سی سنه انتقامنی آلدی [۳] . طبرییه
جوارنده فرانقلری مغلوب ایتدی . قیشی شام ملک کی طغتکین

سنه
۱۱۱۲

ابوالفرج

۱۱۱۳

[۱] ۵۰۴ سنه سی ربیع الآخرنده . ۱۱۱۰ تاریخ میلادیسنده .

[۲] ۵۰۶ تاریخ هجریسنده

[۳] ۵۰۷ » »

نزدنده کچیرمک اوزره شامه چکیلدی . فقط جامعده نماز
قیلدیغی صیراده بر باطنی طرفندن قتل ایدلدی .

سنه

۱۱۱۵

ابوالفدا

تاریخ ، سلطان محمدک دور سلطنتی حقنده بزه فضله بر
معلومات ویرمیور . بو حکمدار یالکز برادری برکیاروق ایله
حرب ایتدیکی زمان احراز شهرت ایتشدی . محمد بغداد
برسیاحتده بولوندی ۱۱۱۵ . شام ملکی طغتکین ده عینی
تاریخده اورایه کتدی . کندیسيله عقد صلح ایله دی . بوسایه ده
طغتکین شامده قلادی . محمد بغداددن موصله کده رک
بوراسنی ضبط ایله دی . موصله مودودک وفاتندن صوکره
اقسنقرالبرسقی یرلشمشدی . محمد ، موصلی امیر جیوش بکه

ویردی . اقسنقرک النده یالکز رحبه شهری بر اقلدی . بر مدت
صوکره سلطان ، اصفهانده تهلکلی صورتده خسته لاندیغندن ۱۲۱

۱۱۱۸

نویری

ابوالفدا

اوغلی اون درت یاشنده ابوالقاسم محمودی یانه جلب ایدرک
اونی خلف اعلان ایتدی . کوزلرنده یاشلرله اولادینی
قوجاقلادی ، باشنه تاجی قویدی . قولارینه بیلزکاری کچیردی .

تخته چیقماسنی امر ایله دی . محمود دور سلطنتنه ایشلامق
ایچون او کونک اشرف ایام اولمادیغنی سویله یه رک بوا مره اطاعت

ابن شحنه

بن طریق

[۱] ۵۰۹ تاریخ هجریسنده .

[۲] شعبان آینده . ۵۱۰ سنه سی ذی الحجه سنک ۲۴ نده وفات

یتشدی . ۴۴۷ تاریخ هجریسی شعبانک سکرنده و ۱۰۵۵ تاریخ

میلادیسنده تولد ایتشدی .

ایتمدی . سلطان، بو کون بنم ایچون اشرف ایام دکلسه سنک
ایچون اشرف ایامدر جوابی ویردی . بر آرزو کرده وفات
ایتدی . اوتوز آلتی سنه درت آی و آلتی کون معمر اولمشدی .
خزینه سنده مجوهراتدن وسائر ذی قیمت اشیادن ماعدا اون
بر میلیون آلتون سکه براقشدی . سائر متروکاتک قیمتی ده
بومقداره بالغ اولیوردی . زمان حکومتنده ، خلقی مکلف
بولوندقلری ویرکولردن عفو ایتدی . عدالتی تأمین ایلدی .
تبعه سنک محبتی قازاندی . فقط منافع اسلامیه قارشی پک
اهمالکارا داورانمشدر .

وفاتندن برقاچ کون صو کرده، محمود نامه خطبه اوقوندی ۱۱۱ .
بو حکمدار بغداد والیلکینی اقسنقرالبرسقییه ویردی ۱۲۱ .
اولجه بوموقعده مجاهدالدین بهروز بولونیوردی . عزلندن
صو کرده کندیسنه زعامت اوله رق ویریلن تکریت شهرینه
چکیلدی . الربیب ابومنصور وزیر اعظم تعیین اولوندی .
محمودک برادرلی مسعود موصله کوندردی . اونک تحت
اداره سنده قوماندا ایتک اوزره امیر جیوش بکده برلکده
اعزام ایدیلدی . اوزون بر مدتدن بری سلجوقی سراینده
موقوف بولندیریلان دیس بن صدقه تخلیه اولوندی . حله Halla یه
چکیلمک مساعده سنی آلدی . اوراده بر چوق عرب و کورجی
کندیسنه التحاق ایتدیلر .

[۱] ۵۱۱ سنه سی ذی الحجه سنک ۲۸ نجی جمعه کونی .

[۲] ۵۱۲ تاریخ هجریسنده .

المکین
دربلو
ابوالمحسن

سنه
۱۱۱۹
ابوالفدا
ابن الاثیر

ابوالفدا
در بلو
ابوالفرج
ابن شحنة

محمود، پدرينك براقدينى تخته پك امين بر حالده دكلدى.
مشهور ملك شاهك اوغلى اولوب برادرلرى بر كياروق و محمدك
زمان اداره لرنده يكرمى سنه دن برى خوراسانده حكومت ايدن
سنجر [۱] برادرينك وفاتى ايشيدنجه سلطانلغنى اعلان ايتدى.
قوتلى بر اردو ايله عراق عجم اوزرينه يورودى ۱۲۱. يكنى
محمود اوراده بولونىوردى. ايكي حكمدار رى ايله ساوه
آراسنده قارشىلاشديلر. محمود مغلوب اولدى. بر قلعه يه
قاچدى. اوزلاشمق ايجون وزيرلرندن برينى سنجره كوندرد.
دهمش اولسه ايدى امپراطورلغى بوتون بوتون غائب ايدى جكدى.
وزير بومذا كره يى او قدر حسن اداره ايتدى كه سنجرى يكنى
ايله عقد صلحه اقناع ايله دى. محمود عراق عجمه صاحب قالدى.
فقط خطبه لرده سنجر ك نامى دها اول ذكر ايديله جكدى.
محمودك صالوننده دردنجى قاپى پرده سى بولونمايه جق، سرايه
كيروب چيقار كن نوبت چالمايه جق، سنجر ك عراقه تعيين
ايتديكى قوماندانلر يرلرنده ابقا اولونه جقدى. بو معاهده نامه
ايله بهروز بغداد واليسى اولدى. بو شرائط موجبنه محمود،
عموجه سنك بر تبعه سى حالنه كيرمش اولمقله برابر بونلرى كال
ممنونيتله امضا ايتدى.

محمودك النده قالان جزئى اقتدارده نعمتله غرق ايتديكى

سنه
۱۱۲۰

[۱] معزالدين ابوالخارث لقبنى حازردى.

[۲] ۱۳ هـ تاريخ مجريسنده.

کیمسه لر طرفندن غصب ایدیلک ایسته نیلدی . حله یی ویرمش
 اولدینی دبیس ۱۱ ، جیوش بکی عصیانه وموصلده سلطان
 نامنی آلمغه تشویق ایتدی ؛ لازم اولان معاونتلرده بولونه جغنی
 وعد ایلهدی . دبیسک مقصدی ایکی قاردش آراسنه نفاق
 دوشوردرك بوندن مستفید اولمقدی . محمودك موصلی و آذربجانی
 ویردیکی مسعود خطبه یی کندی نامنه اوقوتدی . بوتون
 قوتلرینی طوپلادی ، برادرینه قارشى یورودی . فقط ایلک
 محاربده مغلوب و جبالده اختفایه مجبور اولدی . اورادن برادريله
 مذاکرته کیریشدی . برادرینک یاننه کلک مساعدده سنی استحصال
 ایتدی . ایکی قاردش آغلاشهرق بربرلرینی قوجاقلادیلر ، باریشدیلر .
 جیوش بك قسماً بوعصیانك فاعلی اولمقله برابر حسن قبول
 کوردی . دبیس مسعودك هزیمتدن خبردار اولونجه سلطانه
 تابع اولان ممالکده تخریبات ایقاع ایتدی . محمود اونى دائره
 اطاعته دعوت ایچون برقاچ کره نامه لر یازدی . فقط عاصی
 اظهار ندامت ایتدیکندن محمود اوکا قارشى یورومکه مجبور
 اولدی . دبیس حله یی ترك ايله ماردینه ایل غازینک یاننه چکیلدی .
 صوکره ، برادری منصورى رهینه اوله رق کوندرمک شرطيله
 حله یه عودتنه سلطان طرفندن مساعدده اولوندی .

بواغتشاشاتی سرعتله باصدیرمق پک لازمى . شمال
 طرفندن بویوک برابرار اردوسى ایلريله یوردی . بواردو

نویری
کیلیوم دوتیر

کورجیلردن ۱۱۱، خزرلردن، قاجاقلردن مرکب ایدی. خزرلرله قاجاقلر تانائیسدن اعتباراً کورجستانک شمالنده ساکن ایدیلر. بحر حزرک شمال ساحلی بویجه شرقه ویاییق نهرندن اوتهلره دوغرو یایلشلردی. کورجستان طریقله مسلمانلرک اراضیسنه کیردیلر. مزویوتامیادن کچدیلر. تل باشره قدر ایلریله دیلر. اوراده تانقره Tancrede حکمران ایدی. بوشهری برآی محاصره ایتدیلر. اورادن حلبه دوغرو یورویهرک پک چوق تخریباتده بولوندیلر. ایل غازی، دیس، الران Arran ونخجوان حکمداری طوغرول بک بوسیلی دوردیرمق ایچون بوتون قوتلرینی برلشدیردیلر. اردولری اوتوز بیک نفره بالغ اولیوردی خزرلری اثنای رجعتلرنده کورجستانک پایتختی اولان تفلیسه قدر تعقیب ایتدیلر. بوشهر قریبنده صف حرب اوزره دیزلیدیلر. محاربه باشلایه جخی ائنده ایکی یوز قاجاق اردودن آریله رق مسلمانلردیاقلاشدیلر. بونلر قاجاقلرک تسلیم اوله جقلرینی ظن ایتدکلری ایچون ایلریله مه لرینه مساعده ایتدیلر. قاجاقلر حرب صفلاری آراسنه کیره رک هر طرفه اوقلر آتمغه باشلادیلر. مسلمان عساکری بعض حرکاتده بولوندی. آرقه ده بولونان افراد بونی برقرار علامتی کبی تلقی ایتدیلر. هپسی بربرینک اوزرینه ییغلیدیلر. خزرلر بوهمتمدن استفاده ایله دشمنلرینی اون فرسنگ مسافه یه قدر تعقیب ایتدیلر، درت بیک

[۱] عرب مورخری اورجیلرک خزر اولدقلرینی سویلیورلر.

اسیر آلدیلر . کیدوب تفلیسی محاصره وضبط ایله دیلر [۱] .

سنه

۱۱۲۱

طوغرول بك ، ایل غازی ، دبیس مملکتلرینه دوندیلر .

سلطان محمود ، مسعودی کندیسنه قارشی عصیانه تشویق

ابوالفدا

ابن الاثیر

نویری

ایتمش اولان دبیسك حرکاتی دائماً نظر دقت اوکنده

بولوندیوریوردی . ایکی فاردش آره سنده تأمین صلاحه بك خدمت

ایتمش اولان اقسنقرالبرسقی خدمتلرینه مکافاة موصل ایله جزیره ،

سنجار ، نصیبین شهرلرینه ودها جوار بعض محملره نائل اولمشدی .

عمادالدین زنکی یهده واسط شهری آیرلمشدی . دبیس ، خلیفه

مسترشده داریش اولدیغندن بغداد شهرینی تخریب ایتمک فکرنده

ایدی . بوندن دولایی اقسنقر بغدادك محافظه سنه نظارتله مکلف

بولونیوردی . اقسنقر ایله زنکی اردولریله حله یه باقلاشدیلر .

فقط بردن بره عسکرلرینك آراسنه بر قورقو دوشدیککی ایچون

۱۱۲۲

پریشان بر حالدده بغداده دوندیلر [۲] ، بر مدت اوراده قلدیلر .

اقسنقر بغدادده محمودك همشیره سیله اولندی ؛ عراق والیلکینی

استحصال ایتدی . صوکره دبیس ایله بعض ملاقاتلرده بولوندی .

فقط بونلردن بکله نن فائده حاصل اولمادیغی ایچون دبیس

اردوسنی واسط شهری اوزرینه کوندردی . اقسنقر شهرک امدادینه

در حال امیر آلتون طاش العناری Annari ایله عمادالدین زنکی پی

قوشدیردی . بو ایکی قوماندان دبیسك قوتلرینی بوزدیلر ،

[۱] ۵۱۵ تاریخ هجریسنده .

[۲] ۵۱۶ سنه سی ربیع الاخرینك اکیسنده .

چوق اسير آلديلر . زنكي واسطه كيردى . بو مناسبتله بصره
 واليلىكنى استحصال ايتدى . ديس مدينه ياقلاشدى . بو شهر قوربند
 كائن اولان ملك Moulk نهرينك جوارلرينى يغما ايلهدى .
 اهالىنك قسم اعظمى بغداده التجا ايتديلر . مع مافيه صاحبه طالب
 اولدى . خليفه بو تكليفى رد ايتديكى ايچون بغداده كيرمكه ،
 شهرى تخریب ايتمكه ، بوتون اهالىنى قيايجدن كچيرمكه عهد
 ايلهدى . بغداد كې زنكېن بر شهرده يغما كرلك اميدى ديسك
 اطرافنه بوتون عربلرى طوپلادى . اردوسى پك چوغالدى .
 خليفه مسترشد بو خبرى آلهجه [۷] كنديسنى سراينده تحت
 امنيتده كورمهدى . دجله نك غرب طرفنده قرارگاه تأسيس
 ايتمش اولان اقسنقرك اردوسنه التحاق ايتمكه قرار وېردى .
 بو خليفه بويوك مراسم البسه سنى لابس اولديغى حالده بغداددن
 چيقدى . باشنده صاريق ايله سياه اورتو واردى . اوزرينه خرقة
 سعادتى كيىمشدى . غصاي پيغمبرى ده النده ايدى . بوتون قوماندانلر
 وبر چوق خلق آرقه سندن كليوردى . اقسنقر خليفه نك
 استقبالنه يورودى . كال حرمتله قارشيلادى . صوكره محاربه يه
 حاضر لاندیلر . عماد الدين زنكى صاغ جناحه ، امير ابوبكر
 البكجي صول جناحه ، اقسنقر مرگزه قوماندان ايدىوردى .
 خليفه اردونك آرقه سنده النده قرآن ، دعا ايدىوزدى .
 ديس ده اردوسنى عين صورتده ترتيب ايتمشدى .

سنه

۱۱۲۳

پیاده‌سنة سواری قوتی مظاهر اولیوردی. اون بیک سواریسی
 بش بیک پیاده‌سی واردی [۱]. خلیفه اردوسی ایسه سکنز
 بیک سواری ایله بش بیک پیاده‌دن ترکیب ایدیوردی. دبیسک
 صول جناحنه قوماندا ایدن عنتر ابتدا ابوبکره هجوم ایتدیسده
 کری یه طرد ایدلدی. ایکنجی دفعه بر هجوم یاپدی. کوردیکی
 تضییقه مقاومت ایدمه‌ین ابوبکر فرار ایتک اوزره اولدیغی
 صیره‌ده بونی مشاهده ایدن زنکی واسطه عسا کریله امدادینه
 قوشدی. دشمنه آرقه‌دن هجوم ایله اونی ایکی آتش آره‌سندمه
 براقدی. ابوبکرک چکلمکه باشلادیغی کورن خلیفه النی قیلیجه
 کوتورمش، میدان معرکه‌یه آتیلماق ایسته‌یوردی. واقعا خلیفه‌نی
 بو تصورندن واز کچیردیلسده شو حرکتی عسکرک شجاعتنی
 آرتیرمغه چوق خدمت ایتدی. ابوبکر عسکرلرینه زنکی
 معاونت ایتمکده اولدیغی کی اقسنقرک بوصویه یاتیرمش اولدیغی
 عسکرلرده یاردیم ایدیورلردی. بونلر محاربه اثناسنده دبیس
 اردوسنک کریلرینه هجوم ایتشلردی. هر طرفدن احاطه ایدیلن
 دبیس مغلوب اولدی. نیل تسمیه ایدیلن کوچوک بر نه‌رده
 عربلر بر لرینک اوزرینه ییغلایلر. مورخلر بو مصادمه‌ده
 خلیفه اردوسنک آنجق یکر می سواری غائب ایتمش اولدیغی
 ادعا ایدیورلر [۲]. بر چوق اسیر آلدی. هپسی ده مسترشدک

[۱] نویری یه کوره ابن‌الاثیر بونلرک مقدارینی اون ایکی بیک
 اوله‌رق کوستر.

[۲] بو محاربه ۵۱۷ سنه‌سی محرمنده وقوعه کلشدر.

امریه قتل اولندی. دیسک زوجه لری بغداده کوندریلدی. دیس
 بویوک بر تهله آتلاقدن صوکره عرب قبیله لری نزدینه
 قاچدی. اوراده بر مقدار عسکر طویلادقدن صکره کیدوب
 بصردی یغما ایتدی. فقط اقسنقرک ورودی اوزرینه فراره
 مجبور اولدیغندن جعبر قلعه سنه کیتدی. اوراده فرانقلره التحاق
 ایله یه رک برلکده حلب محاصره سنه اشتراک ایتدی. محاصره نک
 رفغندن صوکره فرانقلردن آریلوب برادری محمود قارشی
 سلاحه ساریلش اولان طوغرول بک ابن محمدک یانه چکیلدی [۱].
 بو بویوک سفردن صوکره سلطان محمود موصله دونمسی
 وسوریه ده فرانقلره محاربه حاضرلغی کورمسی ایچون اقسنقره
 امر ویردی [۲]. اقسنقره موصله کلوب کندیسینی بولغه زنکی یی
 اقناع ایتک ایسته دی ایسه ده بوایکی قوماندان آره سنه قصقاچلق
 کیرمشدی. اقسنقرک پک عظیم اولان حکم ونفوذندن قورقان
 زنکی بصره ده قالدی. سلطان محمود ده ها خصوصی صورتده پیدای
 ارتباط ایتدی. سلطان محمود خلیفه طرفندن بر حرب تهله سنه معروض
 ایدی. سلطان محمود بغداد والیلکنی بر نقش Barnecouch
 ویرمشدی. فقط بر نقش خلیفه مسترشدایله آره لرنده بعض اختلافات
 حیقدیغی جهته بغدادی ترک ایدرک شکایتده بولمق ومستر.
 شدک کندیسینی عراقدن طرد ایتک نیتیه بر اردو طویلادیغنی

سنه
 ۱۱۲۴
 نویری
 ابن الاثیر

[۱] ۵۱۸ تاریخ هجر بسنده.

[۲] » »

سنه
۱۱۲۶

وبو عصيان باشلانغيچنى ياتيشدىر مقده قصور ايدە جك اولورسه
عراقى غائب ايدە جكنى خبر ويرمك اوزره سلطان محمودك
ياننه كيتدى [۱] . محمود در حال بغداده كيتمكه قرار ويردى .
بوندن خبردار اولان خليفه يازديعى بر مکتوبده بغداده كلمه مسنى
رجا ايله محاربات سابقه دن دولاي شهرده ييه جك بولونماديغنى
ييلدirdى . عيني زمانده مهم بر مبلغ تقديم ايدىوردى . فقط
محمود ، حرکاتى كوندن نونه داعى شهبه بر رنك آلان خليفه نك
سوزلرينه قائمادى . يوله چيقمغه حاضر لاندى . مسترشد بونى
خبر آنجه بوتون افراد عائله سنى وقوماندانلرينى طوپلايه رق
بغدادك غرب طرفه چكىلدى . خلق بونى يكي بر محاربه نك
مقدمه سى كېى تلقى ايدەرك پك مأیوس اولدیلر . محمود ،
خليفه نى شهره عودته ارضا ايچون الندن كلنى ياپدى . فقط
محمودك قوماندانلرينك بو بابده خليفه يه وقوع بولان تكميل
معروضاتى هيچ بر ثمره ويرمدى . خليفه اچيقدن آچيفه
سلطان عليهنده بر وضعيت آلدى . واسط شهرى اوزرينده
عفيفك قوماندا سنده بر اردو كوندردى . بو شهرك امدادينه
قوشان عمادالدين زنكى ابتدا خليفه مسلمين اردوسنه فارشى
حرب ايتمك ايسته مدى . چكىلمه سى وخليفه نك سبب فلاكتى
اوله جق بر حربه كيريشمه سى ايچون عفيفه رجاده بولوندى .
عفيف سوز ديكلمه مدى ، كيدوب واسطك غربنده اردو قوردى .

زنکی دجله یی کجی، محاربه یه کیریشدی . عیفک عسا کردند
بر چوغنی اتلاف ایتدی . خلیفه دجله اوزرنده بولونان بوتون
قایقاری کری - کدیردی . سراینک قاپیلرینی قاپاتدی . یالکز
نوبه Nouba قاپیسی آچیق قالمشدی .

سنه

۱۱۲۷

بو آراده سلطان محمود بغداده واصل اولدی [۱] . باب-
الشماسیه ده اردوگاه قوردی . معیتنده کی عسا کردن بر قسمی
شهره کیردیله ، اولرده ساکن اولدیله . شهرده بعض
قاریشقلقلره سببیت ویردکلری جهته سلطان عسکرینی چکمه
مجبور اولدی . شهره عودت ایتمه سی و صالح یاپمه سی رجاسیله
خلیفه یه تکرار مکتوب یازدی . فقط حقارت آمیز بر جوابدن
باشقه بر شیئه نائل اولامادی . بونک اوزرینه عسا کردند بر
قسمی بغداده کیره رک خلیفه نک سرانی یاغما ایتدیله . بو
حرکت بوتون خلقی اغصاب ایتدی . هر کس سلاحلاندی .
خلیفه ترامپت چالدریور ، عصیان تشویق ایدیوردی . هر
طرفده یاشاسون هاشمیلر [۲] آوازهلرندن باشقه بر شی
ایشیدیلله یوردی . خلیفه نک پوصویه یاتیرمش اولدیغی بر مقدار
عسکر ایله سراه کیرمش اولان سلطان عساگری آراسنده بعض
مصادمه لر وقوعه کلدی . عوام خلق محمودک وزیرینک
سرانی ایله اوکا صادق اولان کیمسه لرک اولرینی یاغما ایتدی .
سوقاقلرده بر چوق کشی تلف اولدی . نهایت خلیفه

[۱] ۵۲۰ سنه سی ذی الحجه سنک ۲۰ سنده .

[۲] عباسیلرک عائله اسمی بودر .

اوتوز بيك عسكرله دجله يي كچدى. شهر ك شرق قسمنه كلهرك
اوراده اردو قوردى. سلطانك هجوملرندن تحفظ ايچون
كيجه لين كنش بر هندك فازديردى. بوتون بو مصائبه برده
قياطق منظم اولدى. بو صيراده شهر قايسنده دجله ساحلارنده
هر كون مصادمات وقوعه كليوردى. سلطان كنديسنه هجوم
ايديله جكنى خبر آنجه عمادالدين زنكى يه كميلر اوزرنده ممكن
اولديغى قدر چوق مقدار عسكرى كوندوزين واسطدن سوق
ايمه سي ايچون امر ويردى. زنكى واصل اولور اولماز بوتون
سفاثن دجله طرفندن، عسكرلرده قاره جهتندن موقعى محاصره
ايتديلر. بونى كورونجه خلق ايله خليفه كنديلرينك محو اولدقلارينه
حكم ايتديلر. سلطان بر هجوم عمومى يه حاضر لاندیغى صيره ده
مستر شد صالح طلبنده بولوندى. هر وقت صالحى آرزو ايتمش
اولان سلطان بوكا راضى اوله رق بغداده كيردى. خليفه دن
يك چوق پاره آلمق صورتيه اوکا جزا ياپديغى كې بوتون
سلاحلرندن ومهمات حربيه سندن ده محروم براقدى.

ابن الاثير
ابوالفدا

محمود بر مدت بغدادده قالدى. موصلده برجامعه ده برباطنى
طرفندن قتل ايدلمش اولان اقسنقر البرسقى نك اوغلى عزالدين
مسعود پدري نك مالك اولديغى موصل حكومتك كنديسنه توجه
اولونماسنى رجا ايتدى و آرزوسنه نائل اولدى. سلطان، عراق
حكومتى عمادالدين زنكى يه ويردى. صوكره بغدادده خسته لاندی.
دوقتورلرينك توصيه سي اوزرينه همدانه كيتدى ۱۱۱. اوراده

ایلیشدی . عمادالدین زنکی موصله چکلیدی . عراق والیکنی
مجاهدالدین بهروزه براقدی .

سنه

۱۱۲۸

ابوالفدا

بابن شهنه

بغداد فاتحی همدانن چیقمنه و سلطان سنجرک امری آلتنه
ری شهرینه کیتبکه مجبور اولدی [۱] . دبیس دوچار اولدیغی
هزیمتدن صوکره سلطان سنجرک یاننه چکیلمشدی . سنجر
اونسکه برلکده خوراساندن حرکت ایتمشدی . ریه واصل اولنجه
یکنی سلطان محمودی چاغیردی . اوکا بویوک احتراماتده
بولوندی . کندیسيله برابر تخته او طور تدی . دبیسک بوتون یاپدقلری
اونو تماشنی واونی تکرار مملکتنه اعاده ایتمه سنی ایسته دی .
محمود بو امرلری اجرایه مجبور اولدی . بونک اوزرینه سنجرده
خوراسانه دوندی . دبیسک تکرار موقع اقتداره کله سی یینه
بر حربیه سببیت ویردی . بو عرب رئیس ، سلطان محمود
و خلیفه یه قارشى ایکنجی دفعه اوله رق عصیان ایتدی [۲] . محمود
بغداده عودت ایدهرک اورادن عاصییه قارشى بر اردو کوندرمکه
مجبور اولدی . دبیس بصره نی یغما ایتدی و صوکره چوله قاچدی .
بو تذبذباته سببیت ویرمش اولان سنجرایشی یاتیشدیرمغی
محموده براقدی . خوراسانه چکیلدکن صوکره بوتون عسکرلری
طوپلادی [۳] ، جیحون نهرینی کچهرک ماوراءالنهره کیردی .

ابولفدا

۱۱۲۹

در باو

۱۱۳۰

[۱] ۵۲۲ تاریخ هجریسنده .

[۲] ۵۲۳ » »

[۳] ۵۲۴ تاریخ هجریسنده .

سمرقند والیسی احمد بن سلیمان بو شهرده عصیان ایتمشدی .
 ویرکو ویرمکدن امتناع ایدیوردی . عاصی بی سمرقندده
 محاصره ایدهرک عرض تسلیمیه مجبور براقدی . والیلکنی
 لندن آلدی . کندی اسیرلرندن برینه ویردی . مع مافیه عاصی
 والی صوکره تکرارسلطانک توجهنی قازانه رق سمرقند والیلکنه
 ینه نائل اولدی . عینی زمانده یکنی محمودک برادری مسعود
 باطنیلری الموت قلعه سندن طرد ایتدی . باطنیلر چوقدن بری
 بوراسنی اله کچیرمشلردی .

سنه
 ۱۱۳۱
 نویری
 ابوالفدا
 ابن الاثیر
 دربلو
 ابوالفرج
 ابن شجنه

او تاریخده همدانده اولان محمود وفات ایتدی [۱] . یکرمی
 یدی سنه طقوز آی ، یکرمی کون معمر اولمش ، اون اوچ سنه
 حکومت سورمشدی [۲] . عالیجناب ، ایلیکی سور بر حکم داردی .
 قوماندانلرک خلقه تم دیاتده بولونمالرینه هیچ مسامحه ایتمز ، عاقل کیمسه
 لرک نصیحتلرینی منو نیته دیکلر ، یاپدینگی خطالر حقنده اخطاراته
 اهمیت ویریردی . وارداتندن بویوک بر قسمنک صرف ایدلمه سنه سببیت
 ورن قادین و آومراقی شهرته بر آزلکه کتیرمشدر . مقدارلری
 درت یوزه بالغ اولان کوپکلرینک هر برنده صیرمه و اینجی
 ایشله ملی بر طاسمه ایله اورتو واردی .

ابوالفدا
 ابن الاثیر

وفاتندن صوکره وزیر ابوالقاسم الانسابدی ایله آتابک
 اقسنقرالاحمدیلی ، محمودک اوغلی داودی تحت چیقارمغه قرار

[۱] ۵۲۵ سنه سی شوالنده

[۲] دربلونک ۲۷ یاشنده دیمه سی اثر خطادر .

ویردیله . جبالده و آذربایجانده اونک نامنه خطبه او قوتدیله . بو
 یکی سلطان ایله زنجانه کیتدیله . فقط کنجهده مقیم اولان
 محمودک برادری مسعود برادرینک وفاتی خبر آلیر آماز کیدوب
 تبریزی ضبط ایتدی . داود کله رک اوراده عموجه سنی محاصره
 آلتنه آلدی . مسعود اون بیک کشتی ایله تبریزدن چیقهرق
 بغداد اوزرینه یورودی [۱۱] . خوزستان و فارس الکالی
 والیسی اولوب سلطانلغه کوز دیکمش اولان برادری سلجوق
 شاهده آتا بکی قراجه الساقی es-saki ایله برلکده
 اورایه یورودی . مسعوددن اول داورانلی . سلطانلرک سراینه
 یرلشدی . بونک اوزرینه مسعود عمادالدین زنکی یه مراجعت
 ایتدی . زنکی تکریمه کیتمک اوزره درحال موصلدن چیقدی .
 بونک بغداده تقریبندن خبردار اولان قراجه اردوسیه
 اوزرینه هجوم ایتدی . باشلیجه امراسنی اسیر آلدی ،
 بغداده کیردی . عمادالدین زنکی یکیدن عسکر طویلامق ایچون
 موصله دوئمشدی . مغلوبیتدن خبردار اولان مسعودده
 چکیلیمشدی .

عینی زمانده ، سلطان سنجرک ، سلطان محمدک اوغلی
 طوغرول ایله برلکده همدان جوارلرینه مواصلت ایتدیکی
 خبر آلدی . طوغرولی سلطان نصب ایده جکی روایت
 اولونیوردی . خلیفه مسترشد درحال مسعود ایله سلجوق

سنه
۱۱۳۲

شاهی بربرلریله باریشدییره رق عموجه لری سنجره قارشى مشترکاً
حرب ایتمه تشویق ایله دی . مسعودك سلطان عنوانه مالك
اولسنه قراره یردیله ۱۱۶ . هرايکسی ده بغداده کیردیله .
مسعود ، سلطانلرک سراینده اقامت ایتدی . سلچوق ایسه
والیلرک سراینده یرلشدی . صوکره سنجره قارشى یورو دیله
وخلیفه یی ده آرقه لرندن کلکه مجبور ایتدیله . بوصیراده سنجر
عمادالدین زنکی ایله دبیسه بغدادی ضبط ایدهرک کندى نامه
خطبه ، اونى متعاقب ده طوغرول نامه خطبه او قوتمالری
ایچون امر ویردی . ایکی شهزاده دینور Dinour ه قدر
کیدهرک اوراده سنجر اردوسيله قارشىلاشدیله . درحال
صف حرب اوزره دیزیلدیله . برنقش ، یوسف چاووش ، حسین
اوزبك شهزاده لر اردوسنك باشنده ایدیله . طوغرول ،
خوارزمشاه ، امیر قماچ ده سنجار اردوسنه قوماندا ایدیورلردی .
خوارزمشاه ، مسعودك صاغ جناحنه هجوم ایله فراره مجبور
ایتدی [۲] . قراجه ، یکر می بیك کزیده سواری ایله مرکز
هجوم ایتدی . بوراده سنجر قوماندا ایدیوردی . اوکنده
ایکی فیل واردی . محاربه نك اك آتشی بر زماننده طوغرول
ایله خوارزمشاه آرقه دن قراجه نك عسکرینه هجوم ایتدیله .
قراجه کال جسارتله مدافعه ده بولوندى . معیتنده کیلرک همان

[۱] ۵۲۶ سنه سی جامذی الاولنده .

[۲] ۵۲۶ سنه سی رجب نك سکزنده .

کافه سی مقتول اولدی . کندیسیده اسیر دوشیدی . بونک
اوزرینه مسعود همان فرار ایتدی . یوسف چاووش ایله حسین
اوزبک میدان معرکه ده فالدیلر . سنجر صلح تکلیف ایتک
وخوانج Khouaude ده کلوب کندیسنه ملاقی اولمق اوزره
مسعوده بض قوماندانلر کوندردی . مسعود بورایه کیتدی .
عموجه سنک تویخاتنه اوغرادى . عرض معذرت ایتدی .
نهایت کنجه یه اعاده اولوندی . سنجر همدانده ، اصفهانده ،
ریده و جبالک سائر طرفلرنده طوغرول نامنه خطبه اوقوندی .
سنجر اردوسنده بو وقایع جریان ایدرکن ، عمادالدین
زنکی ایله دبیسک ، سلطانن آلقلی امر اوزرینه بغداده
دوغرو ایلرله دکلرینی دویان خلیفه بغداده کیده رک عسکر
طوپلامق ایچون استعجال کوستردی . سیاه بر چادیر آلتنده
اوتوردی . حرب صفلی دیزیلنجه ، قلیج النده بالذات
دشمنه قارشى یورودی [۱] . زنکی ایله دبیسک عسکرلری
برخوف و حرمت حسنه مغلوب اوله رق فرار ایتدیلر . زنکی
موصله چکیدى . خلیفه ده بغداده کیردی . مسعوده
کلنجه ، بو ، سلطان عنوانندن محروم قالمشدى . هردورلو
حکم ونفوذى غائب ایتمشدى . یکیدن عسکر طوپلایوب
یکنی داود ایله برلکده طوغروله هجوم ایتک تصویرینه قالدی [۲] .
طوغرولی مغلوب ایتدی . باطنیه یی ضبط ایله دی . بربری

سنه

۱۱۳۳

[۱] ۵۲۶ رجبک صوکنده .

[۲] ۵۲۷ تاریخ هجریسنده .

متعاقب مختلف محملاردن هپ فراره مجبور براقدی . نهایت
شهرنده صیقیلشدیره درق بوتون امراسیله برلکده اسیر
آلدی . فقط سنجر ، طوغرول طرفنی التزام ایتدیکی ایچون
بوتون بوموفقیات حکمیز قالدی . طوغرول سنجرک امریله
سربست براقلدی .

ابن الاثیر
ابوالفدا
دربلو
دیاربکری
نویری
۱۱۳۴

مسعود ، یاردم ایسته مک ایچون خلیفهیه مراجعت
ایتدیسهده [۱] حربیه باشلامق ایچون لازم کلن وسائطه مالک
اولونجه حربیه کیریشمکده استعجال کوسترمه دی . سنجر دن
قورقیوردی . مسترشد دفعات ایله اونی طوغروله قارشى یورومکه
تشویق ایتدی ایسهده فائده ویرمه دی . نهایت ، خلیفهیه
قارشى سرد ایده جک هیچ برمعقول معذرت بولونمادیغی ایچون
محاربه حاضر لقلرینی کوردیردی . بونارله مشغول بولوندیغی
صیراده طوغرولک وفاتی خبرینی آلدی [۲] . ایکی ساعی
کوندرمشلردی . بری داوده دیکری مسعوده کیده جکدی .
مسعوده کوندریان ساعی دهها غیرتلی داوراندیغی ایچون مسعود
داوددن اول همدانه واصل اولدی . اوراده سلطان اعلان
ایدیلدی . وزیر اعظمق منصبنی شرفالدین نوشیروان بن
خالده ویردی .

[۱] ۵۲۸ تاریخ هجریسنده .

[۲] ۵۲۹ سنه سی محرمنده . ۵۰۳ هجری و ۱۱۰۹ میلادی .

تاریخنده تولد ایتشدی .

بعض احوالدىن دولايى غېرىمىن بولغان امراستىن بىر قىسمى
مسعودك سىرايى تىرك ائىدەرك خەلىفەيە دخالت ايتىدىلار .
خەلىفە بونلرى ئىزدىنە قبول ايتىدىكن باعدا مسعودك
نامنە خطبە او قونماستە دەنھايت وىردى . بواىرا خەلىفەيە معاونت
وعدندە بولونمىشلردى . بونك اوزرىنە خەلىفە بغداددن چىقىدى
وحرىبە حاضر لاندى . مسعود اوردوسىلە يتىدى . فقط ايكى
اردو قارشى قارشىيە كليركلز خەلىفەك صول جناحى مسعودك
طرفنە كچدى . مسترشد هر طرفدن صارىلدى . عسكىرى
كاملاً قىلىجىدن كچىرىلدى [۱] . باشلىجە قوماندانلارلە برابر
خەلىفەدە اسىر دوشدى . مسعود بونلرى زىنجان قىرىندە
سرجهان قلعه سەنە كوندردى . بغداددە خەلىفەك بوتون اموالى
ضبط ايتىدىردى . بوندن دولايى شەردە بويوك قارىشقلار چىقىدى .
بو مظفريتدن صوكرە مسعود ، مسترشد ايله بعض
مناسباتى موجود اولان يىكنى داودە قارشى يورودى .
خەلىفەيەدە بىرلىكدە كوتوردى . مراغەدن ايكى فرسك مسافەدە
اردو قوردى . مسترشدك خصوصى برچادىرى واردى . فدىيە
نجات اولق اوزرە سلطانە بر مقدار پارە وىرمەسى و بغداددن
هيىچ خارجه چىقماماسى قرار كىر اولمشدى . بو صىرادە سىنجر
طرفندن بر سفير كلدى . سلطان ايله بوتون عىسا كر سفيرك
استقبالنە كىتەكلرى صىرادە اون باطنى خەلىفەك چادىرىنك مدخلى

او کئنده نوبت بکلدیله. اون درت باطنی چادیردن ایچری کیردیله.
 مسترشده یکر می یدی خنچر ضربه سی اوردقدن صو کره
 باشنی کسیدیله، اثوابلرینی چیقاردیلر و چیپلاق براقدیله.
 ایشیدیلن کورواتو اوزرینه اطرافدن قوشیدیله. باطنیلردن
 اون دانه سی در حال اتلاف اولوندی. فقط دیکراون دردی قاچدیله.
 او کون و کیجه خلیفه نك نعشی علی حاله قالدی. صو کره مراغه
 سکنه سی کلوب آندیله. سنقر الاحمدیلی نك مزارینه کوتوردیلر.
 مسعود در حال بغدادده کی والیسی امیر بکه [۱] مسترشدک اوغلی
 ابو جعفر منصور ی خلیفه اعلان ایتمه سی ایچون امر ویردی.
 بوده خلیفه راشد بالله عنوانی آلدی. سلطان مسعود عینی
 زمانده اسکی دشمنی دیس دن ده قور تولدی. بونی خوی شهری
 خارجنده چادرینک قارشیسنده بر ارمینی یه قتل ایتدیله.
 دیسک اوغلی حله ده ایدی. بر چوق عربلر بونک
 اطرافنه طوپلاندیلر.

خلیفه راشدک خلافتی استحصال ایتک ایچون مسعوده
 درت یوز بیک آلتون سکه ویرمه سی تقرر ایتمشدی. فقط
 بر نقش بونلری ایسته مکه کلدیکی وقت [۲] پدرینک خزائی
 یغما ایدلمش اولدیغی جهتله بو پاره یی ویره میه جکنی بیان
 ایتدی. بر نقش جبراً خلیفه نك سراینه کیدوب اشیای ضبط

[۱] ابن الاثیر بو امیرک اسمنی (بک آبه) دیه قید ایدیور.

[۲] ۵۳۰ تاریخ هجریسنده.

ایتمکه حاضر لانیوردی . خلیفه بر مقدار عسکر طویلا دی .
 سورلری تعمیر ایتدیردی . بر نقش ایله بغداد والیسی بو
 حاضر لقلری کورونجه سرایی محاصره ایتمکه قرار ویردیله .
 تقریباً اون بش بیک سواریلری واردی . بغداد ایچنده مصادمه
 وقوعه کلدی . بوتون خلق خلیفه اردوسی طرفنی التزام
 ایتدی . مسعودک عساگرینی بغداددن چیقاردیلر . سلطانلرک
 سرایی یغما ایتدیلر . مسعودک یکنی داود بو احوالدن مستفید
 اولق املیه آذربجان عساگرینی آلهرق و جوار ملکری ده
 طویلا یهرق بغداده قوشدی . بونلرک آره سنده عمادالدین زنگی ده
 واردی . مسعودک نامی آرتق خطبه لرده اوقونمادی . یرینه
 داودک اسمنی اقامه ایتدیلر . بونک اوزرینه مسعود همداندن
 حرکت ایله کلوب بغدادی محاصره یه آلدی . الی کون بغدادک
 اوکنده قالدی . فقط ضبطه موفق اولامادیغی ایچون کری
 دوندی . شهربانه کیتدی . اورادن همدانه عودت ایتمک فکر نده ایدی .
 بو صیراده واسط امیری طرنتای Tharantai بر چوق
 سفینه ایله کلوب کنديسنه التحاق ایتدی . غیر مأمول بو قوه
 امدادییه نائل اولونجه تکرار بغدادیولنی طوتدی . دجله نك غرب
 طرفنده اردو قوردی . خلیفه اردوسنه قوماندایدن امیرلر
 آره سنده نفاق یوز کوسترمشدی . داود آذربجان دوندی [۱] .

سنه

۱۱۳۶

راشد، عمادالدین زنکی ایله برلکده موصله چکیلهرك بغدادی
مسعوده ترك ایتدی . مسعود بغداده کیرهرك [١] قاضیلری
و بونون علمای طوپلادی . خلیفه نك بردها کندیسنه قارشی
عسکر طوپلاماق، بغداد شهرندن چیقماماق، سلطانك امیرلرندن
هیچ برینك دخالتی قبول ایتمهك، بوشرائطه رعایت ایتمهیه جك
اولورسه خلافتدن ساقط اولمق اوزره وقوع بولان تعهداتی
اوقودی . حاضر بولونانلرك كافه سی خلیفه نك سقوط ایتدیكنی
تسلیم ایتدکاری جهته یکی بر خلیفه انتخابی مذاکره
کیریشدیلر . نهایت خلیفه مستظهرك اوغلی محمدی ترجیح ایله
مقتضی لامرالله عنوانی آلتنده خلیفه اعلان ایتدیلر . عینی زمانده
مسعود، راشدی بغداده کوندرمه سی ایچون عمادالدین زنکییه
امر ویردی . زنکی بو امری اجرایه حاضرلانیوردی . فقط
او زمان موصلده بولونان اربیل صاحبی زین الدین علی بوکا
عمانعت ایتدی . خلیفه یی تسلیم ایتمکدن ایسه فدای حیات
ایتمک یمین ایله دی . سلطانك حدتی جلب ایتك ایسته مهین
عمادالدین زنکی خلیفه یی کری کوندردی . زین الدین علی ،
بر مقدار کورد ایله خلیفه یی یوله قاچیردی . ذاتاً آره لرنده
بویله قرارلاشدیرمشلردی . زین الدین علی ، راشدی مراغهیه
کوتوردی . بو طالعسر خلیفه اوراده پدرینك تربه سنده اقامت
ایتدی . راشد اورادن ری شهرینه کیتدی . بوکا جوار بر

موقعده باطنیلرله مصادمه ایتدی . اصفهان کیتمک فکرنده
ایدی . فقط خوداسان سکنه سی قیافته کیرمش اولان برطاق
باطنیلر کندیسینی قتل ایتدیلر [۱] . اصفهاندن بر فرسنگ
مسافهده شهرستانده دفن ایدیلدی . مسعودک همشیره سی فاطمه
ایله اولمش اولان [۲] یکی خلیفه بغدادده مسعود نامنه
خطبه او قوتدی .

در بلو

سلجوقیلرک اصل سلطانی کبی تلقی ایدمک لازم کلن
و مسعودک متبوعی بولونان سنجر بو حربه هیچ اشتراک
ایتمه مشدر . او زمان ، هندستانک شمالنده حکمران اولان
غوریلردن بهرام شاه ایله محاربه ایدیوردی . بهرام شاه تخت
سنجرک یاردیمیله چیقمشدی . اولجه تختنده بولونان آرسلان
شاهی طرد ایچون لازم کلن عسا کری سنجر ویرمشدی .
صوکره بهرام شاه هندستانده بویوک فتوحاتده بولونمشدی .
بویله قدرت کسب ایدنجه دایسی [۳] اولان سنجره ویرکو
ویرمک کندیسنه موجب خجالت بر حرکت کبی
کوروندی . سنجرک بویوندروغنی سلیکوب آتمق
ایسته دی . فقط چوق کچمه دن سنجرک حدسز حسابسز
اردولرینه وجسارتنه قارشى پک ضعیف بولوندیغنی حس ایدهرک

[۱] ۵۳۲ سنه سی رمضانده .

[۲] ۵۳۲ تاریخ هجریسنده و ۱۱۳۶ تاریخ میلادیسنده .

[۴] بهرامک پدری سنجرک همیره سیله اولمشدی .

عرض انقياد ايتدى ومعتاد ويركوي كوندردى .
 سلاجوقى حڪمدارلرينك جوار حڪمدارلرله وبالخاصه
 خليفه لرله وقوعه كان بو محارباتى ، بوتون مسلمانلرك
 حجه كيتدكلرى كعبه نك پك اهمال ايديله سنه سببیت ويرمىدى .
 چوقدن برى كعبه يه پوشيده كوندرله مىدى . اورتوييرتيلمىدى .
 كعبه نك اوستنى اورتمك وديوارلرني غايت زنكىن براورتوايله
 قاپلامق مسلمانلرجه عادتدر . بو اورتولرى حڪمدارلر
 كوندريرلر . اوزمان سلطنت سورن حڪمدارلر ايسه غايت
 زنكىن اولمقله برابر خليفه يه حرمت ايتدكلرى قدر كعبه يه ده
 لاقيد قاليورلردى . هندستاندن عودت ايدن بر عجم تاجرى
 كعبه يه بر اورتو ويردى [۱] . قيمتى مصرپاره سيله اون بيك
 آلتون سكبه بالغ اولويوردى .

سنه
 ۱۱۳۹
 نوبرى

سلاجوقى حڪمدارلرينك بغدادده بر واليلرى واردى كه
 عاداتا شهرك وولايتك صاحبي كييدى . بو والى خليفه نك
 بوتون حركاتنى تحت ترصده بولونديرردى . فقط خليفه
 يالكلز بو قوماندانك نچه سنده بولنمازدى . خليفه نك بوتون
 وزيرلرينى ده سلطان تعيين ايدردى . سلطانك موافقتى اولمقسزىن
 بونلرى عزل ايدمزدى . اوزمان خليفه نك وزيرى شرف الدين
 على ايدى . خليفه مقتضى نك هر حر كتنه بو وزير ممانعت
 ايدىوردى [۲] . ايشلر او درجه يه وارمىدى كه وزير ،

[۱] ۵۳۲ تاريخ هجرىسنده .

[۲] ۵۳۴ « «

سلطانلرينك سراينه چكيلهرك اوراده تحصن ايتمشدى .
 كنديسنى وظيفه يه دعوت ايجون خليفه نك بوتون اصرارلرى
 فائده سز قالدى . بومسئله بغدادى هنوزيكى قورتولديغى مصائبه
 تكرر دوچار ايدە بيله جك بر ماهيته ايدى . خليفه بوندن
 دولاي سلطانە شكايت ايله شرف الدين على يى عزل ايتك
 مساعده سنى آلدى . بونك اوزرينه بوتون منازعات ياتيشدى .
 مسعود ، خليفه مقتضى نك قيزيله اولندى .

سنه

۱۱۴۰

نورى

بو تاريخده بغدادە سلطان سنجر طرفندن بر سفير
 كلدى [۱] . خليفه مسترشد باطنيلر طرفندن قتل ايديلديكى
 زمان اوندن آلمش اولان خرقة سعادت ايله عصا پيغمبرى يى
 كتىردى . سلطان سنجر اوزمان ماوراءالنهرده حرب
 ايدىوردى . سمرقند شهرى ، والينك خسته لغندن بالاستفاده
 عصيان ايتمشدى . سنجر بو شهرى آلتى آى محاصره ايتدى .
 بلا قيد و شرط عرض تسليميته مجبور براقدى . اهاالى يى عفو
 ايدەرك شهرك واليلكنى خسته لغندن دولاي اظهار فعاليته
 قادر اولامايان والينك اوغلنه ويردى . فقط بوقطعه ده سنجر
 دها مدھش دشمنلره تصادف ايتدى . قوردنك شمالنده كى
 مملكتلردن توره مش ونيوچه تاتارلرى طرفندن اورادن طرد
 ايديلش اولان خيتانلر كاشغر و آق صو طرفلرينه كلوب

براشمشاردی ۱۱۱. ماوراءالنهر ده کسب نفوذ و قدرت ایتمه که
 باشلامش اولان خوارزم سلطانلری فتوحاتلرنده دائماً سنجر
 اردولرینک نعتنه تصادف ایتدکلری جهتله خیتانلری ماوراءالنهره
 کیرمه دعوت ایتدیلر. سنجر بولایتی بو بار بارلرک آقینلرندن
 محافظه ایتمک ایسته یه رک [۱۲] اولره قارشى یورودی. فقط
 بوتون اردوسی قتل و پریشان ایدیلدی. اشیالری یغما اولوندی.
 زوجه سی ترکان خاتون سلطانک اوتوردیغی سرای دشمنلرینک
 النه کچدی. هر طرفدن احاطه ایدلمش اولان سنجر اردوسنک
 ایچندن اوچ یوز جسور عسکر سیچوب ترمنده کینمک اوزره
 خیتانلرک آراسندن کچمه عزم ایتدی. اورایه آنجق اون
 بش اون آلتی سوارى ایله مواصالت ایده بیلدی. اوراده
 اردوسنک انقاضنى طویلادی. تکرار جیحونی کچدی، خوراسانه
 کیتدی. او زمانه قدر نامغلوب اولان بو حکمدار جسارتی
 واردولرینک قوتی حقنده تبعه سنک بومغلوبیت اوزرینه بسله دکلری
 فکرلردن دولایى پک متأثر اولدی. کندیسنى بو ضیاعدن
 تسلیه ایتمک مقصدیله فریدالدین الکانب [۳] شو شعری یازدی
 ای حکمدار اعظم، مزراغکیز شیمدی یه قدر بوتون دنیایی

لیه تایی قیسو
 قام مو
 ابو الفدا
 در بلو

سنه
 ۱۱۴۱

-
- [۱] خوارزم سلطانلرینک تاریخنده بو خیتانلرک منشائی ده
 مفصل صورتده کوروله جکدر.
 [۲] ۵۳۶ تاریخ هجریسنده.
 [۳] اوزمانک برشاعری ایدی.

قالديردى، قيلجيكنز قرق سنه بوتون دشمنلريكنزدن انتقامكنزى
آلدى. بوكون بعض موفقيتسزلكلره دوچار اوليورسه كنز
بوني جناب حقك بر حكمتى اوله رق تلمقى ايدىكنز. يالكنز
جناب حقك دائما هپ بر حالده قاله بيله جكنى دوشونه رك متسلى
اولكنز. « بر مدت صوكره سنجر، دوچار اولديغى مغلوبيتك
انتقامنى خوارزم سلطانندن آلمغه كيتدى واونى تحت تابعيته
ادخال ايتدى [۱].

سنه

۱۱۴۳

سنجر ك مغلوبيتى عراق ايشلرينه هيچ بر دكيشكلك
كتيرمدى. اوراده سنجر ك تابعيتى آلتنده مسعود خليفه ايله
كمال سكون ايچنده حكمران اوليوردى. موصل ملكى
عمادالدين زنكى ايله صلح ياپدى. وقتيله زنكى مسعود عليهنده
حركت ايتمشدى. سلطانلق ايچون كنديسيله حرب ايتمش
اولان داود بر طاقم اشخاص مجهوله طرفندن قتل ايدىلدى.
تكريت قلعه سنه حبس ايتك ايسته ديكى على بن دبىس مسعودك
الندن قاجدى [۲]، حله يه چكىلدى. عراقك وسنجر ك
ويرمش اولديغى سائر ولايتلر ك سكون پرور صاحبي اولان مسعود،
وفاتنه قدر همدانده قالدى [۳]. ارباب علم وثقوايى پك سوردى.

ابوالفدا

دربلو

ابوالفرج

نويرى

۱۴۵۰

ابن شجنه

ابن الاثير

۱۱۵۲

[۱] ۵۳۸ تاريخ هجرىسنده.

[۲] ۵۴۰ « «

[۳] ۵۴۷ سنه سى رجبك برنده. ۵۰۲ سنه سى ذى القعدة سنده

و ۱۱۰۹ تاريخ ميلادىسنده تولد ايتمشدى.

او قدر چوق احسانده بولونوردی که خزینه بوم بوش قالیردی. اونک وفاتیلہ عراقده سلجوقیلرک عظمت وشوکتی ده نہایت بولمشدیر. خبر وفاتی بغدادہ واصل اولونجه والیسی مسعود بلال تکریتہ چکیلدی. خلیفہ مقتضی سلطانلرک سرانی ضبط ایتدی. خطبہ لردن اسملرینی قالیردی. اسکی حکم ونفوذینی استرداد ایله دی. همدانده ، مسعودک یکنی ملک شاه اونک یرینه کچمشدی. فقط وقتیلہ مسعودک کولهسی اولدیغی حالده ایمپراطورلقده حاکم مطلق کسيلمش اولان خاص بک نامنده بر تورکمن ملک شاهی حبس ایتدیردی. مسعودک او زمان خوزستانده بولونان دیکر یکنی محمدی چاغیره رق سلطان عنوانی اوکاویردی. مقصدی بونی توقیف ایتدیردرک کندی سلطانلغی اعلان ایتکدی. فقط محمد کلیر کلز اوندن دها چابق داوراندى. زنکی الجاندار ایله برلکده اونی اتلاف ایتدیردی. خاص بکک نعشی عمومی میدانده براقلدی. نعشی کوپکلر یدیلر.

سنه
۱۱۵۳
در بلو

شرق ولایتلارنده ایسه سلجوقیلرک قوت وشوکتی دها چوق صارصیلدی. سنجر ، خوارزم سلطانی مغلوب ایتدکن صوکرده سلاحرینی غوریلر علیهنه چویرمشدی. او زمان حکمران اولان حسین جهانسوز خوراسانی ضبط ایتکاملیلہ اورایه کیرمشدی [۱]. سنجر بونی مغلوب ایدهرک قوماندانی

علی چتری ایله برابر اسیر آلمشیدی . حسینی سادده جه غور
الکاسی والیسی صفتیله اعاده ایتمشیده سنجرک تبعه سی اوله
رق تولد ایتش اولان علی چتری اعدام ایدیلشیدی . بومو فقیتمدن
بر قاج سینه صو کره سنجر ، غوز تسمیه ایدیلن تورکنلری
تحت اطاعته آلمغه تثبیت ایتدی [۱] . بیزانس ایمپراطورلغی
مورخنرینه کوره اوزلر عنوانی طاشیان بو قوملر قدیمأ بحر
حزرک شمانده قاقچاق یاخود قومان الکاسی دنیان ممالکه
انتشار ایتشلردی . بونلر عن اصل تورک اولدقلری جهتله
کندیله صو کره لری تورکن نامی ویریلشدر . بو اوزلردن
بر قسمی آوروپایه قدر صو قولدی . دیگر بر قسمی ماوراءالنهره ،
حزر دکنینک شرقیه چکیلمشیدی . خیتانلرک کاشغره
ورودلری واوراده یرلشمه لری اوزلری اونلرک آقینلردن مصون
اولمق ایچون خوراسانه التجایه مجبور ایتدی . بر مدت بلخ
جوارنده قالدیلر . امیر قماج بو شهری سلطاندن آلدیغی زمان
اوزلر حالاً اوراده ایدیلر . بو امیر اوزلری طرد ایتک ایسته دی .
اون بیک عسکر طوپلادی . بو ملتک ایلری کلنلری کندیسنه
مرعانه باشنه ایکی یوز آلتون سکه تکلیف ایتدیلر . مرعالنده
کندیله رینک راحت بر اقله لرینی شرط قویورلردی . بو کی
تکلیفاته قولاق ویرمک ایسته مه یں قماج هجومه حاضر لانیوردی .
اوزلر طوپلاندیلر ، کندیسنه منتظر اولدیلر . محاربه وقوعه

قسطنطین
پورفیر
ابوالفدا
ابن شحنة

کلدی . نتیجه ده قماج مغلوب اولدی . دشمنلر بوتون جوار
 مملکتلره یاییلدیلر . بر چوق قاریشیقلقلره سببیت ویردیلر .
 قادینلره تجاوزایتدیلر . چو جوقلری و علمای کسیدیلر ، مدرسه لری
 ییقدیلر . قماج سنجرک یانه قاچدی . اوزلرک استیلا سندن
 اونی خبردار ایتدی . در حال سلطان یوزبیک کشیلک براردو
 ایله بلخه یوروذی . اوزلر عرض معذرت ایتک ایستدیلر .
 بر چوق پاره تکلیف ایتدیلر . سنجرایلر یله مکده دوام ایدهرک
 اوزلرله حربه طوتوشدی . فقط مغلوب اولدی ، اسیر
 دوشدی . قماج اردوسنک بویوک بر قسیمیله برلکده اتلاف اولندی
 بو بویوک مظفریتدن صو کره بوتون اوزامیرلری طویلاندیلر ،
 سلطانک آیاقرینه قاپاندیلر ، حضورنده یری اوپدیلر . امیرلری
 اولدقلرینی سویله دیلر . فقط سلطانی دایما موقوف طوتدیلر .
 حتی بر روایته کوره کیجه لری سلطانی بر دمیر قفسه قاپاتیورلردی .
 سلطان ایله برابر پایتختی اولان مرو شهرینه قدر کلدیلر . اک
 باشلی امیرلرندن بری اولان بختیار بو شهری کندیزی حسابنه
 طلب ایتدی . سنجر پایتختی اولان بر شهری اوکا و یرده میه جکنی
 سویلیدی . اوزلر بوجواب ایله اکلندیلر . اسکی کوستردکاری
 حرمتده دوام ایتدیلر . سنجرک ییوب ایچه جکنی بیله کندیلری
 تنظیم ایتدیلر . سنجر مروده بر صوفی تکیه سنه چکیلیدی .
 اوزلر ایسه بوتون مملکته یاییلدیلر . تکمیل خوراسانی تخریب
 ایدهرک نیشابوری آلدیلر . یالکز هرات ایله دهستان شهرلری

قلعه لرینک متاتی حسیدیه بو تجاوزاتدن مصون قاله بیلدیلر .
سنجر اردوسنک قسم متباقیسی هزیمتدن صوکره (آی ابه)
نامنده برامیرك اطرافنده طوپلانمشدی . آی ابه مؤیدعنوانی
آلدی . صوکره اوزلری نیشابوردن ، طوسدن ، پנסادن ،
ابیوردن ، شهر ستاندن ، دامغاندن طرد ایتدی [۱] .
سنجرك ایناج Enbanedge نامنده دیگر بر قوماندانی اوزلرك
الندن ری شهرینی آلدی .

دربلو

سنجر اسارتده فلاکت چکدیکی وممالکی اوزلر طرفندن
تخریب اولوندیغی ائساده اجدادینک بغدادده حائز اولدقلری
بوتون حکم ونفوذدن محروم قالان سلطان محمد ، برادری
ملك شاهك النذن آلدیغی تختنده محافظه موجودیت ایده بيلمك
ایچون همدانده يك مشکلاته معروض قالیوردی .
خاص بلك وفاتی بر چوق امرایی حکمداره قارشى عصیان
تحریرك ایتمشدی . آتایك ایلدکز ایله مراغه صاحبی اقسنقر
زیاده قوت صاحبی اولدقلری ایچون محمدی خلع ایله یرینه
عموجه سی سلیمان شاهى تختنه چیقاردیلر [۲] . کنج وتجربه سز
محمد اولان علی العجله همدانی ترك ایله اصفهان چکیلدی .
سلیمان شاه تختنه چیقنجه وزیرى فخرالدین کاشی ، حاجی محمد
خوارزم شاه کبی بعض قوماندانلری عزل ایتک ایسته دی .

[۱] ۵۵۰ تاریخ هجریسنده و ۱۱۵۵ تاریخ میلادیسنده .

[۲] ابن محمد ابن ملك شاه معظم

فقط سرايدە بويوك نفوذلى اولان بوذواتى عزل ايدە بيله جك
درجه ده هنوز صاحب قوت دكلدى . بونلر تكرر ار محمدى جلب اچون
آرالرنده اتفاق ايتديلر . مع مافيه ، سليمان شاهه مربوط
اولان عسكر اونك خلعه متمايل دكلدى . بونك اچون
حيله مر اجعت ايله ديلر . محمد خوارزم شاه سلطانه وارمش
ولان همشيره سنى بولدى . غايت كىزلى اوله رق اوکا
او كىجه بعض كيمسه لك سليمان شاهى طوته رق يرينه محمدى
اجلاس ايدە جكلرينى خبر وىردى . زوجه سى بو ايشدن سليمانى
خبردار ايتدى . سليمان ، قورولان طوزاغه دوشدى .
دويديغى شىئك صحتنى تحقيقه لزوم كورمه دن در حال بار كىرينه
بيندى ، ياننده بر قاچ كشى ايله مازندرانه التجا ايتدى .
ايرته سى كون بوتون خلق سلطانك فرارندن حيرته دوشدى .
عسكر قوماندانلرينه قارشى عصيان ايدە رك سرايه قوشديلر ،
يغما ايتديلر . بو اثناء محمد وقعه دن خبردار ايدىلدى .
على العجله همده كلى . اوراده سلطان اعلان اولوندى .

سليمان شاه ، زوجه سنك سوزلرينه پك قولايقله اينانمش
اولديغى در حال آكلادى . خطاسنى تعمير ايتك ايسته يه رك
بغدادە كلى [۱] . خليفه مقتضى اوکا سلطانلغى وىردى .
بغدادە خطبه يى اونك نامنه اوقوتدى [۲] . خليفه حلوانه
كىدە رك سليمان شاه ايله ياپديغى معاهده يى اوراده ملك شاه

[۱] ۵۵۱ سنه سى محرمنده .

[۲] سليمان شاه ، شهنشاه المعظم غياث الدنيا والدين لقبى آماشدر .

ایله تأیید ایتدی . بونک اوزرینه ملک شاه ایله خلیفه یکی
سلطانہ عسکر ویردیله . سلیمان جباله طوغرو یورودی .
آراس یاخود آراقس نہری ساحلارینہ قدر ایلریله دی .
اوراده محمد طرفندن مغلوب ایدیلک فلا کتہ اوغرا دی . بغدادہ
قاجق اوزره شهر زوردن کچدیکی صیراده موصل ملک
قطب الدین مودودک والیسی بولونان زین الدین علی کوچوک
کندیسنی طوتہ رق موصل قلعه سینده حبس ایتدیردی . خلیفه یی
سلیمان شاہک طرفنی التزام ایتدیکندن دولای محمد بر دورلو
عفو ایدہمدی . همدانده حکم ونفوذی تأسس ایدر ایتمز
اردوسنی طوپلادی . بغداد اوزرینه یورودی . کچہ جکی
یرلرک کافہ سنی خلیفه تخریب ایتدیرمشدی . بغداد جوارنده کی
أولرده تخریب اولونمشدی . محمد دجلہ اوزرینه بر کوپر
قوردیردی [۱] . اردوسنک بر قسمنی شرق ساحلہ کچیردی .
موصل عسا کر یله برلکده یاننده بولونان زین الدین علی
کوچوک ایسہ غرب طرفنده قالدی . خلیفه نک عسا کر یله
سلطانک عسا کری آراسنده بعض مصادمات وقوعہ کلدی .
فقط سلطان ، برادری ملک شاه ایله اران Arran ملک
آتابک ایلدکنرک و آرسلان شاہک [۲] همدانہ کیردکارینی ،

سنہ

۱۱۵۷

[۱] ۵۵۱ سنہ سی ذی الحجہ سینده . ۵۵۲ سنہ سی ربیع الاولنک

۲۴ ینہ ندر اوراده قالمشدر .

[۲] ابن طوغرول بن سلطان محمد بن ملک شاه .

شهری یغما ایتدکارینی ، بوتون امراسنک زوجه لرینی اسیر آلدق لرینی دویونجه بغداد محاصره سنی قالدی ردی . کندی پایتختنک امدایینه قوشدی . رج ت اثناسنده خلیفه عساگری کندیسنی تعقیب ایدهرک تکمیل دمدارلرینی یغما ایتدیلر . سلطانک نیتی اغتشاشاتی تسکین ایدر ایتز تکرار بغداد محاصره سنه عودت ایتمکدی .

در بلو
ابوالفدا

سلطان سنجر اوزلرک النده دائماً اسیر بولندیخی جهتله اداره امور ایله زوجه سی سلطان ترکان خاتون مشغول اولیوردی . ترکان خاتونک وقوع وفاتی اوزرینه [۱] سنجر ، باربارلرک الندن قورتولمق چاره لرینی ده اجدیتله دوشونمکه باشلادی . امیرالباس هر شیئی حاضر لاتدی . بعض کره سنجر جیحون ساحل لرینه آوه کیدردی . اوراده بر قاق سفینه بکلتدی . سنجر بونلردن برینه بینه رک ترمده کیتدی . اورادن کل سرعتله [۲] پایتختی اولان مرو شهرینه کچدی . فقط واصل اولور اولماز بر صالحی ایله خسته لاندی . تقریباً یتش اوچ یاشنده اولدیغی حالده ترک حیات ایتدی . فتوحات عظیمه سی حسبیه تبعه سی کندیسنه اسکندر ثانی لقبی ویرمشلردی [۳] .

[۱] ۵۵۱ تاریخ هجریسنده .

[۲] ۵۵۱ سنه سی رمضاننده . ۱۱۵۶ تاریخ میلادیسنده .

[۳] ۴۷۹ سنه سی رجبنده و ۱۰۸۶ تاریخ میلادیسنده تولد

باشلیجه قوماندانلرینک کافه سی برر ملک ایدیلر . خوارزم
سلاانی قطب الدین ، سنجرک کیلارجی باشیسی ایدی . برسنه
کلیر ، سنجرک یاننده ایفای خدمت ایدر ، ایرته سی سنه اوغلی
آتسزی کوندریردی . صوکره سلطان بو اولمشدر .
سنجرک احسان و سخاسی ده عظمتی ایله متناسب ایدی . بوتون
اسلام ایمپراطورلغنک صاحب و حاکمی ایدی . فقط اولور اولمز
بغدادده اونک نامنه خطبه او قومقدن فراغت ایتدیلر . خوراسان
کبی دها شرقی ولایتلرده خلق کندیسنی فوق العاده سودیکی
جهتله وفاتندن برسنه صوکره یه قدر اونک نامنه خطبه او قومقدن دوام
کوستردیلر . ایمپراطورلغنی همشیره زاده سی محمود بر اقدی .
همشیره سی تورکلرک خانی محمود ابن بغرایه وارمشدی . محمود
خوراسانه وضع ید ایتدیسه ده سنجرک شوکت و عظمتنه وارث
اولامادی .

سنجرک وفاتیه ایران سلجوقیلری منقرض اولیوردی .
قالان حکمدارلر و شهزاده لر بربرلیله حرب ایتدیلر . اولکی
سلطانلرک تبعه لری اولان جوار ملک کندیلرینه اطاعت ایتدیلر .
عراق عجم ایمپراطورلغنی محمدک النذن آلمق ایسته ین ملک شاه
بو اردونک باشنه کچمش ، ولایتلری دولاشیوردی [۱] .
قم و کشان شهرلرینی یغما ایتمشدی . محمد ، بغداد محاصره سنی
رفع ایتدکن صوکره خسته دوشمشدی . بو قاریشیقلقلری

سنه
۱۱۵۸
ابو افدا
نویری
ابوالفرج
دربلو

تسکین ایچون ملک شاه علیهنده یورویه مهین محمد کندیسنی
ولی عهد اعلان ایتمکی وعد ایله دی . فقط حکومت سورمک
ایچون بو قدر اوزون مدت بکله مکه راضی اولامایان ملک شاه
کیدوب خوزستانی ضبط ایتدی . شمله نامنده بر تورکمن
برمدت اول کندیسنک الندن بوراسنی آلمشدی [۱] .
اوصیراده محمدک وقوع وفاتی [۲] صالحی تأسیسه خدمت
ایده مدی . محمد اوتوز ایکی یاشنده ایدی . بویوک مزیتلری
واردی . فقط عائله سی آراسنده حکم سورن نفاقدن دولایی
بومزیتلرینی اظهاره وقت بولامامشدی . حیاتدن بویوک اسفلرله
آیریلدی . وفاتندن اول اردوسنی ، سرانی ، خزینه لرینی
بر کره دها کورمک ایسته دی . بونلری تماشا ایتد کدن صو کره
شوسوزلری سویلدی : « ناصل اولیورده مالک اولدیغم بو قدر
عظمت وقوت خسته لغمک ثقلتنی بر بغدادی بیله آزالته مایور ،
حیاتی بر آن بیله اوز ته میور ! واه اوزواللیله که بوفانی شیلره
اهمیت ویره رک مالک حقیقی کائناته قلبلرینی باغلامازلر ! »

محمد کوچوک یاشده بر چوجوق براقیوردی . اردولرک
بو چوجوغه اطاعت ایتمه یه جکلرینی تخمین ایدیوردی . چوجوغنی
اقسنقر الاحمدیلیه تودیع ایله مملکتی اولان مراغه یه کوتورمه سنی

[۱] ۵۵۰ تاریخنده .

[۲] ۵۵۴ سنه سی ذی الحجه سنده . ۵۲۲ سنه سی ربیع الآخرنده

یولده ایتشدی .

سويلىدى . سائر اميرلر ك كافه سى مختلف فرقه لره آيرىلىدىلر .
 بعضيلرى محمدك برادرى ملك شاهك معيته كچدىلر . قسم
 اعظمى ايسه عموجه سى سليمان شاهى ترجيح ايتدىلر . ملك
 شاه موصلا ده بولونيوردى . برقه سى ايسه طوغرولك اوغلى
 آرسلانك طرفى التزام ايلدىلر . ايلك كزده بوكامظاھراوليوردى .
 سليمان شاه فرقه سنك اميرلرى بوشھزادھى موصلا دن طلب ايتمكك
 مشغول اولدقلىرى صيراده ملك شاه كيدوب اصفھانى ضبط
 ايتدى [۱] . اوزمان موصلا ده حكمران اولان قطب الدين
 مودود سليمان شاهه بر چوق ھديه لر وىردى . بواردو ايله
 ھمدانھ كوندردى . بواردونك قومانداسى نى ده زين الدين على
 كوچوكه توديع ايتدى . سليمان شاه ھمدانھ كيرەرك سلطان
 اعلان اولوندى . فقط عسكر ك تحت حكمنده قالدى . اطرافى
 دالقاو قلا المشدى . بونلر ك آراسنده وقتنى اچكى ايله كچيريوردى .
 مسلمانلر ك اوروج طوتدقلىرى رمضان آينده بر كون شراب
 اچمكك جرأت ايتشدر . امرايه ھيچ اھميت وىرميوردى .
 عادت وجهله سراينك قايسنده عرض موجوديت ايتكى اھال
 ايدن عسكرلرى بويله برسلطانھ مالك اولدقلىرى نھ اسف ايدى يورلردى .
 دولتك بوتون امورى ، سلچوقيلر ك اك قديم خدمتكارلردن
 اولان شرف الدين كاردباز Kardbason ك اندھ ايدى .
 بووزير عاقلانھ ومديبرانھ حركاتى ايله بو عائلھنك متزلزل

سنه
 ۱۱۶۰
 ابن الاثير
 ابوالفدا
 دربلو

حکم و نفوذینی محافظهیه مقتدر اولیوردی . فقط نهایت
سلطانک کنديسنه ياديني حقارته تحمل ايدهمدی . سليمان
شاه ، سرايلرندن برنده اكلنمكه كيتمك اچون همدان
چيقمشدي . امير كيدوب سلطاني كوردی . بوحر كتندن دولايي
بعض مؤاخذاتده بولوندى . سلطان دالقاو قلرينه امير ايله
اكلنمه لرینی وقارشيسنده بعض مناسبتسز حر كترلده بولونمه لرتي
امر ايتدی . شرف الدين ، انتقام آلق اچون برمدت صوكره
بويوك بر ضيافت ويردرك سلطاني دعوت ايله دی . سلطان
سرخوش اولور اولماز كنديسنی بر حبسخانهیه نقل ايتديلر . امير
اوراده سلمانی بوغدیرتدی [۱] . سلطان ملك شاهیه ده
اصفهانده عینی زمانده زهرله دیس .

ابوالفدا
دربلو
سليمان شاهك خبر وقائی شایع اولونجه ایلد كز يكرمی
بيك نفری متجاوز بر اردو ايله آرسلان شاهي همدانه
كوتوردی [۲] . شرف الدين كنديسنی استقبال ايدهرك سرايه
كوتوردی . اوراده تخنه اوتورتدی . صوكره بغدادده آرسلان
شاه نامنه خطبه اوقونماسی اچون امر كوندريلدی . فقط
خليفه مستنجد آرتق سلچوقيلرك حكم و نفوذندن قورقاديعی
جهتله بوامری اجرادن امتناع كوستردی . اصفهان واليسى

[۱] ۵۴۵ سنه سی ربیع الآخرنده . برروایته كوره تسميم

ايتديرمشدی .

[۲] ابوالمظفر زين الدين عنوانی المشر .

قیماز ۱۱. Kimaz، ری والیسی انبانج Enbanedge ده
 آرسلان شاهی طانیماه رق عصیان ایلدیلر . سلطان عنوانی
 یکنلرندن محمد سلچوق شاهه ویردیلر . بویوک بر اردو ایله
 همدانه دوغرو ایلرله دیلر . فقط آرسلان شاه بونلره قارشی
 قزوینه قدر یورودی ، بوشهر جوارنده اونلری مغلوب ایتدی .
 یکی سلطان مقتول اولدی . ایکی عاصی ری شهرینه قاچدیلر .
 فقط اوراده کندیلرینی تحت امنیتده کورمدکلری جهته
 مازندrane قدر کیتدیلر . بومحاربه بیتر بیتمز ، آرسلان شاه ،
 شمال ولایتلرک امدادینه قوشمغه مجبوریت حس ایتدی .
 خرسیتیان دینه سالک اولان و ممالکی کورجستان ایله چرکستان
 آره سنده کائن بولونان آبخاز Abkhaz [آبازه ؟] قرالی
 آذربجانه دخول ایله قزوینه قدر بوتون بوممالکی تخریب
 ایتدی . مستحکم قاق Cak قلعه سنی آلدی . آرسلان آبخازلری
 بوقلعه قربنده مغلوب ایدهرک قلعه یی استرداد ایتدی و بوقوملری
 مملکتلرینه دونمکه مجبور ایله دی .

خوراسانده سلچوقیلرک نفوذی بوتون بوتون سونمکه
 اولدیغی صیراده ایشته آرسلان عراق عجمده بویله برآز تأسیس
 قدرت وشوکت ایدیوردی . خوراسان ولایتنده سنجره خلف
 اولان محمودده سلطان عنوانندن باشقه برشی یوقدی .

[۱] بوقعه و آبخازلرک استیلاسی بدایت سلطنتده وقوعه کلش
 اولمالیدر . فقط دربلودن باشقه برمأخذده تصادف ایتدیکم کی
 اوده واضح بر تاریخ کو سترمدیکندن سنه سنی بوراده اشارت ایده میورم .
 عربلر ، سلچوقیلرک بوندن صو کره کی تاریخلری حقنده معلومات ویرمیورلر .

سنه
 ۱۱۶۱
 ابوالفدا

حکم و نفوذدن محرومدی. باشلیجه نیشا بورلرک جرئتکار اقلرینه قارشی هیچ برشی یاپه مایوردی. بونلر برر اشقیا رئیس حالی آملر، اطرافی یغما و تخریب ایدوب دوریورلردی. سراینده کی امرادن مؤید آی ابه نامنده بری بر مقدار عسکر ایله کیدوب نیشابوره هجوم ایتدی [۱]، شهرنی تخریب ایله دی. بواشناده بویوک بر کتبخانه محو اولدیغی کی طاهریه سلاله سی طرفندن خلیفه مأمون زماننده بنا و مؤخر آسلاطان طرفندن تعمیر ایتدیرلمش اولان مشهور بر قلعه ده خراب اولدی. آی ابه Aibeh نیشابورک سورلرینی تعمیر ایتدیردی و اوراده ساکن اولدی. صوکره قومس ۱۲۱ Comos شهرینی اله کچیردی. بونک اوزرینه سلطان آرسلان شاه کندیسنه برخلعت ایله هدیه لر کوندردی. آی ابه خطبه یی کندی نامه او قوتدی. بوايسه محمود قارشی بر عصیان دیمکدی. تاریخ آرتق محمودک احوالندن هیچ بحث ایتیمور. آی ابه [۳] هرات شهرینی ده ضبط ایتدی. بر مدت صوکره، خوارزم ایمپراطورلغی سببیه تکش ایله حال حربده بولونان سلطان شاه طرفنی التزام ایتدیکی جهته تکش طرفندن قتل ایدیلدی. اوغلی طوغان شاه اوکا خلف اولدی. فقط خوارزم سلطانلری طرفندن مغلوب ایدیلرک اونلرک تحت تابعیتنه کیردی.

[۱] ۵۵۶ تاریخ هجریسنده.

[۲] ۵۵۸ » »

[۳] ۵۶۰ » » و ۱۱۶۴ تاریخ میلادیسنده.

آرسلان شاهه کلنجه، آنخازلرك محاربه سندن صو کره [۱]	سنه
اصفهان کیتدی. اورانک والیسی بولونان آتابک زنگی السلغری اوکا بیعت ایتدی. زنگی یی اصفهان والی کینده ابقا ایلهدی. حدود لرینی فارس ولایتنه قدر توسیع ایلهدی. . مازندرانه چکیلمش اولان انباج خوارزم سلطانندن امداد آلدقن صو کره ۱۲۱۱ یکیدن عراق عجمه کیرمش، ابهر، قزوین شهرلری جوارلرینی تخریب ایتمشدی. هیچ منتظر اولمادیغی بر صیراده سلطان ایلد کز ایله برلکده کلوب اوزرینه هجوم و مازندرانه قاچغه مجبور ایتدی. صو کره ۱۲۳۱ انباج ری شهرینه دوغرو کلدی. اورایه کوندریلمش اولان ایلد کزک اوغلی محمد قارشی بعض موفقیتلره نائل اولدی. فقط ایلد کزک اردوسی هرشیئی تعمیر ایتدی. بوقوماندان سلطان ایله صلح یاماسنی انباجه تکلیف ایلهدی. انباجک بالذات آرسلان شاه نردینه کیمه سی شرطیله معاهده عقد اولوندی. ملاقاتک وقوعه کله جکی کوندن اولکی کیجه انباج مقتول بر حالد بولوندی. جنایتی کیمک ارتکاب ایتدیکی آکلاشیلمادی. بونک اوزرینه آرسلان شاه ری والی کینی و انباجک قیزی ایلد کزک اوغلی محمد ویردی. بو ازدواجدن قتلغ انباج دوغدی. برقچ سنه صو کره ۱۲۴۱ آرسلان شاهک والده سی، بونی متعاقبده الک قوتلی بر استنادکاهی اولان ایلد کز وفات	۱۱۶۳ در بلو ۱۱۶۵ ۱۱۶۷ ۱۱۷۲

[۱] ۵۵۹ تاریخ هجریسنده

» » ۵۶۱ [۲]

» » ۵۶۳ [۳]

» » ۵۶۸ [۴]

ایتری . بونلرک وفاتی کندیسنی بویوک بر حیرت و کرده
دوستوردی . صاراروب صولمغه باشلادی و بوخسته لقدن
قورتولامادی . ایمپراطورلنی اوغلی طوغروله براقه رق وفات
ایلدی ۱۱۱ . طوغرول در حال سلطان اعلان ایدلدی . فقط
بادنچار نامند کی امیر آذربایجانی ضبط ایتمک ایسته دی . دیگر بر
طوغرولک مخدومی اولان محمدده عراقه کیریوردی . ایلد کزک
اوغلی محمد ایله قارداشی قیزیل آرسلان بونلرک ایکیسنی ده
مغلوب ایتدیلر .

سنه
۱۱۷۷
ابوالفدا
در بلو

۱۱۶۸
ابوالفدا
در بلو
نویری

ایلد کزک اوغلی محمدک وفاتی ۱۲۱ سلطانک ایشارنده بویوک
برتحول حصوله کتیردی . محمد آذربایجانده بر حکمدار کبیدی .
رادری قیزیل آرسلان اوراده کندیسنه خلف اولدی .
ساجوقیلرک قوت وشوکت دورنده بغدادده خلیفه اولرله قارشی
نه موقعده بولونیورسه سلطانده بو کوچوک ملکله قارشی عینی
وضعیتده بولونیوردی . سلفندن دها حریص جاه اولان قیزیل
آرسلان سلطانه اهمیت ویرمدی . هرشیئی کندی آرزوسنه
کوره اداره ایتمک ایسته دی . سرای تفرقه ایچنده قالدی .
طرفین سلاخلاندی . قیزیل آرسلان همدانه یاقلاتدی ۱۳۱ .
فقط سلطانک طرفی غلبه چالدی . طوغرول بوتون جوار

۱۱۸۷

[۱] ۵۷۳ تاریخ عجمیسنده .

» » ۵۸۲ [۲]

» » ۵۸۳ [۳]

مملکتلره صاحب اولدی . بونک اوزرینه بغدادده خطبه نیک
 دندی نامه او قونماسنی خلیفه ناصردن طلب اید بیلیمک اقتدارینی
 کندیسند کوردی . عینی زمانده ، بغدادده کی سلطانلر
 سبراینک تعمیرینی ده امر ایتدی . خلیفه هیچ بر جواب
 ویرمکسزین سفیری کری کوندردی . سرایی ییقیدردی .
 او صورتده که هیچ بر اثری قالمادی . قیزیل آرسلا نه ده عسکر
 ویردی . وزیر جلال الدین ابن یونس طرفندن قوماندایان
 بو اردو بغداددن چیقدی ، همدانه یاقلاشدی . فقط قیزیل
 آرسلان وعدی موجبنه کلوب بو اردویه التحاق ایتدی .
 طوغرولک اردوسی طرفندن بو عسکرک مغلوب ایدیله سنه سببیت
 ویردی ۱۱۱ . قیزیل آرسلان عراق کبراسنی کندیسنه جلب
 ایتکی و اونلرله سلطانی اله کچیرمک چارده سنی دوشونمکی ترجیح
 ایدیوردی . بو امر اجریان ایدن احوالدن دولایی عرض تأثرات
 ایتک و عفو لرتی استرحام ایچون بالذات عزیمت لرینه مساعدده ایسته مک
 اوزره طوغروله برینی کوندرمکی قرارلاشدیردیلر . طوغرول
 بوسوزلره ایناندی . کله لری ایچون برکون تعیین ایتدی .
 او کون طوغرول جرید اوینایه جقدی . فقط امیرلر کانیجه
 کندیلری دها غلبه لق ، ایجه مسلح اولدقلری ایچون طوغرولی
 توقیف ایتدیلر ، قلعه النجو یعنی التجا قلعه سی دنیان غایت
 مستحکم بر قلعه یه کوتوردیلر . قیزیل آرسلان ، سنجرک

سنه
۱۱۸۸

اوغلی سلیمانی تختہ چیقہ-ارمق املیلہ درحال ہمدانہ قوشدی .
فقط خلیفہ نك كندیسنی سلطان اعلان ایتدیرمه سی ایچون
بونك غایت مناسب بر زمان اولدیغنی سو یلدیكنی خبر آنجه
بو توصیه یه رعایتله سلطانلغنی اعلان ایتدی . کندی نامنه سکه
کسیدردی .

بوجر شکارانه تشبث بوتون مقدراتی بر آن ایچنده محو
ایتدی . دیگر امرانك بویله بر حرکتدن دولانی حسد
ایتمه ملری قابل دکلدی . هر طرفده قیزیل آرس-لان علیهنه
ترتیبات قورولدی . بر کون قزیل آرس-لان مقتول بولوندی [۱] .
طوغرولك ممالکنی امرا کندی آرالرنده پایلاشدیلر .
طوغرول، حسام الدین نامنده بر قوماندانك ترتیباتی سایه سنده
محبسدن فرارده موفق اوله رق ۱۲۱ ترامپت اوردیردی ، ازوقت
ایچنده بویوک براردو طوپلادی ، عاصیلری مغلوب ایتدی .
احراز ایتدیکی بوغلبه اونك ایشلرینی دوزلتمدی ایسه ده بر آز
صو کره قتلغ انبانجك والده سی فیرنه Firnah طرفندن آرقلادی
تسمیم ایتدیریله جکدی . بوقادین ، سراینده اوتوریوردی .
بوجناتی اوغلی ایچون ارتکاب ایتشدی . وقعه دن خبردار
اولان طوغرول ، حاضر لادیغنی زهری اوکا ایچرتدی . اوده
درحال وفات ایتدی . صو کره انبانج ی توقیف ایتدیردی .

[۱] ۵۸۷ تاریخ هجریسنده .

[۲] ۵۸۸ » »

بوکا قارشى كوستردىكى علوجناب كرك كندىسنىڭ كرك عائىلەسىنىڭ
باعث فلاكتى اولمشدر. انبالج مېسدىن چىقار چىقماز خوارزم
سلطانى تىكش ايله كىزلى مناسباتە كىرىشەرك اونی عراق عجمى
فتحه تشويق ايتدى. بوسلطان كلەرك رى شەرىنى ضبط ايلەدى.
فقط برادرى سلطان شاهك خوارزمدهكى حرکاتى برمدت
ايچون مملكتەنە عودتە كندىسنى مجبور براقدى. بونك اوزرىنە
طوغرول طبرك قلعهسىنى وخوارزمىلرك ضبط ايتش اولدقلىرى
سائر موقعلىرى استرداد ايتدى ۱۱۱. صوكره انبالجى مغلوب
ايله يەرك ۱۲۱ خوارزمە چكىلمكده مضطر براقدى.

سنه

۱۱۹۳

۱۱۹۴

بوتهلكلى دشمندن خلاص اولونجه اسفاشته ترك نفس ايتدى.
سعادتنه پك كوودنيور، اذواق وحظوظات آراسنده اويوشوب
قالىوردى. خوارزم سلطانىك تىكرار عراقه عودت املنده
اولدىنى آكلاشلىدىنى جهتله بونك هجوملىرىنى دفعه قادرا ولايىلمك
اوزره احتياطلى داورانمق لزومندن بحث ايدن امرانك سوزلىرىنى
هيچ ديكلميوردى. هر كس كندىسندن يوز چويردى.
امراء، طوغرولى سراينده عافل باصديرمق غير قابل اولمايه جغنه
دائر خوارزم سلطاننە خبر يوللاديلر. بوسلطان بوتوصيه يى
اهمال ايتيهرك او قدر استعجال كوستردى كه طوغرول هنوز دها
شراب مخمورلغندن آيئادن رى قايليرىنە واصل اولدى. طوغرول

در باب
ابوالفدا

[۱] ۵۸۹ تاريخ هجرىسنده.

[۲] ۵۹۰ » »

سلاحلرینه صاريله رق دشمه قارشى يورودى . فقط دشمنه اينديره جكى شدتلى برضربه كندى بار كيرينك اون آياقلارندن برينه راست كلديكى ايجون حيوان يره ييقتىلدى . طوغرول دوشدى . كنه يىنى يرده كورن انبالج در حال اوزرينه دوغرو قوشه رق اونى اولدىردى . ايشته شرقليلار ك جيسارتندن دولايى اك بويوك قهرمانلرینه تشبيه ايتدكارى بو حاكمدارك عاقبتى بويه اولمشدر . قدرت شاعرانه سى حسييله اك بويوك شاعر لرله هم عيار طوتوليوردى . هنوز سرمست برحاله حربه شتابان ولور كن ايرانك اك بويوك شاعرى اولان فردوسينك شو شعرينى انشاد ايتديكى روايت اولونيور : « ايلريله ين اردونك قالديرينى توزلر اوزاقدن كورولور كورولمز عسكرلر مك وقومانلر مك يوزلرى مسرتدن پارلدادى . كوزمله دشمنلر مك آراسنده عسكرمه يول آچدم . زور بازوم ايله ، اكرمدن اينمكه حاجت قالمه دن ، دنيايى برد كرمن طاشى كې دونديردم . » بو حاكمدار ايله ايران سايچوقيلارى سلاله سى سونمشدى . ايران سايچوقيلارينك شوكت و قدرتي ايلك سلطانلر زماننده توركستان حدودلرندن آناطوليه قدر انتشار ايتمشدى . ايران سايچوقيلارى يوز اللى سكزسنه حكومت سورمشلردر . بعض مورخلر بونلر ك مدت حكومتى دهها زياده كوسترلر . چونكه طوغرول بكك ايلك سفرلرينى ده حسابه قاتارلر . بوسايچوقيلار ك ميدان چيقمغه باشلاقلرى آندن منقرض اولدقلرى زمانه قدر كچن

مدت ایکی یوزاون بش سنه یه بالغ اولور. بونلرک انقراضندن صوکره
مملکتلرینک ال بویوک قسمنی خوارزم سلطانلری اله کچیردیلر.
خلیفه لر اکتساب ایتدکلری حریتدن چوق مدت مستفید اولار.
مادیلر. همان بوتون سوریه بو خوارزمیلرک آقینلرینه معروض قالدی.
ایوبی حکمدارلری ایله قونییه سلاجوقیلری ایچون بر آفت
تشکیل ایتدیلر. فقط بو فیرطنه یی ده-ا بویوک بر فیرطنه
داغیتدی. موغوللر خوارزم قطعه سنی ضبط ایتدکدن صوکره
ایرانه، سوریه یه کیردیلر، بغداد خلیفه لرینی تمامیه محو ایتدیلر.
بغداد خلیفه لری مصره قاچغه مجبور اولدیلر.

غربی آسیاده تأسس ایتش اولان بوتون سلاجوق
شعبه لری موغوللرک استیلاسی اثناسنده منقرض اولدیلر.
سلاجوقیلر ایرانده، سوریه ده، ارمنستانده، آناتولیده بویوک
فتوحاته نائل اولدقن صوکره مختلف قوللره آیریلشیلر،
بوصورتله غایت قوتلی یکی ایمپراطورلقلر وجوده کتیرمشلردر.
شیمدی کرمان قطعه سنده حکومت سورمش اولان سلاجوقیلردن
بحث ایده جکم. بو، اهمیتلی بر سلاله دکلدر. آشاغیکی کتابلرده
حابده سلطنت ایتش سلاجوقیلرک تاریخی ایله استانبول قایلرینه
قدر اوزانان قونییه سلاجوقیلرینک تاریخی کوروله جکدر.
الیوم استانبولده حکمران اولان عثمانلی تورکلری بوقونییه
سلاجوقیلردن کلکده درلر.

کرمان سلجوقیلری

یاخود

Cadherdiens

قاوردیله

سلجوقیلرک بو ایکنجی قولنک تأسس ایتدیکی کرمان ولایتی ایرانده فارس ولایتی ایله سجستان و مکران بینده کائندر . جنوب طرفنده بصره کورفزی ایله محاطدر . ایران ایمپراطورلغنک عربلر طرفندن محاسندن صوکره کبر یاخود آتش پرستلردن بویوک بر قسمی بو ولایت چکیلرک اوراده زمانمزه قدر پایدار اولمشلر و کندی دینلرینی محافظه ایتمشلردر . بو ولایتک پایتختی و قتیله ششتر Chauschir شهری ایدی . ساسانیان سلاله سنک ایملک حکمداری اولان آردشیر Ardeschir بابکان Babegan- طرفندن بنا ایدیلشدی . بوندن دولایی بو شهره برد آردشیر یعنی آردشیر مملکتی نامی ویریلشدی . بوکون قیصه جه بردشیر تسمیه ایدیلیور . فقط آرتق ولایتک

پایتختی دکادر . صوکره کرمان شهری پایتخت اولمشدر والیومده
پایتخت بودر .

سلچوقیلر بو ولایتی غزنویلردن آلدیلر ، اوراده ایکنجی
برسلاله تأسیس ایتدیلر که کرمان سلچوقیلری یاخود قاوردیلر
Cadherdiens نامنی طاشیمشدر . مراجعت ایتدیکم مورخلر
بو حکومت حقنده هیچ معلومات ویرمیورلر . اونک ایچون
موسیو دربلونک شرق کتبخانه سنده ویردیکی تفصیلات ایله
اکتفایه مجبور اولدم . مع مافیه موسیو دربلونک ویردیکی
معلومات بر تاریخ اولمقدن زیاده بر حکمداران اسامیسی عد
ایدیلکه لایقدر . بو سلطانلر هر طرفدن ایران سلچوقیلریله
محاط اولدقلری ایچون تاریخده یک آز بر نشانه براققلری
شبهه سزدر . اکر آلدانمایورسهم بونلر ساده جه برر ولایت
والیسی ایدیلر . کندیلرینه سلطان عنوانی مقام افتخارده
ویرلمشدر . حکم ونفوذلری عراق سلطانلرینک کندیلرینه
بخش ایتدیکی درجه بی کچمه مشدر .

دربلو

سنه

۱۰۴۱

سلطان طوغرول بک کرمانک اداره سنی برادری جعفر
بک داوده [۱] ویردی [۲] . صوکره اوندن اوغلی قاورت
Caderdh ه کچدی . قاورت اوراده بویوک بر قوت ونفوذ
کسب ایتدی . سلطان دییه تلقی اولوندی . صوکره فارس

۱۰۶۳

ابوالفدا

[۱] ابوالمحاسن ۴۵۰ تاریخنده وفات ایتدیکنی سویلیور .

[۲] ۴۳۳ تاریخ هجریسنده .

ولایتی ضبط ایله [۱] معیتندہ آنجق درت بیک تورک بولونمقله
برابر یکرمی بیک دیلمی به قوماندا ایدن فضلو به الشببانکاری
Fadlouieh-el schounkari به بویوک برغلبه چالیدی . فقط
حرص جاهی یوزندن فلا کته اوغرادیدی . یکنی ملک شاهه
قارشی سلاحه صاریلغه جرأت ایتدی [۲] . اوزمان ملک شاه
آسیانک اک صاحب قدرت حکمداری ایدی . قاورت کرجه
Gurgé قربنده اردو قوردی . ملک شاه اوکا قارشی خوراسان
عساکرینی یوللادی . ایکی اردو اوچ کون قارشی قارشی به
دور دیلر . آنجق اوفاق تفک بعض مصادمه لره کیریش دیلر .
فقط نهایت محاربه عمومیت کسب ایتدی . ایرانده وقوعه
کلمش محارباتک اک خونریز لرندن بری جریان ایتدی . قاورت
مغلوب اوله رق اسیر دوشدی . خوراسانده بر حصاره کوتور و لیدی .
ملک شاه اوراده کندیسینی بوغدی رتدی . باشقه مورخلره
کوره همدانده تسمیم ایدیلمشدر [۳] . قاورت اوتوز ایکی سنه
حکم سورمشدر .

قاورت کیرینه اوغلی سلطان شاه کچدی . اون ایکی سنه
حکومت ایتدی [۴] . صوکره تختہ توران شاه ۱۵۱ چیقدی .

[۱] ۴۵۵ تاریخ هجریسنده .

[۲] ۴۶۵ تاریخ هجریسنده .

[۳] ۴۶۵ سنه سی شعباننده .

[۴] تاریخ کزیده دن Khozideh نقلاً در بلویه کوره .

فقط خوندامیره نظراً آنجق ایکی سنه سلطنت سورمشدر . ابوالحسن
۴۷۶ نارینخنده وفات ایتدیکنی سویلیور .

[۵] ۴۷۷ تاریخ هجریسنده .

در بلو
ابوالحسن

سنه
۱۰۷۳

۱۰۸۴

اون اوچ سنه کرمانی حسن اداره ایتدی . عادل و حکیم
 بر حکمدار شهرتی قازاندی . محاربات سالفه نك براقدیغی
 تشوشاتی ازاله یه چالیشدی . توران شاه ایران سلجوقی
 حکمدارلرینك نفوذی آلتنده حکومت ایتدی . حین وفاتنده
 حکومتی اوغلی ایران شاهه براقدی [۱] . فقط اوغلی کندیسنك
 مزیاتنه وارث اولمامشدی . ایران شاه او قدر حدید و ظالم
 بر حکمدار ایدی که کندیسندن نفرت ایدن تبعه سی اونی
 بش سنه سلطنتدن صو کره قتل ایتدیلر [۲] . اوزمانه قدر بر قوندیره جی
 دکاننده احتفا ایتمش اولان یکنی آرسلان شاه ایران شاهك
 وفاتندن صو کره موجودیتنی بیلدیردی . اکابر دولت طرفندن
 تحته اصعاد ایدیلدی . قرق ایکی سنه حکومت سوردی .
 ایران سلجوقیلری بوندن قورقورلر و کندیسنه حرمت
 کوستریورلردی . بوتون دور سلطنتنده اوکا هجوم ایتمکدن
 احتراز ایلهدیلر [۳] . اوندن صکره تاج ، اوغلی محمدك باشنه
 کچدی . محمدك عنوانی مغیث الدین Moghiat-eddin ایدی [۴] .
 بو حکمدار کرمان تاجنه دها امنیتله تصرف ایتمک ایچون بوتون
 برادرلرینی قتل ایتدیردی ، یاخود کوزلرینه میل چکدیردی .
 علم نجوم ايله پك مشغول اولدی . مبانی یاپدیرماسندن پك

سنه
۱۰۹۶

۱۱۰۰

۱۱۴۱

[۱] ۴۸۹ تاریخ عجزیسنده

[۲] ۴۹۴ » »

[۳] ۵۳۶ » »

[۴] بعض مورخلر بوکا توران شاه دیرلر .

خوشالانیوردی. مدت سلطنتی اون درت سنه در [۱].

سنه
۱۱۵۶
ابوالفدا
در بلو
۱۱۶۹

محمدك اوغلی طوغرول شاه پدرینك یرینه تخته چیقدی.
اون ایکی سنه سلطنتدن صوکره وفات ایتدی [۲]. بهرام شاه
و آرسلان شاه اسمنده ایکی اولاد براقشیدی. بونلر یکرمی
سنه تخت غوغاسی ایتدیلر. جوار حکمدارلرینی ده کندی
منازعه لرینه قاریشدیردیلر. نهایت آرسلان شاهك وفاتیه
اورتهلق سکونت بولدی. بهرام شاه راحت راحت کرمانه
متصرف قالدی. بونك یرینه اوغلی محمد شاه کچمشیدی. اقربا-
لرندن ساجچوق شاه نامنده برشهرزاده بوسلطانی تختندن محروم
براقغه تشبث و اونی او زمان ایرانده حکمدار اولان سلطان
آرسلان شاهه مراجعته مجبور ایتدی. سلطان آرسلان
شاهدن آلدیغی قوه امدادیه ایله دشمنی مغلوب ایتدی. فقط
سلاله اعلیدن اولوب بو سببیه خلافت ادعاسنده بولونان ملک
دینار کندیسینی کرمان تختندن محروم براقدی [۳]. ایشته
بو صورتله بو سلاله منطفی اولمشدر.

صوکره لری کرمان خوارزم سلطانلرینك تحت اداره سنه
کچدی. اونلرك النندن ده قاره خطاییلر طرفندن ضبط ایدیلدی.
بو سلاله یی، خوارزم سلطاننك کرمان والیکینی توجیه
ایتدیکی براق حاجب تأسیس ایتمشدی.

[۱] ۵۵۱ تاریخ هجریسنده وفات ایتمشدر.

» » ۵۶۵ [۲]

» » ۵۸۳ [۳]

ایشته بوتون آسیای تیتتمش اولان سلچوقی ایمپراطورلغنک
مقدراتی بودر. بو حکمدارلرک تصرف ایتدکاری مملکتلرک
وسعتی اولنرک باعث انقراضی اولدی. قدرت و عظمتلریله
سر مست اولدقلرندن ولایتلرک اداره سنی حریص جادقومانلرله
ویردیله. سرایلرنده ذوق و صفایه دالیدله. سرایدن چیتمالری
عائله لری ایچنده ظهور ایدن اغتشاشاتی تسکین ایتک ایچون
اولوردی. پک چوق قوت اکتساب ایدن ولایت والیلری
بو محارباته اشتراک ایدرله و دائماً خدمتترینک مکافاتی اولمق
اوزره باشقه بر طاقم والیلرکله ویاخود توسیع ممالکله نائل
اولورلردی. بو صورتله صاحب اولدقلری یرلرده برر حاکم
کسیلیورلردی. ایشته بو یوزدن بوتون ایمپراطورلغی اللرینه
آلیدله. آرتق سلطان عنوانی قورو بر لافدن عبارت فلدی.
والیلر بو عنوانی استحصال ایده بیامک املنی بسله مکه باشلادیله.
سلچوقیلرک دشمنلری اولان جوار حکمدارلرله قارشى یالاکز
باشلرینه کیریشمکه مجبور اولدقلری محاربه لر بو والیلری دهه
مستقل بر حاله کتیردیله. هپسی حقیقی برر حکمدار حاله
کیردی. اصل حکمدار ایمپراطورلقدن محروم قالدی.

اوچنجی جلدک صوکی

يدنجى كىتاب

ھوئەي قە توركلرينك ۶۲۹ سنە ميلادىيە سىندىن ۱۰۴۳ سنە سنە قدر تارىخلىرى . . . شىرق توركلرينك انقراضى . . . ھوئەي قەلرك چىنلىكلەرلە ۋىيىتلىكلەرلە محاربەلىرى . . . ھوئەي قەلرك چىن ايمپراطورلىغى تىكرار تاسىس ايتىملىرى . . . تاتارىستاندا مانىكىلەر ، ۋىيىتلىكلەر نفوز و سطونى ، ھوئەي قەلرك ماوراء النهرە ضرورلىرى . . . سامانىلرك انقراضى ۷

سىكىزىنجى كىتاب

شاتو ياخودباغارغار توركلرينك ۶۵۷ سنە ميلادىيە سىندىن ۹۷۹ سنە ميلادىيە سىنە قدر تارىخلىرى - چىندە وقوعە كلن اختىلالار ك خلاصەسى ۶۱

۱ -- شاتو توركلرينك تسىن نامى آلتىندە چىنك شىمال حدودلرىندە تاسىسلىرى . . چىنلىكلەرلە محاربەت . . شاتولرىلاردىن چىنك شىمال ولايتلىرىنىك ضبطى ، لە آملر سىلالە سىنك انقراضى . . شاتولر چىن ايمپراطورلىرى اوليورلر وتام نامى آليورلر . . خىتانلرلە وتانغوتلر ياخود هيا قراللىرى ايله محاربەلىرى . . تسىن سىلالەسى ايمپراطورلىرى طرفىندىن شاتو ايمپراطورلىرىنىك محو ايدىلەسى . . چىن ايمپراطورلىغىنىك پايدار اولماسى حقىندە ملاحظات ۶۳

۲ -- شاتو توركلرينك ھان نامى آلتىندە تىكرار تاسىس ايتىملىرى . . ايمپراطور عنوانى آلتىندە چىنە تىكرار صاحب اوليورلر . . خىتانلرلە و چىندە مؤسس سائر كوچوك قراللىقلرلە محاربەلىرى . . ھانلرك طردى . . چىنك شىمالىندە شىمال ھانلىرى نامى آلتىندە تاسىس ايتىدكلرى دىكر سىلالە . . خىتانلرك انقراضى ، نيوجە تانارلرينك تاسىسى ، خىتانلرك كورجىستانە ضرورلىرى . . مشهور سونغلر سىلالە سىنك چىندە تاسىسى وبوتون بو ايمپراطورلىغى عىنى برسالا آلتىندە برلشمەسى ۱۵۹

دوقوزنجى كىتاب

- ھوئەى قە توركارىنك و دىكرلرىنك خليفەلر ايمپراطورلغىنە
 ۲۰۷ . مرورى --- عربلرك و (حضرت) محمدك مختصراً تاريخلىرى .
 ۱ . مصرده بنى طولون توركارىنك ۸۶۸ سنە ميلادىيە .
 سندن ۹۰۵ سنە سنە قدر تاريخلىرى --- سوريەدە خليفەلرلە
 وروملرلە محاربەلرى --- بنى طولونك احتشامى --- قرامطەنك
 .منشائى و مختلف مذهبلىرى --- بنى طولونك خليفەلر طرفندن
 ۲۰۹ . محو ايدىلەسى
 ۲ --- اخشىديە توركارىنك مصرده ۹۳۵ سنە
 ميلادىيە سندن ۹۶۹ سنە سنە قدر تاريخلىرى . ---
 سوريەدە حمدانىلرلە محاربەلرى . --- فاطمىلرك آفريقادە
 ۲۴۴ . تأسىسلىرى . --- مصرك فتحى و اخشىديەنك انقراضى ...
 ۳ --- غزنوى توركارىنك غزنەدە و ماوراءالنهر دە ۹۶۱
 سنە ميلادىيە سندن ۱۱۸۲ سنە سنە قدر تاريخلىرى . ---
 سامانىلر ، آل بويه ، ھوئەى قە توركارىلە محاربەلرى
 . --- هندستانك ، ايرانك ، كورجستانك بر قىسمىك
 فتحى . --- غورىلرك تأسىسى ، غزنوىلرك انقراضى ،
 ۲۵۷ . سلچوقىلرك ايرانە مرورى

اونجى كىتاب

- ايران سلچوقىلرى توركارىنك ۱۰۲۹ سنە ميلادىيە سندن
 ۱۱۹۴ سنە سنە قدر تاريخلىرى --- آل بويهنك انقراضى ،
 بغدادك ضبطى --- مديە و كورجستان قىطعەلرىنك ضبطى ---
 بو توركلرك استانبول دەكى روم ايمپراطورلىلە محاربەلرى
 --- روما ايمپراطورى ديوتزەنسك ھزىمتى واسارتى ---
 باطنىيەنك منشاءلىرى ، ايراندە و سوريەدە تأسىسلىرى ---
 سلچوقىلر ايمپراطورلغىندە اغتشاشلار و آيرىلقلر --- غوزلرك
 ياخود اوزلرك خوراسانى استىلالىرى --- سلچوقىلرك
 ۳۰۷ . انقراضى
 ۴۴۱ . كرمان سلچوقىلرىنك ياخود قاوردىلرك تاريخى .

DATE DUE

To renew
call 292-3900

[illegible]

The Ohio State University
Form 10620

MAIN STACKS

stx

D141

G8193

1923

v.3